

54
ALEXANDRI
NEVYLLI
ANGLI,


De furoribus Norfolcien-
sium Ketto Duce,
Liber unus.

Eiusdem
NORVICVS.



LONDINI,
Ex officina Henrici Binne-
mani Typographi.

Anno salutis humanæ
C15.15.1XXV.



In obitum amplissimi Præ-
sulis, Matthæi Parkeri Cantuar.
Archiepiscopi eiusdem
Alex. Neuylli carmen.

SIC CONSTAT mortale nihil: sic luminis oras
Quæ subeunt, abeunt: rapit (heu) rapit omnia tellus
Quæ peperis: refugusq; vigor mortalibus ævum
Decurtat miserum: dociles non parcere Parca
Sic occant nimium: sic sic abrupta beati
Stamina Parkeri, tantum dant flere misello
Orbatoq; gregi, quantum bona commoda vita
Voluerat aureolus cursus, plebesq; regendi
Gnarus amor, sollersq; animus, fluidosq; premendo
Mite supercilium, mens & lentando modesta.

ET MEA quæ tanto viduata camæna patrono est,
Luget in abruptum: rursus decidua fati:
Rursus inhorrendas mundi sensura procellas.
O bene cælicola, tanto quod functus honore
Euicit linguasq; hominum, nigrasq; loquelas.
Quas spargit numerus, quas sacra insania ructat:

ERGO IACE venerande heros: & murmure stulto
Inuidia maiorq; omni, felixq; peracto
Obdormi stadio: nos hic tua facta sonamus:
Te pleniq;, & amore tui: te flemus ademptum.
Te te magne pater nos hic veneramur, amamus,
Et tanti æternum mirabimur acta magistri.

Libri post defunctum
patronum editi,
Protopopæia.

Flebile principium (si quid prasagia monstrent)
Fortuna auspiciū prosperioris habet.
sed quid habent veri prasagia inania? quæne
Possit ab hoc tanto spes superesse malo?
Da (Deus) auspiciū signis melioribus oro:
Huic metuo diras omina inesse minas.
Haud facile optatum cursu contingit honorem,
Turpiter in primo carcere lapsus equus.
Haud facile optati portus contingit arenas,
Infelix patrijs mersa carina vadis.
sed grauior fortuna mea est, & tristius omen
Ante ferè erepta est, quàm data vita, mihi.
Ecce extrema mihi vixdum superaddita lima,
Vix signata suis pagina prima typis:
Cum decus (heus dolor) ille ingens, decus occidit ingens,
Pars anima, & vita magna columna mea.
Fata queror nostris nimium contraria rebus,
Syderaq; auspicijs facta proterua meis.
Nam tua dum properant nimium, & mea fata morantur
Te mihi surripuit, (Spes mea) meq; tibi.
Infelix ego quid merui? cur Posthuma proles
Nascor, & in seros differor vsq; dies?
Ast quia non tecum patiantur viuere fata
O vtinam in tumulo dent latuisse tuo.

G. A.

Ad librum post defunctum
patronum editum, Carmen
consolatorium.

Non benè venales poscunt prætoria merces,
Hædæra laudatrix, vilia vîna decet.

Cætæra præsignes sibi quærant scripta patronos,

Claræq; Magnatum nomina fronte gerant :

Nîl opus ascitis titulis tibi, pone querelas.

In te præsidij est satq; superq; tibi.

Seu tibi diffidas, αὐδῶν tandem aspice Ἀλεξίῳ,

Is solet esse alijs, is tibi Ἀλεξίς erit.

Is pater est, idemq; simul pater, atq; patronus,

Ille dedit vitam, & proteget ille tuam.

Insuper ex merito Norfolkia tota patrona est,

Angliæq; ex merito est tota patrona tibi.

Adde quod ex alijs, vitæ exemplaria prisca,

Si quem delectent scripta, patronus eris.

Deniq; si quis erit qui quid memorabile gessit,

Vel non diffidat posse, patronus erit.

Nenè aliquis desit : cuius nunc funera luges,

Ipse etiam inuita morte patronus erit.

Nam fera quod potuit diro mors abstulit vngue,

Terræ quicquid erat, cætæra non potuit.

Corpore nam posito fama est & honore superstes.

(Quippe ab honore nihil mors violenta rapit.)

Corpore deposito viuit virtute superstes,

(De virtute nihil mors violenta rapit.)

Corpore deposito mente est, animaq; superstes.

(Sacra ex mente nihil mors violenta rapit.)

Ergo & honore suo, virtute & mente superstes.

Is tibi maiori parte patronus erit.

G. A.

415

In Alexandri Neuylly Kettum

Thomæ Drantæ carmen.

ERGO Neuylleo vulgare Kette cothurno,
Tua, furorq, tuus, scelus excidiumq, tuorum?
Utq, in grande nefas, atq, in sua vulnera versi,
Plebs hominum ruit, & sociarunt fœdera fures?

Ilicet est actum: totus de nomine puro
Tolleris, fama, niger turbare cæcos
Ad manes: tu voce viri, tu voce Neuylly
Sordescis, pollentis opes & numina lingua
Te vitiant, te, te, præstans facundia perdet.

O mihi post nullos memorande Neuylle disertos,
O docti pars multa chori: ceu namq, puellus
Ingenio, genio, calamo, sermone, puellus
Anteibas, ita virq, viros, ita maximus unus
Omni ætate viges, & nos post terga relinquis.

Nec tua quæ tanto præcellit Musa nitore,
Cui triuiale nihil, nunquam cui frivola cura,
Tam modicis fluere venis, inflaret auenas
Tam tenues, fieretq, humilis sub iudice mundo.

Te nisi non albi sereret lex ferrea fati,
In peius rerumq, vices, & moriger arctis
Præsulis imperijs animus flexit, fecitq, minorem
Marte suo, veteriq, bonum de more labare.

Cumq, tui valeant humeri, nec ferre recusent,
Et tuus antistes iam non sua iussa suburget.
Sumito materiam Iouis vel Casare dignam,
Desine tu Kettos, atque indiga dicere castra,
Hæc arbuta tace, teq, his exsolue myricis.

Tu cane vel reges, vel regia, maxima semper
Magne sona: canor & florens te gratia fandi
Intulerint cælo, potes, o potes, esse beatus.

I puer aurato inbeas velentur amictu,
Quæ sua prælustris perarabit cumq, Neuylly.

In historiam Alexandri Neuylli, Hendecasyllaba.

VIRBIVM ne putabis abs auara
Demissum Styge? posse vel renasci
Hospitem Pythici? vel enonari
Bis fata? ac iterum sepulta reddi
Terra corpora? quale fabulose
Solent fingere per iocum Poeta
Monstrum, quale vel impetu minore
Format Pythagoras renatus Orco.
Iurabis Linij, Salustijq,
Cesarisq, Demosthenisq, Gray
Calores veteres adhuc vigere,
Tulliumq, quiete Tusculana,
Novis sedulo rebus occupatum.
Nempè, qui novus exit hic libellus,
Nescis, utilior vè, dulcior vè,
Verior, melior, Latinior vè,
Maior, purior, elegantior vè.
Vnus ut referat fere vniuersos.
Sed nec numina fallier licebit,
Nec, quos cymba tulit, reuexit.
Expectas igitur, quis hos poliret
Libros? historiamq, tam eruditam?
Ille qui sapienter emulatus,
Quos etas prior exstulit, vel ipsos
Aequavit Zephyro secundiore.
Huc qui transtulit Atticos colores,
Romanumq, salem, decusq, lingua.
Cui cum munera summa largiantur
Pelasgi, Latijq, doctiores:
Nulli, quid tamen de suum reposcunt.
Atqui vis propius videre quis sit,

*Est, dico, studiosus omnis huius
 Virtutis bene quæq; ponderantis
 Hic quos longa premebat, inuidaq;
 Nube condidit atra nox, recludit
 Fastus, historiamq; cæciorem
 Ornat luce decenter insolenti.
 Hic nobis patrios lares, domosq;
 Auitosq; focos, fecitq; nobis
 Incunabula nostra notiora.
 Hunc ergo maneat (fauente fato,)
 Sera sacula posterum nepotum:
 Ut mistus Rhetorum choro, iacentes
 Terras despiciat volante fama,
 Nos cui brevis, ac inerte vena
 Ignoti, procul à foro remoti
 Admirabimur hæc, silebimusq;.*

Typographus Lectori.

*D*Edimus operam equidem (quantum in nobis fuit) uti liber iste
 purus & integer, nullisq; respersus lituris hominum in manus
 perveniret. Sed dum Author longius abesset, & pericula (sic folia
 appello quæ non serio, sed periclitandi tantum gratia exciduntur)
 ad eum sæpè nulla, prima raro, secunda verò nunquam deferrentur:
 factum est ut nostræ diligentia industriæq; non undequaque re-
 sponderis euentus: nonnullaq; (imprudentibus nobis) errata irrepse-
 rint. Ex his quadam expunximus: reliqua (propterea quia id in
 excuso iam codice minus commodè fieri posse videretur) quemadmo-
 dum corrigenda sint, se Lector optime admonendū curavimus. Vale.

Errata præli.

Prior numerus paginam, secundus lineam denotat.

21. 21. labefactandam, lege labefactandum 79. 8 metuentes, lege
 metuebant. 81. 1. spe, lege ope. 94. 1. incensæ, pro incensæ.
 95. 6. subdebilitatem, lege subdebilitatam. 98. vlt. Ita, lege Item.
 120. 1. & 2. animos vincendi, lege animis viuendi,

*Quadam inciderunt alia, quæ quàm apè potuimus
 quibusdam in locis emendavimus.*

REVERENDISSI-
MO IN CHRISTO PA-
TRI EDMUNDO ARCHIE-
PISCOPO EBORACENSI,

ANGLIAE PRIMATI,
ALEXANDER NE-

VYLLVS S. D.



OGITANTI

mihī (Præsul illu-
strissimē) cui nām
potissimū labores
consecrarem meos,
tu maximē eo mihī
munere dignus oc-
currebas, qui am-
plissimis tū in honoribus, tū in fortunis,
quibus diuina te clementia circūfudit,
maximarū quoq; virtutum splēdore cir-
cumfluis. Nam cū Cantuariensis (ille
magni nuper nominis Heros) cuius per-
illustri persona spes meæ dudum nitebā-
tur omnes, ab illiberali me otio, ad hanc

b. scriberendi

scribendi curam sollicitudinemq; traduxisset : nunquam suspicari (nedum vereri) mihi in mentem venit , fore vti meis optimis perinimica semper atque peraduersa fortuna consilijs , tam subito , tanto me rerum mearum presidio orbaret. Sed quemadmodū nihil est in vita quod non mihi sæpissimè fors iniecerit , quo me vexaret acerbi , neque vnquam tam secundis ventis vsus sim , quin ij mihi protinùs reflarint : ita huius præstantissimi Antistitis interitus , plagam mihi certè inflixit acerbissimam & sempiternam.

Et verò is miserijs huius molestissimæ vitæ perfunctus , integris sensibus , ætate optima , è vita , tanquam è scena benè peracta fabula discessit , meo autem magno malo detrimentoque interceptus extinctusq; , incredibile mihi præ cæteris omnibus sui desiderium reliquit. Proinde cogor à pontifice , ad pontificem , id est ab amplissimo & propè cœlesti viro (mor-
tuo

tuo tamen) ad viuum te, & præfulem, &
virum veris virtutum laudibus præstan-
tem, confugere. Quis autem hos libellos
exceperit, si tu reieceris? Aut quem mea
Posthuma proles tutorem inuenerit si tu
aspernabere? Aut cui denique hij nostri
labores, viuentis Archiepiscopi imperio
suscepti, & morientis testamento com-
probat, grati erunt atque iucundi si tibi
Archiepiscopo, & optimo, & sapientissi-
mo minùs probabuntur?

Verùm enim uerò maxima spe sum,
fore vt sicuti is nuper nobis solatium, or-
namentum, ac columen exstiterat, (sem-
perque proculdubio exstitisset, si semper
per etatem viuere licuisset) sic tu vicissim
(nam quis te vno aut sanctior vnquam,
aut dulcior est habitus?) nostræ sis orbi-
tati solitudiniq; præsidio futurus.

Neq; porro me ea deterrent, quæ sunt
in te summa omnia, eximius vitæ splen-
dor, grauitas admirabilis, doctrina pere-
gregia,

gregia, singularis prudentia, præsertim
cùm tantis illustratus excellētissimarum
virtutum luminibus, permultum meæ
obscuritati (ex tua amplitudine) splēdo-
ris adferre poteris: isq; vir sis qui in omni
vita, cum prudentia perinsigni, incredi-
bilem quoq; comitatem coniunxeris.

Itaque licet fortassis cuiquam audacter
nimis, atque subrusticè facere videbor,
qui te tantum Præsulem tam pænè nullis
affari non dubitem, tamen minori sum
verecundia, proptereà quia hoc quod
rogo, & tuæ personæ aptissimum erit, &
de mortui Antistitis volūtati, (si quis vita
functis sensus inest) in primis consenta-
neum. Rogo autem, vt quando is mori-
ens hos mihi libellos, (quos nunc ampli-
tudini tuæ dono dedicoque) typis per-
uulgādos reliquerit: (qui funesto omine
suscepti, & post defunctum patronum in
lucem editi, hominum ora cōspectumq;
horrent atq; refugiūt,) hijs tu ad gratiam

&

& nostrorum hominū existimationem
commendationi atq; decori esse digneris.
Tum si tenues tibi nimium atque ieiuni,
nimium rerum ac verborum inopes vi-
debuntur, & iccirco doctissimis perpoli-
tissimisq; tuis auribus indigni, feras tamē:
ijsque oculis, eodemque quibus omnes
bonos intueri soles vultu, contemplerē.
Quod æquissimo te facturum animo
(Præful optime) confido: tum quia potes,
tum quia soles benefacere quàm plurimis:
estq; hoc naturæ tuæ, tuisq; dulcissimis,
suauissimisq; moribus coniunctissimum.

DEVS Opt. Max. amplitudinem
tueatur tuam, concedatq; vt vbi perdiū
nobiscum in terris lætus atq; hilaris vixe-
ris, inter cœlites tandem cum CHRI-
STO IESV æuo perpetuo ac sem-
piterno perfruare. Londini. a. d.


VII. Kalend. Decemb.

CIO. IO. LXXV.


Amplitudini tuæ deuotissimus,
ALEXANDER NEVYLLVS.

et non solum hominem existimant
comitum rectorum sed et de
Tunc si tenes ubi nuncius ad te
nuncius rem ac verborum inopes
debetur & sicco doctus in
cuiusmodi tunc aures indigne
ipse oculis, eodemque cubus omnes
bonos inter soles vult, contempla
Quod repulsum to laetum animo
(Prælii optime) confido: cum quia potes
tam prius solas bene facere quia plures
est: hoc nunc tunc, tunc, dicitur
invisibilis: moribus connotissimus
DEVS Op. Max. amplificationem
tueat nam, concedat: ve videri
nobiscum in terris laus ad hanc
ris inter coelites tandem cum CHR.
STO IESV suo pectore ac sem
piterno perfusa. Ordini. a. d.
VII. Calend. Decemb. anno
civ. lxxv.

Alexander Nevil
Ambrosius de Nevil



Reuerendissimo in Chri-
sto patri D. Matthæo Cantua-
riensi Archiepiscopo, totius Angliæ
Primate & Metropolitano,
ALEXANDER NEVILLVS.



IVINITVS
contigisse puto
(Præsul am-
plissime) vt
quã Deus opt.
max. amplitu-
dini tuæ sedem
ac domicilium
esse voluerit,
eadem sit etiã
hoc difficilimo

tempore mœrori meo ac solitudini perfugium.
Nam cum insigni ac propè admirabili laude a-
pud omnes bonos circumfluas, cumq̃ tibi summum
dignitatis decus vniuersi tribuant, & singularis
A. cuiusdam

cuiusdam sapientiæ atq; cōstantiæ laudem imper-
tiant, in his tantis molestijs, quibus vndiq; circum-
fusus sum, quid mihi accidere potuit, vel ad præ-
sentis vitæ cōditionem illustrius? vel ad præteriti
temporis solatium iucundius? vel ad futuræ ætatis
spem præstatius? quàm in domo tanti Pontificis,
tanta virtute, facilitate, & morum elegan-
tia redundantis assiduè versari? Itaque sic affi-
ciebar interdum, vt quoties istius rei mihi in mē-
tem venisset (venit autē sæpissimè) toties omnes
illæ curarum vndæ quæ in animo perpetuò effer-
uescebant meo (quasi mare ventis cessantibus)
continuò deferbuerint. Et certè, dum nihil vndiq;
nisi pudicum, nihil nisi pietatis, pudoris, ac conti-
nentiæ plenum intueor, sit, nescio quo pacto, vt de-
siderio acriori, ac multò (vt mihi videor) vehe-
mentius incenso, ad illarum rerum imitationem
inflammor. Accedit huc etiam, quòd non plus opi-
bus & potentia, quàm illustri humanitatis laude
præcellas: neque solùm eos, qui tibi famulantur,
fortunis ac facultatibus iuues, verū etiam gratia,
fauore, consilio, auctoritate, beneficentia sustētes.
Vndè

EPISTOLA.

*Vnde adeò factū est, vt tacitā inconsideratæ teme-
 ritatis meæ reprehensionem non magnoperè per-
 timuerim, quòd amplitudinem tuam his meis li-
 terulis tam fidenter affatus sim. Neq̃ enim fieri
 potest, vt humilimum amplissimus, aut sui obser-
 uantissimū humanissimus Pontifex aspernetur.
 Quapropter ardentissimis votis ac precibus obte-
 stor, vt hos industriæ meæ flosculos verius quàm
 fructus, quos honori tuo obtulero, (obsequij & a-
 moris monumentum erga te mei) læta fronte ac
 benigna suscipias. Quod te facturum pro illa tua
 præstanti pietate, qua omnes omnium literatorū
 hominū conatus, ac studia prosequeris magnope-
 rè sanè confido. Etenim labores hos meos quos in
 Ciuium Norwicensium rebus gestis te aucto-
 re explicandis suscepi, Amplitudini tuæ consecra-
 re decreui. Qua in re tum cultus & obseruantia
 in te meæ, tum mentis meritorum erga me tuorū
 non immemoris excusatione, tam inscitia crimen
 quàm impudentia labē deprecabor. Nam cū
 tua me amplitudo ad scribendum potissimū im-
 pulerit, & mihi (quod aiunt) currenti quasi cal-*

A. ij.

car

car abhibuerit, inhumanum me esse certè oportebat, & non solùm bonitatis tuæ oblitum, verum etiam officij prorsus immemorem mei, si tibi neq̃ hortanti obsequerer, neq̃ imperanti. Preterea cùm te tanta dignitate, consilio, prudentia, ætate, vigilantia, & (quod caput est) grauissimis plerumque rei christianæ publicæ muneribus implicitum Presulem, ea semper mente præditum perspexerim, nullæ vt te vnquam cogitationes à præclarissimarum disciplinarũ studijs & Musarum veluti complexu abstrahere potuerint, dũ omnia omnium antiquorum hominum monimẽta scrutaris, omnium doctrinarum ac disciplinarum omnes libros exhauris : cumq̃ domi semper tuæ Academiam quasi quandam literatorũ hominum florentem animaduverterim, qui perpetuò præceptis adhortationibusq̃ inflammatis tuis, sui quotidie fructus ingenij proferre consueuerint, profectò mihi nisi inertiae nequitiaeq̃ maculas inũri voluissem, aliquid tale præstandum aut certè conandũ fuit, in quo significatio saltem nonnulla industriæ ac voluntatis ostenderetur meæ. Præsertim cùm

tu

tu (vir talis ac tantus) semper mihi & ad sus-
cipiendam, & ad ingrediendā horum studiorum
rationem, auctor & princeps exstiteris. Videlicet
in hanc cogitationem (prudentissime Pontifex)
perpetuò incumbis; ut domi semper tuæ doctrinæ
atque humanitatis studia, à cunctis celebrentur:
maximaq; delectatione perfunderis quoties do-
mesticos tuos literis ac bonarum artium discipli-
nis deditos conspexeris: Solesq; eos quos in fami-
liam asciscis tuam, imprimis cohortari ut erudi-
tionem ac pietatem ardenti desiderio consecen-
tur. Quæ quidem me impulerunt ut ego quoque
mihi in istiusmodi rebus pro virili parte elaborā-
dum statuerim, nō tam ut tibi gratificarer (quā-
quam quid est quod flagrantius exoptem?) quā
ut mihi metipsi prodessem, planumq; cunctis face-
rem quibus domi tuæ studijs ac cogitationibus
tempus traduxerim. Feci itaque quod debui, &
feci equidem non inuitus, ut onus illud quod tu
mihi imponendū putāris alacri mēte subierim.
Quod si me quandoq; oppresserit (fieri enim non
potest quin tanto impar oneri sustinendo, sepe-

numerò succubuerim) tuæ erit humanitatis,
(Præsul optime) iacentem patrocínio subleuare
tuo. Præsertim cum dum tibi imperanti, & ad
hanc me quæstionem pertractandam crebrius ex-
citanti, non parere nefas esse duxerim, plus in me
forsitan oneris quàm perferre potui receperim.
Vtcunque erit, non patitur tua te tam excellens
naturæ bonitas cuiusquàm indignitatem asper-
nari, & ego is sum qui cum in præstanti tua vir-
tute spes meas omnes defixerim, nullius alterius
iudicium magnoperè reformidem.

Et quanquam non defuturos quosdam suspicor
(ut sunt nonnulli huius ætatis homines morosi
nimium & difficiles) qui mihi, nescio quod te-
meritatis & imprudentiæ crimen infligent, ta-
men & aliorum exemplis me cōsolabor, & tem-
pora magis amica virtuti sperabo, nec me fœli-
cem minus si probris onerarint, quàm si laudibus
ornarint, existimabo.

Alterum est genus hominum eruditissimorum
atque in bonarum literarum disciplinis assidue
versantium, quibus ego magnoperè cupio studium

&

Et industriam probari meā. Hiji forte in scriptis nostris pauca admodum (imò potius nulla) deprehenderint, quæ sitim illam suam rerū præclarissimarum inexplabilem restinguant, sic habeant cupisse me optima, præstitisse mediocria, polliceri uberiora. Dent igitur tenuitati Et inopiæ veniam meæ, sciantque hæc quæ nos hijs libellulis aridè sanè Et ieiunè complexi sumus, non ex Academicorum fontibus, sed ex industria nostræ riuulis profluxisse. Neque porro à me præreptam cuiquam, sed potius omnibus præbitā scribendi ansam existiment, si qui forte post hac, aut per se meliora indagauerint, aut accepta ab alijs perfectius ædiderint: cū nihil interim mihi magis unquam in votis exstiterit, quàm ut quæ inter scribendum, vel per incuriam omissa, vel per inscitiam incognita exciderint, ea à peritiorè tandem artifice plenius pertractentur. Tu autē Præsul dignissime, fauoris tui radios in hos teneros ingenij mei fœtus transfundere digneris, eosq̃ patiare tui nominis amplitudine illustrari. Quā sint ibecilles, quā tenues, quā nullarū viriū vides,

vides, sine sanguine, sine succo, nullis neque re-
ligata ossibus, neque nervis astricta. Lucem me-
diusfidius perferre non poterunt, si non admi-
rabilis tua bonitas illorum cæcitati clementiæ
tuæ lumen prætulit. Nihil erit mihi vel ad
opem firmitus, vel ad desiderium optabilius, vel
ad nominis mei existimationem accumulati-
us, quàm si tu mihi præsidio contra importunissimos
maleuolorum hominum impetus fuisse videbe-
re. Qua quidem in re quantum poteris non sum
certè nescius (potes enim quantum vis) ut au-
tem velis quantum potes, es mihi per illam tu-
am incredibilem qua vincis penè omnes huma-
nitatem vehementius obsecrandus. Nihil ha-
bet fortuna tua maius quàm ut possis, nec natura
tua melius quàm ut velis, subsidio esse quàm plu-
rimis. Perge itaq; quod facis (præsul amplissi-
me) favere bonis, odisse improbos, virtutem ex-
tollere, oppressis opitulari, eruditos tueri, præmijs
amplificare, consilio, auxilio, misericordia suble-
uare. Nihil mihi crede magnificentius, nihil
præclarius, nihil admirabilius, nihil neque naturæ,
neque

que moribus tuis omni elegantia & suavitate
perpolitisaaccommodatiùs. Hæ sunt veræ virtutes,
dignæ summo viro, dignæ Pontifice, te verò vi-
ro optimo & Pontifice amplissimo dignissimæ.
Verumtamen non committam ut qui ad hanc
scribendam epistolam ut tibi labores hos dicarẽ
meos initio me contuli, nunc te hominem om-
nium sapientissimum, ad eas vitæ rationes horter
& excitem quas ab ineunte ætate perpetuò com-
plexus es, ne aut insolens viderer si prudentissi-
mum, aut impudens, si præstantissimum, aut
meæ conditionis oblitus, si illustrissimum ad-
monere coner. Itaque finem scribendi faciam:
illud tamen prius profitebor, quamvis ubiq; gen-
tium existant multi, quos singularis tua boni-
tas liberalitate non leuiter consperserit sua, sed
planè obruerit: mortalem tamen viuere neminem
qui plus se tibi debere existimet quàm ego debeã,
neminem qui id libentius præ se ferat & agnos-
cat, neminem deniq; qui si quando opus fuerit,
tenuissimas vitæ suæ facultates pro dignitate tua
alacriùs profuderit. Cuius voluntatis, ac officij
B. serui.

*seruitutem mei quo testator omnibus esse posset,
tibi posterisq; tuis harum literarum testimonio
sempiterno astringi.*

*Christus optimus maximus amplitudinem tuam
nobis & christiana Reipublica (cum sum-
ma semper dignitatis amplificatione)
quàm diutissimè sospitem seruet,
& incolumem.*

*Amplitudini tuae humilimus,
Alexander Neuillus.*



ALEXANDRI NEVILLI^{II}

de Furoribus Norfolciensium Ketto Duce.

LIBER VNVS.



PTAREM
equidem, vt hæ
populares tem-
pestates, & sedi-
tionum procel-
læ, quibus pa-
tria nostra (tē-
pore Edouardi
regis sexti) for-
didissimorum
hominū scelere
& perfidia per-
culsa & afflicta fuit, aut nunq̃ contigissent, aut
(si fieri posset) illarum memoria penitūs ex
omnium mentibus excinderetur. Sed quo-
niam præterita mutari nō possunt, & hæc ma-
cula proditiōis à perniciosissimis ciuibz pa-
triæ nostræ impressa, altius insedit in populi
Norfolciēsis nomine, ad memoriam sceleris
B.ij. sempi-

sempiternam infixā, quā ut penitus deleri, aut prorsus extirpari queat: faciliē patior oblatam mihi hanc huius historiolæ conscribendæ facultatē, ut omnes intelligant quibus inijs hij tanti tumultus excitati sint, ac qua tandem virtute compressi: penitusq; perspiciant vulnera illa, ac seditionū scelera patriæ nostræ non à bonis viris & fortibus inflicta, sed à desperatorum hominū flagitiosissimis gregibus iniusta fuisse. Illud certē apud omnes constat, incredibilē ex istiusmodi rerū cognitione utilitatem ad posteros dimanare: magnosq; proculdubio fructus cōsequentur homines boni, si ad hæc exemplorum documēta acriter animos intenderint: & ex ijs ipsimet sibi salubrē ac frugiferam vitę disciplinā instituerint. Cōtraq; impij ac turbulēti ciues, si qui fortē sunt huiuscemodi (quales esse in hoc regno vel nullos, vel non ita multos cōfido) ex aliorum calamitatibus sapere sibi condiscāt: aut saltē si id facere nequeāt (nequeunt autem quia nolūt) horū miserabiles exitus contuentes, perhorrescant.



ANNO Christianæ salutis
 millesimo, quingentesimo,
 quadragesimo nono, cum ad
 regē Edouardum, eius no-
 minis sextum, nonnulli graui-
 ter conquesti essent, agros
 publicos intercipi, & à priuatis quibusdā ho-
 minibus circunsepri: eius rei cura auctori-
 tate regia hominibus grauissimis ac integer-
 rimis delata est, quæstioq; constituta, iussi-
 q; vt primo quoq; tempore de istiusmodi quæ-
 relis anquirerēt: & de tota re quàm fieri pos-
 set maturè, cognoscerent atque deliberarent.
 Quod cum exisset in vulgus, palamq; fieret,
 varij-
 q; rumores dissiparentur, ac inter cætera
 Cantianos fossas complexisse, & agros (quon-
 dam publicos) scrobibus ac sepiū munimētis
 interclusos aperuisse, id quia similiter in pro-
 uincia Norfolciensi factum non esset, de ple-
 be homines quidam tenues ac seditiosi, apertè
 fremere ac indignari cœperunt. Exin im-
 mani se scelere ac nequitia constrinxerunt, vt

ipſi contra quàm fas eſſet, atq; iniuſſu regis idẽ
facere conarẽtur, quod in Cantio factitatum
eſſe audierant: cupiẽtes (vt exitus docuit) non
tam agros publicos iniuria quorũdam circũ-
ſeptos patefacere, quàm nefariam, nefarijs ſe-
ſibus incluſam, omnia pereundi perdendiq;
libidinem in rempublicam profundere. Ex
quo bellum patriæ pernicioſum, & ſibi-
met ipſis exitiale conſlarũt. Nam cùm fama
iſtius nefandæ ſocietatis multorum ſermone
percrebuiſſet, paſſim clandestina cõcilia iniri
coepta, multiq; multis in locis, obſcuri & ig-
nobiles viri ſuam Fortunam conqueri, ac in
generoſorum atq; nobilium potentiam in-
temperantiuſ inuehi coepẽrunt. Enimuerò
intollerandam iam procerum potentiam vi-
deri, ſuam verò cõditionem miſerimam. Hos
affluere delitijs & omni rerũ copia circum-
fundì, languidiſque liquefacti voluptatibuſ a-
uaritia duntaxat ardenti, & flagrantiffimis
cupiditatum facibuſ inflammari, ſe labore &
vigilia penè enectos, nihil aliud in omni æ-
tate

tate facere, nisi sudare, algere, esurire, sitire.
 Quæ quidem quamuis misera sint & indigna
 (sunt autem proculdubio indignissima) ferri
 tamen posse, si non hijs efferuescentibus mala-
 rum delectationum fretis immerfi, aliorum ino-
 piam calamitatemque insolenti nimis fastidio
 insectarentur. Nunc verò se suamque fortunam
 hominibus superbissimis, omniq; mollitia &
 otio defluentibus ludibrio esse, eam rem (sicu-
 ti debet) tantum menti dolorem inurere, tan-
 tamque famæ turpitudinem infligere, nihil ut sibi
 nec ad commemorandum acerbius esse possit,
 nec ad tollerandum iniquius. Illam verò agri
 possidendi conditionem miserabilem ac planè
 feruilem videri, ad procerum libidinem tene-
 re se omnia, non liberè, sed ex præscripto &
 tanquam ad domini voluntatem ac nutum:
 continuo simulac quisquam aliquem ex pur-
 puratis istis offenderit, fortunis omnibus exui,
 priuari, deturbari. Quousque tantam dominandi
 libidinem inultam sinerent? Iamque eò deuenisse
 illos crudelitatis & avaritiæ, ut non cōtenti sint
 omnia

» omnia rapere, spoliare, & per vim ac scelus
» adipisci, quæ in luxū muliebresq; delitias pro-
» fundant: nisi etiā sanguinem penè ipsum, me-
» dullāq; ex venis & ossibus exfuxerint. Agros
» publicos sibi ac suis subleuandis à maioribus
» relictos adimi, prædia quæ patrum memoria
» cōmunia essent, ea nunc fossis ac sepibus di-
» stingui, pascuis scrobes circumduci, omnes si-
» bi aditus intercludi. Quicquid volucrū cœ-
» lum continet, quicquid piscium mare cōple-
» ctitur, quicquid frugum terra parit & fundit,
» hoc omne illos deuorare, consumere, absor-
» bere. Naturam non sufficere ad libidinem
» explendam, nouas quoq; artes excogitasse, &
» tanq̃ disciplinas voluptatum, condire, suffire,
» aromatibus circumfluere, suauia suauibus af-
» fundere, omnia deniq; vndique cupiditatum
» instrumenta, ac lenocinia libidinum conqui-
» rere : cum illi interim herbis ac radicibus
» vescantur, ac continuo labore tabescant.
» Enimvero quòd viuant, quòd spiritum
» ducant, quòd libero cœlo ac aëre fruantur

in-

indignari. Nō posse amplius tantam ac tam
crudelem iniuriā perferre, nec æquo animo
nobilium superbiam intueri: ruituros se po-
tius in arma, & terrā cœlo misturos, quā post-
hac tā atrociam pateretur. Naturam ut illis, sibi
quoq; prouidisse, corpus & animam dedisse,
nū cætera inuidisse. Formā cum habeant ean-
dem, & sortem nascendi cōmunem, cur ha-
berent vitam dissimilem, & disparem fortu-
nam? Videre se ad extrema ventum iam esse,
velle quoque extrema experiri. Septa distur-
bare, fossas complere, aditum ad publica vni-
cuiq; patefacere, omnia deniq; quæ illi nō mi-
nus nefariè, quàm auare crudeliterq; circum-
sepsissent solo adæquare. Nec utique pas-
suros se amplius oneribus inuitos præmi,
nec tantum dedecus admissuros, ut in his ma-
lis cōsenescentes, posteris miserā ac lugubrem
Rempub, relinquunt, & multò quàm à maio-
ribus acceperāt peiorem. Quamobrem om-
nia se tentaturos, neq; vnq̃ nisi rebus ad arbi-
trium compositis quieturos. Cupere se liber-

C,

tatem

«tatem, & permixtam omnium rerum licen-
«tiam: hanc velle, alioquin huius tumultus e-
«undem qui vitæ finem futurum.

His irarum fluctibus & querelarum veluti tempestatibus iactati, concitarunt se inuicem perditī ac profligatissimi nebulones, passisq; velis ad ea scelera prouecti sunt, quibus & periculū patriæ, & sibi metipsis exitiū intulerūt. Ac non ita multò post contigit, vt ludi ac spectacula VVyndhamiæ celebrarentur, antiquis ita instituta, vt biduò, duabusq; noctibus perpetuis continuarentur. Ad quæ cū ingens omnium ordinum concursus fieret, proditores nequissimi in hoc solummodò intenti erant, vt virus inuidiæ suæ in patriā euomerēt loci tātum oportunitatem ac temporis exspectantes. Itaq; primū clandestini fiebāt coitus, hominū huc & illuc discurrentiū, deindè secessiones & occulta colloquia: ad extremum verò tumultuari omnes & apertè insanire cœperunt. Cūq; inaudissent, Robertū quendam Kettū, Coriariū, hominem ferum ac agrestem,

greſtem, importunaq; audacia ac violētia ef-
frænata præditum, agri aliquantulum quod
aliquando publicum fuiſſet, circumcluſiſſe, ad
eum pleni furoris ac amentia cōuolauerunt,
illiquē quæ ab illis conſilia pacis perturbandæ
inita fuiſſent exponunt, ac vehementer ab illo
depoſcūt vt quicquid publici circumſepſiſſet,
protinùs reuulſiſſeptis, ac ſolo adæquatis, pa-
triæ atque illis communi vtilitati conſulenti-
bus concederet.

Kettus, vt qui iſdem furorum flammis ar-
deret, quibus iſti conflagrauerunt, facilè paſ-
ſus eſt ſeſe in ſocietatem tam execrandi faci-
noris aſciſci. Reſpondit omnia ſe facere para-
tum, præſtoque ſemper futurum non ad re-
primendam ſolū, ſed ad comprimendam
procerum potentiam : ſperare ſe breui effe-
cturum, vt ſicut illos æumnæ, ſic iſtos ſuper-
biæ pœniteat. Multa nefanda, quæ per hos
annos perpelli eſſent, oſtendit, multas iniuri-
as ac calamitates quibus affecti, afflictiq; fuiſ-
ſent : Iubet macte virtute eſſe, potentiam hanc

C.ij.

tantam

» tantam, tantam auaritiam, tantam ac tam in-
 » auditam in omni genere crudelitatem, Deo
 » hominibusq; omnibus inuisam ac execran-
 » dam videri. Damna quæ Rebus publicis, a-
 » grisq; communibus, ab importunissimis do-
 » minis importarentur, ab illorum iniurijs se
 » vindicaturum pollicetur, daturumque ope-
 » ram, vt cui agro ille fossam circundedisset, id
 » denuò sibi cum omnibus publicum ac com-
 » mune fiat, illamq; sese primo quoq; tempore
 » suis manibus completurum. Addidit ad ex-
 » tremum, se commodis illorum nunquam de-
 » futurum: habituros illum non comitem dū-
 » taxat, sed Ducem, non tantæ rei gerendæ so-
 » cium, sed signiferum, authorem, principem.
 » Omnibus deniq; consilijs non interfuturum
 » solūm, verum etiam perpetuò præfuturum.

His illi despiciatissimi viri, ac omniū qui vn-
 quam post homines natos exstiterunt turpif-
 simi, vocibus accensi: cū vndique circum-
 fusi & gratulabundi succlamassent, repente
 velut agmine facto in agrum quēdam Ketti
 villulæ

villulæ VVyndamiæ continentem & adiū-
ctum, omnis multitudo sese effudit, ibique
(sicut constituerāt) fossis terram obducunt.
Quod cum fecissent tanq̃ effrænes equi, ad
eam quam opinionis errore sibi confinxerāt
viuendi licentiam adhiinnientes, partim au-
dacia ipsimet sua, & hoc inani rerum successu
confisi, partim Ducis adhortationibus, & cla-
moribus, tāquam facibus ardentibus inflam-
mati, incredibile dictu est, quantis iam furia-
rum flammis ad pacem perturbādā, & sta-
tum Reipublicæ labefactandam exarserint.

Exindē Hethersetum profiscūtur, (quod
oppidulum nō longē distat à VVyndamia)
atque illic in agrum Flowerdui cuiusdam
impetum faciunt, fossas complent, septa de-
turbāt, claustra refringunt. Ad hos tumultus
magnalis & altercatio orta est, cum Flower-
duus dolore & iracundia grauiter excande-
scens, Kettum acrius increpasset, illiq; crimini
daret, vtpotē qui hanc plebem indomitam &
rebellem conciuisset: subindē eum nefarium

C. iij.

virum,

virum, patriæ pestem, & fugitiuorū ducem appellans. Atq; ab hoc quidem Flowerduo (quoad licuit) illorū sceleri occursum est, retardatq; conatus: factumq; quantū potuit à fide inermi fieri, cōtra perfidiam instructam & armatam. Quibus illi dictis factisq; vehementius accensi, cū Ketto vociferabundi circumfusi, clamoribus; querelis, ac mutuis adhortationibus omnia compleffent, tādē ab illo auxiliij fidem (qua se recens deuinxerat) implorant, & exposcunt. Ille vt qui omnem spē futuri sceleris, in maleficiij præsentis euentu defixisset, non amplius sibi cunctandum ratus, bono vt sint animo hortatur, seq; libertatis authorem ac vindicem sequantur. Quæ esset illi à Repub. imposita persona non excidisse, salutē illorum nihil prius, nihil antiquius sibi fore, vtpotē pro qua opes ac vitam (res secundū illos charissimas) alacri mēte profusus sit.

Fama istius flagitiosissimæ vocis vndique omnes sceleratos ac perditos viros conciuit, adeo

adeò vt repētē magni feruorum ac fugitiuorum greges, in Kettiana castra confluxerint. Quibus ille scelerū satellitibus, atque administris stipatus, cū tā Hetherfeti, q̄ VVyndhamiæ impressa flagitiorum suorum vestigia reliquisset, atq; omnibus penē locis quacunq; incederet, vastitatem intulisset, decimo die Iulij ad locum Etonensi syluæ vicinū perueniunt. Huic syluæ continentes & adiuncti sunt agri cōpascui ciuitatis Norwicēsis, quos multorum inopū ac pauperum boues depascuntur, illisq; publicitūs custos præficitur, cui vnaquaq; hebdomada singuli, singulos obolos dependere consueuerunt. Ad hos agros quod illis viua sepes & fossa prætēderetur, ne pecora palantes vsquam dilaberentur, ex infima plebe Norwicensi quidam, pridie quā rebelles urbem versūs iter fecerunt, præcipiti rabie & amētia districti cōuolauerūt. Publica ea pascua esse (sicut erant) vociferantes, nec se ampliūs publica passuros scrobibus obuallari aut sepibus premuniri. Adeò cœco impetu à
mente

mente & ratione auersi ferebantur, vt quæ maiorum prouida ac sagax industria in communem vtilitatem sepfisset, ea suis manibus ipsi rescindere conarentur. Vix dum in superiori parte agri scrobem demoliti sunt, cum permulti nefarij ac pestilentes viri, quorū auribus rumor auram aliquam istius perniciosissimæ conspirationis afflauisset, è ciuitate clā dilapsi, cum Kettianis militibus sese coniungunt. Qui id vt facerent, eò citiùs adducebātur, quòd proditores isti nequissimi impurissimo sceleri suo, salutem semper Reipub. necnō cōmunis vtilitatis curā prætexuissent.

Harum rerum nuntijs in ciuitatem celeriter perlatis, Prætor (Thomas Coddus is dicebatur) re noua trepidus, protinùs huic malo prospiciendū sibi putauit, elaborandumq; vt hīj tumultus (si qua ratione confieri posset) primo quoq; tempore comprimerentur. Quam ob rem ex primoribus vrbis aliquot, ac patribus accitis, (Aldermanni ij dicuntur, & semper Prætori in concilio adsunt) ad hos
motus

motus sedandos in Kettiana castra contēdit. Ibi illos omnia nefanda patran-
tes inuenit, atque in luxum & epulas effusos. Ac primū pecunia ac blandis pollicitationibus illos pellexit, vt incoepto defisterent, & domū quisq; suam decederet. Illi verò nihilominus sceleris instantes, quicquid erat vspiam clausi, aut muniti refringunt. Prætor cum omnia frustra tentasset, neq; prece, aut pretio quicquam profici vidisset, quo mentes proditorū, à tanti sceleris diritate, ad cogitationem pacis auerterentur; confestim in ciuitatem reuertitur. A cuius discessu seditiosi rati id quod erat, quodq; ex rumusculis quorundam hominū qui ad illos ex vrbe profugerant, subodorari cœperunt: si diutiùs distracti ac populabundi vagarentur, protinùs illorum consilijs nullo negotio occurri, & obsisti posse, huic rei preuertendum existimantes, tutissimum ad id sibi visum est, vt execrandæ suæ societatis asclæ vnū in locum contraherentur. Vnde exemplò ad syluam Etonensem perrexerunt,
D. quam

quam cum vndique oculis perlustrassent, & castris ponendis minùs idoneam ac commodam inuenissent, publico consensu decretum est, vti illinc primo quoq; tēpore Moushol-diam proficiscerentur, eumq; locum potissimùm deligerent, in quo scelerum suorum sedes, ac rapinarum latibula constituerentur.

Proindè cum hoc consiliū omnibus arrisisset, iamq; nox nec opinantibus interuenisset, missi continuo ad Prætorem qui illi renuntiarent: Sibi esse in animo sine vllō maleficio iter
» per ciuitatem facere, & propterea quòd via
» illa esset multò facilior & expeditior, rogare
» vti eius voluntate, id sibi facere liceat. Prætor ad hæc: Inimico esse illos & hostili animo in Rempub. quapropter non daturū se illis per ciuitatem itineris faciendi facultatem. Dein eos vt seditiosos, & omnia perturbare, ac confundere cupientes, asperimis verbis perstrinxit, & minantibus vocibus, ac ad terrorem vndique instructis, à tanti sceleris immanitate deterret. Deniq; si furere pergant denuntiat
breui

breui futurum, vt tam perditos conatus, horribiles exitus consequantur. Tantū verò abfuit vt ad hanc orationem illorū furor deferbuerit, vt multò quā venerint obftinatiores, & in proditionis propofito obfirmatiores, à Prætore recefferint. Cæterum Kettiani hac fpe conatuque depulfi, noctem illam totam in Etonenfi fylua delituerunt.

Interea Prætor primoribus vrbis in cōciliū conuocatis, quamprimū ad illos de Repub. refert. Ibi diu multumq; deliberatū fuit, veluti ab his quorum animi in ancipites fententias distraherentur. Nonnulli cenfent celeritate opus eſſe, protinùs, ac fine mora profligandos: desperatione ac rabie furentes ſi non primo quoq; tempore reprimerentur, toti Pro- uinciæ exitium ac peſtem illaturos. Alij contrà ſentiunt, rem eſſe maximi discriminis, de- liberationis verò ac conſilij ſummi. Hanc reſiſtendi celeritatem, vt forti ac magno animo profectam, ſic lubricā & præcipitem videri, nēpè cuius omnis laus in euentu defixa foret.

D.ij.

Eum

Eum autem vt semper ancipites, sic plerūque miserabiles exitus fortiri. Proin suadere se, urbem vti muniant, custodias, vigiliasq; intētiūs instruant, oppidanos per muros, vrbisq; opportuna loca disponant. De cætero quoniam lege **DE VI ET ARMATIS HOMINIBVS**, cautū est, ne quę copię iniussu Regis contrahantur, nihil tentādum, sed eius voluntatem auctoritatemque expectandam arbitrari. Facile huic sententiæ inclinant omnium animi, vt quę è re nata optima visa sit, & ad quemuis fortunæ impetum tutissima. Missique ex templō, qui maximis itineribus ad Regiam contenderent, ijs datæ literæ, in quibus omnia diligentissimè perscripta sunt: iussi que, vti festinatione quanta adhiberi posset maxima, ad Regios Confiliarios perferrentur.

Postridiē eius diei, (vndecimū is erat Iulij) coniurati, cum vt per urbem iter illis facere liceret, à Prætore impetrari nō posset, omni spe præcisā protinūs (id quod optimum fa-

ctu

ctu videbatur) Pontem Hellefbonnum transf-
ire decreuerunt. Quod cum commodè fieri
nō posset per pontis angustiam, quæ iter præ-
bebat per arduum ac difficile, & iumentis ac
vehiculis transducendis impeditissimū, ma-
gnam vim lignorum in flumen coniiciunt,
atque ita fasciculis & arborum truncis con-
gestis, viros, equosq;, atq; impedimenta om-
nia, trans amnem conuexere. Hunc in modū
fluvium transgressi, in sequenti nocte Dray-
toniæ confederunt: proximo die Moushol-
diam versū cōtendunt, septis ac sepibus vn-
diq; reuulsis. Quinetiam Sacellum Corbetti
cuiusdam diruerunt, omnibusque locis stra-
gem ac ruinam miserabilem intulerunt.

In hunc perditissimū sceleratissimorū ho-
minum gregem, omnia delentem ac vastan-
tem, & quacunque insisterent præcipiti rabie
ac furore ruentem, fortè fortuna dum specu-
landi causa qua venerant incautiū progred-
eretur, inciderunt Rogerus VVoodhosiū,
vir ordinis equestris, & Apelyardij fratres:

D. iij.

hos

hos comprehendunt, secumque inuitos trahunt. Exin collem D. Leonardi vrbi Norwicensi ex aduersum coepere : quo in loco Comes Surreius, præclaram exædificauerat & plenam dignitatis domum, cui infra flumen publicum præterlabitur (quod medium inter ciuitatem & collem interfluit) habetque ex occidente & meridie syluam ac villulam Thorpensensem, ex oriente verò ac septentrione cōpascua Mousholdica, quæ amplius millia passuum sex in longitudinem ac latitudinem protenduntur. Hic illi furorum cubilia, ac quasi castra locarunt : & in syluosis illis latibulis canum instar delitescentes, omnia iura diuina & humana polluerunt. Quinetiam domum illam magnificentissimam homines impurissimi inuaserunt, atque omnibus in locis scelerum suorum impressa vestigia reliquerunt.

Iam verò quicquid vspiam est infimæ & abiectæ plebis confluxit : omnisque fex & sentina populi Norfolciensis in hæc se castra refudit.

fudit. Prætereà magna multitudo Suffolci-
ensium, & hominum etiam in alijs locis, at-
que regionibus degentium, campanarum
tinnitu, & incendio specularum excita, con-
gregatur. Addunt etiam sceleri scelus: Nam
immanem hanc tantam nequitiam, & inau-
ditam omnia delēdi libidinem, specie fictæ ac
simulatæ sanctitatis adumbrant. Sacerdotem
adhibent: hunc rebus diuinis, ac votis quoti-
diè manè ac vesperi suscipiendis præficiūt. In-
super viros optimos, & quā religionis ac do-
ctrinæ, quā virtutis ac innocētiae laudibus in-
signes, ad horum scelerum societatem adiū-
gere conantur. Inter quos fuerunt Robertus
VVatsonus concionator, Thomas Coddus
Prætor ciuitatis, & Thomas Alderichius de
Aula Mangrenēsi, vir quoad vixit omnibus
charus atq; iucūdus. Hos tres quòd se tā nefa-
ria pactione, & perfidię fœdere deuincire re-
cusassēt, inuitissimos coēgerūt omnibus inter-
esse cōsilijs, & vnà cū Ketto seditionis archi-
tecto, cūctarū rerū administrationē suscipere.
Quod

Quod quidem accidit percommode, nam si quando contigisset, (contigit autem sæpissimè) Kettum, aut ex conspirationis principibus aliquem (ut erant proni nimis ac præcipientes ad omne flagitium) consilio furibundæ ac vesanæ multitudinis incitatum, aliquid sceleris ac nequitiae machinari, quod tãdem aut urbem, aut agros, & regionem vrbi vicinam afflixisset, horum perprudens & solers industria, istiusmodi pestiferos conatus sæpenumerò repressit.

Quantquam Kettus ardens scelere, & agrestibus suorum instinctus furijs, solebat interdum mandatorum velut ex autoritate perscriptorum formulas emittere: quæ **KETTIANA DIPLOMATA** dicebantur: ad quæ nonnunquam intemperantissimus helluo, honestissimorum virorum nominibus abutebatur. Horum diplomatũ exemplum subiunximus.

Nos Regis amici ac Delegati: *pecoris & cuiusvis generis comineatus conquirendi, necnon*
in

*in castra Mousholdica deferendi potestatem, omnibus concedimus, quocunque in loco deprehenderint, dummodò ne qua vis aut iniuria honesto ac pauperi cuiquam inferatur. Cunctis ex imperio denuntiantes, prout honori ac Maie-
 stati Regiæ, Rei^q publicæ afflictæ, prouisum & cōsultum volunt, nobis Delegatis, & his quorū nomina subsequuntur dicto audientes esse.*

ROBERTVS KETTVS.

Et tum ordine longo alij consequebantur: namque Delegatorum numerus erat ingens, quippè qui præter illos huius nefandæ societatis principes ex omnibus centurijs duos sibi viros asciiuissent. Erant autem cēturiæ viginti sex. Atque his & huiuscemodi diplomatibus permulti nobiles & optimi viri, quos vulgi furor ac rabies reos fecisset, comprehendebantur: multi ac si fontes essent Mousholdiā perducti, atq; illic in custodiam ac carcerem cōclusi. Prætereà valli ac sepimenta quibus agri publici circumscripti ac muniti erant, talium

E.

diplo-

diplomatum auctoritate reuellebantur, multisque è locis multi citabantur, vt horum tumultuum socij ac participes exsisterent. Atq; hæc omnia fiebāt his tribus, Prætoze, VVatsono, & Alderichio, non tacentibus solū & conuiuētibus, verumetiā ad speciem interdū consentientibus. Tempestati identidem obsequi coactis, quò patriæ tum fluitanti in alto, procellis seditionum atq; discordiarum subuenirent. Ne si nequicquam obsistendo aduersum infestūq; vulgus conciuissent: & ipsimet sibi præsens exitiū, & patrię lamētabilem conflassent interitū. Quę proculdubiò si tum palàm reclamassent, (tanta fuit rabies, adeoq; effrænis) rapinis, incendijs, atq; omnibus publicis exitijs perculsa concidisset.

Interea ciuitas Norwicensis de hoc rerum statu sollicita, & tantis de tumultibus anxia & suspensa, incerta spe, & diuturna expectatione pendebat. Neq; adhuc à Regia Maiestate quicquam allatum fuit, nec quid illius Consiliarij fieri decreuissent intellectum: & ciues

ciues horum iniussu nihil audēdum rati, imperium Regis expectantes in vrbe manebāt.

Accidit autem eādem tēpestate, vt multis in locis multi obscuri & ignobiles viri in armis essent, tanquā communi sceleris consensione deuincti, ad Rempub. dilacerandam conspirassent. Etenim quāuis agrestiū furor multo magis ac atrociūs in prouincia Norfolciensi, quā alibi vspiā exarserat, tamen & eadem fatalis cuncta perturbādi lues per omnes penē regni partes diffusa, nō Norfolcienses duntaxat, verumetiam Buchingamienses, Oxonienses, Surreienses, Estsaxones, Cantianos, Cantebrigienses, multosq; insuper mortales iisdem tumultibus implicuit. Vndē adeo factū est, vt cū omnis consiliariorū cura & cogitatio in his tantis seditionū flāmis exstinguēdis consumeretur, (ne si incēdio protinūs nō subuenissēt tota Respub. deflagrasset,) tardiūs aliquantulū quā cupiebant ad hos Norfolcienses motus reprimendos accesserint.

Gliscit interim seditio, nec remittit ali-

E.ij.

quid,

quid, sed indies ingrauescit, ita vt sexdecim
pænè millia sordidissimorum hominum in
Kettiana castra cōuenerint. Atq; hi quidem
Ketto duce omni se præsidio munire cœpê-
runt. Multisq; è locis bellicos apparatus ac
instrumenta in castra conuexêrunt. Insuper
magnam vim pulueris bombardici, & tor-
mentorum cuiusuis generis numerum ingē-
tem. Ad quæ diripienda huc & illuc passim
discurrentes, multorū nobilium domos per-
uagati, eosq; depeculantes, quicquid peco-
ris in agris, aut pecunię in ædibus, aut frumē-
ti in horreis reperire possent, impiè nefarièq;
auferentes, (inspectantibus etiam dominis)
in castra deportarunt. Atqui quamplurimi,
cū hūc in modum cuncta vastassent, com-
pilassent, exinanissent, ac miserabilem vbiq;
que vestigia posuissent, rerum omnium stra-
gem ædidissent, maxima prædæ parte auersa
& clāculū in speluncas retrusa, furtim quis-
que sibi, quantū rapinarum in latibulis coa-
ceruari potuit, congesserunt. Re comperta,
&

& ad Kettum & cæteros **G V B E R N A T O R E S**, (sic enim dici volebant) delata, huic incōmodo primo quoquo tempore mēderi cupientes, communi cōsensu decretum, locum aliquem deligendum, in quo Iudicia exercerētur. Quercus erat annosa, & patulis diffusa ramis, hāc tignis atq; trābibus trāsuerfim iniectis contabulauerunt: ibiq; plerunq; circūfusa plebe consistentes, de querelis & litibus (si quæ fortè cuiq; intenderētur) prout visum est, statuunt atq; decernunt: & nōnnullorum interdum solutā nimis ac efferuescentem omnia rapiendi cupiditatem arctioribus vinculis cōstringūt. Hanc **Q V E R C V M R E F O R M A T O R I A M** nuncuparunt, in quam initio aditus nulli dabatur, præterquam Ketto, & Gubernatoribus. Ex quibus nonnulli, & inter hos Prætor ciuitatis vt qui maximè, & Alderichius, & alij quos antea diximus inuitissimos talem in numerum ascriptos, omnibus modis quantum in se fuit vehementer cōtenderunt, vt plebeculam in-

firmam & ieiunam ab hac tā importuna prædandi licentia coercerent. Quem in finem idētidem Quercu conscensa, orationis gravitate perpulerunt, vt aliquem interdum, si non exitum, at saltem modum, tantis rapinis, ac tā effusæ in omni intemperantia violentiæ constituerent. Fuerunt item & alij grauissimi viri, & Theologi præstantissimi, qui omni opera, studio, ac diligētia cōnixi sunt, plebem tumultuantem, & (legum iam vinculis laxatā) in omne se scelus ingurgitantem, à rapinis & incendijs quibus omnia miscuerant, ad pacis cogitationem traducere. Atque hij quidem de die in templis concionando, de nocte verò armati intrā ciuitatem excubando, nihil prætermiserunt, quod esset aut cum officio sanctissimorum Theologorum, aut cōstantissimorum subditorū fide coniunctum. Insignis tū inter cæteros Doctoris MATTHÆI PARKERI prudentia, fides, & integritas fuit. Vir venerabilis, ac omni semper virtutis decore circumfluens. Ac tum
quidem

quidem professor sacrae Theologiae fuit, hodie verò (tempore illustrissimae Reginae Elizabethae) Cantuariensis sedis Archiepiscopus amplissimus. Huic cum esset in animo boni pastoris officio ac munere defungi, videretque omnia furorum ac flagitiorum flammis circumfusa, fecit id quod & prudenter decuit, & constantem oportuit. Nam & in sceleribus redarguendis fortem se praebuit & magnanimum, & in periculis cautè deuitandis, sagacem & industrium. Vnde & Deo, & regi praestitit quā debuit fidem: & sibi metipso diligenter consulendo, adhibuit eam, quae à sapiente imprimis requiritur, prudentiam.

Euenit autem ut cum die quodam, una cum amicis quibusdam in Kettiana castra cōtenderet, Kettum & alios eius societatis affines, in Quercu stantes, & inter se de rebus varijs differentes inuenerit. Quo quidem tempore Praetoris Coddie egregia virtus enituit, audiebaturq; vox illius magnifica planè & viro forti dignissima.

Nam

Nam cum Kettus scelerum signifer illi cupidius instaret, ut traditis clauibus, omniq̃ue potestate sibi permiffa, semetipsum Prætura abdicaret: enimuerò Coddus ferociter respondisse dicitur, animam se potius daturum & ipsam è corpore vitam, quàm aut per scelus ciuitatem perfidiosissimè desereret, aut fidem ergà Regem per metum & ignauiam flagitiosissimè abijceret.

His vltro citroque iactatis, inclinato iam in vesperum die, Matthæus videns miserā plebem vndique potu luxuq̃; demersam, ad temulentos & ebrios, quā cibo potuq̃; onustos, quā cœli solisq̃; ardore cōfectos, parum profecturam orationem sanā ac sobriam existimans, eo die nihil sibi dicendum putauit. Quamobrem cuncta furorum ac tumultuū plena relinquens, in ciuitatem regressus, postridiè manè (dies is erat Veneris) cum fratre Thoma Parkero (qui postea Norwici Prætor fuit) in Kettiana castra reuertitur. Exin (mirabile dictu) omnes sub quercu orationi
ac

ac precibus intentos inuenit, mediumq; inter illos Letaniam dicentem Thomam quēdam templi D. Martini vicarium. Matthæus oblatam iam sibi dicendi facultatem conspiciatus, Quercum conscendit, ibique concionem habuit, prudentiæ, grauitatis ac modestiæ plenissimam. Erat autem omnis illa oratio in tres potissimum distributa partes, quarum prima sapienter eos admonuit ne ijs quę sui sustentandi causa in castra comportassent, dissipatis atq; consumptis, mundi fructus ac munera diuinitus concessa, per luxum ac nequitiam impurissimè profunderent. Tum ne priuatas & occultas inimicitias persequentes, iracundia aut vlciscendi libidine intemperatius elati, manus cruore ciuili respergerent: neue illos quos instar hostium haberent, custodia aut vinculis coërcerent: vitamue cuiuspiam nefariè aut crudeliter adimerēt. Extremum fuit, vti communi vtilitati consulentes, incepto desisterent, nec fecialibus aut internuntijs regijs fidem detraherent, sed debitum

E. Regiæ

Regiæ Maiestati honorem, etiam in tenerâ & imbecilla ætate deferrent, quò ipsi postea florentibus annis firmata iam virtutis stirpe, & altis tanquam radicibus defixa, incredibili cùm voluptate, tum lætitia perfruerentur.

Hoc in loco cùm omnes dicendi neruos contendisset, cunctique concionanti benignè attenteq; audientes circumfunderentur, clamore cuiusdam sceleratissimi ac infimi hominis obstrepi cœptum est. Quousque (inquit) hunc mercenarium doctorem perfereamus? qui à generosis prætio conductus huc accessit, vocem adferens venalem, & linguâ mercede constrictam. At nos illorum intolerandæ potentiaæ frænos iniiciemus, illosque tergiuersantes & inuitos, legum nostrarum laqueis implicatos tenebimus.

Tum verò fremere plebs, ac apertè indignari cœpit: multiq; dicto huius furibundi ac vesani hominis incitati, asperrimis eum verbis & minantibus insectantur. Auditæq;
voces

voces nonnullorū horribiles & infestæ, quæ etiam aures ipsius Matthæi perculerunt. Ac ex ijs quidam ferociter inclamarunt : Optimum esse vt quoniam tam bellè locutus esset tamque lepidis & verbis & sententijs orationem conspersisset suam, telis sagittisque confixus, descendere cogeretur. Enimvero tum viro optimo pavor iniectus, & ad hunc pauorem, insuper alterius mali suspecti & occulti terror adiunctus. Senserat enim sub pedibus hastarum cuspides ac spicula, magnoque in timore fuit, ne ab irata multitudine transfigeretur. Postea tamen nullam ab his tanti timoris causam existisse intellectum, quippè pænè omnes qui sub arbore constiterunt, Matthæum summo in honore habebant, eumque omni amore & beneuolentia complexi, aduentu illius mirificè lætabantur. Sperabant enim fore, vt illius oratione impulsæ ac mansuefacta plebs, aut languidior ad scelus & nequitiam facta penitus resipisceret, aut saltem

F.ij.

aliquid

aliquid de tanti furoris atrocitate remitteret: atque ita illi (qui omnes aderant inuitissimi) maiorem libertatem nansciscerētur. Vt cunq; fuit, ingens tum eum horror perstrinxit, magnoque in periculo constitutus videbatur, cū ecce tibi de repente Thomas ille (quo de antè diximus) templi D. Martini Vicarius, ascitis tribus aut quatuor Æditimis, *Te Deum* Anglico sermone musa solenni, & modorum interuallis, ad aurium voluptatem elegāter distinctis, cōcinere cœpit. Cuius illi cantus suauitate perfusi, (Musicae enim insolentes erāt) crudeles & efferae mentes insueta delectatione delinitæ, paulatim deferbuerunt.

Matthæus hanc oportunitatem nactus, nō expectādum sibi putauit, dum aut hij canere desijssent, aut illi furere de integro cœpissent, atque ideò de Quercu descendens, cum fratre quā dabatur exitus castris excessit. Euntibus illis per collem D. Leonardi ad portas Pockthorpenfes, denuò inferunt se & alij eius societatis affeclæ, tumultuosissimis eum
clamo-

clamoribus infectantes. Qui quidem multis de rebus secum expostulantes contenderunt, maximè verò de magno Sigillo quo concionandi potestas fuit illi permessa. Videns itaq; Matthæus omnes contactos hoc scelere, velut inecta rabie ruentes, tantorum tumultuum pertæsus, ac patriæ malis ingemiscens, clàm quàm potuit elapsus, fratrem Thomam Parkerum post se reliquit, qui cum illis de rebus omnibus disceptaret: atq; ita sese illorum furori subtraxit. Postridiè eius diei ædem D. Clementis ingressus, è lectionum altera (quæ tum publicè in templo legebantur) denuò causam arripuit, ad dicendum aliquid de hijs perniciosissimis tumultibus, multis coniuratorum circumuolitantibus. Ac tum quidem nihil dixerūt, sed exitum illius de templo expectantes indignabundi circumfistūt. Egredium protinùs insecuti, intelligere se aiunt illū tres vel quatuor cantharos habere expeditos & habiles, qui Regi deferuiant, monent vt statim à prandio præstò sint, se illis confestim

F. iij.

vsuros.

vsuros. Matthæus aut nihil, aut pauca sanè respondit, sed Hyppatro celeriter accito, iussit vt alijs detractis soleis, vngulæ ad viuum refecarentur, alios verò calcantho viridi superinfuso obliniri, medicamentis delibutos, ac si nimio labore & cursu fatigati conficerentur. Seditiosi ita rem habere suspicati, ac postea illos dum veluti pastum ducerentur, hos pedibus fascijs deuinctos, illos calcantho perfusos cernentes, conquieuerunt. Matthæus non ita multò post veluti deambulandi causa portis egressus, ad duo millia passuum à ciuitate, præstò sibi ad pontem Crynkelfordensem equos inuenit. Quibus conscensis, Cantebriam versùs contendit. In itinere verò quæ viderit, quæque audierit, quosque tumultuantium (quibus in via occursum est) furias ac scelera conspexerit, singula persequi laboris esset propemodùm infiniti. Veruntamen Dei benignitate omni hoc motu & populari concitatione defunctus, tanti tandem periculi securus, Cantebriam incolumis

luminis peruenit.

Huius igitur amplissimi viri veluti diuinitus demissa vox & oratio, ad hunc modum ab hominibus despiciatissimis, & ab omni non solum salute, verumetiam spe derelictis, nequiter neglecta, & contempta fuit. Quam etsi tum furore & amentia cœci & præcipites, velut exitialem, ac tantis ac tam perditis vitæ rationibus inimicam & infestam aspernati sint & respuerint: postea tamen proculdubio ex calamitosissimis casibus qui consecuti sunt, diuinæ vindictæ horror omnium mentes perfudit. Nam cum (vt antea diximus) huius cœlestis orationis caput exstitisset, vt tanto improbitatis velut incendio in animis restincto, protinus resipiscerent, ne longius progressa prodicionis impietas, patriæ propediem funesta foret & horribilis, & sibi metipsis ad extremum lugubris & exitiosa: enimvero omnia quæ à voce illa persapienti & verè diuina veluti fata populi Norfolciensis concinebantur, euenerunt: & ipsi à scelere ad scelus

scelus delapsi, iustas tandem ac debitas tanto furori poenas persoluerunt.

Interea verò seditiosi (quos antea diximus nobilium bonis ac fortunis inhiantes, omnia furtorum ac rapinarum scelere refudisse) exsaturati iam spolijs, à prædandi libidine ad vim crudelitatemq; conuersi, per omnem regionem Norfolciensem terrorem & periculum cunctis qui non ab illis stetissent denunciante incedunt. Iamq; nobilibus vndique quaquà versùs flagitij se furor inclinasset cõprehensis, ac in castra perductis, tantus omnibus horror illatus est, vt cuncti domibus ac patrijs sedibus relictis, vestitu mutato, ne fortè in itinere ac fuga cõspecti cognoscerentur, in loca deuia demigrarint: & omnia ab illis extrema metuentes, in speluncarum latibula, ac syluas densissimas sese abstruserint. Multi etiam coacti sunt carris equisq; si haberēt, suis vti, si non haberent, aliundè cõquirere. Hisq; imperatum, vt laborem & sumptum de suo impendentes, frumentum commeatumque
in

in castra Moufholdica deueherent. Quibus quidem (nisi protinùs parüissent) ab agris & ædibus vastitas, à liberis & vxoribus vis denuntiata est. Prætereà quoscunque nobiles ac generosos comprehendissent, (comprenderant autem quàmplurimos) eos arctissimis vinculis astringunt, ac si semetipsis in omni scelere nequiores exstitissent. Multiq; Norwicum in custodiam traditi, atq; ex his nonnulli in Prætorium, (vulgò Aulam Gildensem appellant) alij in carcerem publicum, quidam in ædes Comitum Surræi, instar furû conclusi. Huc accedit quòd si quando rei pecuniarię inopia premerentur, (premebantur autem sæpissimè) ex publico ærario semper huic difficultati subueniendę necessitas, Prætori crudeliter imposita fuit. Quorum importunissimis efflagitationibus si tum Prætor restitisset, enimuerò ærario exhausto & incenso, omnium fortunis miseranda lues, & pernicies accessisset. Et quidem sæpenumerò eius compilandi nefaria ab istis consilia inita

G. sunt,

sunt, remque sine dubio transgissent, si non
Prætoris sedulitate ac diligentia, semper hac
de spe conatuque depulsi fuissent. Nihilomi-
nùs tormēta multa & apparatus bellici quic-
quid comparari potuit, (metuentes videlicet
ne quando quid aduersi contingeret) è ciui-
tate in castra transtulerunt. Cunctisque ciui-
bus indictum vt primo quoq; tempore præ-
stò sint, qui se (si opus sit) tueantur atque de-
fendant. Regios se amicos vociferantes, &
iniurijs diuexatos, legum ac Maiestatis Re-
giæ tutelam defensionemque suscepisse. Nec
hoc contenti, Regis etiam nomine ad scelus
& nequitiam abusi sunt. Diplomata quedam
erant Regia, in quibus quorundam Nobili-
um nomina perscribebantur, hijsque potestas
delata fuit à Rege, iussi q; labēti Reipub. pro-
spicere, videre q; vti hij motus primo quoquo
tempore compescerentur. Hæc nacti, nobiliũ
nominibus deletis atq; inductis, sua nomina
inscribi fecerunt, Regijsque sigillis auulsis, &
ad sua commentitia diplomata affixis, ijsq; in
publico

publico propositis, plebem imperitam, tantæque fraudis insciam deceperunt.

Iamq; eò sceleris ac dementiæ deuenerunt, vt nec à Gubernatoribus, nec à Ketto quidem ipso, seditionis Architecto & principe, tanti tumultus furor ac impetus retardari potuerit. Prætereà non solum ij qui tantorum scelerum societatem cum illis coire recusassent, hostes iudicati, sed & multi boni ciues qui cum liberis & vxoribus conseruandi sui causa, ex vrbe profugissent hostium loco habiti. Qui quidem tanti periculi terrore tectis expulsi, cum nullo loco diutiùs consistere auderent, per multitudinis efferatæ vim ac rabiem, dispersi, dissipatiq; huc & illuc vagabantur. Multisq; lamentationibus ac lachrymis illorum temporum iniquitatem deflentes, conditionem patriæ miserrimam deploraauerunt. Vrbi etiam incendium atque deflagrationem minitabantur, adeò vt ij qui in ciuitate remanserant, nihil aliud nisi

G.ij. rerum

rerum omnium labem atque ruinam exspectauerint. Castrorum verò horribilis ac miseranda facies. Nam cum in illa magna multitudo vndique ex Anglia perditorum hominum latronumq; conuenisset, quos spes praedandi, otijque cupido ab agricultura quotidianoque labore auocauisset, tanta fuerunt flagitiorum monstra quae conceperunt, tantaeque in omni genere nequitiae ac libidines, ut eas quodammodo horreat ac reformidet oratio.

Illud certè constat, sicut omnium agris ac aedibus vndique vastitatem & solitudinem infandam intulerunt, sic quaecumque in castra deuecta sunt, lustris & helluationibus nequissimis celeriter consumserunt. Adeo ut incredibile penè videatur, ac portentisimile, quoniam modo illa, tam multa, tam exiguo temporis spatio deuorauerint. Nam praeter cygnorum, anserum, gallinarum, anatum, & volucrum cuiusvis generis numerum infinitum, ad tria millia bouum & ouium viginti diebus paucis in castris luxuriosissime absunta sunt.

Insuper

Insuper viuariorum vallis ac sepimentis (in quibus bestiolæ delectationis causa concluduntur) perruptis atque refractis: quicquid vispiam damarum conspici aut comprehendi potuit, crudelissimè confecerunt. Nihil erat clausum libidini, nō ratio futuri temporis adhibita, non ijs quæ postea acciderunt malis prouisum, nulli sceleribus ac nequitie termini defixi, sed miserandum in modum dissipata omnia & exhausta fuere. Tantæque ouium passim cædes, reliquiq; pecoris trucidationes factæ dicuntur, vt veruex drachma publicè veni erit, capitibus atq; extis, velut escis contemptissimis fastiditis atque reiectis, propterea quòd nullus inuentus fuit, qui illis in tanta delicatioris cibi copia vesceretur. Quid hic nemorum vastationes, ac sylvarum strages commemorem? quibus radicitus penè exstirpatis atque defectis, omnem eam materiam quæ erat cæsa, aut incendunt, aut (quod multò foediùs fuit) in scelerum suorum sedibus ac latibulis exstruendis insumunt. Addi-

tur ad hanc tam atrocem licentiam, (talium
plerumq; factorũ semper comes) crudelitas.
Hominibus honestissimis ac integerrimis, à
foedissimis belluis, omniq; diritate teterrimis,
catenæ iniectæ sunt, multisq; manicæ cõpe-
desque impactæ, quibus bini pariter reuincti,
acerbissimum illum quasi carceris cruciatum
ac carnificinam diutissimè pertulerunt.

Custodes etiam ad omnes portas & vrbis
introitus dispositi, ne qui fortè elaberentur,
iussiq; vicorũ submagistri vti viderẽt ne quis
vrbe excederet. Magniq; agrestium ac rusti-
canorũ hominum greges coacti, quibus præ-
stitutum vt certis in locis vigilias & excubias
agerent. Ijs à vicorum submagistris (vulgò
Constabularij dicuntur) omnia ad libidinem
& luxum suppeditabantur, adeò vt tantis, ac
tam profusis sumtibus multi honesti viri, re
familiari valdè comminuti, funditùs conci-
derint. Odium autem quod inclusum in a-
nimo, in omnes conceperunt, id crudelissimè
in eos quos cõprehenderant, expromserunt.

VVharto

VWhartonus erat quidam, (magno vir
præditus animo, sed minimè populari:) hunc
dum in Ciuitatē ad carcerem & vincula du-
ceretur, ingens seditiosorum caterua circum-
sepsit atq; muniuit, destinata videlicet quæ ei
præsidio foret, ne fortè in itinere à vesana mul-
titudine violaretur. Sed nec VWhartonum
sua probitas & fides, nec seditiosorum diligēs
custodia satis tutata est, parumq; abfuit quin
interficeretur, multiq; mortem illi & inte-
ritum intentarunt, corpusque illius plurimis
in locis hastilibus & spiculorum cuspidibus
perstrinxerunt.

Accidit autem vt eodem penè tempore quo
hæc fiebant, contendentibus illis ad urbem,
Moultonumq; quendam instar captiui tra-
hentibus, (cuius odio deflagrarunt immani
quòd esset vaferrimo semper, venaliquè vir
ingenio (erat enim leguleius:) nec non sicuti
opinio fuit diris votis, ac horrendis supersti-
tionum portentis, inferorum manes elicere
consueffet) dum itaq; (vti supra dictum est)
Moulto.

Moultonum hunc mulierculæ cuiusdam indicio, in sylvis paulò antè repertū, atq; ex vepribus & dumetis, in quæ se melioris inops consilij recens abstruserat extractum, omnibusque oneratum probris & contumelijs secum pertrahunt, cœlum non sine ingenti audientium stupore, horribili tonitru contremuit, maximique imbres grandine permisti defluerunt, terræque repens labefacta est, vtpotè quæ non longè à Quercu (quam Reformatoriam appellarunt) in immensam altitudinem defedit. Cæterum tantum abfuit, vt ad hæc veluti diuina prodigia expauescerent, vt iam perindè ac si cœlesti voce incitarentur, ardentiores ad omne nefas, & multò quàm antea fuerāt inflāmatiores exstiterint.

Neq; porrò minori tempestate conflictatæ sunt nobilium mentes, quos agrestes sæuitia insigni, atq; feritate detestabili furentes, catēnis iniquissimè constrinxerant: qui omnes aut mortem quotidie pertimescebāt, aut ipsa morte diriora tormenta, & quæcunq; ab impurif-

purissimis latronibus cogitari potuerunt terrissima. Etenim nonnulli ac si quid nefandi sceleris admisissent, in desperatorum hominū coetum, tanquam ad iudicium vocati, ac prò Quercu constituti, veluti è vinculis causam dicere cogeantur. Cumque ab imperita & agresti multitudine quæsitum fuisset, quid de illis fieri decreuisset: vno veluti ore ab omnibus cōclamatū est, **SUSPENDEANTVR, SUSPENDEANTVR.**

Denuò sciscitantibus illis, cur hac tam truci voce vterentur in ignotos præsertim, & nullius noxæ aut criminis conscios, ferociter responsum est: usurpari illam vocem ab alijs, & ideò se vicissim eadem vsuros. Neq; præterea quod dicerent habebant: quanquam alij hanc huius crudelissimi clamoris rationem adferebāt, Generosos eos esse, & ideò de medio tollēdos, scire enim se, quòd si quando illi victoria potirentur, omnes sibi sint cruciatus, acerbitatesque perferendæ. Proin præstare vt his quos iam in potestate haberent, vita pri-

H.

uatis,

uatis ipsi, ipsi demum otio ac securitate perfruantur, quam illis vsuram vel vnus horulæ ad viuendum largiri, à quibus postmodum veluti pecora trucidaretur. Adeo inuisum iam nobilium nomen erat & exosum, vt furore penè plusquam hostili flagrant, in fine sortis homines, non nobiles tantum, sed ipsam etiam (si fieri posset) Nobilitatis stirpem dele-re funditus & exscindere concupierint.

Hunc igitur in modum cum omnis propè Regio Norfolciensis huius funestissimi tumultus tempestate perculsa & afflictata fuisset, ac iam viginti ferè à primo dies elapsi interfluxissent, nihilque interim v-bique fieret, nisi vastationes, incendia, rapinæ, omniaque non modò miseranda visu, verum etiam auditu horrenda: tantus omnibus bonis, ac præcipuè ciuitati Norwicensi dolor iniustus est, vt ad hunc patriæ tam lugubrem aspectum assiduo pænè mœrore ac lachrymis contabuerint. Resistere autem huic tantæ improbitati, per illam quæ
iam

iam vndique in castra conuenerat perditorum hominum multitudinem nequibant, & (quod caput erat) arma sumere iniussu Regis, lege, vt antè diximus, prohibebantur. A cuius consiliarijs quoniam nihil adhuc perlatum fuit, vrbi perniciem & deflagrationem quotidie metuentes, abscissa propemodum omni salutis spe, omnisque consilij inopes, intra muros permanserunt.

Erat autem tum fortè Londini Leonardus quidam Sothertonus, ciuis Norfolcensis, qui illinc velut è flamma, & communi incendio vitæ conseruandę causa profugit. Hūc Regij Consiliarij ad se accersunt, & de illo omnia seditiosorum consilia sciscitantur & exquirunt. Sothertonus quæ sciret, enunciat: ingentem nefariorum colluuiem confluisse, ab his omnibus locis calamitatē ac pestem inferri, numerum indies augeri, nihil sceleris fingi aut excogitari posse, quod non conceperint, homines optimos cōprehensos,

H.ij.

ac

« ac in vincula ductos, domos direptas, agros
« vastatos, sylvas incensas & prostratas, pecus
« omne trucidatum, præ rabie ac furore nihil
« vspiam intactum inuiolatūmve relictum, sed
« populari petulantia cuncta confundi: vrbi
« etiam nisi celeriter cōsultum & prouisum sit
« interitum & ruinam impendere. Sperare se
« tamen, atq; etiam inaudisse, permultos esse in
« illis castris ac scelerum speluncis, qui propo-
« sita sibi apud Regem veniæ ac impunitatis
« spe, arma abiecturi sint, & Maiestatis Regiæ
« clementiam amplexuri. Obsecrare ergo, &
« vehementer ac demississimè contendere, vt
« publico edicto Rex fidem astringat regiam,
« fore omnibus impunè, qui ab illis castris di-
« scesserint, posse ita facilimè hos coetus dissi-
« pari. Comprobato consilio, ex Regis autho-
« ritate & sententia statuunt atq; decernunt.
« Maiestati Regiæ placere, ægrotae atq; affli-
« ctæ Reipublicæ, primo quoque tempore me-
« dicinam adhibere, quò à periculosissimis illis
« motibus, & seditionum malis, quibus eam
perfidia

perfidia pestis inuoluisset expiata, conuale-
sceret. Verū tamen omnia experiri velle, pri-
usquā id quod in illa contactum esset atque
pestiferum (ne reliquo corpori noceret) am-
putaretur. Proin decreuisse: poenas iamdiu
improbitali, nequitia, sceleri, ac libidini debi-
tas tantisper differri, spem salutis cunctis si in-
coepto absisteret, denuntiari, fidem Regiam
interponi, omnem seueritatis metum præci-
di, dummodò possint clementia & mansue-
tudine ad pacem sanitatemque perducere. His
igitur hunc in modum deliberatis atque sta-
tutis, hoc solummodò restabat, vt hæc Maie-
statis Regiæ misericors clementia plebi è ve-
stigio proponeretur. Fecialis ad id missus,
(qui eodem Leonardo Sothertono Comite
ad celeritatem adhibito) magnis itineribus
Norwicum contendit. Illinc in castra conti-
nuò progressi, caduceator propter Quer-
cum stans fecialibus indutus insignibus, clara
voce ita vt omnes, qui vndique circumfun-
debantur, loquentem exaudierint. Audite,

H. iij.

(inquit)

« (inquit) audi tu scelerū signifer Kette, & vos
« omnes quotquot adestis, audite.
« Etsi mos maiorum, & huius imperij digni-
« tas, & nominis Regij Maiestas postulare vi-
« deatur, vt vos qui nefaria in patriam arma
« sumfistis, & in apertam coniurationem ac
« latrocinium vosmetipsos coniecistis, hostium
« instar ferro ignique profligati, debitas scele-
« rum quæ concepistis pœnas sustineatis: ta-
« men Maiestatis Regiæ tanta mansuetudo est
« atque clementia, vt quos ad pœnam & sup-
« plicium sceleris atrocitas deposcat, eos tamen
« pro singulari & incredibili benignitate con-
« seruatos velit & incolumes. Proin iubet vt
« protinūs omnes arma deponatis, castra hæc
« & furorum cubilia relinquatis, domum de-
« cedatis, errori si id feceritis veniam largiri, ac
« omnium quæ suscepistis flagitiorū impuni-
« tatem. Sin autem in sentētia, & perfidię pro-
« posito permanseritis, se cuncta maleficia &
« scelera quæ patraistis, acerrimē, vt par est, ac
« omni supplicio vindicaturum, nec pas- in
furum

furum hæc quæ refecanda sunt & sanari non
poterunt, longiùs ad perniciem totius Regni
dimanare.

Hoc cùm magna (vt antè dictum est) voce
promulgasset : ab omni pænè multitudine
conclamatum est, REGIAM MAIE-
STATEM DEVS TVEATVR
INCOLV MEM. Is clamor cùm idē-
tidem redintegraretur, multi in genua pro-
uoluti, hanc tantam & tam inauditam cle-
mentiam ac misericordiam laudibus ac la-
chrymis profecuti sunt. Quam quidem om-
nes tum proculdubiò complexi fuissent, vt-
potè quorum animi pudore ac metu sensim
infringi, ac remollescere cœperunt, si non sce-
lestissimæ nonnullorum voces, Ketti que ad-
hortationes perfidiosissimæ, eos à pacis co-
gitatione auersos, denuò ad sceleris consensi-
onem retraxissent. Ille asperè sanè & feroci-
ter respondit.

Consueſſe Reges flagitiosis hominibus nō
innocentibus & integris veniam dilargiri.
Nihil

« Nihil se meritum, nec vllius sibi culpæ con-
« scium, proin eam vt inanem ac suis rationi-
« bus inutilem aspernari. Exin conuersus ad
« suos, rogat ne se deserant, nèue animo conci-
« dant, sed meminerint quo se fœdere obstrin-
« xerint: paratum se qui vitam (si opus sit) pro
« eorum salute profunderet.

Hæc vbi rabidè iracundèque dixisset: Fe-
cialis homini turpissimo, & tot perfidiæ no-
tis insigni, imminutæ Maiestatis crimen in-
fligit, eumque proditorem teterrimum, &
summi sceleris reum pronunciauit. Iussitque
deindè Ioannem Petibonium Prætoris ensi-
ferum, latroni profligatissimo actionem per-
duellionis intendere. Enimuerò tum tumul-
tuari coëptum est, vtrisque hinc atq; illinc, nō
minùs pertinaci, quàm pernicioso certamine
contēdentibus. Fecialis videns iterum labare
plebis animos, (quos antea pacis denūciatio-
ne nō nihil emolliuerat) & Ketti verbis velut
furiarum stimulis instinctos, à salute quā pri-
ùs amplexuri videbantur, denuò ad scelus
nequi-

nequitiamque deuolui, castris excessit. Multique eum nihilominus mortales consecuti sunt, qui abiectis prioribus consilijs armisque depositis, Regis se fidei permiserunt. Hij omnes vnà cum Prætore & Thoma Alderichio in ciuitatem ingressi.

Prætor continuò portas obstrui iubet, præcipuè verò eam quæ Episcopalis seu Pontificia nuncupatur, quòd illàc è vestigio (nisi celeriter huic consilio obuiam itum fuisset) seditiosi in oppidum irrupturi viderentur. Ad hæc omnes generosi quos antea diximus, à Kettianis in carcerem coniectos, leuati vinculis & è custodia emissi fuere, adhibitiq; in concilium, quæsitumque ab illis qui potissimum hostium impetus retardari possent: rationesq; initæ vrbis defendendæ, ne perditorum introitu ac militari licentia omnia diriperentur. Placuit ad extremum ciuitatem quaquà versùs muniri, portas murosq; asseruari, custodias vigilasque disponi, itinera intercludi, quòd commeatus supportandi facul-

I.

tate

tate vndique incisa atq; prærepta, coniuratorum animi cibariorum inopia, & bellandi tedio perculsi languerent.

His de rebus, dum remotis arbitris multa inter se (vt fit) deliberabundi ac consultantes egissent, trepidi à portis nuntij superueniunt, rem atrocem incidisse prædicantes. Multos esse ciuium qui se horum scelerum communione cōstrinxissent: ex his nonnullos è Kettianis militibus quamplurimos in urbem intromisisse. Cùm hoc tantum repētinè periculi præter opinionem contigisset, & seditiosi in urbem ingressi, cuncta protinùs direpturi viderentur, isq; metus omnium animos perstringeret, à primoribus urbis facile impetratū est, vt generosi denuò in carcerem cōcluderētur. Ne fortè cōspectis ijs in ciuitate solutis, ac demptis, quæ recens iniecta fuere vinculis, seditiosorum animi furoris & irarum pleni, ad cædem & sanguinem irritarentur. Conuocati omnes atq; iterum in custodiam conclusi. Postea tamen intellectum do-

hoste

hostes vrbe qua venerant, egressos, in castra recessisse. Prætor ac primores hoc periculo defuncti, videntes cōiuratos, omniū iam fortunis vndiq; perniciē ac interitū machinari, totos se in ciuitatis cōseruandę cura defigunt. Quāobrem decē maioribus tormētis versūs hostes in fossa (quæ castello circūditur) directis, & ad vrbis defensionē (si qua vis ac impetus fieret) aptē dispositis, quibuscūq; in locis, ac potissimū in ijs quæ vetustate iam dilapsa corruerunt, custodias vigiliasq; constituunt. Quibus protinūs ibidem cōsistere iussis, vt si qui nocturnus hostiū terror incideret, continuo lapidibus, telisq; disiecti, vrbe portisque depellerētur: ceterę multitudini imperatū, vt ad quemuis euentū armata omnis in foro, & in trāsuersis viarū diuerticulis præstolaretur. Et quoniā apparebat tormenta (quæ quidē & prius diximus) in fossis & murorū ruinis defixa, nec hostibus multum obfutura, nec ciuib; quicquam ad defensionem opis allatura, idcirco Prætoris imperio ea omnia in planiciē

I.ij. confe-

confestim deuēcta sunt: ijsq; prata quæ inferiori vr̄bis parti subiacent, celeriter instructa. Noxq; ferè tota quæ infecuta est, crebris atq; infestis vtrinq; tormentorum emissionibus absumta fuit.

Postero die coniurati vicissim cernentes, ex illo nocturno tumultu, plus vr̄bi terroris quàm cladis illatum (propterea quòd glandes quæ è bombardis emitterentur, ciuitatem transuolantes, damni nihil fecissent) tormētis quæ habebant omnibus è summo in planum deductis, ijsq; ad radices montis defixis, vr̄bem quater de integro cœpēre.

Verùm enimuerò quòd non ita multò post totis castris cibariorum inopia premi cœptū est, quò commodiùs posset ex finitimis locis commeatus subuehi, inducias cum ciuib; pacisci decreuerunt. Iacobum quendā Guilielmum, & Radulphum Suttonum, homines impurissimos, ac de infima ciuium Norwicēsiū plebe postremos, huic muneri defungendo præfecerunt. Hij protinùs illinc cū

indu-

induciarū vexillo ad portas profecti, & per-
missu ciuium ad Prætorem & Senatū intro-
ducti, demū ita locuti traduntur.

Dux noster Kettus, eiusque commilitones, ”
ab hac ciuitate & à vobis Prætore, patribusq; ”
paucorum dierum pacem & inducias depo- ”
scunt. Quò sibi per urbem (sicuti nuper fieri, ”
consuevit) detur commeatus supportandi fa- ”
cultas. Quam utiq; nisi concesseritis, per vim ”
se in oppidum irrupturos, atque cuncta ferro ”
flammaque deleturos denunciant. Prætor ad ”
hæc respondit.

Proditores esse illos teterrimos, perfidia &
omni inaudita nequitia coopertos. Nolle se ”
eorum iniquissimis postulationibus quicquā ”
deferre: nec si velit, licere quidem: præsertim ”
illis (hominibus qui vnquam post homines ”
natos exstiterunt) turpissimis. Tot illos, tanta ”
ac tam intolleranda facinora suscepisse, vt nō ”
solū è ciuitate excludendi, verumetiam ex ”
finibus humanæ naturæ (si fieri posset) peni- ”
tū exterminandi viderentur. Regiam ab illis ”

Maieſtatem imminutam, patriam vaſtatam,
« Norwicensem penè omnem ciuitatem qua-
« quà verſus depopulatam, ſibi poſteriſq; æter-
« num ſcleris & perfidiæ dedecus inuſtū, per
« vim ac nefas vexata, polluta, perturbata, diſ-
« ſipata omnia: tamen vt in ciuitatem admittā-
« tur rogare? vt ſint eo iure quo ciues? fructuū
« ac munerum diuinorum participes? inopiæ
« demū vt ab his ſubueniatur deprecari? Quid?
« non poenitere ſclerum quibus ſe obſtrinxif-
« ſent? ne pudere quidem? Enimuerò ſtatueret
« nō poſſe ſcleratiores ſe ſint qui hæc patrarint,
« an impudentiores qui iſtæc poſtularint. Spe-
« rare verò ſe à Prætore, & eodē Prætore, quem
« nuper carceris contumeliam perferre coëge-
« runt, ab hac vrbe, quam funditus exciſam cu-
« piunt, à populo Norwienſi, cui vim ac belli
« terrorem vndiq; intulerunt, annonam & cō-
« meatum (veluti furoris pabulum) ſubmini-
« ſtratum iri, cuius tandem dementiæ videri?
« Eant ergò eant, & Ketto conſcleratorū fla-
« gitioſiſſimo duçi hæc renūtient. Ciues Nor-
wienſes

wicenses Regiæ Maiestati, non patriæ prodi-
toribus & belluis immanissimis obtempera-
turos. Se ne tanti quidem facere pericula &
terrores, quæ vrbi ab illis intenderentur. Ir-
rumpant, vastent, deleant, excindāt, proster-
nant, depopulentur omnia, dūmodo vindicē
sciant & ultorem Deum, & tantorum tandē
conscientia scelerum perhorrescant. Datturos
enim proculdubiò eas propediē poenas, quas
ipsimet sibi furore & amentia contraxissent.

His in castra ad Kettū & comites celeriter
perlatis, impotēti ira odioq; (tanq̃ œstris) per-
citi, clamore truci ac infesto vociferantes de
colle decurrerūt. Cūq; propē ad portas per-
uenissēt, omni vi cōnixi sunt in vrbē irrūpe-
re, sed telis sagittisq; repulsi, eo conatu destite-
rūt. Ac tum quidem quicquid erat tormēto-
rum, (quæ antea diximus in subiectos vrbi
cāpos delata) id omne à nostris in hostes effu-
sum: cæterū in magna tormentarij pulue-
ris inopia, & libratorum imperitia, parū
aut nihil sanē profectum. Verum ~~multa~~ multi
sagittis

tamen

ſagittis confixi vulnerabantur, quæ cùm in
terram frequentes decidiffent, puberes ruſti-
cani (quorum erat numerus ingens) & alij
de fece homines ſordidiſſimi eas legere ſole-
bant & ad hoſtes deferre. Adeoq; omnes ex-
arſerant animis, vt inermes etiam pueri (per-
indè ac ſi vis quædam illos à ſenſu mentis ab-
ſtraxiſſet) paſſim diſcurrentes, omni verborũ
contumelia noſtros laceſſerent.

Addebatur huic maledictorum importu-
nitati facinus odioſum & immane. Etenim
(legẽtibustamen honos præſandus eſt) quidã
ex illis clunibus detectis, & ad ludibrium in
noſtros verſis, truci clamore ac vlulatu cuncta
complentes, palàm, ſpectantibus omnibus, ea
fecerunt, quæ ab homine verecundo ſcribi nõ
poſſunt. Sed natibus tranſiectis, nonnulli di-
gnas (vti par fuit) ſcleris poenas depende-
runt. Quinetiam ferunt quosdam ex illis ſa-
gittas in corpore defixas (horrendum dictu)
ipſos ſuis manibus è recenti vulnere extra-
xiſſe, illaſq; (ita vti erant) cruore & ſanguine
ſtillan-

stillantes , ex coniuratis ijs qui circumsterant dedisse , quo in nostros refunderentur. Tanta inerat in omni pænè ætate cuncta delendi cupido, tantaque sanguinis hauriendi sitis.

Interea verò cùm ex altera parte ciuitatis horribilis clamor oriretur, AD ARMA, „ AD ARMA, Ciues si viri estis AD „ ARMA : hostes in vrbe sunt : illucq; omnes de repētè, vti trepidantiũ mos est vbi maximè tumultuantium voces strepitusque exaudiuntur, concurrissent, coniurati de superiore loco omnia cõtemplātes , & oppidanos raros in muris, & pro portis conspicati, extēplò eam partem ciuitatis quam defensoribus vacuam vidissent inuadere statuerunt. Ibi pueri (de quibus antea diximus) & ex illa colluuione agrestium, turba ingens, rem ausi sunt non modò visu mirabilem, sed & auditu profectò incredibilem. Namque inermis cæteròqui multitudo, pars fustibus & gladijs, alij baculis, sparibus, aut lanceis, (vt quemq; casus

K.

arma-

armauerat) instructa, in fluuium quo vrbs ad portā (quæ Episcopalis appellatur) alluitur, præcepit se demisit. Quem intrepidè tranātes, & ad portas tumultuosissimis clamoribus vociferabundī deuolantes, omnium mentes tāto horrore perfuderūt, vt nullus pænè existeret qui non eū diem sibi vrbiq; fatalē futurum crediderit. Itaque pauidi ferè omnes consternatiq; diffugerunt, & qua cuiq; dabitur iter in domuum ac tectorū abdita (urbem indefensam relinquentes) obrepserunt. At cōiurati omnibus portarū claustris reuulsis, quodcunq; tormentorū & instrumenti militaris reperibant è ciuitate in castra transportarunt. Ibi cū è nostris nonnulli ex harum rerum miserabili intuitu, dolore ac cōmiseratione perculsi, voce flebili, ac oculis lachrymantibus, hanc tātam à ciuitate calamitatem deprecaretur: à pueris, & rusticanis, qui ludibundi circumsteterunt, proditores appellati, ac indignissimum in modum omnibus probris maledictisq; lacerati, afflictisq; fuere.

Sedenim

Sedenim patefactis iā (vt antea diximus) portis, cū omnia seditiosorum audacia violentiaque permiscerentur, (frequentes enim ē castris in oppidum conuenerant) Fecialis (namque adhuc in vrbe fuerat, necdum dies vltima à Maiestate Regia multitudini præstituta, ante quam liceret sine fraude ab armis discedere præterierat) cum Prætore in forum magna multitudine ciuium circumfusus deuenit. Ibi Regis nomine denuò denuntiat vti arma deponant, castra relinquāt, domum (quisque suam) decedant, misericordia & clementia Regia supplices vtantur, si fecerint saluos se fore, omnisque supplicij securos: alioquin nihil aliud nisi acerbissimos cruciatus, mortem, extrema denique omnia expectanda. Huic cū dixisset arroganter sanè & asperè à seditiosis succlamatum est: Iret in malam pestem malumque cruciatum, cum suis inanissimis pollicitationibus: insanire ipsum qui talibus blanditijs in illorum aures influens, confideret eos

K.ij.

verbo-

« verborum lenocinijs delinitos , oppressos ad
« extremum & circumuentos iri. Istiusmodi
« verò misericordiam detestari se , & modis
« omnibus execrari , vtpotè quæ extrinsecus
« lubrica & inani impunitatis obiecta spe , pe-
« nitùs omnem insidiosissimè salutem præcidat
« & amputet.

Fecialis videns cunctos furori & nequi-
tiæ veluti mancipatos iam, & addictos, nec
posse vllò vel supplicij metu , vel impunita-
tis spe , de sceleris cogitatione deduci : infe-
cta re, vrbe confestim excedens , ad curiam
reuertitur. Protinùs à cuius discessu coniu-
rati Leonardum Sothertonum ad se acciri
iubent, quò illi vincula inijcerentur, quòd is
se comitem feciali in itinere coniunxisset.
Sed Sothertonus re intellecta , veritus ne in-
fana & turbulenta plebs, odio quo in omnes
bonos incitata flagrabat, corporis illi carnifi-
cinam, necemue infligeret, clanculùm apud
suos in ciuitate delituit. Deindè Kettus præ-
torem , Robertum VVatsonum , Guiliel-
mum

ad
di
dis
uis
e-
lat
ui-
ec
ta-
fe-
am
u-
ciri
dis
et.
in-
nes
ifi-
ud
ræ-
iel-
um
mum Rogerum , Ioannem Homerfonum,
Guilielmum Bramptonū , & alios complu-
res comprehensos, è ciuitate in castra , atque
indè in cuſtodiam deduci iubet. Quamobrè
omnibus catenæ iniectæ , atque in montem
Surræium concludi , ibique ad extremū con-
iurationis diem in carcere, ac vinculis detenti,
tandem pars dimiſſi , pars verò crudeliſſimè
interfecti ſunt.

Dum hæc & huiuscemodi in caſtris tu-
multuoſiſſimè geruntur, Kettus cernens eò
iam rem deuolui , neceſſe vt ſit illi aut cruen-
ta victoria contra patriam potiri, aut dignum
moribus factiſq; ſuis exitum propediem ſor-
tiri , commodiſſimum ſuis rationibus exiſti-
mauit ſi copiæ quàm poſſent maximæ con-
traherètur. Quamobrem omnes vndiq; qui
conciri poterant fugitiuos, & homines tam à
re quàm à ſpe derelictos, præmijs ac pollici-
tationibus illexit, vt ſeſe ad ſocietatem huius
exſecrandi tumultus adiungerent. Itaque in-
credibile eſt , quantam & quàm penè innu-
merabi-

K.iiij.

merabilem facinorosorum hominum multitudinem de repente conflauerit.

Attamen ciues indignè ferebant Prætorem suum virum optimum & integerrimū, à flagitiosissimis sicarijs, & sanguinis vt iam videbatur sitientissimis vinciri, & victo insuper carceris contumeliam & dedecus impingi, metuentes etiam ne tandem ab illis crudelissimè per vim morte mulctaretur, eò quòd pars eorum multa atrocìa illi minitarentur: pars verò honestissimi viri nomen scurrili & insulto ridiculo, necnon periculoso (vtpotè quò mors illi quodammodò portenderetur) perstrinxissent. Nam cùm Coddus nominaretur, piscis autem sit marinus, quem nostrates **COD** appellant, (qui idem Latinis Capito nuncupatur) in Prætoris optimi nomine ac periculo ansas ad risum & ludibrium alter alteri inuicem subministrantes, identidem clamare & vociferari solebant, vti omnes craftinò conuenerent, Capitonis caput eo die publicè in castris
denario

denario vænum iri. His de causis veriti,
ne à seditiosis grauius aliquid in eum sta-
tueretur, Prætoris de se optimè meriti pe-
riculo mirificè perturbati, ad Thomam Al-
derichium certatim de hac tam importuna
audacia, violentiaque effrænata questum
venerunt. Fuit hic Alderichius vir (vti
antè diximus) omnibus vehementer cha-
rus, tantumque prudentia, grauitate, &
modestia perfecit (erat enim impigro atque
acri ingenio) vt immanissimis etiam ho-
stibus illius nomen plerumque terrori existi-
terit. Nam cum illum omnes magnope-
rè dilexissent, singularem eius humanita-
tem ac modestiam admirantes, in tantam
(etiam apud seditiosorum principes) autho-
ritatem breuè peruenit, vt eius neque consili-
um, neq; inceptum vllum frustra vnquam
ceciderit. Itaque multis bona, quæ per vim
à coniuratis adempta fuerant, illius opera re-
stituta sint, multiq; Rebellium pestiferico-
natus eius prouidentia ac sedulitate restitui.

Hic

Hic igitur cū quanto in discrimine Prætoris salus ac vita versaretur, intellexisset, indignitate rei permotus, ad Kettum in castra perrexit, monet vti Prætori vincula adimeret, eumque è custodia liberaret. Ad hæc Kettus cū veluti cogitatione defixus, verbum nullum emisisset: Alderichius clara voce inclamans, non te pudet proditor nequissime, non dico hominem innocentissimum, sed Prætorem, id est Regiæ maiestatis vicarium fidelissimum, carcere ac vinculis coercere? Adeone ferox & cruentus es, vt cū omnium fortunas ac bona luxu ac libidine dissipaueris, satiari iam non potes nec expleri, nisi ad extremum innocentium etiam sanguinem exorbueris? Quin ergo homo omnium quos terra sustinet sceleratissime, eum confestim de custodia deduci iubes?

Hæ verborum tanquam faces acriter in Kettum intentæ, tantam siue hominis qui loquebatur verecundiam, siue, quod verisimilius est, ex scelerum conscientia metum ac for-

formidinem incusserūt, vt quod alij precibus atq; omni cōtentione impetrare nequissent, id ille minis ac orationis grauitate perfecerit. Cuius prudentia Prætor libertatem adeptus, etsi prorsus omnem illā turbulentissimi temporis procellam deuitare nō potuerit, tamen & carceris acerbitatem & vitæ periculū felicissimè subterfugit. Quamobrem facta illi vltro citroq; in ciuitatem commeandi facultate, multis postea ciuiū in ijs malis quæ tum urbem oppressere subsidio fuit illius probitas & industria. Et quoniam omni tempore ad gubernacula ciuitatis sedere nequibat (quippe qui plerumq; perpetuò in hostium castris cōmorari coactus fuerat:) Augustino quodā Stuardo in illius locum suffecto, omnem urbis defendendę curam (se absente) delegauit. Qui quidem ascitis sibi Henrico Bacono, & Ioanne Atkinsono vicecomitibus, ciuitati diligentissimè præfuit, omnesq; oppidanos (nisi qui fortè immaniores exstitissent) in officio facilè continebat.

L.

Cæte-

Cæterum hic operæpretiū erit referre, quā tristes & tetrici Iudices exstiterūt in eos quos captos, & in vinculis detentos, omni ludibrio & ignominia crudelissimē affligerunt. Quorum tanta fuit atrocitas & nequitia, vt quos singulari primum & inaudito scelere violassent, eos ad extremum diuexatos, & acerbissimis affectos iniurijs, stolidissimæ & insanissimæ multitudini iugulandos obiecerint. Indicto namq; die, quō comprehēsi velut rei in publicū producerentur, vt præposterō Iudiciorum more quæstio de ijs exerceretur: Kettus palam omnibus inspectatibus, arborē quā vocant **REFORMATORIAM** conscendens, (ordine vnoquoque nominatim citato) ab affeclis & scelerum cōscijs qui circumfusi steterūt, sciscitari solebat: quidnam illis videretur? Ibi furiosissimi nebulones, de vita innocētissimorū hominum quæsitores ac iudices constituti, si nihil de reo cōperissent, **BONVM VIRVM** eū esse, **BONVM VIRVM**, & absolui debere

debere conclamarunt. Sin autem tenuissima alicuius leuissimi criminis suspicione, illius qui nominaretur fama perstricta fuisset, aut quæuis vel minima res reperiretur, qua fortè quempiam ex illis aliquando offendisset, **SUSPENDEATVR, SUSPENDEATVR** respondet aliquis: cuius voce cætera plebes velut furijs instincta, tametsi hominem albus aterue fuerit penitus ignoraret (vtpotè cuius antea nomen ne audierit quidem) tamen idipsum semper vociferari consuevit.

Atq; hunc in modum proditores pestiferi, non iudicio & ratione ducti, (ne sui fortè dissimiles viderentur) sed cæco ac repentino quodā impetu animi (quasi turbine) correpti, vno persæpè verbo, & vesano veluti furoris nutu, viris integerrimis miserrima & crudelissima supplicia inflixere. Tanta certè vis morbi, atque vti tabes omnium animos inuaserat, vt alienatis propè sensibus, & tantorum scelerum atrocitate stupefactis, omnia

iura diuina & humana immani furore & audacia polluerint.

Paucis ab illo tempore interiectis diebus, rei militaris præfectura, belliq; administrandi potestas, **GVLIELMO PARO** Marchioni **NORTHAMTONI-ENSI** ex imperio regis delata est: iussūq; uti protinus Norwicum cōtenderet, daretq; operam ut quoniam hij tanti furores, clemētia ac mansuetudine consopiri nequiuissent, Kettianos perindē ac proditores & Maieſtati Regiæ hostes immanissimos ferro flammaq; persequeretur. Northamtoniensis ex sentētia rebus omnibus paratis compositisq; cum mille quingentis militibus (sicuti imperatum fuit) paulò post Norwicū proficiscitur. Erant autem illo in exercitu reguli duo, Sheffieldensis, & VVentworthēsis, præterea Anthonius Dēny, Richardus Southwellius Radulphus Sadlerus, Ioānes Gatesius, Thomas Pastonus, Henricus Bedingfieldus, Ioannes Suliardus, Gulielmus VValgruius, Ioan-

Ioannes Cutzius, Thomas Cornwalleyfius,
equestris ordinis viri. Ad hæc Armigerorū,
& Generosorum, tam Anglorum quam Ita-
lorum, cateruæ splendidissimæ.

Cū iā mille tantū ab vrbe passuū abesset
Marchio Northamtoniensis, fecialē confe-
stim præmisit, qui vrbi (sicuti mos est) nisi pa-
ruisset, bellū indiceret. A quo omnibus quæ
fieri cōsuefunt, in ciuitate promulgatis atq;
transactis, Augustinus Stuardus vrbis pro-
prætor, celeres protinūs nuntios dimittit, qui
Coddō Prætori renūtiarēt, (inuitissimū hūc
antē diximus in Ketti castris detentū) quæ
mandata Regio nomine ciuitati à Marchio-
ne Northamtoniensi proponerētur. His eā-
dem qua profecti sunt celeritate reuersis, de-
mum feciali à Prætore responsum. Nihil sibi „
vniquam in vita accidisse tristius, quā hæc „
malā quæ à seditiosissimis hominibus inuecta „
patriam ac ciuitatē Norwicensē, antea flo- „
rentem, iam pænè inexpiabili scelere peruer- „
tissent. Se quantum humana ratione proui- „

«deri potuit) omniſpe adnixū, vti hij tumul-
«tus primo quoquo tēpore profligarētur: ne-
«quiſſe tamen præſcelerum rabie quibus im-
«plicate omniū mentes tenerētur. Carceris ſe-
«terrorem, mortis pericula, omnes deniq; acer-
«bitates pertuliſſe, ac nunc quidē ab hoſtibus
«vndiq; circūſeptū teneri, alioquin (ſicuti par-
«erat) ad Marchionem Northamtonienſem
«cōfeſtim vēturum fuiſſe. Verum enimuerò
«quò facilius ciuitatem in officio contineret,
«eius tuendæ auctoritatē Auguſtino Stuardo
«homini induſtrio delegaſſe, ne fortè ſe abſen-
«te, plebs per imprudentiā laberetur. Urbē in
«illius poteſtate futurā, ſeq; (ſi Kettus permit-
«teret) libenter ad eum iter in caſtra ſuſceptu-
«rū, & ſuas, ciuitatisq; fortunas, eius fidei per-
«miſſurū. Hijs properè per ſecialem ad Nor-
«thamtonieſem delatis, Proprētor cōtinuò cū
«vicecomitibus ac magno ciuiū numero ſub-
«ſecutus, in Northamtonienſis caſtra conceſ-
«ſit. Cui enſe tradito (inſigne iſeſt Regiæ ma-
«ieſtatis & potentia, atque in maximis An-

glia

glia ciuitatibus prætore semper præferri con-
suevit) demonstrat quemadmodum prætor ipse
(quod maximè in votis erat) venire nequi-
ret, se tamen atq; primores ciuitatis suæ ad se
se, qui urbem, se, suaq; omnia in fidem atq; po-
testatē Regiā transdaret: fateri per multos op-
pidanorū exstitisse, qui deterreri non potue-
rint, quin cū his consentirent, maximā tamen
optimorum ciuiū partē in fide ac officio per-
mānisse, neq; se cum reliquis cōiunxisse, neq;
cōtra maiestātē Regiam omnino coniurasse:
hanc paratā esse, & imperata facere, & eum
exercitūq; in ciuitatem accipere. Northam-
toniensis oppidanorum animos verbis cōfir-
mauit, pollicitusq; est sibi ciuitatē curæ futu-
rā, magnam se habere spem, fore ut huiusmodi fu-
rores, quibus nunc omnia arderēt, breui cō-
pescerentur. Quæ cū dixisset, Southwellio
ensē tradidit: quē ille (qui honos semper amo-
stris, Prefectis regijs antiquo more & solenni
defertur) nudo præferens capite, Northam-
toniensi in ciuitatem præibat. Qui per por-
tas

tas D. Stephani ingressus, protinùs indicit,
vtri omnes ad se in forum conuenirent. Ibi diu
deliberatum, multaq; à multis tam ad vrbis
defensionem quàm ad hostium impetus re-
tardandos excogitata. Tum vigiliæ in muris
& prò portis excubiæ, omnibusq; in locis (si
quæ fortè infirmiora videbantur) armati ad
quemuis euentum collocati.

His constitutis rebus atque peractis, Nor-
thamtoniensis sub noctem, venit in domum
Proprætoris, ibique cum cætera multitudine
Nobilium, ac Generosorū coenatus est. Per-
acta coena, cuncti in illis ædibus, etsi itineris
tædio, ac æstu languidi, armati tamen, ne in-
cauti opprimerentur, ea nocte conquieuêrūt.

Atq; hic casu ne, an consilio euenit, nondū
satis comperi, factum tamē est, vt Itali quidā
cum magna Coniuratorum manu (multis
vtrinq; vulneribus acceptis & illatis) confli-
xerint. Ex quibus vnus, cū intrepedantius se
in medios hostes inferret, vir fortissimus, pri-
mū multitudinem circumuētus, ad extremū
captus,

captus, & ignominiosissima morte affectus est. Nam vestibus omnibus, & armis (quibus indutus erat sumtuosissimis, & affabrè sanè factis) detractis, nudum eum (multis tamen prius affectū probris & cōtumelijs) de quercu in arce Surriensi suspēderūt. Magnū equidē omnes acceperunt dolorē, ex tā crudeli, ac miserabili morte optimi viri, ac militis præstantissimi, hancq; tam atrocem ignominiam ab illo (si licuisset) pecunia (quanta certè æstimari non potest) libētissimè redemissent. Verūtamen ex huius calamitate, statim initio perspectū, qualis & q̃ detestabilis in ijs qui contra patriā scelerata arma sumserūt inesset immanitas. Quanquā nō ita multo post consilio diuino (neq; enim malos diu cōsistere patitur inultos innocentium profusus cruor) Caymus ipse qui author huius tam diræ crudelitatis exstiterat, eodem genere mortis, etsi nimium seras, dignas tamen tam execrabili sæuitia pœnas suscepit.

At, enim Northamtoniensis nocturnos
M. hostium

hostium in urbem introitus metuens, iussit ut custodiæ, & vigiliæ, (quas antea diximus diuersis in locis dispositas, in muris, & portis, cōstitisse) acerbius, & diligentius (quā vulgò fieri consuevit) circumirentur. Quò (nostrorū tū oculis tū animis in omnes hostiū conatus paratis atq; intentis) si quæ fortè nocturni tumultus procellæ exfuscitarētur, eorum cōsilijs facilimè, ac nullo negotio occurrī posset & obsisti. Quod quidem à cēturionibus sedulò factum fuit, cæteriq; omnes milites in foro excubabāt, qui magna lignorū strue exstructa, eandem incenderunt, ne si quid fortè contingeret, nostri tenebris & locorū inscitia impediti, hostiū insidijs, imprudentes, & incauti, circumuenirentur.

Edwardus V Varnerus, (equestris ordinis vir) & tum tribunus militum (Mareschallū vulgò appellant) tesseram dedit. Thomę autem Pastono, Ioanni Clero, Gulielmo Valgrauio, Thomę Cornwaleisio, Henrico Bedingfeldio, (exploratæ virtutis, atq; pruden-

tia

tia viris) diuersæ vrbis partes ad defensionē ipsius distributæ sunt. Qui omni studio rem complexi, summaque cum alacritate officio functi suo: tum huc, & illuc, perpetuò circumcurstantes, nostrisque nunc voce, nunc vultu, nunc labore, & alacritate ipsimet sua, vim & aculeos addentes, pestiferos rebellium conatus prudentissimis consilijs anteverterunt.

Porro cunctis iam rebus ex sententia confectis, Northamtoniensis, quiq; cum illo venerant omnes (ijs solummodò exceptis, quibus, vt diximus, propugnandę vrbis cura incubuit) corpora diurno fessa labore, quieti tradere constituerunt.

Iamque suavi sopore, nostrorum hominum membra deuinxit somnus, cum concubia ferè nocte coniurati, ac si iamiam in urbem irrupturi forent, terribili tormentorum tonitru, horrificisq; omnia circum clamoribus permiscuerint. Quanquam certè percommode ea in re accidit, vt ferreæ

M.ij.

pilæ

pile, quę maioribus ę tormentis in urbem disploderętur, perpetuò suprà nostrorum capita volantes, non magnoperę nocerent, siue eas ignis vis, impetusque, violentiùs abstulerit, siue libratorum manus infidę (nam sunt qui pecunia corruptos putent) tormenta sua altiùs aliquantulũ quàm expediret, de industria direxerint. Quę quidẽ dũ hũc in modũ (quãuis semper sine damno) creberrimę tamen, ab impuris importunisq; latronibus excercerentur, continenti fragore, reboatuq; horrifono tantum terroris inuexerāt, vigiles vti nostri qui in muris, quiq; in portarum stationibus constiterunt, (AD ARMA) sæpiùs conclamarent. Idq; cùm crebrò fieret (neq; enim hostes vnquam furere destiterunt) Northamtoniensis qui se, si quid in urbẽ tumultuosius coniurati machinarętur, protinùs acciri iusserat, à Tribuno militum excitatus, ijs quos in exercitu habebat nobilibus ac generosis stipatus, in forũ descendit. Deinceps quò paucitati atq; infrequetię mi-

litum

litū prospiceretur, oppidūq; facilius propugnari posset, consiliū cœperūt huiuscemodi: uti omnes auersæ ab hostibus portæ, muro-rūq; ruine obstruerētur, rati sic nec militē ad mœnia defendenda defuturum, si copiae angustius contraherentur, & hostem sine periculo vrbis introitu arceri posse.

Rebus hijs institui iam cœptis, & ad exitū pænè perductis, seditiosi ad vnū ferè omnes, rapidissimi torrentis more, è speluncis deuoluti suis, dissonis cum clamoribus, atq; vlulatus feris, inconditisque, ad urbem decurrerunt. Ibi ferro, igniq; portas comburere, atq; exscindere conantur alij, alij muros conscendere: fluuium tranare nonnulli: multi per loca humiliora, & vetustate collapsa mœnia, in oppidum sese iniicere. Cōtrā nostri omnia moliri cœperunt: magnaue vi contendere: ingressum hostem vndiq; fortiter repulerunt: aduentum iam, & influentem, viriliter represserunt: hastis, sagittis, gladijs, omni telorum genere profligarunt:

M. iij.

eoque

eoque rem deduxerunt, vti fractus paulatim atq; imminutus irruentium vigor, fluctuare aliquātulum incoeperit. Cæterum pugna fit inflāmatissimis vtrinq; armis, sæua, peratrox, cruenta, (si qua alia) dū in urbē per vim infundere se niterētur hij, nostri autē illos omni aditu prohibere. Itaque ad horas ferē tres, acerbissimis inter se conflictati odijs decertarunt, cōmissumq; acrius (suprà quā quis crederet) & ardentius, diuersis in locis preliū: euetu certē adeò dubio, & ancipiti, vt nisi nostrorū hominū ad repugnandū ardor mirificus, Pastonij verò, Valgrauij, cæterorumq; equitum peregregia virtus, & planē inexsuperabilis exstitisset: ea nox nostris proculdubio vna omnium calamitosissima cōtigisset. Tanto siquidem furore rebellium mentes ignitæ atque incensæ fuerunt, tantaque bellandi libidine, vt quamuis mortiferis concisi vulneribus, pugna tamen abstinere noluerint, sed semianimes, & suo, atq; alieno, immerfi cruore, ad extremū vsq; spiritū, nostris indigna-

indignabundi restiterunt. Multi etiā pectō-
ribus ferro transfixis, & fœmorum nervis,
atq; poplitibus incis, (horresco referēs) ge-
nibus innixi tamen, tam diris exagitabantur
furijs, nostrorum vt nates atque crura inter-
mortuis iam pænè manibus, & planè exsan-
guibus conuulnerarent. Verūmenimuerò
nostri inclinatam iam tandem hostium vim
& subdebilitatem animaduertentes, impetu
adeò vehementi sese intulerunt, vti sustinere
repugnātes diutiùs, aut cōsistere nequierint,
sed viribus vndique protrit, atque contu-
fis, ingenti cum strage suorum (trecēti enim
in illa pugna ceciderunt) ex oppido expulsi,
reiectique, in perinuisa cubilia denuò sese
condiderint. Quo nostri prælio defuncti,
(paucis ex suis desyderatis, vulneratis ve-
rò paulò pluribus) aduersus omnes hostiū
insidias securi, id quod supererat noctis, (su-
perfuit autem non multum) quieti dederūt.

Crastinus autem vbi illuxisset dies,
ex oppidanis nonnulli ad Northamto-
niensem

nienſem detulerunt, permultos eſſe coniura-
torũ in Ketti caſtris, quorũ in animis omnis
iam furor reſtinctus deferbuiſſet, hoſ perfa-
cile & nullo negotio impelli poſſe, vt ab illa
cõſcelerata perditorum hominum ſocietate
deſciſcentes, ad officiũ cogitationẽ & ſalubri-
ora cõſilia ſeſe traduci finãt. Pertæſum enim
iamdiu ſclerum quæ perpetrãſſent, præ-
ſtoq; eſſe ad portas Pockthorpenſes, quatu-
or vel quinque millia hominum, qui nihil a-
liud exſpectent, nihil deſiderent, niſi pacem
& veniam, quæ ſi iam tandem ab illo propo-
neretur, cõfidere ſe illos è veſtigio arma ab-
iecturos, & Regiæ ſe clementiæ miſericor-
diæque permiſſuros. Northamtonienſis ex
hoc nuntio, incredibili ſanè lætitia ac volup-
tate perſuſus eſt, vtpotè qui maluerat faci-
lem & incruentã reportare victoriam, quàm
(etſi perduelles eſſent & nocentes) lugubrẽ
tamẽ, & ciuili ſanguine reſperſam. Fecialem
vnã cum Tubicine conſeſtim dimittit, iubet
fidem vti Regiam interponeret, impunè fore
omnibus

omnibus qui ab armis recederent. Hii continuo ad portas Pockthorpenſes progreſſi, neminẽ tamen illic inueniunt. Verũ fecialis buccina ſignum dat, ad quod cũ ab hoſtibus effuſiſſimẽ de Monte decurſum eſſet, Flotmannũ quendam (hominem ferum & immanem) conſpicatus, (princeps enim de colle deſcenderat) clara voce fecialis conſiſtere iubet. Quærenti quidnam eſſet? & cur tubæ cantu illos ad colloquium conciuſſet: Fecialis: Abi (inquit) & à Marchione Northamtoniẽſi, huius belli præfecto tuis, renũtia: Maieſtatem Regiam monere, vti iam tandem reſipiſcant, & his tantis furoribus finem imponant: ſi fecerint: ſaluos ſe fore: & illius clementia tutos, & incolumes, neq; cuiquam quod admiſiſſet ſcleris, fraudi futurum.

Ad ea Flotmannus (vt erat volubili ſemper lingua, & ad petulantem loquacitatẽ celeritate quadam præcipiti) ſuperbẽ, minaciterq; reſpõdit: Quod ad Northamtonienſem at-

N.

virtutis

“virtutis , neque consilij , neque fortunæ
“virum , sed eum contemnere , & pessimè
“odisse , tanquam infamem , leuem , impu-
“rum, atque alienæ semper opis indigentem :
“perfidia denique, atq; omni proditionis tur-
“pitudine delibutum. Regiæ salutis, dignita-
“tisque propugnatores , se semper acerrimos
“exstitisse, eaq; mente perpetuò futuros, illius
“vt incolumitate suas, omniumque bonorum
“fortunas, inniti arbitrentur. Arma se indu-
“isse, non contra Regem, sed quæ Regi, sibiq;
“in posterum salutaria futura confidant: neq;
“vlla, vel concepti sceleris cōscientia, vel læsæ
“maiestatis dedecore illigari. Ecquid enim
“aliud conari? quàm regium nomen, maiesta-
“temq; defendere? cōmuni saluti prospicere?
“legum libertatisque iura tueri? semetipsos,
“coniuges, liberos, fortunasq; suas cōseruare?
“rem deniq; publicam (indignis vexatā mo-
“dis) ab inimicorū suorū detestabili superbia,
“libidine , crudelitate , vindicare? Proin cul-
“pæ expertes à pœna ita immunes ac liberos
esse

esse debere. Nam quod persplendens ille „
 præco, multoq; perinsignis auro, ad speciem „
 præclara sibi quædam & magnifica dudum „
 proposuisset: id eo sanè fieri cōsilio, vt aut in- „
 fidiōsa pacis cōditione, libertatis recipere „
 dæ studia restingueret, aut ipsos salutaribus „
 quibus septi fuerāt præsidij nudatos, omniq; „
 ope exclusos, truculentissimis belluis deu- „
 randos obijceret. Impunitate igitur (inquit) „
 tua qui deliquerint, fruantur: per nos licebit: „
 nos qui hijs armis, atque innocentia tecti no- „
 stra, securi tutiq; sumus, nullius vnquam mi- „
 sericordiam implorare decreuimus. Etenim „
 prostratā iam pænè Rempub. & generosorū „
 indies importunitate labefactatā, & impulsā, „
 aut hijs conatibus, ex miserabilibus in quibus „
 iam diu iacuit ruinis, ad pristinā dignitatem „
 excitaturi sumus: aut (quod viros fortes, ma- „
 gnoq; præditos animo decet) capitis periculo „
 audacter decernentes, in prælio (nequaquā „
 prodita, quāuis oppressa libertate) morituri. „

Vix dum finem fecerat huius furiosissimæ

N. ij.

oratio-

orationis(homo mortalium omnium perfidiosissimus, cum repens de improviso clamor omnem quaquà versus urbem peruassisset,horribilesq; exaudirentur hominũ trepidantium,& **AD ARMA** conclamantium voces,quibus omniũ vndiq; aures personauerũt. Namq; hoc ipso tempore dũ hæc ad portas Pockthorpenfes fierent, coniurati insanabili rabie ac pertinacia incitati,per loca quædam propter infirmorũ hospitia in urbem irrumpentes,hostilem in modum omnia ferro igniq; vastantes incedunt. Verũtamen à nostris in planicie iuxta palatium Episcopi Noruicensis celeriter occursum est, ibique pugnatum diu sanè atq; acriter,circa centum & quadraginta hostium cæsi,& ex nostris militibus aliquot, vtrinq; autem multi grauissimis vulneribus affecti.

Sed omnium oculos mentesq; miserabili luctu ac horrore perstrinxit **DOMINI SHEFFELDII** mors indignissima. Hic dum(vt fit) generis ac dignitatis, magis
quàm

quàm salutis suæ memor, viuvidus, & ferox,
reiq; gerendæ percupidus, in confertissimos
hostes alacrius & incautiùs pugnans inuehi-
tur, fortè fortuna, ab rapido cursu circuma-
gèdo equo effusus, in fossam præceps deuol-
uitur. Ibiq; vir nobilissimus à sicario scelestis-
simo crudelissimè interficitur. Cumq; hanc
tam dirã, & atrocem à se mortem, omnibus
modis, quã præmia maxima pollicitãdo, quã
nobilitatem, nominisq; splendorem sæpiùs
indicando, deprecaretur: tantum afuit illo-
rũ vt animos, aut hominis, aut nominis, cõ-
miseratio subierit, vt eò ferociores exstite-
rint. Posteaq; de facto (velut gloriosissimo)
inter se contendentes, ad laudem eius tam in-
uisi facinoris, ita cuncti animis exarserant, vt
pænè ad vim ventum sit, cùm utrinq; incen-
deretur, ad decus & gloriam, quæ apud suos
proposita videbatur ei, qui homini splendi-
dissimo, fatale illud vulnus, ac mortiferum
influxisset. Sed omnium opinione, Fulcus cæ-
teris palmam præripuit, qui palam prædica-

N. iij.

bat

bat (Deum detestans) à se claua ictum interisse. Vt cunque fuit, vir clarus & honoratus, hoc tam tristi fato functus, occubuit. Et Fulco non ita multò post (vindice Deo) debita tanto sceleri præmia persoluta sunt.

Verùm enim uerò dici non potest quantũ semper in vtramq; partem valeat ad victoriã, amplissimorũ virorũ interitus. Etenim hostes cognito hoc tam lugubri casu, infestiores fieri cœperunt, & ad præliũ cõmittendũ alacriores: nostri autẽ sensim animis imminuti, paulatim elãguescere: adeò vt cõiurati lætitia elati, magno vndique clamore quasi explorata iã victoria, sublato, in urbẽ (quã dabatur iter) nostros hostiliter insequẽtes, inuolauerint. Qui partim multitudine oppressi, (vinti enim pænè millia cõiuratorũ erant: nostrorũ autẽ mille tãtũ quingenti) partim autẽ huius illustrissimĩ adolescẽtis clade perculsi, vrbe cesserũt: diuersisq; itineribus per deuia tota nocte inter saxa, vepres, & virgulta dilapsi, Londinum tandem omnes reuerterunt.

At

At ciues tot tantisq; onerati atq; obruti malis, cum omnia vndiq; hostium plena essent, vim ac cædem, cunctaq; quæ in captis vrbi- bus fieri solent hostilia metuentes, omni spe abiecta, è ciuitate diffugerunt. Tantoq; pauore plerumque omnium animi defixi fuerunt, vt multi mentibus simul luctu, metuq;, à sensu rerum suarum abalienatis, vxores & liberos, omnesq; fortunas in hostium potestate relinquerent. Multi verò suam quisque spem, sua consilia (communibus deploratis) exsequentes, quicquid esset auri, argentiue, & supellectilis pretiosi, in cloacas puteosq; demerferunt. Urbem verò totam quaquã versùs perculit luctus, & mulierum puerorūq; ploratus, qui cum hostiū clamore, & flammæ sonitu, & ruentium tectorū fragore permixtus, horrendo cuncta compleuerat sono. Nam coniurati statim à Northamptoniensis discessu tectis ignem iniecere, isq; per domos vicosq; horribili flamma diffusus, magnã vr- bis partem celeriter absumpsit. Etenim quæ
erant

erant ad vicum Holmensẽ ex vtraq; parte incēdebātur omnia, hospitiāq; quæ plebi inopi ac valetudinariæ destinabantur, tum Episcopalis, Pockthorpenfis, Magdalenensis, Bearestretenfis portæ, multaq; prætereā varijs in locis ædificia conflagrauerunt.

Accidit autem peropportunè, vt eodem tempore, magni imbres de cœlo defluerent, quibus ignis celeriter restinctus, nequaquā tam passim, ac latè quā hostes volebant, peruagatus est. Ad hæc proditores diuitum domus ingressi, eas diripuerunt, exhaustas etiā nonnullas igni concremauerunt. Tantaque, & tam varia, nefandæ crudelitatis exempla vbique ediderunt, vt iam non homines, sed immanes belluæ formam hominum indutæ, in urbem ingressæ viderentur. Etenim satis constat, illa tempestate ciuitatis speciem, tam lugubrem, ac miserabilem existisse, cū nihil aut oculis hauriretur, aut auribus conciperetur, nisi vlulatus, cantusque hostium dissoni, fletus muliebris, virorū clamor, & huc &

& illuc discurrētium strepitus, tum ferrum, flamma, ruinae, cæteraque (quæ ne narrando minora faciam prudens prætereo) vt nō videntium solūm mentes oculosq; horror perfuderit, verum etiam audientium aures & animos incredibili mœrore perculerit.

Capta igitur hunc in modum à coniuratis vrbe, incēsa, direpta, deserta, cūm omnia vndiq; (præterquam ab hostibus) solitudo occupauisset, (nam qui in oppido remanserāt, obseratis ianuis in intima ædium sese abderant) Proprætor solus, velut ad spectaculum occidentis patrię à fortuna relictus, consilij, & auxiliij expers, cūm de summo ædium cuncta flammis ac ruinis vastata vidisset, ratus, hostes non ita multò post, sicut ædibus stragem intulissent, sic hominibus vicissim vim ac mortem illaturos, occlusis foribus domi se continebat.

At coniuratorum interea manus ingens, velut agmine factò, per portas Augustinenses in urbem irrupit, cunctiq; præcipiti cursu

O.

ad

ad Proprætoris domum delati, fustibus & ijs
quæ fors obiecerat baculis armati, fores ef-
fringere conâtur. Demùm ignis subijci cœ-
ptus, ad quem terrorem Proprætor cùm co-
horruisset, ianuam (namque omnes serui in
fugam se proripuerant) recludit. Protinùs
illū comprehendunt, palliumq; (quo tū for-
tè utebatur) detrahunt, proditorē appellant,
necē deniq; minitâtur indignā, nisi indicaret
quo in loco Northãtoniensis delituisse. Cū
ille, discessisse omnes respōdisset, eam vocem
cūcti clamore ac indignatione tumultuosif-
fimè exceperunt, omniq; impetu in ædes ir-
ruentes, loca quælibet furacissimè perscrutā-
tur. Deindè ad prædam dilapsi, spolijs onusti
recesserunt. Sed multi, partim pecunia alijsq;
rebus à proprætoe acceptis, partim cuiusdā
hominis voce, qui illa intolleranda esse dixit,
& furta ac flagitia omni supplicio vindicāda
represi, sarcinas oneraq; quæ prius asportaf-
sent denuò in officinas coniecerunt. Verun-
tamen permulti ciuium, quorum domus se-
ditiosi

ditiosi intrarunt, cū Northātonienses tantū querere prę se tulissent, omnibus fortunis exuti spoliatiq; sunt. Precipue verò eorū ædes despoliauerant, qui vrbe cesserunt, illos proditores, Maiestatiq; Regiæ hostes apertissimos esse prædicantes, bonaq; illorū se in fiscū redacturos. Ceterū oppidanorū nōnulli id consilij cœperunt, vt panem ac potū, omnisq; generis alimenta furiosissimæ multitudini exhiberent: quibus misera ac ieiuna plebs delinita, nonnihil à rapinarū rabie cōquieuit. Nihilominus quāmplurimi, hac inexpectata calamitate accepta, magna dāna, iniuriasq; pertulerunt, tantisq; depressi difficultatibus fuerūt, vt semper postea dū vixerant (viuunt autē adhuc etiā nōnulli) domesticis rebus implicatiores exstiterint. Subit interim rebellīū animos (vt videbatur) futuri tēporis recordatio: proinā vi ad salutis curā cōuersi, Proprætori, vrbisq; primoribus imperāt, vti ostiatim à ciuib; ad omnes portas custodiæ vigiliæque quotidie instruantur:

ni fecerint, mortem ac cruciamenta acerbissima interminari.

Prætereà in templo (horrendum dictu) in templo Dei optimi maximi, proditores importunissimi, quoties pluuiæ decidisset, furorum suorum castra locarunt. Eoque progressa est improbitas & audacia, cunctaque delendi libido, ut nec sapientissimorum hominum voces, nec diuinæ vindictæ terror, nec mulierum lamenta, & lachrymæ, eos à scelere auocare potuerint. Etenim foeminae, postquam cæde inermium temperatum conspexissent, frequentes sese in vijs obiecerant, uti patriæ parcerent rogantes, sibi, suisque, homines se meminerint, hominibus natos, satis in illos, quorum causa arma ceperunt, sæuitum, inijcerent modò frænos iræ, pacem veniamque, atque omnia proculdubio bona à Maiestate Regia cōsecuturos. Sed ut antea dictum est, nec minæ, nec sapientum consilia, nec precū blanditiæ, neque vlla denique res, potuit eos à tanta flagitiorum atrocitate deterrere: donec patriæ

patriæ miserandam cladem, & sibiipfis dignum talibus sceleribus exitiũ tandem contraxissent.

Namque Rex postquam intellexisset maiestatem suam indies magis magisq; minui: nefariorum hominũ coetus augeri: cuncta hoc execrabili insanissimi tumultus furore permisceri: clementiam & mansuetudinem regiam cõtemni: nullũ iam misericordiæ locum relinqui: lenibus remedijs nihil profici: insanabiles esse animos, & letali lue contactos: omnem denique salutis spem penitũs ademtam, nisi eam solã quæ in vi & suppliciorum atrocitate defixa foret: hanc primo quoque tempore adhibendam existimavit. Quamobrem in Comitatu Lincolnienſi, & varijs Regni regionibus, delectus institui, ac militem confcribi iussit, magnumq; Heluetiorum numerum accersiri, ratus (id quod res monebat) sceleratã iam gẽtem stirpemq; penitũs interfici debere, alioquin si latius se dissiparet, vicinamq; plebem sceleris contagione

O. iij.

tagione inficeret, tum demùm difficulter fisti posse, ^{cum} illius pestis feruor longiùs peruagatus, atque in regni tanquam venas ac viscera illapsus, omnes eius partes funestissimis perfidiæ flammis inuoluisset. Huic exercitui IOANNES DVBLEIVS comes VARVICENSIS, peregre-
giæ nobilitatis admirandæque virtutis vir, præficitur : illiq; literis mandatisque Regijs imperij summa defertur.

Hæc autem tū apud nostrates opinio omnium ferè sermone percrebuit, huius amplissimi Comitæ tantam eo tempore animi magnitudinē ac rei militaris sciētiam exstitisse, vt aut ab hoc superari, aut à nullo certè profligari posse viderentur. Harum igitur rerū voces in vulgus crebre sparse disseminateq; aliquā exercitus, apparatusq; regij, rumoris auram Kettianis afflauerat. Postea verò cum pro certo comperissent delectus illos, Ducem, arma, cohortes, omniaq; bellici terroris instrumenta, in se instituta, parata, in-

tenta

tenta fuisse, cōfirmare se indies, ac omnia circumspicere, ac periclitari cōperunt, quō instructiores essent ad resistendum. Tantum abfuit vt eorum immanitatem & audaciam vlla vel ratio imminuerit, vel terror infregerit.

Hunc in finem cū multa quotidie à seditionis tumultuosiū fieri animaduertissent ciues quidam, vim, cædem, rapinas, incendia, omniumq; rerum lamentabilem interitum metuentes, demū ne inuiti etiam ab illis stare cogerentur si in ciuitate remanfissent veriti, rebus omnibus quæ raptim coaceruari poterant, in vnum congestis, ijsq; aut in terram defossis, aut cæmentariorum opera, latere lutōue circumclusis, noctu clām ex vrbe profugerunt.

Varuicēsis interea, postquā se milite tā domestico q̃ externo, pecunia, armis, cunctisq; quæ bello vsui sūt^{rebus} instruxisset, omnibus copijs circūfusus Lōdino proficiscitur. Fuerūt in illo exercitu Marchio Northamtoniēsis,
(penes

(penes quem rei militaris administratio nuper fuit) Villoughbæus, Poijsius, Braius, multiq̃ue alij proceres illustrissimi: prætereà equitum, armigerorum, generosorum, Heluetiorum, & cuiusvis ordinis militum circiter millia penè quatuordecim. Cùm ad Catebrigiam peruenissent, ibi, ad castellum Varuicensi obuiam fit à primoribus aliquot vrbis Norwicensis, cæterisq̃ue ciuibus, quos paulò antè diximus, ex formidabili & perinsana coniuratorum audacia, timore cōcepto, cōfustos, perterritosq̃; ex oppido profugisse. Hij squalore, & sordibus obsiti, & in genua prolapsi, vniuersi se ad pedes illius proiecerunt, flebilibusq̃; eum vocibus atq̃; lamentis vehementiùs obsecrare cœperunt: Ne quid
« grauius in se statueret, nullius se culpæ con-
« scios, Regiam tamen clementiam ac miseri-
« cordiam deprecari. Incredibilem sanè dolo-
« rem, ex hac miseranda patriæ clade ac vasti-
« tate cōcepisse, extrema omnia perpeffos de-
« mùm quò vitæ consularent, fugere è ciuitate
coactos,

coactos, ferro, flammaq; ab vrbe, ab vxore,
à liberis, & pænè à complexu suorum diuul-
sos & eiectos. Tantis in miserijs (quibus vn-
diquè premerentur, nihil tamen aliud obte-
stari, nisi, vt si in hoc communi, & summo
omnium timore, per errorem & impruden-
tiam, inscios se aliquo scelere implicauissent,
id ne fraudi sit, sed vt huic omnium dolori,
& precibus condonaretur.

Varuicensis
ad hæc: Intelligere se quāto in periculo fue-
rint, magnamque eam perditorum hominū
proculdubiò vim exstitisse, quæ ab omnibus
ijs rebus eos; quæ tantum non vita cario-
res sunt, abstraxisset: fateri nihil illos (quod
sciat) perperam admisisse. Quòd urbem in
tanto terrore reliquissent, humanum id qui-
dem & ferendū videri. Vna in re paulò im-
prudentiores fuisse, qui initio, hijs tantis ma-
lis non obstiterint, per paucos quidem fortes
& prudentes viros, momento temporis illos
coetus discussuros, si recenti re, se pro salute
patriæ intrepidè obiecissent. Veniam nihilo

P,

tamen

« tamen feciùs quàm peterent concedere, Re-
 « giamq; cunctis clementiam impertiri. Iube-
 « re infuper vbi se telis militaribusq; rebus in-
 « struxissent, parati vti sint qui agmen sequa-
 « tur, colla tæniolis circumuincti, quò à ceteris
 « discerni queant.

« His peractis, Cantebrigia proficiscitur, &
 « a.d.X. Kalendas Septemb. omni cū exercitu
 Intwoodiam peruenit. Distat autē Intwoo-
 « dia Norwico, ad duo ferè millia passuū, ibiq;
 « Thomas Greshamius quidā (equestris ordi-
 « nis vir) domū habuit sanè peramplā & or-
 « natā, in qua Varuicensis eo die, & insequēti
 « nocte cū suis permansit. Armati tamen om-
 « nes fuerūt, & ad præliū instructi, si quid fortè
 « tumultus repentini hostes exciuisent: qui
 « quidē è speculis & turribus cuncta quæ fie-
 « rent cōtemplabantur. Varuicensis interea
 « dum (vt antea dictum est) cum omnibus co-
 « pijs VVintwoodiē cōsedisset, fecialem mit-
 « tit, qui Regis nomine vrbi, ciuibusque (vt
 « mos est) bellum denunciaret, nisi portis quā
 « primum

primum patefactis, atq; reclusis Regium ex-
ercitum in oppidum intronississent.

Kettus ubi fecialem ad portas peruenisse
intellexisset, Augustinū Stuardū propræto-
rem & Robertum Ruggū vrbis primores,
adire eū iussit, & ab illo quid postulatū ve-
nisset sciscitari. Ij per posticū emissi, re cogni-
ta, feciali respōdēt: Miserrimos sese arbitrari
omniū qui vnquā vixerūt mortaliū, tot tan-
tisq; cladibus & animo, & corpore perfun-
ctos, vt ad earū memoriam totis artibus cō-
tremiscant. Veruntamen hoc vnū præterea
etiam ad summam calamitatē, doloris &
dedecoris adiungi, quòd eam quam Regiæ
maiestati fidem deferre & debeant, & cupi-
ant, hoc tempore præstare nequierint. Infœ-
licissimos sese existinare, quorum in illa
tempora ætas incidisset, quibus implicita,
semper aut vitæ, aut dignitatis discrimen
subeundum foret. Nihilominus benè se de
Regia Maiestate sperare, vtpotè qui nullo
horum se scelerum consensu deuinxerint,

« sed ea (quantum certè fieri potuit) à ciuibus
« suis magna cum rei familiaris iactura, & in-
« credibili semper vitæ discrimine depulerint.
« Vnum hoc insupèr à Varuicensi demississi-
« mè deprecari, vt quoniam in vrbe Kettiano-
« rum innumerabiles essent inermes, inopes,
« ac nudi, quos (præterquàm quòd metu &
« flagitiorū conscientia, astricti tenerentur, cetero-
« quoque huius societatis pertæsum esset, (vt
« potè qui cupiditatem ipsam malefaciendi,
« furorū satietate repleuissent) rem sæpiùs fru-
« strà tentatam, semel tamen iterum experiri
« dignaretur. Magnoperè sese confidere de-
« monstrant, si hoc tempore impunitatis spes
« denuò proposita sit: fore vti protinùs sine
« cæde ac sanguine ab armis discedatur. Æter-
« nam eius rei ad posteros memoriam futurā,
« & gloriam quauis victoria præstantiorem: si
« pacem ac tela ciuili nequaquā imbuta cruo-
« re domum reportasset.

Fecialis continuo à colloquio Proprætoris
in castra Varuicensis digressus, cuncta quæ

ab illo didicisset demonstrat. Varuicensis, cui nihil antiquius fuit, quàm vt (si qua ratione confieri posset) incendium hoc, tam periculofum, & acerbum, sine cruore ac sanguine reftingueretur: ftatuit & ipfe quoq;, huiusce rei confilium, non facinorum, quæ designaffent atrocitate, fed dignitate Regia, & regni vtilitate metiri.

Metuebat infupèr ne Generofi qui vincti in carcere ac custodijs detinebantur, magnis indies terrorum iactati fluctibus, tandem ab illis crudeliffimè interficerentur. Namque mortem illis quotidie interminabantur, & permultos ex ijs, ac præcipuè Rogerum VVoodofium, equeftris ordinis virū, omni verborū contumelia lacerarunt. In quo fanè viro violando atque vexando, inauditam illam fuam atque infatiabilem animi crudelitatem exercuerunt.

His igitur de caufis placuit denuò experiri poffentne iam tandem veniæ & impunitatis fpe, de fceleris errore deduci. Dimiffus ad id

P. iij.

ftatim

statim cum tubicine fecialis, quibus urbem ingressis, obuiam fit protinus à quadraginta seditiosis, qui bini pariter incedentes (erant autem omnes in equis) multo cum plausu, ingentiq; clamore à porta diui Stephani ad Episcopalem perrexerunt. Exin tubicen buccinæ cantu signum dat, ad quod cum confer-tim de colle magni coniuratorum greges confluxissent, citato cursu equites ad illos diuolarunt. Iubent uti utraque parte viæ ordine directo consisterent. In quem cum se è vestigio retulissent, fecialis cum tubicine, ciuitatisque primores duo, per medios hostes progressi, magnis vndiq; clamoribus ac vociferationibus excepti sunt. Nãq; singuli capitibus denudatis, vno veluti ore ac consensu ad vnũ ferè omnes cõclamarunt: **VIVAT EDOVARDVS REX. VIVAT EDOVARDVS REX.** Collaudati ob id à feciali & primoribus ciuitatis, atque ordinem quem tenerent uti eundem paulisper conseruarent rogati: fecialis cum eum

eum in modum ducentos quinquaginta ferè
passus cōfecisset, tandem collis cacumen cō-
scēdit. Ibi sacris ac sollemnibus velatus infi-
gnibus, paululū moratus, (nondum enim
Kettus venerat) demū ita locutus fertur.

Non ignorare illos ex quo primū sce-
rata arma in patriam cōperunt, quot quan-
tisq; modis, omni studio, labore, sollicitudi-
ne, Regia Maiestas eam in curam incubue-
rit, vti à scelerum atrocitate, qua omnia iura
diuina atq; humana violauerūt, ad aliquam
officij, & salutis suæ cogitationem, (conuer-
sis tādē voluntatibus) traducerentur. Nō
semel tātū, sed sæpius iterū atq; iterū, pa-
cis prēcōnes, atq; internūtiōs ad illos misisse,
quos tamen despectos semper, atq; omni af-
fectos ludibrio, detestabili furore ac perfidia
neglexissent. Nunc verò (prō Deū immor-
talem) quò ruerent? quò se fortunaſque suas
exitiabili vefania præcipitarent? quem perfi-
diosissimis furoribus modū? quem impurif-
simis consilijs exitum imponderent? Quousq;
pesti-

« pestiferis incitati cupiditatibus, quas semel a-
« nimos vincendi spes falsas atque perinnanes
« imbibissent, lætali semper vanitate confecta-
« rentur? Quouſq; turpissimam exitiosæ pro-
« ditionis impietatem, ementitis verborum ti-
« tulis, condecorarent? Quouſque horribiles
« impuritates, atq; nequitias, fallacissimis vir-
« tutum integumentis inuoluerent? Quouſq;
« deniq;, earum rerum, fatali desyderio tene-
« rentur, quas si assequi liceret, atque indipisci,
« totius continuo Reipublicæ interitus, longè
« acerbissimus, atq; luctuosissimus accideret?
« Quin potius iã tandē circūspicerēt paulisper,
« atq; animū, mentemq; adhiberent, R E M-
« Q V E suam P V B L I C A M, (de qua
« omni in sermone non perinsulsè minùs, quā
« nefariè, impieq; gloriari solerent) intentiori-
« bus oculis acerrimè cōtemplarentur. Enim-
« uerò tū facilimè perspicì posse, fidelēsne sub-
« diti sint, & bonorum ciuium nomine digni,
« qui contra maiestatem Regiam hostilia ar-
« ma induerint: qui despiciatissimorum homi-
num

num, flagitiosissimos greges cōflauerint: qui patriæ (communi omnium parenti) impias, atq; sacrilegas manus intulerint: qui plebis fecem, & mortalium vilissimos, (omni pænè ex Anglia excussos) in Rempublicam, ad bonorum interitū, & regni disperditionem immiserint: qui maximam ornatissimæ ciuitatis partem acerbissimo incendio deleuerint: qui permultis fortibus, atque integerrimis viris fœdissima vincula iniecerint: nonnullos autem exquisitissimis cruciatis tormentis pernecarint: qui refertissimas domus penitūs exhauserint, vicinaq; villulas compilarint: qui multorū (nuper diuitum, nunc autem illorum immanitate, miserorum atq; egentium) fortunas, ad se, in sua nefanda castra funesto latrocinio transtulerint: qui falsas leges, falsas literas, falsa diplomata, Regis nomine cōfinxerint: qui templa Dei optimi, maximi profanauerint: priuatorum hominum domus prostrauerint, agros circumquaque perculerint, & afflixerint: qui cogi-

Q.

tationes

« tationes omnes, studia, conatus, ad depopu-
« lationes, cædes, vastationes, incendia, rapi-
« nasq; cōuerterint: qui deniq; nihil superesse
« siuerint, quo progredi longius posset furoris
« rabies & amentia, quin id totū, aut profun-
« dissimæ libidines absorpserint, aut importu-
« nitates tæterrinx dissipaauerint. His cū fe-
« tot, tantis, ac tam horrendis, flagitiorū fœdi-
« tatibus, Deo, Regi, Reiq; publicæ, obstrictos
« videāt: cumq; iam eum in locū res suas, for-
« tunasq; omnes, deductas animaduertāt, atq;
« ita planè profligatas, & perditas, peiore vt
« conditione quàm nunc sunt (sunt enim pes-
« sima) ne si cupiant quidem, esse queant,
« tum ipsi secum recordentur, quàm in im-
« mensum malorū mare præcipientes sese deuol-
« uerint: cogitentq;, quid pertimescendum sit
« illis, quorum capitibus semper impendeant,
« (quæ vitari certè nullo pacto poterunt) di-
« uini numinis ira, & inuictissimus violati in-
« festique Regis exercitus. Etenim decreuisse
« maiestatem suā, nō pati diutiùs herere hoc tantū
malum

malum in visceribus regni sui, neque tam fe-
ram, immanem, & intolerandam audaciam
ulteriùs impunitam & inultam relinquere.
Itaque delegisse Comitem Varuicensem,
(celebris gloriæ, multiq̃ue nominis virum,
& huic rei à maiestate sua præfectum) qui
illos ferro, igniq̃ue persequeretur, iussisseq̃;
vti nunquam priùs desisteret, quàm hanc il-
lorum tam tetram & horribilem societatem
radicitùs excidisset. Nihilominùs tantam
esse eius immensæ bonitatis, atque clemen-
tiæ magnitudinem, vt quem perditorum fa-
cinorum (si perseuerarent) vindicem con-
stituerit, eundem quoque (si secùs fecerint)
misericordiæ suæ interpretem atque admi-
nistrum esse voluerit. Quam nisi iam de-
terioribus posthabitis consilijs, amplecte-
rentur, Varuicensem per omnia sacra iu-
rare, nunquam eam posthac cuiquam ob-
latam iri, sed se (sicuti sibi à Rege imperatū
fuit) omnes eius perniciosissimæ coniura-
tionis socios, satellites, ministros, adiutores,

Q. ij.

vt

« vt maiestatis regiæ hostes infestissimos fer-
« ro, ignique persecuturum: neq; antè perse-
« quendi finem facturum, quàm illi qui hoc
« nouo, inaudito, inexprabili parricidio, cuncta
« polluisent, & se tam insanis scelerum flucti-
« bus obruisent, meritas Deo, Regique pœ-
« nas, debitasque persoluerint.

Hæc cum dixisset, etsi multi de rerū euen-
tu magnoperè solliciti, & quâ angore con-
scientiæ, quâ flagitiorum suorum recordati-
one conuicti, cohorruiſſent: tamen plæriq;
omnes huic orationi grauiter infensi, ita inti-
mis exarserant sensibus, vt fecialem protinùs
clamoribus vndique infestis, maledictisq;
« conscinderent. Nonnulli eum proditorem
« esse vociferarunt, non à Rege missum, sed à
« nobilibus instructum, & subornatum, qui il-
« los in fraudem impulsos, verborum blandi-
« mentis atque delitijs consopiret, quò faciliùs
« veluti cōniuentes, incauti, & nihil triste for-
« midantes, opprimeretur. Alij veniam illam
« ad speciem quidem præclaram, & magnificā
videri,

videri, sed reuera exitiosam tandem, & lu-
 gubrem futuram, vtpotè quæ nihil aliud
 esset, nisi **DOLIOLVM CAPI-**
STRIS REFERTVM. Tunicam
 autem illam pictam, auroque distinctam &
 illustrem, neutiquā esse fecialia insignia, sed
 quiddam ex Papisticis confutum ornamen-
 tis. Multa prætereā in illum (pestilenti ve-
 cordia turbidi atque præcipites) rabidè fu-
 riosèq; coniecerunt, dum quaquauerfùs cū-
 cti, acerrimis in eum vocibus, & mortem re-
 dolētibus, virus acerbitatis suæ profunderēt.
 Nihilominus fecialis illinc cū Ketto digres-
 sus, alio in loco eadē quæ ibidem promulgas-
 set, cætera plebi, (namque antea præ multi-
 tudine omnes audire nequierant) proponit.

Accidit autem vt prius quàm orationi finē
 imposuisset suæ, scelestissimus puer nates fla-
 gitiosissimè denudarit: facto insuper foedif-
 simo, addita sunt verba foediora. Qua indi-
 gnitate quidam permotus (nam cis flumē e-
 rant ex nostris aliquot, qui eò speculatum
 venerant)

Q. iij.

venerant) puero fistulæ glande plūbea suprā
renes, plagam repentē mortiferam inflixit.
Quod coniurati cū conspexissent, equites
duodecim de sylua furiosissimē conclaman-
«tes decurrerūt: Circumuenimur ô socij, nisi
«prouideritis, circumuenimur. Nōne vi-
«detis commilitones nostros corā trucidari?
«ac tormentis transijci? Quid speremus sparsi
«& inermes, cū etiam iam armatis vis infe-
«ratur? Enimuerō fecialem nihil aliud cona-
«ri, nisi vt cuncti insidijs circumclusi debilita-
«tiq; à nobilibus contrucidemur. Hæc cū
«dixisset, dissipati omnes, ac veluti repentino
«furore conciti diffugerunt.

Attamen Kettus feciali se adiunxit, eratq;
illi in animo Varuicensē corā affari: iamq;
collem pænē Sturtelhensem descenderant,
cū ingens eum seditiosorum caterua cla-
moribus insecuta, ad vnum omnes vocife-
rari coeperunt. Quonam iret rogātes? se pa-
ratos omnem (quamuis vel acerbissimam)
cum illo fortunam subire. Quin si longiūs
progredi

progredi perrexisset, habituros illos itineris, etiam comites, ac vitæ necisque participes. Fecialis cum à tergo tantam hominum consecratiuum vim vidisset, Kettum rogabat uti hos cōcurfus ac tumultus sedatum retrò cōcederet. Qui cum ad suos se retulisset, protinus conticuerunt, cunctique cum illo ad castra reuerterunt.

At Varuicēsis cum vniuersos furore quodam, & ceco veluti mentis impetu ad interitum præcipientes ferri animaduertisset, neque ullis aut precibus aut pollicitationibus, neque porro supplicij denunciatione permoueri, uti à tã fœdo incepto absisterent, pacis spem tam à se, quam ab alijs sæpius frustra tentatam, in æternū sibi dimittendā putauit, & tandem de bello agendū. Itaque confestim ad portas diui Stephani exercitum ducit, (quas cataractis dimissis, perduelles occluserant) iussitque magistros libratorum regiones, ita bombardas pro portis locare, ut ijs deturbatis, atque tormentorum impetu refractis,

refractis, militi in urbem aditus præstrueretur. Quæ dum fierent, ab Augustino Stuardo proprætore intelligit, ianuam esse auersam (quam vulgò æneam appellât) hanc ab illis maximis defixis trabibus, ijsque terra lapidibusque repletis munitam, nihilominus nullo negotio distrahi atque perrumpi posse. Munitores accersuntur, ijs imperatû vt refringant. Effracta porta, per patentem eam nostri primùm in urbem ingressi, multis interfectis, hostem eo loco facillimè submoverunt. Iamq; tormentariorum præfectus, catractis disclusis, atque diruptis, dimidiam ferè portæ partem, frequenti tormentorum ictu quassatam disiecerat, cum Northamptonensis, & Druryus quidam (perspectæ fortitudinis vir) cum cohortibus suis, illac in urbem inuolantes, Kettianos istinc quoque multo inflicto vulnere, multisq; trucidatis, è vestigiò depulerint. Ex altera item parte urbis, Proprætor perfecit, vt portæ Vestuicenses aperirentur, quibus reclusis patefactisque, Varuicen-

Varuicēsis omni cum exercitu intromissus, resistente pænè nullo, in forum peruenit. Ibi sexaginta ferè hostium deprehensi, in quos confestim militari more animaduersum est. Indicta enim causa, omnes protinùs (vt in bello fieri consuevit) manifesti sceleris conuicti, vltimo supplicio afficiebantur.

Ac non ita multò post, vehicula ac impedimenta omnia, quæ propter tùm subuectionum difficultates, tùm frequentes, ac repētinās hostium incursiones, aliter importari nequirēt, per illam quoq; portam in oppidū introducuntur. Sed accidit (vt fit) calorum temeritate & inscitia, dum nostri grauioribus negotijs implicarētur, vti ad portam Episcopalem Mousholdiam versùs, vrbe excederent. Quod ex seditiosis quidam conspicati, missis qui auersos calones adorirentur, nostros impedimentis omnibus exuerūt. Qui ex hoc incredibiliter gauisi (nā antea ab istiusmodi rebus imparatissimi fuerūt) carros tormentis, ac puluere sulphureo,

R. omniq;

omniq; militari instrumento onustos, in castra perduxerunt. Sed per opportunè cū cohorte sua Drurius interuenit, qui (neque tamen omninò sine militū iactura) vehicula quædā ab hoste recuperauit. Deindè perduelles hoc cōsiliij cœperunt, vt in trāsuersis platearū diuerticulis, cateruatim ex insidijs subsisterēt: rati nostros incautos, & viarū insuetos, propter tūm locorū insolētiam, tū vrbis magnitudinem, celeriter confici posse. Quamobrē vicatim distributi, pars ad diui (quē vocant) Michaelis, pars ad Simonis, alij ad Petri, nōnulli ad Vymerensem vicum, parati omnes ad præliū, instructiq; cōstiterunt. Ibi nostros necopinantes adorti, tres vel quattuor generosos, prius quàm quispiam subsidio venire posset, crudelissimè interemerunt. Re cōperta, & in forū diuulgata, Varuicensis omni cū exercitu ad hostem submouendū proficiscitur. Cū per plateam (quam vulgò Ioannis vocant) ad templum diui Andræi peruenissent, hostes de improviso magnam
sagit-

sagittarū vim atq; procellam in nostros effuderunt. Sed sagittatibus illis, & terram cœlo miscere conātibus, denuò cū sclopetarijs suis, summæ pernicitatis atq; peritiæ iuuenibus, derepentè infert se Druryus, tantamq; vicissim tormentorū tēpestatem (grandinis ritu) refundit, pūcto vti temporis trepidātes omnes in fugam impulerit. Circiter centum & triginta interfecti: multiq; dum in cœmeteria & sub muros correpserunt comprehensi, & acerbissimo supplicio affecti sunt. Cætera omnis colluies ad castra Mousholdica, velut in sentinam refluxit. Quibus exhaustis, ciuitas. (quod tantam pestem euomuisset, forasq; proiecisset) recreari tandem, & magnopere releuari videbatur.

Seditiosis itaque hunc in modum reiectis, vrbeq; depulsis, Varuicensis quò oppidum cōmunitius fieret, muros militibus, rebusq; ad hostem repellendum idoneis instruxit: iussitque vti protinùs cunctis in vijs armati collocarentur, omnesque aditus in urbem

R. ij.

portæq;

portæq; (extra vnam aut alteram) obstruerentur. Namque per illas nostri magnā tormentorum multitudinem deuexerunt, quæ parata inibi stabant & instructa, quò postri-
diè Mousholdiam deportarentur. Sedenim Kettiaſii rati nostros magna pulueris sulphurei, cæterarumq; rerum omnium (quibus tormenta exerceri solent penuria laborare, videntesq; insuper ad impedimenta & vehicula passim stare VVallos, quos tum propter paucitatem, tum insitam (vt opinio est) genti ignauiam, magnoperè despererunt, oblatam sibi magnam rei benè gerendæ facultatem existimarunt. Itaque dū Varuicenses, quā ab vrbis defensione, quā à cæteris rebus distentissimi, maioribus curis impedirētur, Milo quidam, vir (vt videbatur) audacissimus, & pilarum eiaculandarū peritissimus, oportunitatem eius facinoris, tempusque diligenter aucupans, Præfectum libratorum Regium tormenti glande transfixit. Quem illi exanimem conspicati, pars nudi

nudi & inermes, pars baculis, clavis, ac bidē-
tibus instructi, phanatico veluti cursu in-
stincti, de colle in nostros impetum fecēre.
Ne primam quidem impressionis procellā
tulerunt VValli, (sed ouium instar) obstu-
pefacti, perterritique (impedimentis omni-
bus carrisque relictis atque desertis) magno
cum clamore discursuque vndique fugæ se
mandarunt. Quamobrem seditiosi VVallis
dispulsis atque fugatis, tormenta quædā quæ
inibi deprehenderunt, carrosque cunctis re-
bus quæ bello vsui forent onustos (priusquā
auxilio à nostris venire posset) in castra com-
portarunt. Quæ sanè res aduersa nostris &
incommoda fuit. Nam præterquàm quòd
instrumenti militaris, quo se hostis instruxit
postea indiguerint, Kettiani libratores, pilis
ferreis, quæ è bombardis, & tormentis quæ
coeperunt, in nostros creberrimæ infensissi-
mæque torquebantur, urbem vehementer
afflixēre. Multisque interfectis, tormento-
rumque rabie laceratis, atque discerptis, hoc
R. iij. insuper

insuper addidère sceleris & nequitiae, magnâ
vt muri partem, turrimq; quæ in summo E-
piscopalis constiterat portæ, furiosissimè de-
turbarêt. Quanquàm certè (diuini numinis
clementia) ea tùm populi Norwicensis for-
tuna fuit, vt circumuolitantes tormentorum
pilæ, siue casu, siue consilio, siue (quod magis
reor) collibrantium (vt interdum accidit)
temeritate, & inscitia altiùs emissæ, domuum
tectâ sine damno, præteruolauerint. Quæ
res vtique nisi contigisset, ab impurissimis
latronibus deterrimisq; continenti tormen-
torum impetu ædificijs vndique disiectis
atque deterfis, maximæ vrbs partes, leui
momento constratæ, æquatæque solo con-
cidissent. Atquæ equidem proculdubiò de-
trimentum opinione omnium maius, pu-
blicis rebus eo die importatum fuisset, si
Drurius, virtute sua, & haud contemnen-
da militum strage, hoc incommodo expia-
to, hostibus profligatis, atque repulsis, ma-
ximam eorum quæ tum auerterunt, partem
non

non præripuisset.

Varuicensis post hæc, quarundam portarum ingressibus concisis, atque aggere obseptis, in pontibus & vicorum flexionibus, ac diuerticulis, diuersa suorum præsidia disponit, magnamque armatorum manum ad portam Episcopalem constituit, cui Dominum VVylloughbæum præfecit: sicque omnia milite circumsepsit, atq; munivit, vt ea nocte hosti introitum in urbem, vndique præcluserit.

Postero tamen die, seditiosi flumen transgressi, circa locum quendam quem Counforth appellant, incendio terribili, & ad aspectum sanè perlugubri cuncta permiscēt. Nam omnibus duarum parœciarū ædificijs exustis, ignis ita latè se diffudit, vt vicina plæraque loca horribili flamma comprehēderet. Domus erat quædā in qua Mercatores Noruicenses, ea quæ Yarmoutho deuexissent, deponere cōsueuerūt: huic ignis illatus, quo momento temporis domus ipsa, vnàque maximus frumenti

frumenti numerus, multæq; honestissimorum negotiatorum fortunæ concremata, deflagrauerunt.

Fama est (neque absonum fidei videtur) decreuisse illos totam urbem incendio dele-
re: atq; eo consilio quibusdam tectis ignem
iniecisse, quò videlicet vniuersi ad arduas
domus discurrentes, seditiosi eodem tēporis
puncto, portis omnibus inundantes, nostros
dissipatos, & mutuo interclusos auxilio, hinc
flamma, illinc ferro constringerent. Id pru-
denter animaduersum, & hostium conatus
fefellit, & nostros eam in sententiam addu-
xit, vt ignem passim per tecta, populabunda
velocitate grassantem, vagari finerent, neq;
orientem eum quamprimùm restinguerēt.

Veruntamē cum nostris ista hunc in mo-
dum omni ex parte infœliciter accidissent,
calamitates alias super alias perpetuò accu-
mulāte fortuna, multorū animos ingens stu-
por ac mœstitia defixit, adeò vt desperatio-
ne ac timore languescerent (deficiente iam
ad

ad omnia consilio) pænè succūberent. Hij
Varuicēsem adeūt, demōstrāt urbē esse ma- „
gnam, portas omnes aut fractas, aut exustas, „
summā propugnantīū paucitatem, hostium „
verò copias ingentes, defendi non posse, ro- „
gāt enixè vti saluti consulat, ciuitatem relin- „
quat, nèue rem in summum discrimē deduci „
finat. Varuicensis (vt erat corde semper
excelso sanè, & inuictō, tū acer, & vehemens
in ferro vir, omnisq; insolens infamiæ) Quin „
igitur (inquit) tam citò animis concidistis? „
Tantāne derepentē offusa menti caligo, vir- „
tutis aciē perstrinxit, vt hoc aut vos velitis, „
aut me viuo fieri posse arbitremini? Ego vt „
urbem relinquam? prius ferrum, prius flā- „
ma, prius deniq; omnia, quàm tantam mihi, „
vobisue ignominiaē aut dedecoris labem a- „
sperferim. „

His dictis, gladiū distrinxit, fecēre idem
& cæteri nobiles (aderant enim frequentis-
simi) iussitque vti alter alterius ensi (militari
more in maximis periculis interdū hoc fieri

S. consuevit)

consuevit) osculum & sacrae crucis signum imprimerent, & iureiurando, sanctoq; foedere conceptis verbis vniuersi se deuincerent, nō prius istinc discessuros, q̄ aut hostem funditus profligauissent, aut vitā pro Regia maiestate dimicantes fortiter profudissent.

Dum hæc fierent, seditiosi alia ex parte oppidi, qua nostri illos minimè ingressuros rebantur, in urbem perrumpunt, sed cū iam penè ad pontes peruenissent, à nostris celeriter occursum est, multisq; cædibus vulneribusq; repulsi, fuga quā intrarunt præcipites se effundunt. At Varuicēsis, quò hanc hosti urbis adeundę potestatē penitus præriperet, iussit omnes pōtes quaquāuersus interscindi. Postea verò quibusdā de causis secus imperatū: isq; tantum qui vulgò Carmelitarū dicitur interruptus: cæteris omnibus perstreui milites præsidio impositi, cunctaq; loca, & præcipuè portę, quod illę maxima ex parte omnes, aut prostrate cōcidissent, aut incensæ deflagassēt, hominibus impigerrimis, &

in

in militari re exercitatissimis, tuēde ad quos-
uis repētinos casus trāsdite. Vndē adeo factū
est, vt improuisi, atq; nocturni hostiū impe-
tus, omnes omniū cassi, & inanes exstiterint.

Postridiē eius diei (is fuit. a. d. VII. Kalen.
Septemb.) Heluetiorum mille quadraginta
peracres (vt vulgus hominum existimabat)
bellatores & egregij, Lōdino ad Varuicēse
venēre. Hij lætis acclamationibus à nostris
suscepti sunt, qui multistormentorū bombis
gaudiū atq; alacritatē significarūnt suā. De-
mum per vicos domusq; diuisi, & à ciuibus
perliberaliter perq; benignē accepti inuita-
tiq;, vt nostrorū animos exsultātes, & rei be-
ne gerēde fiducia subnixos ad certā spē ere-
xerūt, sic hostiū mentes, noua iā cōfusas for-
midine, consternataśq;, ad haud dubiam fu-
turi interitus cogitationem depresserunt.

Interea verò seditiosi, nihil aliud nisi bonorū
omniū sanguinē exsorbere cupiētes (cuius iā
spē aliquā auidissimis imbiberant animis) in
eo rem totā verti existimarūnt, si Varuicēsis

S. ij.

copiæ

copiæ, primo quoquo tēpore profligarentur. Et certè sicut Deum optimū maximum deseruerunt, sic ab illo spreti vicissim, abiectiq;, diabolo sese constringendos dediderunt. Hic anili superstitione mentes imbuerat, perfcitque vti cæcis ariolorum ineptijs impliciti, vicinam quandam cōuallem veluti huic fatalem bello deligerent.

Quanquā equidem (sicuti memoriæ proditum est) non defuēre portēta, & manifesta diuini furoris indicia. Namq; anguis ex columna lignea in gremium vxoris Ketti dilapsus, non tam multorum pectora terribili pauore perculerat, quā Kettum ipsum anxijis impleuerat curis. Sed hīc forsan operæpretium erit referre, quā futili opinionis errore inflati, sese ad exitiosa deuoluerint, cū quæ reuerà iram & vindictam, (vti videbatur) diuinam portenderunt, væcordi feritate atq; pertinacia tumentes, vniuersi neglexerint. Tātam certè noctem humanæ menti diabolus offundere consuevit, quoties

quoties eam scelere demersam conspexerit. „
 Etenim cum multa essent vaticinationū deliramenta in vulgus relata; ex quibus nescio quam victoriolæ spem exfuxerant : inconditos tamē quosdam & insulos versus (stultæ animorum truculentia indices) præ cæteris omnibus amplexi sunt. Qui cū crebris quotidie sermonibus vsurparentur (falsi siquidem vates singulis pænè momentis huiusmodi ineptias auribus instillarunt suis) res erat exempli post natos homines planè inauditi, quæque omnem exsuperet fidem, quemadmodum ad eorum mentionem furibundos sensus incitarint animaduvertere : tum quanta & quàm inani lætitia gestierint, intueri. Perindè ac si illis vnis versibus certa sibi salus & victoria, nostris autem interitus, & miserabiles fortunarum omnium ruinæ portenderentur.

Hij autem erant istiusmodi:

*The cūtry growes, Hob, Dick, & Hick, with clubs and clouted shoon,
 Shall fill by Dussyn dale with slaughtered bodies soon.*

S. iij.

Quos

Quos nos (vt potuimus) Latino sermone
expressimus,

*Rustica plebs clavis, & agresti induta perone,
Duffoni vallem miseranda strage replebunt.*

Hij cū quotidiē & (vt suprā dictū est) vbiq;
decātarentur, sceleratissimorū hominū mē-
tibus, id veneni dæmon infudit, vt ambiguo
falsi, fortunę loci, spes suas delegare decreue-
rint. Itaque omnibus scelerū suorū latibulis
atq; speluncis (quas passim ex ligno ipsimet
sibi cōstruxerāt) incēsis (adeò vt fumus è tot
simul distantibus locis ortus, toti pænè cœlo
veluti noctem induceret, subiectasq; plani-
ties atra caligine integeret) indè in vallem
Duffonensem cum vexillis, ac signis mili-
taribus viginti perrexerunt. Tanta erat se-
ditiosorum prædæ spe, impunitateq; al-
lecta multitudo. Ibi omnia conari, atque
moliri cœperunt, quò nostris aditum, &
negotij conficiendi spem adimerent: adeò
vt momento temporis vallo, aggere, mu-
nimentisq; se circūseperint, fossas vijs trans-
uersas

uerfas perduxerint, itineraq; omnia sudibus stipitibusq; in terram defixis intercluserint.

Hæc cum Varuicensis intellexisset, statuit & ipse quoque belli fortunam periclitari vt quos lenitate ac patientia frangere nō poterit, eos vi & armis superaret. Insequēti itaq; die (is fuit. a.d. VI. Kalend. Septemb.) instructo exercitu per portam Costliniensem cōtra hostem iter ingreditur. Adiunxerant se comiti Marchio Northamtoniensis, VVylloughbæus, Poijsius, Braijus, Ambrosius Dudleyus Varuicensis filius, & prætereà nobilium, ac fortissimorum virorum cohortes lectissimæ.

Prius tamen quàm in hostiū cōspectū veniretur, Edmundū Knyuettū, & Thomam Palmerium, equites ex aula perillustres, atque altero totidem sciscitatum dimittit, vel lentne nunc demum furores deponere suos, & sceleris, crudelitatis, perfidiæ, belli deniq; contra patriam faciendi consilia abijcere. Tantam esse nimirum & tam incredibilem
bonita-

bonitatis atq; clementiæ Regiæ magnitudinem, vt quamuis impietate pænè indelebili maiestatem ipsius, dignitatemq; polluissent, seseque sempiternis turpitudinum notis maculisque conspersissent : admissorum nihilo tamen seciùs facinorum veniam pacemque semel iterùm cūctis (vno aut altero excepto) denuntiari iusserit : dummodò ex hoc cursu malignitatis atque nequitiae iter iam tandem (pœnitentia ducti) ad obsequium tranquillitatemq; conuerterint. Sin verò in amentia peruersè, atq; impiè persistere decreuissent, extremaque omnia experiri, nunc demùm adesse scirent, malè sanæ leuitatis atq; perfidiæ pœnas suæ: ipsumq; Varuicensem, quāquam serum, certum tamen, tam nefandæ coniurationis vindicem. Hijs hoc vnum, idque ferocissimè ab omnibus responsum: SE NOLLE.

Quibus ad Varuicensem relatis, non longiori oratione milites peracri iam pugne desiderio deflagrantes, cohortatus est, quàm

Vti

vti fortiter hostem inuaderent, nèue pertur-
barentur animo, sed eam quam conspicerēt
seditiosorum multitudinem, non homines,
sed feras, omni diritate prædita existimarēt.
Nec se ad pugnam, sed ad poenam venisse
arbitrarentur, eam confestim à flagitiosissi-
mis latronibus deposcerent, pestem patriæ,
pietatis atq; officij stragem, belluas denique
truculentissimas, maiestatiq; regiæ feritate
insanabili reluctantes, prosternerent, afflige-
rent, delerēt. His dictis, quia nō longiùs ho-
stes aberāt, q̃ quò glans è tormento propelli
posset, prælij committēdi signū dat. At Ket-
tiani nostros contra se venientes conspicati,
suos ita instruxerūt, omnes vti nobiles quos
damnatorum more catenatos, durissimisq;
vinctos compedibus secū duxerunt, in pri-
ma acie locarint. Id eo consilio factum, quò
nostri, à nostris interficerentur. Sed Dei im-
mortalis numine & incredibili militum vir-
tute contigit, vt (secus quàm hostes volebāt)
omnes penè incolumes euaserint.

T.

quidem

quidem (hunc modò Kettianum librato-
rem esse diximus , artisq̃ue tormentariæ
scientissimum) ferrea pila , regio vexilli-
fero foemur percussit : quæ per equi hume-
rum , quo is vectus fortè incedebat , altiùs
adacta , ipsum quoque equum , eodem
vulnere transuerberavit. Id nostri indignè
ferentes, displois vicissim tormentis, horri-
biliq̃ue pilarum procella in hostes effusa,
ordines perrumpunt . Quibus continuo
impulsis, atque perturbatis, omnes nobi-
les qui in prima fronte constiterunt, fugiē-
tes, belli tempestatem deuitarunt. Etenim
nostri equites, postquàm hostes crebris tor-
mentorum, sclopetorumq̃ue traiectionibus dis-
pulsos fugatosq̃ue conspexerunt, subito om-
nibus copijs prouolarunt, impetumq̃ue in
illos fecerunt , quem tantum afuit illi uti
sustinuerint, pecorum ut instar, promis-
cuè, citato cursu , cuncti præcipientes in
fugam proruerint. Cæterùm cum ex in-
sequentium strepitu , atque clamore , in
ultima

ultima iam perfidiæ obstinatione, feroces
ac præferuidæ mentes, tacitas nescio quas
odij atque doloris flammæ corripuissent:
(velut feræ) ex desperatione & scelerum
memoria, in rabiem versi, è fuga se re-
pentè conuertentes exitiabili peruicacia,
nostris aliquandiù restiterunt. Verunta-
men tantus fuit pilarum vis, tantusque
nostrorum hominum (qui victoriæ per-
auidi effrenatiùs in aciem hostium per-
ruperant) irruentium ardor, vt Kettia-
næ cohortes vndique acri impetu, pulsæ,
protritæque, nullo pænè negotio loco
pellerentur. Itaque Kettus, vti dux in
scelere strenuus, ita Imperator in bello
ignauus, vbi aduersa omnia vidisset, or-
dines interrumpi, suos disijci, nostros in-
festos inferri, neque salutis, neque præ-
sidij vllam spem, animo varius, & im-
manium facinorum conscientia exæstu-
ans, fugæ se mandans, clàm suis pugna
excessit.

T.ij.

Ea

Ea res utiq; postquam cognitum est, ducem è prælio profugisse, incredibiliter hosti animos minuit, tantumque breui temporis momento perfecit, uti omnis ille ardens nuper, ac vehemens repugnandi feruor, protinus ad tam necopinatæ fugæ famam elanguescens refrixerit. Quamobrem primum murmur, & tacitæ querelæ, post clamor, ad extremum verò undique fuga fieri cœpta. Effusos nostri equites perceleriter insecuti, stragem ingentem dederunt. Namq; ad tria millia quingenta cæsi, & sauciorum magnus numerus, cum omni ex parte dissipati, aut vulnerarentur, aut trucidarētur. Quod quidā è seditiosis animaduertentes, sublata omni prorsus, uti rebantur, veniæ spe, efferatos iam multis immanibus factis animos, ad maiora inuicem in ea desperatione salutis scelera exacuerunt. Itaque peruicaci audacia cōfertim è fuga se recipientes, prælium redintegrare decreuerunt: prædicantes, malle se fortiter dimicantes occumbere, quam fugientes

entes (pecudum ritu) contrucidari. Porro, vbi se telis, alijsque rebus (quæ humi passim inter acervos cæforum corporum stratae iacebant) instruxissent, & verua, fudes, stipitesque præacutas solo infixissent, fidem astrinxere, aut illic se vitam viriliter proiecturos, aut victoriæ demum compotes futuros. Itaque cum alter alteri propinassent (ominis id erat instar, & signum animarum morti deuotarum) precibus votisque solemni more susceptis, ad pugnam se confirmant.

Varuicensis re intellecta, facialem mittit, monet uti arma deponant, impunè fore si fecerint, secus omnes ad unum interituros. Respondent perlibenter se ab armis discessuros, si scirent illam impunitatem sibi salutarè futuram, sed animaduvertere in suæ societatis homines vndique sæuiri, id adeo indicio esse, mentionem hanc veniæ à nobilibus infidissimè inductam, nimirum quò falsa & perinani clementiæ spe (veluti laqueis) circumretiti tandem atque deuincti, ad cruciatum

T. iij.

omnes,

omnes, & cædem constringerentur. Et reuerà quicquid illi præ se ferant, scire se tamē perq; bellè intelligere, veniam eam nihil aliud esse, quàm **DOLIOLVM RESTIBVS & CAPISTRIS REFERTVM.** Proin mori decreuisse.

His relatis, Varuicensis ingemuisset dicitur turbæ iamiam perituræ, atq; commiseratione ductus, denuò misisse qui sciscitarentur: Num si ipse veniret, & coràm fidem obligaret suam, arma abiecturi forent. Conclamant omnes, id si fecerit, fidem habituros, & regis se arbitrio, potestatiq; permissuros.

Nec mora: Varuicensis protinus ad illos pergit: fecialem publicè litteras regias legere iubet, quibus recitatis (quòd eæ veniā omnibus per sanctè polliceretur) ijs cōfisi, arma abiiciūt, cunctiq; vno veluti ore gratulabūdi exclamant, **VIVAT EDOVARDVS REX. VIVAT EDOVARDVS REX.** Atque ita multi mortales,

mortales, velut è fati faucibus erepti, Varuicensis prudentia ac misericordia conseruati sunt. Confecto prælio, præda omnis eodem die militi permissa, atq; Norwici publicè in foro diuendita.

Illud insuper memorię proditū est, nobiles complures, ac primores etiā aliquot ciuitatis, in ipso tumultu & ardore pugnæ transfossos, etsi ingentem pecuniam, magnaque munera militibus dedissent, quò suę vitæ, incolumitatiq; prospiceretur.

Postero die quorūdam hominum nuntijs ad Varuicensem perfertur, Kettum dum equus labore languescens fortè (vt fit) itinere succubuiisset, fugæ pertæsum in horreum correpsisse. Illic à duobus seruulis cuiusdam Richesij de Swannington comprehensum, domumq; illius deductum asseruari. Missi protinus equites viginti, qui illum ibidem in sordibus, lamentis, luctuq; iacentem offendentes, ex sanguinem metu, ac vitæ diffidentem, desperantemq; suæ, vinctum

vinctum Norwicum pertraxerunt.

Eodem die iudicia exerceri coepta, quaestionesq; de ijs qui coniurassent habitae in castello, multique mortales patibulis suffixi, acerbissimo cruciati supplicio, necatiq; fuere. Dein nouem, qui eius tumultus antesignani & principes exstiterunt, de Reformatoria Quercu suspensi: complures item eorum affines facinorum in crucem sublati: ijs (incisa protinus resti) in terram dilapsis, (sunt haec apud nostrates proditorum supplicia) abscissa primum quae procreandi causa affinxit natura, tum viscera viuis extracta, & in ignem iniecta, caput amputatum, idq; fixum in pilo, & in turris fastigio defixum, reliquum corpus in quattuor partes laceratum atq; dissectum, eaq; totidem in locis sparsae, atque ad terrorem omnibus propositae.

Verum enimvero agrestibus hunc in modum deletis, permulti nobiles iracundia & vlciscendi studio vehementius incitati, animum Varuicensis ad crudelitatem incedere cona-

conabantur. Qui non paucorum poena cō-
tenti, volebant omnem penitus stirpem sce-
leratam exscindi: adeoq; acres in eo fuerūt,
& peracerbi, vti Varuicēsem coegerint pa-
lām ad illos hac oratione vti. Adhibendum „
esse modum: eum ne fortē in puniendo ex- „
cederent, in primis cauendum. Scire se ma- „
leficia eiusmodi acerrimē vindicari debere, „
& atrocissimo supplicio cōstringi. Sed quo- „
usq; progredērēt? ecquid semper sese im- „
placabiles inexpiabilesq; præberent? nullum „
deprecationi, nullum veniæ, nullum miseri- „
cordiæ locum relinquerēt? An essent & ipsi „
agricolæ futuri, & terrā aratris perstricturi? „
Hæc oratio vindictæ cupiditatē magnoperē
sedauit, perfecitq; vt multi qui antea ad im-
manitatem toti exarserant, postea tamen ad-
uersus miseram plebeculam longē humani-
ores exstiterint. Sub noctem trucidatorum
cadauera sepulta sunt, ne ex tabe corporum,
lues morbiue progignerentur.

Postridiē eius diei (inciderat is dies in ante
V. diem

diem. III. Kalendas Septemb.) præclarissimus, ac in summa sapientia & fortitudine illustrissimus princeps Varuicensis, vnà cum cæteris omnibus nobilibus ingentiq; nō virorū modò, sed etiam foeminarum omnium generum, ætatū, ordinum turba, templū diui Petri ingressus est: ibiq; Deo optimo maximo gratiæ actæ, & ob rem peregregiè gestā supplicationes habite. Quibus peractis, cum omni comitatu vrbe excessit.

At ciues superfundenti se lætitia, vno consensu omnes Varuicensem in cœlū laudibus efferre, de illo omnia bona prædicare, plausibus, hilaritatibus, gratulationibus, implere, miscereq; omnia, magnificentissimisq; verbis tanti ducis famam, tātæ virtutis memoriam cōcelebrare, vitā suam, cōiugum, liberorūq; animas, fortunas deniq; vniuersas, illius dūtaxat prudentiæ, fœlicitati, fortitudini acceptas referre. Statuerunt prætereà, ad notam, & ignominiam illorū temporū sempiternā, vti eo ipso quo hostes fusi sunt die, cuncti tēpla

pla adirent: ibiq; preces à sacrorum ministris
folleenni instauratæ ritû, quotannis celebra-
rentur. Quibus de more susceptis, decreue-
runt insuper concionem in publico fieri, ad
quam vniuersi conuenirēt. Quæ cōsuetudo
ex huiuscemodi introducta principio, etiam
ad hæc quoque tempora permanauit.

Sedenim horum omnium scelerum signi-
fer Kettus, Londinum vnà cum Gulielmo
Ketto, homine plurimis flagitiorum turpi-
tudinibus infami, fratriq; suo, (non tam san-
guinis communione, quàm morū importu-
nitate, & perditissimis vitæ rationibus con-
iuncto) pertractus est: atque in turrin Lon-
dinensem coniectus.

Interiectis autem aliquot diebus, etsi ma-
nifeste perduellionis cōuicti, & omniū iudicijs
ignominijsq; cōscisci, flagitiorū suorū consci-
entia conciderint, tamen ad Iudiciū subsellia
traducti, more maiorū quæstio de ijs habita
est. Cōdemnati ducuntur Norwicum alter,
alter VVindamiam, vbi de vtriusq; suppliciū

V. ij.

sum

sumtum fuit. Etenim Roberto Ketto Norwici in castello catenę iniectę sunt, collumq; in laqueum insertū, atq; ita de terra viuis in crucem sublatus, ad diuturnam tanti sceleris memoriam pepēdit : donec infœlix & triste cadauer, turpi tandem dilapsū tabo defluxisset. Gulielmus autem Kettus, VVindamię vndē omnes illi furores velut à fōte redundarunt (namq; inibi ambo habitauerūt) consimili mortis genere excruciatu interijt.

Atq; hunc in modum ciuitas, omnisque regio Norfolciensis (cū ad sexaginta ferē dies, hęc impura & mortifera perfidię pestis ad multorum perniciem & interitum peruagata, cuncta lamentabili clade concussisset) Dei tādem optimi maximi benignitate, & Varuicēnsis præcellentissimi principis admirabili virtute, hoc tam funesto ac lugubri perfuncta tumultu, conquieuit.

FINIS.

ALEXANDRI
NEVYLLI
ANGLI,
NORVICVS.



LONDINI
Ex officina Henrici Binne-
mani Typographi.
Anno salutis humanæ
c1575.lxxv.



Lectori.



E M E (LECTOR optime) existimes vel famæ desiderio (quo sanè nō conficior) vel præmij inuitatum & illectum spe, (quod nunquam concupiui) ad scribendum accessisse. Enim uero non sum ita mentis inops, ita omnis consilij egenus, ut in hac tanta mea uel eruditionis, uel ingenij mediocritate, uel huius peruersissimi seculi maledicendi libidine (nam quæ tempora inimica magis uirtuti?) ullam aut laudem, aut lucrum expectem. Vidi equidem uidi, & longè antè præsaga mens atq; præscia futuri prospexit, fore ut hic labor meus non meo certè (quod quidam forsân suspicabuntur) iudicio, sed alieno susceptus imperio, in popularis inuidiæ procellas, & varias maleuolorum reprehensiones incurreret. Sed ego is sum, qui sicuti doctorum atq; prudentiū

X.ij.

iudicia

AD LECTOREM

iudicia permagni semper ad laudem & decus interesse putarim, ita insipientium perpetuò susurros ac murmura neglexerim.

Et verò nisi præstantissimi & optimè de me meriti præsulis authoritas, quæ mihi istius operis aggrediendi cupiditatem iniecerat, eadem perficiendi quoque necessitatem imposuisset, (siquidem moriens uti liber typis quàmprimum peruulgaretur testamento cauerat) citius (mibi crede) in cribro ad Antipodes per nauigassem, quàm in re tam sterili, atque pertenui vel industriæ meæ vel ingenij neruos intendissem.

Porro autem cum animo ob eas vitæ acerbitates atque ærumnas quas in me simul vno eodemq; tempore quasi conflauerat atque profuderat fortuna incredibiliter angerer: omnesq; mihi vndiq; venti reflauissent, quò aspirare mens mea tantis malorum mōtibus circumclusa potuerit certè non reperio.

AD HÆC accedit, cum neq; ingenio, (quod mihi quidem minus quàm mediocre est)

est) neq^{ue} arte aut studio dicēdi (quibus in rebus aut nihil, aut non multum sanè temporis impendi) neq^{ue} usu & exercitatione quicquā valerem, ecquid mirum si cogitationes & spes meæ univērsæ, tantis difficultatibus depressæ funditus concidissent? Quibus cum rebus omnibus ab omni prorsus scriptione deterrerer: ægerrimè passus sum ijs me literis atque laboribus inuolui, quæ plus mihi dedecoris viderētur & molestiæ, quàm splendoris aut emolumenti allaturi. Quid enim mea intererat, qui qualesuè fuerint Noruicenses, vnde orti, quibus primū vrbs auspicijs nata, quibus deinceps aucta, quos curia Prætores, quos habuerit Ecclesia Pontifices? quæ omnia etsi ad legendum alijs utilia videbuntur, & fortassis non ingrata, (neque enim contrā disputo) mihi tamen ad scribendum permolestā sanè atque perinivcunda fuere?

Veruntamen clarissimi (vt antea dixi) & sapientissimi Antistitis voluntati obtempe-

AD LECTOREM

randum fuit. Cuius cum animus multum se
 & assidue in huiusmodi rebus inuestigan-
 dis peruolueret quid facere potuit abstrusis-
 simæ cognitionis, & perreconditæ pontifex
 vel ad nostram utilitatem præstabilius, vel
 ad nominis sui famam præclarius, quàm si
 eã antiquitatis notitiam, quæ in illius pecto-
 re semper vixit (fragilitatis cōscius huma-
 næ) nobis (æternis literarum monumentis
 custodiendam) relinqueret?

Cæterum quot capita (ut ait ille Orator
 omnium maximus) tot sensus. Neq̃ enim
 defuturos quosdam arbitror (nam quid per-
 uersius huiusmodi ingenijs?) qui tam pru-
 dentissimi Præsulis studium, quam meam
 qualis ea cunq̃ videbitur industriam, im-
 probaturi sint.

Sed tanti est apud me (Lector humanissi-
 me) leuissimorū hominum ineptias & ma-
 ledicta subire, (quem enim illi mortalium
 maledicentiæ spiculis non confixere?) dū
 modò doctos atque prudentes si quæ fortassis
 minus

minùs probabuntur æquiores inuenero.

Qui tamen si se mihi iusta petenti, duriores præbere in animum induxerint, (quod eos facturos minimè reor, quandoquidem sapientium nomine atque dignitate nihil alienius) communi me nihilominus omnium qui unquam scripserunt conditione consolabor: & eius viri autoritate qui recusantem, & quiduis me potiùs facere cupientem ad hanc scribēdi audaciam impulerat (vel apud iniquos et inuitos Lectores) omne tam temeritatis quàm inscitiae crimē deprecabor. Vale.

X. Kal. Decemb.

Cl. Cl. LXXV.

Alex. Ne. amico suo ingenuo atque
omni humanitate perpolito, Tho.

Dranta Archid. Leuicensis.

Quisquis inexpletum seros decurrere in annos
Ardet, honorato nomen sumpturus ab ore,
Ille Neuylleo splendescat Apolline : quisquis
Sons animi, probitatis inops, & degener alta
Virtutis, nocuis audax occalluit ausis,
Quiq; miser meruit laniantis dentibus aui
Rodier, innumeris populataq; nomina linguis
Linquere, longeva nec se subducere labi,
Ille Neuylleo calamo vilescat utroq; est
Par : culpae malos : dignos aut tollere laude.

Tu mihi, tu teneris, ita note, Neuylle, sub annis,
Te melos, & pulchra iuuenilis gloria lingua,
Te studium semper flagrans, te nobilis ardor,
Et decorauerunt caelestis sensa cerebri.
Ac velut emollita foco bona cera calenti,
Antea formarumq; atque omnis imaginis exors,
Quaslibet admittit facies, & protinus omnes
Fingitur in vultus, rerumq; capacior exstat:
Sic in multiplices fandi decor inclytus usus
Flectitur ille tuus, diuiniq; aetheris haustus
Quodlibet audendi faelix, sacen impetus omnes
Quos velit egregios fluit obsequiosus in actus.

Certè ego, de docto potatus plurima fonte,
Quiq; hederas potui fronti vinxisse sequaces,
Offulsus meliore deo : te dispare canna
Tentabam, pronumq; tuae me cedere Musae
Sapè quidem solitum non ullus, amice, negabo.
Quantus eras tum, cum memori quamplurima sensu
Eruit in medium, vel cum centena profatu
Extudit illustri tua mens diuinior arte?
Quantus eras vel cum, fluuiorum lenè labantùm

Instar

*Instar ye sermos: vel cum nervosior esses
Intentanda acies, & acuti cordis acumen?
Quantus cum tumidis certabas rhetore rostris
Grandia fulmineo iaculatus verba rotatus?
Quantus, quantus eras semper cum maximus illo
Effingendus erat Cicero, vestigia pressis
Cum signanda notis? dii, dii quam plurimus vsque
Egregias laudes, fama & decora alta tulisti?
Non tu nullus eras, nec eras non maximus inter
Pernassi procures, & amœni fontis alumnos?*

*Quin ego qui puteram varias fulgere per oras,
Inscribiq; polo meritis, & diuine cantu
Frangebar fatigq; malis, hominumq; nocenti
Inuidia: rebus latè spoliabar: & omne
Viluit in lites studium, vitamq; leuandam.
Me malus exedit linor, mo inscitia lucri,
Me dolus, amissis dubiq; in rebus amici
Fortuna pepulere bona: spissiq; cerebri
Fex hominum fausto vita de tramite trusst.*

*Heu nihil inuita fas quenquam posse crumena
Nunc patrare boni: nunc, nunc obiere patroni
Non cauponantes doctorum prœmia, Musa,
Musa inhonorata languent, squallentq; gemuntq;
Inspidus gliscit numerus: nummo geritur res.*

*O anima pars grata mea generose Neuylle
Diuis orte bonis, cui corpore viuida virtus,
Frontis bellus honos, & amica mentis honestus.
Quaq; deos statuunt: si quid mea carmina possunt
Semper in innumeros Virtute Neuylle decores.
Ecquid & infestis iactatus quando procellis
Hac mecum documenta refers? sollersue tacendi
Defugis incuruos hominum reprehendere mores.*

*Tu quoq; non paucis iam dudum quasse periculis
Pondere nutasti grandi: te præsulis Aula
Excipit hospitij, sed sic vt dicere velles
Nordonicum populum, mitraq; stolasq; patresq;*

I.

Qui.

Qui pæda gestarunt iure, ita pluribus iure
Mæcenat voluit vester, quia parvulus inde
Creuerat, & ditem scandebat fortè cathedram.
Sic tu tam lautus rerum memorator herili
Imperio, modicamq; urbem, modicumq; Senatum
Ingenti premis ore: seges tibi creuit ab illo
Id populus cures potius, tradantq; parentes
Obscuri gnatis, & musset quisque viritum.
Ingenys apta est hæc area turpiter hyrtis
Dicere, quot patres, quot segnis quisque sedebat
Lustra patrum, quæta scita dabant, fatuq; popella
Addiderant ritus, vel quot conuiuia ciues
Secum agitant lati, quibus est authoribus orta
Urbs: quibus & templum: quæ vix ego stans pede in vno
Dictarem vetulis nisi plus vel patribus ipsis
Urbs, vel ciue suo magis increbresceret orbi.
Nec tamen his teritur tua laus, aut fama loquendi,
Sive canas vulices vox est tu cycnea cantu,
Nec si grandisono pangas regalia plectro,
Id stolidus pondet mundus satrapæ supini,
Sordidulivè gregum patres, ita vergit in æra
Mens hominum, surdaq; cupit ditefcere fama.
Tu tamen ut non sint pulchra sua præmia laudi
Maeste animis, misisq; mica, virtuteq; fulge,
Mors ruit, & mundi volat irreparabilis ætas,
Sola virescunt virtus, & vis maiora patrandi.
Actibus augustis infer te te arduum astris.



Errata quæ in hoc volumine occurrunt,
vbi notandum est quod numerus
primus paginam, secundus
lineam denotat.

6. 11. debilitatis, lege debilitatus. 18. 15. stadioum, lege stadiorum.
19. 3. abaducta. lege abducta. 32. 11. Tertia, lege Territa. 40. 1. Britanni-
cam, lege Britanniam. 41. 11. conflieto, lege conflictu. 43. 6. quid, lege
quod. Ibidem. 15. colon: pro cōma, 77. 10. Ordiuico, lege Ordouico. 94.
8. illorum, lege pontificum. 109. 1. duxit, lege perduxit. 117. 2. pontifica,
lege pontificia. 142. 5. a.d. Kal. lege a.d. XII. Kal. 160. 6. vti, lege vbi.
173. 3. ijs, lege ij. 208. 5. Balliua, lege Balliuorum.

1. The first part of the volume contains
 the history of the city of London
 from the time of its foundation
 to the present day.

[The page contains faint, illegible markings or bleed-through from the reverse side.]

Alexandri Neuylli

Norwicus.



R B I S Norwicē-
sis historiā per-
scripturus sum : non
absolutam illā qui-
dem, aut suis vndiq;
numeris perfectam
(neq; verò id medi-
ocri est artis & in-
genij) sed vt in tanta rerum obscuritate
fieri, à me præsertim potuit, breuem, illu-
strem, & apertā. Etenim cū multa dies
deleuerit, nec pauciora fœda barbaries,
ac nonnullorum incuria deprauauerit,
veritatem tātis in fordibus demersam, in
integrū restituere, maius est certè quid-
dā quā homines opinantur, pluribusq;
molestijs circūfusum. Nam cū senio,
ac æui labentis, tāquam faucibus, ipsa ve-
tustas multa cuiusvis generis deglutierit:

Aa.

tūm

tum rei literariæ quantum cladis inue-
rit, dici equidem vix posse existimo. Et
certè iure optimo expulsam se veritas, &
omnibus è locis eiectam, & exterminatã
conqueri posset: si nõ horum temporum
fœlicitas magnã nobis virorum optimo-
rum copiam, & in omni eruditionis ge-
nere excellentium profudisset: quorum
opera ac labore, obscurata prorsus bona-
rum artium studia, & extincta, denuò
dilucere cœpissent. Hi desertam pænè ab
omnibus veritatẽ, ac velut in alieno pe-
regrinantem solo, hospitio susceperunt,
vulneraq; illa sanarunt, quę tempora ini-
mica virtuti inflixerunt: tum pristinam
oris, ac formæ dignitatem restituerunt
eam, cui vel hominum improbitas, vel
(vt aliò culpa deriuetur) fortunæ quædã
fatalis calamitas turpissimas maculas im-
pressisset. Veruntamẽ quantũ ornamentum
ac splendoris, singulæ, à singulis sibi viris,
artes asciuerint commemorare, neq; pro-
positum

positum est mihi hoc loco, neq; certè necessarium. Historia verò vt se poliuerit, limarît, illustrarît, omnemq; vetustatis veluti fecem absterferit : qui non videt cœcus est : qui videt, nec agnoscit, tamen ingratus. Verum enim uerò quanquam multi singulâres viri, ac pænè admirabiles hoc in genere elaborarînt, multumq; operæ ac studiij in nostrarum antiquitatum monumentis peruestigandis adhibuerint, tamen cùm omnes omnium industrias animo ac cogitatione complexus fueris, reperietur vnus, qui quantum cæteris dignitate præstiterit: tantũ omnes huius eximiæ virtutis laude superauerit. Primus namq; is (quod sciam) antiquitati Britannicæ, depressæ prius in tenebras, atq; in cœno iacenti dexteram porrexit: eamq; princeps in hominum cœtus deduxit, vt quæ antea vel librariorum inscitia, vel temporum iniuria deformata delituerant, ea nunc typis æneis excusa, &

nouis tanquã depicta coloribus, omnium
ora vultusque non reformident. Etenim
cùm huic præfuli amplissimo Deus opti-
mus maximus summam patriæ semper
iuuandæ voluntatem, & non minimam
cum voluntate facultatem tribuisset: eo
sanè animo perpetuò fuit, vt naturam ni-
hil habuisse melius existimaret quàm vt
vellet, nec fortunam maius quàm vt pos-
set, rei literariæ afflictæ vehementer &
perculsæ subuenire. Tātū itaq; cōsecutus
est, quantū & voluit vir omniū optimus,
& potuit præfulum præful amplissimus.

Vigent ergo (vt antea dixi) tūm
huius maximè, tūm aliorum illustri-
um virorum industria, bonarum litera-
rum studia, artesque optimæ indies illu-
strantur: adhibentur etiam & cohortati-
ones, & præmia, vt & gloria adolescentes
illecti, & commodorum spe compulsi, ad
honestarum scientiarum studia incende-
rentur. Nam vt de me ipso coniecturam
faciam,

faciam, quem esse nihil in literis fateor,
(vt aliquid tamē sim quotidie laboro) di-
ci non potest quantū huius præstātissimi
præfulis bonitate incēsus, ad ea studia ex-
arserim, quæ (de virtutis via deflectens)
dudum demens abiecerā. Etenim cū me
aulicæ iam leuitatis, vitæq; pertēſū, ac rei
familiaris angustijs vndiq; implicitū, sibi
ab epistolis asciuiſſet, erectus mente atq;
animo, cœpi flagrātius multò, ac inflam-
matiore quàm vnquam antea voluntate,
in bonarum artium studijs disciplinisque
versari. Vndè factum est, vt & effu-
sam illam & vagam iuuentutis meæ li-
centiam, arctioribus vinculis astringe-
rem, & quæ antea mihi in otio, ac vo-
luptatis veluti regno degenti, ex ani-
mo effluxissent, ea (tanquam postli-
minio) domum reuocarim. Sed ac-
cidit sanè iniquo meo fato, vt quem in
tenera ætate cognitionis, ac scientię ardo-
rem, aduersus nescio quis meis optimis

Aa.iiij. studijs

studijs genius repressisset: Eū nunchuius
clarissimi Pontificis præsidio excitatum
denuò, & ardentem, imbecillitatis meæ
recordatio restinxerit. Nam cū vndiq;
intuerer viros admirabili scientia, & co-
pia florentes, mihi autem ipse meæ tenu-
itatis conscius forem, quamque nullis in-
structus essem optimarum artium disci-
plinis, longumque iter vidissem ad illa,
quæ iam alij cōtigissent, desperatione de-
bilitatis in ipso pænè cursu concideram.
Itaq; cū hanc historiolum illustrissimi
Pōtificis imperio ac auctoritate suscepis-
sem, rei magnitudinem ac difficultatem
cogitatione ac mente complexus, cœpi
ipsemet mihi diffidere, omnemque peni-
tus perficiendi spem abijcere. Etenim
cū istæc ætas, nihil nisi egregium &
excellens admiretur, omniumque aures
eloquētissimorum hominum scriptis, ac
vocibus circumsonent, quis mihi locus
erit adolescenti infantissimo, & nullis op-
tima-

timarum artium disciplinis instructo:
Veruntamen si sustinere tantam rem nō
potero, testificor me inuitum, & domini
mei (vt par est) amplissimi, ac optimè de
me semper meriti imperio obsecutum,
hanc scribendi impudentiam suscepisse.
Iniquus autem erit lector, quisquis ino-
piam & imbecillitatem meam pro cri-
mine posuerit, meque imprudentiæ po-
tius condemnauerit, quia quod debui nō
potuerim, quàm industriam pro-
bauerit, qui quod potui
certè voluerim.

(:.)

BRITAN-



BRITANIAM

omnium insularū
 quas cōtinet terra-
 rū orbis nobilissi-
 mā, & esse, & mul-
 tis à retrò seculis
 exstitisse, cunctorū
 iam pænè literis ac
 linguis percrebuit, siue naturam loci, si-
 tū sue speciem atq; pulchritudinē spectēs,
 siue vbertatem soli, siue gentis rerumque
 à gente gestarum magnitudinem. Hæc
 in tres est diuisa partes, quarum vna An-
 glia, Albania (Scotiam hodie appellant)
 altera, tertia Cambria siue VVallia nū-
 cupatur. Harum maxima, & cæterarum
 omnium florentissima Anglia est: sem-
 perque fuit: quondam Albion dicta, de-
 incepta Britania: quod nomen genti à
 Bruto inditum, ad hanc vsque ætatem à
 Britocambribus (antiquis huius terræ inco-
 lis) vsurpatur. Hi etenim Britanum
 hodierno

Anglia
 Albania
 Cambria seu
 Vallia

Albion, bri-
 tan

Britania a Bruto

hodierno die sua lingua *Britvvn* & *Britannos* plurali numero *Britaniaid*, & *Brython* appellant: quæ voces proculdubio à rege Bruto dimanauerunt. Nam quòd Polydorus homo Italus (magni certè ingenij vir, mediocris verò fidei auctor) libros suos nescio quibus coniecturarum deliramentis resperfit, *Britannia*q; & nomen, & originem aliundè deriuauit, id certè nullius momenti esse debet, præsertim cùm Ioannes Pryseus (equestris ordinis vir) viuenti adhuc Vergilio, vanitatis & mēdacij dicam impeggerit, multiq; post Pryseum scriptores grauiissimi, leuissimi Itali errores & commenta refutauerint. *Britannia* ergo antiquitùs (quod fatètur omnes) dicta fuit, ab eaq; (teste Plinio) adiacentes insulæ *Britannia* denominatæ sunt, multiq; scriptores antiqui & illustres, huius insulæ mentionem fecerunt, nempe Aristoteles, Cleomedes, Cæsar, Cicero, Di-

Bb.

onisius

4^{to} 6^{to} 7^{to} 8^{to} 9^{to} 10^{to}

onisius Halicarnassæus, Diodorus Siculus, Diō, Eustathius, Mela, Herodianus, Plinius, Plutarchus, Pausanias, Ptolomæus, Strabo, Eutropius, Lāpridius, Vopiscus, cōpluresq; alij Poetæ, Philosophi, historici, partim Græci, partim Latini: qui omnes Britanniam hanc, & minores huic circūfusas insulas (velut maiori appendices) Brytania, siue Brytanicas cognominauerunt. Nam quamuis Plinius (antiquitatis indagator acerrimus) secus fortasse cuiquam sensisse videbitur, sic enim scribit: *Albion ipsi nomen fuit cum Britaniæ vocarentur omnes*: tamen & ipsemet Plinius Britanniam appellatam fuisse fatetur, & Aristotelem magistrum secutus (cuius hæc sunt verba, *ἡ ὅλη Βρετανικὴ Ἀλβιον καὶ ἰσθμὸς*) insulam vocabulo veteri, & suo iam seculo prorsus obsoleto, ad notā cæterarū prudenter distinxit. Alioquin quid quæso causæ esse putemus, quod neque Tacitus, neque Cicero, neq; ipse Cæsar,

Britanniæ sua
insule

Cæsar, qui harum rerum (quo fuit ~~de~~ ingenio) obseruantissimus semper fuit, neq; tot præterea politi scriptores, atque concinni, qui eius insulæ famā scriptis celebrarunt suis, Albionis vnquā meminerrint, sed vno veluti cōsensu Britanniam vniuersi nuncuparunt. Veruntamen vnicunque hæc ab alijs accepta sunt, haud equidem in magno ponā discrimine: mihi certè satis erit ad id quod proposui, si ex his quæ dicta sunt, lectores & nomen insulæ, & nominis originem cōprehendāt.

Quales autem ab initio mortales regionem hanc incoluerint, quas res gesserint, quibus ex oris hanc in terram deuenerint, (quamuis Cæsar & Siculus aborigines, & *αὐτοχθόνες* eius inhabitatores fuisse arbitrentur) quemadmodum post (deuictis atq; deletis à Bruto, & Troianorū reliquijs, gigantibus, & veteribus huius regni incolis) regio in tātā magnitudinem excreuerit, vt à Britanis

*A Bruto et Gigantibus deletis
et veteribus incolis
in Iuro*

Britannia ad Saxones NORVVICVS.

imperium
ad Saxones
ad nor-
anobis
im
ad Saxones, à Saxonibus ad Normānos decursu temporis imperium defluerit, ea subtiliùs perscrutari nequaquam mihi quidem in animo est: quādoquidem has res accuratè plæriq; commentarijs perscripserunt suis, & ego nō totius mihi gētis, sed vnius duntaxat ciuitatis historiam explicandam suscepi. Ad cuius vrbis amplitudinem atque splendorem permagni mihi sanè interesse videtur, si priùs quam ad eius res gestas illustrandas peruenerō, totius insulæ situm, formamque depinxerō. Etenim & ipsa sibi ciuitas excelsior quodammodò & augustior videbitur, si insulæ huius vniuersæ, velut filia matris, condecorata laudibus resplendescat, & nostræ gentis atq; nationis ignari homines, clariùs perspicient, quantam, & quālis populi urbem scriptis nostris celebraturi sumus.

Britannia
BRITANNIA igitur insularum (vt suprà demonstraui) omniū maxima,

xima, atq; populosissima, cui quōdā AL
bion nomen fuit, nūc autem Anglia vo-
 catur, Oceano circūflua, inter septētrio-
 nē & occidentē sita est, à Germania, Gal-
 lia, Hispania, maximis Europæ partibus
 multo interuallo disiuncta. Hanc quon-
 dam sicut Siciliam continenti adiunctam
 fuisse nonnulli existimarunt, maritimisq;
 indè æstibus abruptam atque diuulsam:
 qua de re Virgilius:

Et penitus toto diuisos orbe Britannos.

Et Claudianus etiam Poeta:

Paruit & nostro diducta Britānia mūdo.

Quæ quidem opinio siue vera sit, siue
 falsa, (quis autem rem tam veterem pro
 certo affirmare audeat?) diuturnitate ta-
 men temporis extabuit.

Habet à meridie Galliam Belgicam,
 cui aduersæ sunt *Rutupiæ*, vrbs fanè per-
 antiqua, & (Bertiniano teste) regum
 quondam sedes: de qua Lucanus libro
 sexto:

Aut vaga cùm Tethys, Rutupinaq̃ue litora
feruent,
Vnda Caledonios fallit turbata Britanos.
 Ab Anglosaxonibus olim (sed corrup-
 tè) *Repteacester* dicebatur, à nostris autē
 hodiē *Richborow* nuncupatur. A Mori-
 nis porro siue Picardis (namq; id hodiē
 genti nomen est) breuissimus est in An-
 gliam transmissus (sic enim Iulius Cæsar
 commentariorū quarto scribit:) & dein
 quinto: *Ex Iccio portu* (Caletū nunc di-
 citur) cōmodissimū esse in *Britaniam trans-*
iectū didicisse se demonstrat. Quāquā non-
 nulli (inter quos est Strabo) à Gessoriacō
 Morinorū gentis litore proximo, trans-
 missū putēt, stadiorū ter centū viginti sex:
 nōnulli autē millia passuū quinquaginta.
 Plinius etenim ad hunc modū scribit: *Ex*
aduersò huius (nempè Rheni) sita est Bri-
tania insula, Græcis nostrisq̃ monumentis
clara, inter septentrionem & occidētem ia-
cet, abest à Gessoriacō Morinorū gentis li-
 tore

tore proximo traiectu quinquaginta millia passuum ad minimum. Hæc Plinius. A Septétrione autem Oceano infinito patet, vbi inter Britanniam & Hispaniam dispersæ interiectæq; sunt multæ minores insulæ, quas Orchadas appellant: inter quas omnium extrema Thule est, cuius Vergilius meminit Georgicorum primo:

Tibi seruiat vltima Thule.

Quibus de insulis quandoquidem permulti multa scripserunt, operæ prætium erit, neq; pròposito (vt arbitror) alienum nostro, si quid quisq; hac de re monumētis prodiderint suis, ipsorū verbis luculēter expresserō. Quod quidē tū demū facere decreui, cū ad vrbiū & ciuitatū Britanicarū descriptionē peruenerō, quoniā is mihi locus ad hāc rē aptissimus videtur. Nūc autē de situ, quæ restāt Britaniæ, breuiter (vt coepimus) persequamur. Habet autem ipsa Britania clarissimas estate noctes,

noctes, & multa luce conspicuas, adeò vt medio sepè noctis tempore (vt Bede verbis vtar) in quæstionem intuentibus venire soleat, vtrùm crepusculum adhuc permaneat vespertinum, an iam aduenierit matutinum. Qua de re Cleomedes, (auctor sanè grauiissimus) sic scribit:

In Britannia quùm sol circa Cancrum est, diem longissimum facit, vt decem & octo horarum sit dies æquinotialium, nox autem sex, vnde etiam tum nocte lumen emicat, sole ipso secundùm finientem procurrente, & supra terram lucem emittente. Et certè æstate dies longissimi sunt, hieme verò breuissimi, adeò vt horarum ferè sex spatio Decembri mense conficiantur. Forma insulæ triquetra est, eaque ita vndiq; distincta portubus, & munita mari, vt nihil ad eius defensionem firmitus ab ipsa penè natura excogitari posse videatur. Cuius speciem & magnitudinem, quoniam viri quidam omni exculti doctrina, atq; eruditione

ditione præcellentes, scriptis suis memoria commendarunt, haud ab re fuerit, si eorum quoq; sententiolas breuiter subiungam. Cæsar itaque (vt ab eo potissimum exordiar) libro commentariorum suorum quinto hunc in modum scribit.

Insula natura triquetra, cuius vnum latus est contra Galliam, huius lateris alter angulus qui est ad Cantium, quò ferè omnes naues ex Gallia appelluntur, ad orientem solem, inferior ad meridiem spectat. Huius latus tenet circiter millia passuum quingenta. Alterum vergit ad Hispaniam atq; occidentem solem, qua ex parte est Hybernia. Huius est lōgitudō lateris (vt illorum fert opinio) septingentorū millia passuum. Tertium est contra septentrionem: cui parti nulla est obiecta terra, sed eius angulus lateris maximè ad Germaniam spectat. Hoc millia passuum octingenta in lōgitudinem esse arbitrantur: Ita omnis insula est in circuitu vicies centena millia passuum. Cum Cæsare cōsentit

Cc.

Diodo-

Diodorus Siculus, cuius hæc sunt verba: *Est hæc insula triangulari forma Siciliae similis, latera habens inæqualia cùm protendatur per obliquum Europam versùs. Vbi minimum à continenti abest, promontorium est quod appellatur Carion, procul à terra quo tempore mare fluit, stadijs fermè centum: alterum promontorium (Velerium nomine) abesse aiunt à continenti navigatione dierum quattuor, reliqua pars quam Orcham appellant, ad mare spectat. Minimum latus Europæ adiacens protendi asserunt stadijs septem millibus. Lateris secundi longitudo à Carione vsq; ad promontoriũ stadiorum complectitur quindecim millia. Tertium latus stadiorum millia viginti. Ita uniuersæ insulae ambitus stadiorum, & milliũ duorum & quadraginta. Hucusque Siculus: Mela autem sic scribit: Inter Septentrionẽ & Occidentem profecta gradi angulo Rheni ostia prospicit, deindè obliqua retrò latera abstrahit, altero Galliam, altero*

altero Germaniam spectans. Tum rursus perpetuo margine directi litoris ab tergo re-
abducta, iterum se in diuersos angulos cu-
neat, triquetra, & Siciliae maxime similis.
Plinius verò sic: Britanniam circuitu patere
trices octies centena viginti quinque millia
Pytheas & Isidorus tradunt: triginta iam
propè annis Romanorum armis notitiã eius
nò ultra vicinitatē syluæ Caledoniæ propa-
gātibus. Agrippa lōgitudinē octingēta millia
passuum esse: latitudinem millia ter centum
credit. Hæc Plinius. Solinus item de Bri-
taniæ magnitudine scribens, ad hunc
modum loquitur: *Finis erat orbis ora Gal-
lici littoris nisi Britania insula non qualibet
amplitudine, nomen pænè orbis alterius me-
reretur, octingentis enim & amplius passu-
um millibus longa porrigitur, ita ut eum in
Caledonicum vsque angulum metiamur. In
quo recessu Vlissēm Caledoniæ appulsū ma-
nifestat ara Græcis literis inscripta voto.
Multis insulis nec ignobilibus circumdatur.*

Exposui de magnitudine & specie huius Insulæ doctorum quorundam hominū sententiolas: restat nunc ut de fecunditate soli, & admirabili gloria gētis pauca quædā pari breuitate perstringamus. Ac primū de magnitudine cōmodorum quæ percipiuntur ex cœli temperatione, fecunditate terrarum, aliarumque utilitatum opportunitatumque complurium copia: multa dicere superuacaneū arbitror, præsertim cū Deus optimus maximus nihil in toto penè terrarum orbe, hac Insula sollertiùs fabricarēt, nihil meliùs, nihil præstabiliùs, nihil pulchriùs, nihil utiliùs. Etenim ut illa quæ sunt voluptatis magis quàm utilitatis præteream, camporum amœnitates, piscatus, venationes, aucupia, multa; eiusdem generis, quibus ad delectationem nostrā abutimur: qualia sunt illa? quanta? quàm præclara? quàm omni laude & prædicatione digna, quæ terra humano generi vbertim

bertim fundit, fruges, fructus, pecora, pisces, ferri, æris, plumbi, nonnullisq; item in locis, auri, argentiq; reconditas venas? Quid hîc urbium, ciuitatumq; situs cōmemorem? Quid templorum venerandam maiestatem? Quid priuatarum ædiū magnificentiam? Quid nobilium in tanti regni dignitate sustinenda amplitudinem? Pontificū in religione ac sacris ritè procurandis pietatem? Eruditorum in omni genere doctrinarum excellentiam? Militum in præliis ineundis fortitudinē? Negotiatorum in mercibus importādis sedulitatem? Opificum in rebus singulari artificio fabricandis sollertiam? Rusticorum in agris colēdis parsimoniam & industriam? Quid deniq; cætera, quæ sunt innumerabilia, persequerer omnia, tam admirabili ordine descripta designataque, vt nihil neque ad vsum præclariùs, neq; ad speciē pulchriùs esse possit. Adde huc piscosos amnes, riuos liquidissimis

aquis profluentes, balnearum fluuios in morbis depellendis saluberrimos, camporum immensitates vndiq; arboribus, floribus, herbis viridissimis vestitas, asperitates sylvarum & nemorum densissimas, montium altitudines, amœnitates vallium, adde ouium greges, armenta boûm, equorum reliquique pecoris vim innumerabilem, auium siluestrium domesticarumque numerû incredibile: multaq; prætereà, quæ si enumerare cuncta conarer, vereor ne in infinitum progredieretur oratio. Ac ne fortè quis istæc à me ad libidinẽ fingi arbitretur, quò patriam immeritis laudibus ornarem meâ, quorundam mihi scriptorum testimonia hac de re proferenda existimaui. Etenim quæcunque talibus de rebus in lucem edidero, cunctos tamẽ hortabor, ijs fidem ne adiungant, nisi quatenûs probabili nixa ratione, firmissimis probatissimorum auctorum sententijs comprobabuntur.

Mamer-

Mamertinus igitur Romanus, in panegyrico Maximiniano dicto, sic scribit: O (inquit) *fortunata, & omnibus beatior terris Britania: meritò te cunctis cœli & soli bonis natura donauit, in qua nec rigor nimius hyemis, nec ardor æstatis, in qua segetū tāta fecūditas, vt muneribus vtriusq̃ sufficiat & Cereris, & Liberi: in qua nemora sine immanibus bestijs, terra sine serpentibus noxijs: contrā pecorum mitium innumerabilis multitudo, lacte distenta, & onusta velleribus, cæteraque omnia quæ propter vitam diliguntur: longissimi dies, & nullæ sine aliqua luce noctes.* Hactenus ille. Quæ omnia scriptor quidam perantiqui sanè nominis, & eruditionis haud spernendæ, luculentissimis versibus expressit.

*Illam quidem longè celebri splendore beatam
Glebis, lacte, fauis, supereminet insula cūctis
Quas regit ille deus, spumanti cuius ab ore
Profluit Oceanus.*

Et paulò post:

Testes

*Testes Lūdonia ratibus, Wintonia Baccho,
Herefordia grege, Wirecestria fruge redūdās,
Batha lacu, Salebyra feris, Cantuaria pisce,
Eboracum Syluis, Excestria clara metallis.*

*Norwicum Dacis, Hibernis Cestria, Gallis
Cicestrū, Norwagenijs Dunelma propinquās.
Testis Lincolia gens infinita decore,
Testis Eli formosa situ: Rouecestria visu.*

Confirmat hoc quoque Solinus his ver-
bis: Circuitus (inquit) Britaniæ, quadra-
gies octies septuaginta quinque millia passuum
sunt, in quo spatium magna & multa flumina,
fontes calidi, opiparo exculti apparatu ad v-
sus mortalium, quibus fontibus præsul est
Minervæ numen, in cuius æde perpetui
ignes nunquam canescunt, in fauillas, sed
ubi cinis tabuit, vertitur in globos saxeos:
prætereà ut taceam metallorum largam va-
riamque copiam, quibus Britaniæ solum un-
diq; generum pollet venis locupletibus. Ga-
gates hic plurimus optimusque est lapis, si de-
corem requiras, nigrogemmeus, si qualitatē,
nullius

nullius ferè ponderis : si naturam : aqua ar-
det, oleo restinguitur : si potestatem : attritu
calfactus applicata detinet æque vt succi-
num. Hæc Solinus : Beda verò magnæ
doctrinæ vir, & ingenio præditus eximio,
hūc in modum de Britānia scripsisse fer-
tur : Optima frugibus atque arboribus In-
sula, & alendis apta pecoribus, ac iumentis,
vineas etiam quibusdam in locis germinans :
sed & auium ferax terra marique generis
diuersi, fluminibus quoque multum piscosis,
ac fontibus præclara copiosis. Et quidem
præcipuè ipsis abundat, & anguilla : ca-
piuntur autem sæpissimè vituli marini, &
delphines, necnon & balenæ, exceptis
variorum generibus conchiliorum, in quibus
sunt & musculæ, quibus inclusam sæpè
margaritam omnis quidem coloris opti-
mam inueniunt, id est, & rubicūdi, & pur-
purei, & iacinthini, & prasini, sed maximè
candidi. Sunt & cochleæ satis superque a-
bundantes, quibus tinctura coccinei coloris
Dd. efficitur,

efficitur, cuius rubor pulcherrimus nullo vnquam solis ardore, nulla valet pluuiarum iniuria pallescere: sed quò vetustior, eò solet esse venustior. Habet fontes salinarum, habet & fontes calidos, & ex eis fluuios balnearum, omni ætati & sexui per distincta loca iuxta suum cuiq; modum accommodos. Aqua enim (vt S. Basilius dicit) feruidam qualitatem recipit, cum per cætera quædam metalla transcurrit, & fit non solum calida, sed & ardens. Est etiam venis metallorum, æris, ferri, plumbi, & argenti fœcunda. Gignit & lapidem Gagatem plurimum optimumque: est autem nigro colore gemmeus, & ardens igni admotus: incensus serpentes fugat: attritu calefactus applicita detinet æquè vt succinum.

Iam verò quantum belli gloria floruerint huius regionis incolæ, quàm inuicto semper animi robore exstiterint, quo in rebus gerendis consilio, virtute, fœlicitate, quantum potuerint, quid effecerint,
qui,

qui, qualesq; fuerint, ea si oratione complecterer omnia, & Polydoro perfidiæ labem æternam inurerem, & nostrarum rerum rudes, singulari tantæ fortitudinis admiratione perfunderem. Sed cum (ut antea demonstraui) ciuitatem tantummodò Norwicensem illustrandam suscepì, eò mihi contento semper cursu vela facienda sunt, neque tam vastum mare ingrediendum, ne si fortè de via semel deflexerit oratio, aut longis erroribus fatigata (veluti ventis cessantibus) languescat, aut in ipso portu rerum magnitudine (tanquam fluctibus) obruatur. Quanquam quid est in hac causa quod orationis magnoperè indigeat: præsertim cum tot præstantissimorum hominum scripta nostrę gentis laudibus, & incredibili factorum fama vndiq; circunsonent. Nam ut illa antiquiora crassissimis inuoluta tenebris præteream, quæ quidem tanta ignorationis caligine

Dd.ij.

longa

longa obsepsit vetustas, vt penè à conspectu omni luceq; remouerit: quis est adeò rerum Britānicarū insolēs, illud vt ignoret, quantum à Bruti in hanc insulam aduentu, vsque ad hæc tempora nostra natio nominis sui gloriam virtute bellica propagauerit. Percurre omnes omnium scriptorum annales, veteraq; rerum Britānicarum monumenta scrutare, quotq; reges à Bruto vsq; ad Cassiuelaunum regnarint, qui, qualesque fuerint, animaduerte, omnem denique illam mille quadraginta annorum historiam euolue (totidem enim annos à Bruto ad Cæsaris in Britāniam aduentum regnatum est) tum demum manifestò apparebit, quantum ætas illa militari laude refulserit. Quid quod Polydorus Virgilius ipse, scriptor alioquin nomini (vt apparet) Britānico infensissimus (imbelle enim & infidum hominum genus Britānos appellat, multisque in locis iniquissimis calumnijs nostræ

stræ gentis honori inuidiosissimè detrahit) coactus tamen fuerit populo Britanico virtutis testimonium impertiri.

Anglicæ enim historiæ suæ (sic enim appellat) libro primo ad hunc modum scribit: *Secutum est postea tempus militaris gloriæ, non item aliarum virtutum prorsus sterile, quo reges fuerunt Reginus, Morganus, Ennanus, Idwallo, Riuiio, Geruntius, Catellus, Coyllus, Porrex eius nominis secundus, Fulgentius, Eldalus, Androgeus, Vriamus, & Eliud.* Sedenim de Polydoro posthac fortassis aptior erit dicendi locus, qui tantum afuit, historiam vt vnquam puram, & integram, omnisque expertem labis cogitarit: vt etiam quæ ab alijs castissimè descripta sunt, turpissimè corruerit, librosque nonnullos veteres manuscriptos (certissimos Britanicarum rerum indices) homo Italus, (vt fertur) exemplo post homines natos pessimo exusserit. Itaque nihil illius scriptis con-

Dd. iij.

temptius,

temtiùs, nihil leuiùs, nihil inquinatiùs existimari iam coeptũ est, præsertim cũ nuper viri quidã nõ vulgari eruditione præditi exstiterint, qui illius vanitatẽ ac perfidiam apertẽ coarguerint. Constat ergò (vt eò vndẽ digressi sumus reuertamur) vel hoc Polydoro teste, multis seculis ante Cæsaris in Britanniam transmissum, gentem Britãnicam bellicosissimam exstitisse. Videamus nunc ecquæ macula turpitudinis & ignauix contracta sit, postquam Cæsar omnium (vt ipsi gloriantur) gentium victor instructa classe, insulæ potiundæ spe impulsus Britãniam inuaserat. Quod autem indicium exstare potest maius, & ad insignem memoriã fortitudinis Britannicæ, & ad iustam Romani nominis turpitudinem, quàm quòd constat Cæsarem imperatorem talem ac tantum, qui propè totum terrarum orbem sui nominis fama repleffet, bis à Britãnis fufum, ignominiosã nescio cuius

cuius victoriolæ umbram domum reportasse. Etenim si veram gloriam & solidam concupierit, (erat autem laudis avidissimus) quâ fit quod non gentem omnem subegerit, sicuti Galliam, Germaniam, finitimosque populos continuis prælijs subiugauerat. Quid est quod cum Cantianis tantum (hominibus equidem semper ad laudem & gloriam natis) & circumvicinis oppidulis conflixerit, neq; insulam altius penetrarit, sed in litoribus semper & extremis regionis oris constitit. Quæ res impulit virum prudentissimum, & rei militaris scientissimum, ut impolitis adhuc rebus, & acerbis tam subito recesserit. Illud equidem negari non potest, illud adipiscendæ huius insulæ spe, & Romani imperij dilatandi desiderio in Britaniam nauigasse. Credibile itaq; est, tentatis insulanorum viribus, omniq; tanti facinoris perpetrandi facultate præcisa, voluntatem quoque præstantissimo duci.

duci defuisse. Et quidem quanquā Cæsar ipse, (quo fuit certè ingenio) multiq; alij conati sint ex ignominiosa fuga illustrem victoriam (tanquam portentum aliquod & monstrum) progignere, tamen non defuere magni nominis quidā poetæ, qui res illas vti gestæ fuerant, carminibus depinxere suis. Etenim Lucretius insignis poeta Pharsalidos secundo, de Cæsare sic scribit:

Tertia quæsitis ostendit terga Britannis.

Et Tibullus qui eorum temporū æqualis fuit, & Cæsari per familiaris, ad Messalā hunc in modum scripsit:

Te manet inuictus Romano Marte Britannus.

Tibulli ergò (id est) viri ingeniosissimi ac vndecunque doctissimi testimonio, qui mentiri neq; audebat propter Cæsarum amplitudinem atque potentiam, neque volebat (erat enim illorum amantissimus) neq; potuit ne se impudenti mendacio

dacio, præsentī hominū teste memoria,
cōstringeret) huius inquam Tibulli ex-
cellentissimi poetæ testimonio, Cæsare
gentium iam omnium domitore defun-
cto (recens enim in senatu viginti tribus
vulneribus confossus interiit) manebat
nihilominus (vt illius potissimum verbis
vtar) *Inuidus Romano Marte Britannus.*

*Cæsar conquerit non
Jugland.*

Quod si verum sit (est autem proculdu-
biō verissimum) nunquam Britannia à
Cæsare deuicta, sed Cæsar à Britānia re-
pulsus profligatusque, aut cruentam &
turpem victoriam Romam reportauit,
aut quod verisimilius est (iuuat namque
Lucani verbis vti,)

Territa quæsitis ostendit terga Britannis.
Sed hæc poetarum testimonia sunt: ve-
niamus ad historicos. Eutropius de bello
Gallico sic scribit: *Nauius onerarijs,*
atque actuarijs circiter octoginta præpara-
tis, in Britanniam transuehitur Cæsar, Bri-
tānisq; bellum infert, ibi acerbā pugna primū

Ee. fatigatus,

fatigatus, deinde aduersa tempestate correptus, in Galliam reuersus est.

Et postea:

Iterum primo vere in Britanniam transuectus, equitatus primo congressu à Britannis victus, ibique Labienus Tribunus occisus est, & secundo prælio cum magno suorum discrimine hostes in fugam vertit. Huc accedunt quæ scripta sunt à Dione Cassio consulari, (magnum fanè nominis viro) Cæsar cum Britannis contra animi sui sententiam bellum composuit, postulatis adhuc pluribus obsidibus, quorum tamen exiguam partem accepit: Ita in continentem reuectus est, & quæ inibi concitata se absente fuerant, sedauit, nihil neque sibi, neque Romæ ex Britannia adeptus, &c. Atque hij quidem domestici testes sunt: verum tamen tantum abest, vt aut Britannorum fortia facta deprefferint, aut Cæsaris victoriam altiùs extulerint, vt nescio quid subtriste & impeditum præ se

se ferat oratio. Cui rei fidem quoque facit epistola quædam Marci Tullij Ciceronis ad Quintum fratrem, qui tunc cum Iulio Cæsare in Britannia militabat. Sic etenim libro tertio scribit: *De Britannicis rebus cognoui ex tuis litteris, nihil esse nec quod metuamus, nec quod gaudeamus.* Quæ quidem verba aperte indicant Cæsarem nullam (quod isti insulse nimis gloriantur) de Britannis victoriam consecutum, aut si quam adeptus est, humilem eam & subobscuram exstitisse.

Alioquin non solum Senatus omnis, populusque Romanus, (quod fieri semper in maximis bellis consuevit) in gaudium atque lætitiâ sese effudisset, verum etiam Orator ille (omnium qui unquam vixerunt) eloquentissimus, magnificentioribus verbis tantæ victoriæ famam exornasset.

Verum enim verò operæpretium erit

Ee.ij.

animad-

animaduvertere quemadmodum vbique prudens & persubtilis orator, rerum minus prosperè gestarum rumusculos orationis subtilitate adumbrarit. Etenim eodem libro ad eundem Quintum fratrem hisce verbis perscripsit : *Sed me illa cura sollicitat, angitq; vehementer, quòd dierum iā amplius quinquaginta interuallo, nihil à te, nihil à Cæsare, nihil ex istis locis non modò litterarū, sed ne rumoris quidem affluxit. Me autem iam & mare istuc, & terra sollicitat, neque desino ea quæ minimè volo cogitare.* Et alio deinceps loco Cæsarem ex Britānia ad se litteras dedisse demonstrat, *Satis commodas de Britannicis rebus.* Quidnam (quæso) aliud causæ fuisse putemus, quam obrem huius summi artificis in Cæsaris semper laude efferuescens oratio tantoperè refrixerit, nisi quòd res illæ quas in Britannia (vt Cæsaris ipsius verbis utar) *satis tātum commodè gessisset, Ciceroni non magnoperè illustrandæ viderentur.*

derentur. Quæ certè res (ni fallor) prudentissimū oratorē perpulit, vt in scriptis & orationibus suis, quæ ferè totæ Cæsaris laudibus circumfluunt, verbum tamen nullum, cū vndiq; omnes dicendi flosculos carpat atq; delibet, omnia vbiq; orationis ornamenta asciscat, verbū tamen (expressè) de Britannia nullum faciendum sibi existimarit. Sed hæc coniectura nituntur. Illud verò quale, ac quāti tādē momenti esse debebit, quod Cornelius Tacitus (& ipse quoq; Romanus) in historia sua de Cæsare scriptum reliquit, *Cæsarem ostendisse potius Romanis Britanniam quàm subegisse.* Et deinceps: *Recessuros Romanos, vt Diuus Iulius recessisset, modò Britanni virtutes maiorum suorum æmulerentur.* Suetonius itē Trāquillus nōne omnem fidem commentarijs Cæsaris detraxit hunc in modum scribens? *Pollio Asinius parū diligenter, parumq; integra veritate compositos (Cæsaris*

commentarios putat. Cum Cæsar pleraq; & quæ per alios gesta erant, temerè crediderit, & quæ per se (vel cōsultò, vel etiā memoria lapsus) perperam ediderit: existimatque rescripturū & correcturum fuisse. Hæc ille.

Quid? mores quibus in prælijs vti sunt, & belli gerendi ratio nōne insignem nostrorum hominū fortitudinem, & incredibilem in periculis ineūdis audaciam declarant? Quam confligendi consuetudinem Iulius ipse Cæsar, talibus verbis libro Commentariorum quarto explicauit. In prælijs plerunq; uti consueuerunt essedarijs. Genus hoc est ex esse-dis pugna: Primo per omnes partes per-equitant, & tela conijciunt, atque ipso terrore equorum & strepitu rotarum ordines plerunq; perturbant: & cū se inter equitum turmas insinuauere, ex esse-dis dissiliunt & pedes præliantur. Aurigæ interim paulum è prælio excedunt, atque ita se collocant, ut si illi à multitudine hostium

stium premantur, expeditum ad suos recep-
tum habeant. Ita mobilitatem equitum, sta-
bilitatem peditum in praelijs præstant, ac
tantum usu quotidiano & exercitatione ef-
ficiunt, ut in declivi ac præcipiti loco inci-
tatos equos sustinere, & breui moderari, ac
flectere, & per temonem percurrere, & in
iugo insistere, & inde se in currus citissi-
me recipere consueverint. Illi etiam con-
sulto plerunq̃ue cedunt, & cum paululum à
legionibus nostros remouissent, ex essedis
desiliunt, & pedibus dispari praelio conten-
dunt. Equestris autem praelij ratio & ce-
dentibus, & insequentibus par atq̃ idem pe-
riculum inferebat. Accedebant huc ut nun-
quam conferti, sed rari, magnisq̃ interuallis
præliarentur: stationesq̃ dispositas haberet,
atq̃ alij alios deinceps exciperet, & recetes
defatigatis succederent. Huc usque Cæ-
sar. Diodorus etiam Siculus, qui Au-
gusti tempore scripsit, eundem bellandi
more honorificetissimis verbis expressit.

Britan-

*Britannicam colunt incolæ Aborigines, qui
priscorum more vitam degunt : Vtuntur in
pugna curribus, veluti antiquos Græcorum
herôes vsos in bello Troiano ferunt. Vbe-
riùs istæc aliquantulum Gyraldus, sum-
mæ quondam dignitatis vir, ac scriptor
antiquissimus explicauit. Scribit enim
sic: Gens agilis, gens aspera, potiùs quàm ro-
busta, gens armis dedita tota: non enim no-
biles hic soli, sed totus populus ad arma pa-
ratus habetur. Bellica tuba sonante, non se-
gniùs ab aratro Agricola, quàm aulicus ab au-
la ad arma prorūpit. Nec enim hîc vt alibi
redit: Agricola labor actus in orbem.
Solum quippè Martio & Aprili semel a-
periunt ad auenas, nec bis in æstate, tertioq;
hyeme ad tritici trituram terras vertendo
laborant. Totus propemodùm populus ar-
mentis pascitur. Auenis, caseo, lacte, & bu-
tyro, carne plenius, pane parcius vesci so-
lent. Non mercimonijs, non nauigijs, non
mechanicis artibus, nec vllò prorsus, nisi
Martio*

*Martio labore vexantur. Pacis tamen
tutelæ student, & libertati: pro patria pu-
gnant, pro libertate laborant, pro quibus non
solum ferro dimicare, sed vitam dare dulce
videtur, vnde & in thoro turpe, in bello mo-
ri decus reputant. Et hij olim reliquæ Æ-
neadum in ferrum pro libertate ruebāt. De
his hoc etiam spectabile, quod nudi multoties
cum ferro vestitis, inermes cum armatis, pe-
destres cum equestribus, congredi non verē-
tur: in quo plærunque conflictu sola sunt a-
gilitate, & animositate victores: illisq; quo-
rum Poeta meminit situ & natura haud
dissimiles. Populi quos despicit Arctos
Fœlices errore suo, quos ille timorum
Maximus haud vrget leti metus, indè ruēdi
In ferrū, mens prona viris, animiq; capaces,
Mortis, & ignauum est reditura parcere
vitæ.*

*(Et alibi) Gens leuiter armata, & agili-
tati potius quàm robustis viris confisa, si ho-
diè victa sit, & cruentam in fugam turpiter
Ff. conuersa,*

conuersa, cras nihilominus expeditionem parat, nec damni, nec dedecoris recordata, & si apertis congressibus bello indicto non praeualet, insidijs & nocturnis irruptionibus hostem grauat. Itaque cum nec fame, nec frigore grauata, nec martio labore fatigata, nec casibus aduersis in desperationem data, sed post lapsum statim resurgere prompta, belli discrimina denuò subire parata sit, sicut praelio facile, sic bello difficile vinci solet. Vnde & Claudianus poeta de gentis eiusdem natura sic loquitur.

Si corda parumper
Respirare sinas, nullo tot funera sensu
Prætereunt, tantiq̃ leuis iactura cruoris.
Hæc ille: Quas equidem laudes omnes
Iosephus in Antiocheide eleganti carmine constrinxit:

Inclyta fulsit
Posteribus ducibus tãtis, tot diues alumniis,
Tot fœcūda viris, premeret qui viribus orbem:
Et fama veteres: hinc Constantinus adeptus
Imperium

*Imperium, Romam tenuit: Byzantion auxit.
 Hinc Senonum ductor captiua Brennius vrbe,
 Romuleas domuit flammis victricibus arces.
 Hinc & Scæua satus, pars nō obscura tumultus
 Civilis, Magnum solus qui mole soluta
 Obsedit, meliorq̃ stetit pro Cæsare murus.
 Hinc celebri fato fœlici claruit ortu
 Flos regum Arthurus, cuius cū facta stupori
 Nō micuere minus: totus quid in aure voluptas
 Et populo plaudente fauus. Quæcunq̃ priorum
 Inspice Pelæum commendat fama tyrannum.
 Pagina Cæsareos loquitur Romana triūphos,
 Alcidem domitis attollit gloria monst̃ris.
 Sed nec pinetum cōrili, nec sydera solem
 Æquant, annales Latios: Graiosq̃ reuolue.
 Prisca parem nescit, æqualem postera nullum
 Exhibitura dies. Reges supereminet omnes
 Solus, præteritis melior, maiorq̃ futuris.
 Quæ cū ita sint, desinant posthac Poly-
 dori fautores, & si qui fortè sint qui eam
 hæresim sequantur, veterum Britanno-
 rum famam scriptis violare suis, neque*

Ff.ij. magni

magni Cæsaris umbram nobis amplius
 obijciant, qui aut nullam domum victo-
 riam, laureamue nisi cruentam, & Ro-
 mano respersam sanguine reportauit, aut
 potius quod nonnulli autumant, fusus,
 fugatusq; æternam post se dedecoris me-
 moriam reliquit. Brennum potius me-
 minerint Britannum, & Belini Britanniæ
 regis fratrem, ducem inuictissimum, qui
 eo animi robore fuit, vt cum Romanis in
 Italia depugnare nō dubitauerit, ea autē
 fœlicitate vt tres simul Tribunos militū
 consulari potestate præditos, vno eodēq;
 momento cum ingenti strage in fugam
 verterit: ciuitatem postridiē cœperit, ca-
 ptam incenderit, Senatores omnes, vr-
 bisque primores in sellis curulibus confi-
 dētes trucidarit, mortalium nemini (per-
 indē ac in captis vrbibus fieri consuevit)
 pepercerit: cæde, cruore, incendio, cun-
 cta confuderit, nomen denique populi
 Romani & efflorescentem illam imperij
 maiesta-

Cæsar fusus a
 victoribus

Brennus fugabit Ro-
 manos, ita Roma
 perit

maiestatem penitus pænè exstinxerit: adeò vt aduersa fortuna & desperatione debilitati, vastatam incendijs ruinisque Romam relinquere, & Veios urbem paulò ab ijs antè expugnatam migrare decreuerint. Meminerint Bundwicam foeminam, sed incomparabili fortitudine foeminam, quæ suis auspicijs septuaginta Romanorum millia prostrauit. Cuius tantus terror urbem Romanã (vt scribit Virunnius) peruaferat, & Italiam quoq; omnem, quantus nunquam antea neque in aduentu Brenni, neq; Pyrrhi, aut Hãnibalis ciuitati inciderat. Meminerint Aruiragum Britannici imperij fulmen, libertatem inuitis Romanis rerum dominis conseruantem, atq; toties pro aris & focis fortissimè dimicantem. Denique tot belli duces præstantissimos, tot millia virorum fortium, tot legiones atque cohortes, tot reges militaris scientiæ laude florentes, qui à Bruto vsque ad Caduel-

Ff. iij. lodaurum

*Cadwallader
ultimus Brita
norum Rex*

Iodaurum (qui vltimus Britannorum in Anglia regnavit) meminerint: qui omnes grauiſſimis ſemper atq; periculoſiſſimis impliciti bellis, cum Romanis, Pictis, atq; Saxonibus, (æternis Britannici nominis hoſtibus) decertarunt. Multa prætereo (neq; enim omnia perſequi in animo eſt) & hæc ipſa quæ dixi, ſingularem noſtrorum hominum virtutem & admirabilem in bellis obeundis fortitudinem abundè ſatis demonſtrant.

Neque minor certè gloria fuit Angloſaxonum, aut obſcurior in re militari laus & induſtria, qui pulſis deuictiſque Biritannis clariſſimis omnia victorijs triumphisq; decorarunt. Etenim illud quantæ fortitudinis eſt? quantæ virtutis? quàm admirabilis audaciæ? non dicam quod ſua defenderint, quòd domi bellis diſtricti ciuilibus ſtrenuè ſe geſſerint, quòd foris externo Marte laceſſiti præclara militiæ facinora ediderint:

rint: sed quòd longinquas regiones per-
 agrauerint, quòd gentes ferocissimas
 contriuerint, quòd imperij fines Nor-
 uegiam vsque protulerint: quòd finiti-
 mas omnes insulas in potestatem rede-
 gerint, quòd denique multis & maximis
 prælijs cum acerrimis nationibus de im-
 perij dignitate contenderint. Ac ne for-
 tè cuiquam in istarum rerum comme-
 moratione magnificentius quàm par est,
 exsultare videatur oratio mea, tabellis
 veluti obsignatis, confirmandi & testifi-
 candi causa agere decreui, quidque hac
 de re in vetustissimis Anglicanæ antiqui-
 tatis monumētis inuenerim demonstrare.
 Ad hunc igitur modum in antiquissimis
 diplomatibus, quæ multorum præsulum,
 principumque sigillis consignantur (si-
 cuti in archetypo videre licet) perscrip-
 tum reperitur. *Edwardus Dei gratia,*
rex Angliæ & Franciæ, & Dominus Hy-
berniæ, omnibus ad quos præsentēs litteræ
peruene-

Tabellæ Antiquæ
vib

peruenerint, salutem. Inspeximus chartam confirmationis, Domini Edgari quondam regis Angliæ progenitoris nostri, quam fecit Oswaldo Episcopo Wigornienſi, & Monachis Wigornienſibus in hæc verba. ✠
Altitonantis Dei largiflua clementia, qui eſt rex regum, & dominus dominorum, ego Edgarus Anglorum βασιλεύς, omniumque regum, insularumque Oceani Britanniam circumiacentium, cunctarumque nationum quæ infra eam includuntur, imperator, ac dominus. Gratias ago ipsi Deo omnipotenti, regi meo, qui meum imperium sic ampliavit, & exaltauit super regnum patrum meorum, cui concessit cum Anglorum imperio propicia diuinitas, omnia regna insularum Oceani, cum suis ferocissimis regibus, vsq; Noruegiam, maximamque partem Hyberniae, cum sua nobilissima ciuitate Dublinæ, Anglorum regno subiugare, quos etiam omnes meis imperijs colla subdere coëgi.
Verum hæc antiquiora, diutinoque supe-

superiorum seculorū silentio sepulta pænè atq; obliuione obruta iacent : illa verò recentiora quis pro incredibili gestarum rerum magnitudine satis comprehendit? Quæ etenim in terris natio, quod regnum, quæ gens, vel pacis artibus illustrior, vel militari laude gloriosior vñquam exstitit. Bella quæ à nostris regibus non ita multis ab hinc annis inaudita cū gloria suscepta, gesta, confecta sunt recordermur, tum demum intelligemus quanta fortitudine, virtute, audacia, addā etiam consilio, grauitate, prudentia, nostra semper regio redundarēt. Nullus etenim in tota ferè Gallia locus, templū pænè nullum, nulla vrbs, nulla paulò celebrior ciuitas, vbi non triumphorum suorum insignia, & victoriarū tropæa defixerunt. Mitto hīc Scotiam à nostris sæpè exercitibus direptam, vastatam, incensam: mitto captos reges : mitto in prælio interfectos : mitto stragem nobilium, cædem

Gg. militum,

militum, ruinas urbium, multaq; alia quę
nostrę genti immortale decus, famamq;
perennem pepererūt. Iam verò illa quā-
ta sunt? quām admirabilia? quām omni
laude, honore, prædicatione digna? quòd
vno eodemq; momento nostri exercitus
cum duobus potentissimis regibus con-
fixerint? quòd foris in Gallia Gallum,
domi in Anglia Scotum fregerint? quòd
nuper paucissimis cum militibus, & exi-
gua bellatorum manu, absente etiam re-
ge, formidolosissimoque bello in Gallia
detento, influentes in Angliam Scotorū
maximas copias tumultuaria pænè pu-
gna reprefferint, exercitum ferè omnem
deleuerint, regem denique ipsum intere-
merint? Quid? maiores nostri? nōne
Galliam vi ac armis sæpenumerò sube-
gerunt? plebem proceresque in sua verba
iurare coegerunt? cōditionibusq; quibus
vellent, obstrinxerunt? maximi nominis
atq; potentię Regem, in bello cœperunt?
captum-

captumque in Angliam perduxerunt.
Quibus rebus quid præstantius? quid ex-
celsius? quid in omni pænè seculorū me-
moriam magnificentius enumerari potest?
Atq; hæc omnia publicis sunt litterarum
consignata monumentis: tantumq; abest
ego ut istæc ad libidinem meam cōfinxe-
rim, ut nostrorū hominum res gestæ vel
inimicis etiam nostris inuitissimis, singu-
laris cuiusdam ac ferè diuinæ fortitudinis
confessionem extorserint.

Quāobrem ex hijs quæ breuiter exposita
sunt (non enim sum copiam quam potui
persecutus) cōcluditur profectò, Britāniā
(quam hodiè Angliam nuncupamus)
sicut vbertate agrorum, varietate fructu-
um, magnitudine pastionis, omniumque
commodorū opportunitate & copia fa-
cilè cæteris omnibus Insulis antecellit: sic
rei militaris scientia, atque bellandi gloria
insignem semper atq; admirabilem ex-
stitisse. Quæ cum ita sint, cumque huic

Gg. ij.

parti

parti abūdè iam satisfactum arbitror : reliquum est, quoniam de insulæ nomine, situ, forma, magnitudine, fertilitate, rerumque gestarum fama cursim quædam (vt potuimus) perstrinximus, nunc deinceps de ciuitatibus locisque celebrioribus nonnulla dicamus.

antiq. Gent

Ac primùm vt à *Cantio* potissimùm exordiamur, quandoquidem ea regio opposita & obiecta Galliæ, à transmarinis partibus commodissimū præbet in Angliam traiectum : manifestum est regionem illam omnibus ijs rebus abundare, quibus florentissimæ quæquæ gentes circumfluere consueuerunt. Etenim præter soli vbertatem, frugifera & immensa camporum spatia, vicorum, atq; vrbium frequentiam, maris finitimi non minùs utiles quàm iucundas opportunitates, portuum recessus tutissimos, quibus ex rebus, incredibile dictu est, quantum incolæ vtilitatis ac commodi percipiant, illic sunt

sunt fontes dulcissimi ac perennes, limpidissimis aquis profluentes : illic sunt ouium, bouum, diuersorumque animalium greges passim per agros vberes & opimos discurrentes : illic denique auium, piscium, cunctarumque pæne rerum tanta copia, vt ad eam regionem commoditatum omnium, quoddam quasi mare affluxisse videatur. Princeps ciuitas *Can-* *(Cantharia)*
tuaria dicitur, (olim *Dorobernia* nomen fuit) vrbs sanè perantiqua, & quondam diuitijs & opibus, & descriptione ædificiorum, & sacrarum ædium pulchritudine, in primis nobilis. Nunc verò vel vetustate, vel *Calisij* (quod ipsi queruntur) amissione, vel ciuium (quod plerique autumant) ignauia atque discordia, pristinum pæne splendorem omnem decusque penitus amisit. Siquidem legulei, fartores, lanij, pharmacopolæ, cæteri que parui atque perangusti animi opifices, (qui in sordida arte versantur omnes) auidi lucri,

Gg. iij. dediti

dediti rixæ, inuidia & æmulatione sæpe-
numerò ardentes, & leuissimis plerunq;
de causis sæuis (vt fit) inter se nonnun-
quam & immanibus irarum vndis ex-
æstuentes, eos malorum fluctus in vr-
bem inuexisse putantur, qui statum
ipsius intestinis concussum dissidijs in-
credibiliter dilacerarunt. Cæterum ha-
rum rerum vtra magis rem Cantua-
riensium publicam (quondam vt di-
xi florentem) afflixerit, an simul om-
nes ad perniciem & ruinam, tantæ ci-
uitatis concurrerint: affirmare temerè,
neque audeo certè, neque debeo. Proin
rem integram: ipsæque dijudicandam re-
linquo, qui ciuium mores, vsitatamq;
viuendi consuetudinem meliùs perspe-
xerunt. Vna tamen in re, cæteris ad-
huc omnibus Britannia ciuitatibus an-
tecellit. Illic etenim est Archiepisco-
pi sedes, sicuti multis abhinc iam se-
culis

culis fuit. Namque à primo vsque ad *Matthæum Parkerum* antistitem amplissimum (cui nunc quoque illius ecclesiæ cura incumbit) septuaginta Archipræsules exstiterunt. Restat igitur illud vnicum veluti diuinitus, afflictæ vrbi, ac pænè iam deploratæ solatium, quòd adhuc Archiepiscopali sede resplendeat, totiusque Angliæ & Cambriæ ciuitas Metropolis cognominetur.

Proxima Cantuariæ *Roffa* est: (Nam *Feuerhamiam*, *Myltonum*, *Syttingburnam*, & interiecta nōnulla oppidula prudens certè prætereo) vetus & illa vrbs sicut murorum ruinæ, & quædam antiquitatis vestigia declarant.

Atque hæc quidem de *Cantio* breuiter dicta, sufficiant: Etenim syluas, portus, villulasque, quæ hinc indè sparsæ circumiacent, (colitur enim vndiq; & habitatur frequentissimè) transire decreui,
ne

ne si curiosiùs aliquantulum in istiusmodi rebus persequendis substiterit oratio, peregrinari nimiùm, & immoderatiùs excurrere videretur. Itaque certum est, in cæteris hanc eandem rationem sequi, nimirum vt nominatis maximis vniuscuiusque prouinciæ vrbibus, atque notatis tantùm, reliquas breuitatis causa præteruolem. Quod eò libentiùs adducor vt faciam, quandoquidem *Gulielmus Lamberdus*, præstanti ingenio, eruditione, iudicio vir, nuper istæc vernaculo sermone non minùs eleganter quàm copiosè descripsit. Qui (quod eum facturum magnoperè cōfido) si in via quam semel ingressus est, perstiterit, atque eodem penicillo ijsdemq; coloribus quibus Cātium depinxit, Angliam nobis omnē expressam, depictamq; dederit : equidem non video quid in eo genere ab aliquo alio politius poterit, perfectiùsue proferri.

Cantianis proximi secundùm Thamesis
ripam

ripam meridionalem, sunt *Suthsaxones* & *Surreyenses*. Southsaxonum celeberrima ciuitas *Ciceſtria* est, Surreyensium *Guldefordia*. Quanquam & ipsa quoque *Craiduna* partim clarorū virorum cœtu qui eò quotannis semel iuris dicendi causa confluere consueuerūt, partim Archiepiscoporum Cantuariensium palatio nobilitata est: habent enim illic constructam magnificè, & plenam dignitatis domū. Quo nomine etiam *Lomethis*, (quæ vulgò *Lambyth* appellatur) atque in extremis Surreyensis prouinciæ finibus consistit, circunuicinis oppidulis clarior multum & illustrior existit. Etenim postquam *VWestmonasterij* ab Archiepiscopis Cantuariensibus habitari desitū est, (ibidem enim vsque ad tempora regis Richardi, eius nominis primi, ædes habuerunt amplissimas ludo (qui nunc est) literario aduersas, *VWestmonasterio* *Lamhithum* migrarunt. Vbi cū de

Hh,

locorum

locorum quorūdam permutatione cum
 monachis Roffensibus transegissent sibi
 ac successoribus suis palatium magnifi-
 centissimum exædificarunt. Quod in-
 choatum à *Baldwino* anno. 1183. dein ab
 alijs auctū antistitibus, postremò a *Mor-*
tono, Warhamo, & Polo Cardinali re-
 nouatum amplificatumq; , ad hanc tan-
 tam peruenit (qua hodiè conspicitur)
 magnitudinem. Atq; hic quidem (pa-
 ce tanti antiquarij dixerim) *Johannes*
Leylandus, si non per errorem lapsus est,
 at certè titubauit aliquantulum, & igno-
 ratione veritatis de via deflexit. Ait e-
 nim Archiepiscopos Cantuarienses à
 tempore aduentus Normannorum in
 Angliam, *Lambithi* sedem ac domici-
 lium habuisse. Quod secus esse ex ijs
 quæ superiùs dicta sunt quis non videt?
 nisi fortè plus vni *Leylando* (homini
 quod non infitior apprimè docto, &
 in harum rerum studijs non mediocri-
 ter

ter versato) credendum sit , quàm vetustissimis antiquitatis Anglicanæ monumentis, quæ certissima huius migrationis testimonia continent. Addam ipsius *Leylandi* verba , ne qui mihi fortè vitio dent , quod homini multis laudibus claro , & quod familiam ducit antiquario , ignoratæ antiquitatis crimen inflixerim. *Lomithis* (inquit) id est *sinus luteus* siue *Lamithis*, vulgò *Lamehyth* notissimus *Tamesinæ* ripæ locus , de quo nihil antiquius legi , quàm quod *Canutus Fortis rex Angliæ* hîc inter conuiuia & pocula , ut refert *Henricus Venantodunensis*, diem obiuerit supremum. In confessô est, *Archiepiscopos* à tempore aduentus *Nortomannorû* in *Angliam*, hîc sedem habuisse.

Baldwynus & *Hubertus Archiepiscopi* , nobile fanum *Lamhythi* erexerunt, decreueratq; præbendarios (ut vocât) ibidem constituere. *Durouernēses monachi*

Hh.ij.

boc

locorum quorūdam permutatione cum monachis Roffensibus transegissent sibi ac successoribus suis palatium magnificentissimum exædificarunt. Quod inchoatum à *Baldwino* anno. 1183. dein ab alijs auctū antistitibus, postremò a *Mortono*, *Warhamo*, & *Polo* Cardinali renouatum amplificatumq; , ad hanc tantam peruenit (qua hodiè conspicitur) magnitudinem. Atq; hic quidem (pace tanti antiquarij dixerim) *Johannes Leylandus*, si non per errorem lapsus est, at certè titubauit aliquantulum, & ignoratione veritatis de via deflexit. Ait enim Archiepiscopos Cantuarienses à tempore aduentus Normannorum in Angliam, *Lambithi* sedem ac domicilium habuisse. Quod secus esse ex ijs quæ superius dicta sunt quis non videt? nisi fortè plus vni *Leylando* (homini quod non infitior apprimè docto, & in harum rerum studijs non mediocriter

ter versato) credendum sit , quàm vetustissimis antiquitatis Anglicanæ monumentis, quæ certissima huius migrationis testimonia continent. Addam ipsius *Leylandi* verba , ne qui mihi fortè vitio dent , quod homini multis laudibus claro , & quod familiam ducit antiquario , ignoratæ antiquitatis crimen inflixerim. *Lomithis* (inquit) id est sinus luteus siue *Lamithis*, vulgò *Lamehyth* notissimus *Tamesinæ* ripæ locus , de quo nihil antiquiùs legi , quàm quod *Canutus Fortis rex Angliæ* hîc inter conuiuia & pocula , vt refert *Henricus Venantodunensis* , diem obiuerit supremum. In confesso est, *Archiepiscopos* à tempore aduentus *Nortomannorū* in *Angliam*, hîc sedem habuisse.

Baldwynus & *Hubertus Archiepiscopi* , nobile fanum *Lamhythi* erexerunt, decreuerātq; *præbendarios* (vt vocāt) ibidem constituere. *Durouernēses monachi*

Hh.ij.

boc

hoc ægrè ferentes, cum Romano pontifice de fano diruendo egerunt. Postremò Monachis victoribus, ruinam locus passus est, & quidem magnam. Hæc Leilandus.

Southsaxonibus finitimi sunt *Atrabates*, (quos nunc Barshirenses vocamus) quorum vrbs primaria *Caleua* olim, hodie *Wallingforda* cognominatur. Nam de *Segentio*, *Pontibus*, *Spinis*, *Cunetione*, quæ nunc *Cilcestre*, *Reding*, *Newbery*, & *Malborow* dicuntur (antiquis sanè oppidulis) plura fortassis dicerem, si non ad alia maiora festinaret oratio.

Inter hos & mare sitū sunt *Simeni*, quos *Hamshirenses* hodie nūcupamus, quorū amplissima ciuitas *Venta* est, quæ multis abhinc annis fama percelebri fuit, & à Britannis, (qui eo tēpore regionem hanc incolebant) *Caerwynt* dicebatur: nūc autem à nostris *Wynchestre* appellatur.

Vndè nō longè distat Portus magnus, (hodiè nomen *Portsmouth*) in cuius ostio
ciuitas

ciuitas erat *Caerperis* olim, iam verò
Portchestre nuncupata. Est etiam in ea-
dem prouincia *Trisantonis*: portus pul-
cherrimus atque peramplus: antiqui ad-
huc nominis vestigia retinens, *Southbāp-*
ton enim hodierno die dicitur. Ex ad-
uerso sita *Veētis* est: Insula clara, fertilis,
opima, & Romanorū monumētis cele-
brata: de qua *Leylandus* sic scribit: *Veēta*
sive Veētis Britannicè, *Gueid vel Guith*,
Anglicè VVight, insula tūm *Latinis tūm*
Græcis scriptoribus cognita. In primis autē
Ptolomæo, *Plinio*, & *Antonino*. *Samu-*
el Beulani discipulus, qui annotationes in
Nennij Britanni historiam scripsit, hæc
dum *Veētæ* interpretationem significanter
excudit, refert: *Quam Britones insulam*
Gueid vel Guith vocabāt, quod nomē *La-*
tinè diuortium dici potest. Forma insulæ o-
uo simillima: longa quidem est viginti pas-
sum millia, lata verò decem. Rupes habet
litus horrentes. Terra frugum fertilissima,

ne sylvæ indiga. Amniculis aliquot commodè alluitur. Neoportus aliàs Medena, vnicum insulæ emporium. Villæ prætereà plus minus. 24. in quibus vt plurimum non vicatim, sed sparsim habitatur.

Locus hic admonet vt quod initiò facturum me receperam, id nunc demùm præstem. Etenim de Insulis Britanniam circumiacentibus dicturum me aliquid pollicebar : quod quidem libenter facerem, si aut susceptæ historiolę ordo atque natura pateretur, aut non aliò ad se inuitaret, & quasi raperet oratio. Ne tamē hanc partem intactam prorsus relinquerem, aliquid hac de re dicēdum mihi hoc tempore existimaui, hortans nihilò tamē seciūs omnes, qui talium rerum desiderio tenentur, auctores vt consulant eos, qui istęc plenius & vberius in commentariolis explicarunt suis.

Est igitur Anglia (quemadmodum superius demonstratū est) multis clarissimis

mis insulis circumdata, quarū aliæ remotiores sunt, & longiùs disiunctæ, alię verò veluti parvæ filiolæ, matri magnæ circumfusæ. Harum omnium maxime sunt, *Vectis* (cuius paulò antè mentionem fecimus) *Menavia* (quam Ptolomæus *Monada* appellat: nostri *Man*) & *Mona*, de qua deinceps dicemus. Nam de *Teneta*, *Sheppeia*, *Ely*, *Axholmia*, *Aualonia*, & cæteris, (quæ quò angustioribus definitæ terminis sunt, eò fama semper minori exstiterunt) hoc tantum in oratione ponam mea, insulas illas fertiles esse & peramœnas, & rebus pænè omnibus ad vitā necessarijs redundantes.

Mona itaq; ea est quā *Angleseiam* hodiè nominant: cuius Cæsar commentariorū libro quinto meminit, *Monamq;* eam appellat. Quanquam *Polidorus* ex *Mona*, *Manam* fabricare conetur, homo utique non indoctus, sed qui vel ignorance & inscitia, vel (quod pleriq; putant)

putant) maleuolentia, & nescio qua gloriolæ cupiditate occæcatus, densissimis identidem errorum nebulis veritatem inuoluerit. Quæ res mouit *Humfredum Lbuid* & *Iohannem Leilandum* (summæ equidem in antiquitate perlustranda, industriæ viros) vt inmoderatâ istam *Polidori* in vrbium, locorum, ciuitatumq; nominibus deprauandis licentiam hisce verbis perstringerët. Ac primùm *Humfredus Lbuid* eleganti quadam epistola, quam nuper cum suo totius orbis terrarû Theatro *Abrahamus Ortelius*, (præstantis & eruditionis & ingenij vir, coniunxit, sic scribit: *Restat* (inquit) *de Monæ insulæ nomine & situ, quæ apud antiquiores, & modernos authores obseruauit, quæque ipse ex experientia & ex linguæ Britannicæ cognitione didici, tibi cui aliquid denegare quod vires meæ præstare possint, apud me piaculi loco erit, aliquid scribam, quamuis scio me hoc facitando nomē meum multorum*

*multorum calumnijs exponere, quia errores
semel imbibiti difficillimè euelluntur, ma-
ximè cum Polidori Virgilij viri docti, &
non vulgaris eloquentiæ autoritate confir-
mentur, sed pace eorum dixerim, virum hūc
annales suos manifestis erroribus & mille
mendis impleuisse, idq; non solū ei accidisse
ob imperitiā linguæ Britannicæ, sine qua
nec nomen ipsius insulæ rectè intelligitur, cū
alii per p, alij per b, alij per ph, litteras scri-
bunt: sed etiam quòd meliores authores non
legerit, vel quòd inuidia Britannici nominis
tumens, Gulielmi cuiusdam & re & no-
mine Parui, (spretis melioribus, eorumq;ue
authoritates paruipendens, sibiq;ue nimium
tribuens) cæcutientis, cæcus vestigia secutus
sit: Sed crepat licet Britannicæ gloriæ velli-
cator impudentissimus: dum exstant inter
Græcos Diodorus Siculus, Dion Cassius
bis Consul, Herodianus, Plutarchus, Pau-
sanias, Ptolomæus, & Strabo: inter La-
tinos Cæsar's commentaria, Cornelius
li. Tacitus*

Eutropius, Suetonius, Orosius, Ælius Spartianus, Iulius Capitolinus, Ælius Lampridius, Flavius Vopiscus, Aurelius Victor, Amnianus, Marcellinus, Sextus Rufus, Panegyrica Mamertini, & aliorū: Plinius, Antoninus, Mela & Solinus, *præter annales antiquissimos Britannicè scriptos, Gildas tres, Nenum, & clarioris eruditionis multos alios, qui res Britannicas scriptis suis illustrauere: Asserius, Obbernus, Felix, Monumetensis, Huntingtonensis, Malmesburiensis, Anno-uillanus, Iscanus, Necchamius, Giraldus Parisiensis, Triuettus, & infiniti alij. Crepat (inquam) licet imperiosus Urbinas, & clarissimis Britānorū rebus gestis oblatret, dū hi classicū Britannicæ gloriæ cātēt, nusquā poterit mēdacissimis suis calūnijs Britāniæ decus & nominis famam à tot clariss. viris decantatā, vēr obscurā reddere, vel aliqua infamia inurere. Iam ad Monā redeūdū est, quā Polydorus satis pro imperio nomine antiquo priuauit, anonymāq; reliquēs,*

Menauia vtroq̃ decorauit: quod facile, & ex Romanis, Græcis, & Britānicis scriptoribus, & incolarū lingua hunc in modum probatur. Eundē in finem, sed mitiūs aliquantulū Leylandus: Mona, Britannicæ terræ Mone. Hæc ab Anglis vi occupata, Anglesey dici cœpit, id est, Anglorū insula. Polydorus Virgilius cōtēdit miris modis ex Meuania Monam facere: si nomen quod vel adhuc retinet, si vrbs quæ è regione sita est, vnde & nomen Aruone, pro Ar-Mone habet, si traiectus breuissimus quidē ille, cuius & Romani scriptores meminerūt, si Penmona promōtorium, quæ dictio caput Monæ significat. Si arborū ingentes trunci ac radices sabulo obtectæ, quæ latè per Monæ litora eruūtur. Si abietes miræ lōgitudinis in vliginosis cāpis, passim sub terra inuēte, nō satis probāt eā Monā fuisse, quæ nūc Anglesey vocatur: nihil amplius in præsētia dicā, nisi quòd decimo quarto apud Tacitū libro hæc legerim. Excisiq̃ luci sæuis super-

stitutionibus sacri. Ego verò (& meritò) as-
surgo Polidoro. Præstitit in historia quæ
potuit optima, si meliora potuisset, facile
quidem voluisset. Quo nomine & posteritas
multum illi debebit. Sed ut connueam in
meridie, & indulgeam manifestis erroribus,
qui frequentiusculè erudito occurrunt
lectori, siue ille per ignorantiam, siue ut can-
didus interpretor per incuriam peccauerit,
mibi nec commodum nec æquum videtur.
Quando amor erga patriam meus, & veri-
tas ne faciam, prohibent, & quidem seuerè.
Mibi quidem si esset cum eo familiaritas
ulla, libere eum, at opportunè, interim nec
minùs candidè & modèstè admonerem, ut
sexcētas eiusmodi maculas in historia quam
edidit, elueret. Hucusque Leylandus.

Quam eandem Polidori temeritatem
seu mauis petulantiam reprehēdit etiam
Priseus scriptor politissimus: Mona
(inquit) insula, quam Angli nūc Anglesey
appellant, etiam nunc antiquum nomē inter
Brytan-

Britannos Cæbrenses retinet, nempe Môn dicta. Tametsi Polidorus ob linguæ Britænicæ ignorantiam, & quia alia non multum distans Insula (Man) apud Anglos nunc vulgò appellatur, illam videlicet Mônâ eandem quam (Man) nunc Anglicè vulgò appellant, fuisse putat, interim nescius, quod & hæc quæ (Man) Anglicè dicitur, Mônâda olim à Ptolomæo, & antiquis, & nunc etiâ à Britannis (Manaw) affini vocabulo vulgò dicitur. Vndè videre est, utramque insulam antiquitatis expressa vestigia adhuc retinere apud Britannos.

Quid quod Plinius harum quoq; trium insularum mentionem fecerit, & duas suis nominibus appellarit, tertiam, (quanquã obscurè) aliquantulum tamen subumbrarit: Inter Hyberniam & Britanniam sitæ sunt (inquit) Mona, Manapia, & Vectis insulæ. Monam & Vectim antiquis nominibus insigniuit: & eã quã nos hodie Mân appellamus, Manapiam nū-

Ii.iiij.

cupauit.

cupauit. Prætereà *Cæsar* scribit eam in medio cursu esse inter *Angliam* & *Hyberniam*, suoque nomine *Mônâ* appellat, quo quid dici potest apertius ad reprimendam scriptoris inconsideratissimi vanitatem? Tres itaque (quod antea dictum est) propè *Britanniam* insulæ sunt, finitimarum omnium insularum maximæ. *Man* (veteri adhuc nomine insignis) *Mona*, (quam *Angleseyam* hodiè appellamus) & *Veëtis*. De quibus *Henricus Huntington* ad hunc modum scribit: *Tres maiöres insulæ Britanniae sunt Orchades, Man, Mona, (Liseuboniam, vel Euboniam, vel Eufoniam vocat) quæ in umbilico maris inter Hyberniam & Britanniam sita est: Tertia Guith cōtra Normannos, de quibus dicitur in prouerbio, iudicabit Britāniam cum tribus insulis. Hæc Henricus. Videamus nūc quid de remotioribus insulis veteres scriptores tradiderint. Antonius ait: In mari Oceano, quod Gallias*

Gallias & Britanniam interluit, sunt in-
 sulæ Orchades, Glota, Vierione, Vecta,
 Riduna, Sarnia, Cæsaræa, Barfa, Bifia,
 Andium, Sicdelis, Vixantisma, Vindelil,
 Siada, Iga. Sunt (vt inquit Plinius) qui a-
 liās prodant, Scandiam, Dumniam, Ber-
 gos, maximamq; omnium Nerigon, ex qua
 in Thyle nauigetur. Addunt etiam non-
 nulli numerum, inter quos est M. Ca-
 pella, qui sic scribit. In ultimo eius, sylua
 Caledonia, insulæque quamplures, inter
 quas Orchades sunt, quadraginta pænè
 iunctæ. Et Mela, cuius hæc sunt verba:
 Quadraginta sunt Orchades, angustis in-
 ter se diductæ spatijs: Insulani statura sunt
 procera, semper sano fermè corpore, pa-
 riter atq; mente, quo fit vt longissimam vitã
 degant, etsi piscibus plurimum victitent,
 nam terra cõtinuò propemodùm frigore ob-
 sita, multis in locis vix frumentum fert, ar-
 borem verò pænè nullam. Consentit cū v-
 trisq; Plinius: Quadraginta sunt (inquit)
 Orchades

Orchades modicis inter se discretæ spatijs. Solinus item de Hebudibus hæc tradit: *Multæ sunt circa Brytanniam insulæ, è quibus Thyle ultima, in qua æstiuo solstitio, sole de Cancrisidere faciente transitum, nox pænè nulla brumali solstitio, dies adeò conductus ut ortus coniunctus sit occasui. Ultra Thylem accepimus pigrum esse & concretum mare. Inde à Caledonio promontorio Thylem petētibus bidui nauigatio est. Inde excipiunt Hebudes insulæ quinque numero, quarum incolæ nesciunt fruges, piscibus tantum & lacte viuunt. Rex vnus est vniuersis, nam quotquot sunt, omnes angustâ interluuie diuiduntur. Rex nihil suum habet, omnia vniuersorum, ac ne auaritia diuertat à vero discit paupertate iustitiam, vtpotè cui nihil sit rei familiaris, verum alitur è publico. Atque hæc cursim strictimq; de Insulis, nunc ad reliqua denuò reuertamur.*

Simenos ordine consequuntur Seueriani
nunc

nunc *Wylshiremen* dicti, horum nobilissima ciuitas *Caerfeuerus*, alijs *Caercaradoc*, à nostratibus hodiè *Seuerisbury*, vel corruptè *Sarisbury* cognominatur. Inter hos est nobilitatus ille Britannorum heroùm clade locus, qui *Mons Ambrosij* appellatur, hodiè *Stoneheng*: vbi immensæ magnitudinis saxa conspiciuntur, modo tam incredibili constructa coagmentataq;, vt omnes (qui vnquam conspexerunt) in admirationem tãtæ ac tam inauditæ structuræ conuerterint. De quibus *Henricus Huntington* quodam in loco sic scribit: *Quatuor autem, sunt quæ mira videntur in Anglia, primum quidem est, quòd ventus egreditur è cauernis terræ, in monte qui vocatur Pec, tanto vigore, vt vestes iniectas repellat, & in altum eleuatas procul eijciat. Secundum est apud Chedernhole, vbi tam magna cõcauitas est sub terra, vt eam multi sæpè ingressi sunt, & ibi spatia magna terræ, & flumina pertransierint, nunquam ta-*

men ad finem eius venire potuerint. Tertiū est, quod in quibusdam partibus, pluuia videtur eleuari de montibus, & sine mora per campos diffundi. Quartum est apud Stanenqs, vbi lapides miræ magnitudinis in modum portarum eleuati sunt, ita vt portæ portis superpositæ videantur, nec potest aliquis excogitare, qua arte tanti lapides adeo in altum eleuati sint, vel quare ibi constructi sint. Hucusque *Huntingtonus*. Præterea in *Seueria* est etiam & altera non minùs ferè nobilis vrbs, quæ *Shaftesbury* nominatur, à Britannis olim *Caerbaladin*, & *Caersepton* dicebatur. Hijs finitimi sūt *Durotriges*, Brytānis *Durugueir*, Anglis *Dotsetshyremen* dicti : à quibus non longè absunt *Damnonij*, (*Deuonshyremen* hodiè vocantur) quorum amplissima ciuitas *Isca* est, cui olim *Augusta* nomen fuit, & *Caermyck*, nunc à nostratibus *Excestre* cognominatur.

Proxima & vltima omniū *Cornauia* est,
inco-

incolis *Cernico*, ab Anglis *Cornwallia* dicta. Suprà *Damnonios* sita est *Murotrigū* regio, quæ Britannis *Guladarhaf*, Anglis verò *Somersetshyre* dicitur. Huius provinciae vrbes primariae sunt, *Ilcestre*, *Bristou*, & *Bath*, in qua sunt aquae calidae, è terrae quasi venis atq; visceribus mirabiliter ebullientes, humanisque corporibus, tabifica lue aut morbo contactis, admodum salubres. Ab hijs non longè absunt *Dobuni*, siue *Claudiani* (*Glocestrenses* nostri nuncupant) tribus ciuitatibus, *Glocestria*, *Cicestria*, & *Malmsburia* insignes.

Regiones quæ ad australem Thamesis orā sitae sunt indicauimus omnes, reliqua nunc eodem quo coepimus ordine, consectabimur. Et primò contra *Cantium* ex altera parte Tamesini fluuij sunt *Trino- uantes*, qui hodiè à nostratibus *Estsaxones*, & *Mediosaxones* appellantur, quorum princeps ciuitas *Londinum* est,

Kk.ij. olim

olim *Trenouantum* dicta, vrbs Anglicarū
omnium maxima, pulcherrimaq;. Nam
& situ est tūm egregio, tūm ex omni ad-
itu, vel terra, vel *Tamesi*, (qui fluuius vr-
bem præterfluit) ad aspectum præclaro:
dein templis, ædificijs, locisq; tam priua-
tis quàm publicis, ita ornata atque distin-
cta, vt longè ceteris omnibus ciuitatibus,
& specie & magnitudine antecellat. Nec
me certè mouet, quòd *Polydorus*, (vir vt
sæpè iam dixi, in rebus nostris explican-
dis minùs castè integreq; versatus) aliter
aut senserit, aut se sentire finxerit, præser-
tim cū tot vbique præstantissimorum
hominum scripta illius commentitias fu-
tilesque coniecturas, atque ineptias (plus
pænè quàm aniles) detexerint. *Trinouan-
tibus* proximi sunt *ſceni*, quorum ciuitas
Venta est, ea, quā nostrates hodiè *Nor-
wycum* nuncupant. Quam quoniam or-
nandam quoad potero, meisque scriptis
celebrandam suscepi: non committam,

vt

vt quas laudes illius pulcherrimæ vrbis
perpetua oratione (cùm ad id loci per-
uenero) persequi decreueram, eas nunc
in hoc rapidissimo orationis meæ cursu,
festinantiùs quàm par est, explicem atq;
profundam. Quàquam mirari satis cer-
tè non possum, quid *Polidoro* in mentem
venerit, regionem vt hanc *Nordouicen-*
sem, ciuitatem verò *Nordouicum* appel-
landam existimaret, atque ex *Ordinico*,
peritissimus proculdubiò vrbium archi-
tectus) vnica tantùm litterula adiecta,
Nordouicum tam subitò construeret.
Vna solummodò præter Londinum ciuitas
Ordouicum (inquit) *nomen vetus retinet,*
tametsi nos addita N. littera in principio,
Nordouicum vocamus. Hunc in modum
purus ille scriptor, & rerum (quod
profitetur) Anglicarum fidissimus inter-
pres, ea quæ certis locis, temporibus,
atque nominibus distincta sunt, singulari
quadã temeritate atq; audacia permiscet
Kk.iiij. semper

semper atque confundit.

Pryſæus (auctor fanè grauiſſimus) in historia ſua hac de re ſic ſcribit: *Quale eſt illud quod de Ordouicibus Polydorus cēſet, hanc videlicet ciuitatem ſolam, præter Londinum, antiquum nomen, videlicet Ordouicū in hæc tempora retinuiſſe, quod de Norwyco ciuitate, nunc ad orientis inſulæ extremum latus poſita innuit, cum Ptolomæus Ordouices planè ex Diame- tro, videlicet ad extremum Occidentis inſulæ Britannix conſtituit. Nec ipſa loci longitudinis aut latitudinis ullo modo ratio patiatur eos ubi Norwycum eſt, conſtitui: Nec dum tempore Ptolomæi Saxones, unde hoc vocabulum Norwich, dubio procul originem traxit, in hanc inſulam applicuerant, videlicet à (North) & (VVich) quod Latinè ſonat, Aquilonaris vicus, quod Polydorum minimè obſeruafſe plurimum admiror. Ordouices etiam non ciuitatis, ſed gentis nomen erat.*

Nec

Nec omnino verum est, quod cætera loca omnia sua antiqua nomina penitus amisere, ut Polydorus in suggillationem historia receptæ asserit. Quippè Londinum quod London, & Eboracum, quod non ita pridem Euerwyck: Venta, V Vinchestre, Trifantonis hostia, Sowthampton: Cantium, Kent: Sabriana, Seuerne: Corinij, Cornisimen: Dannonij, Deuonshyremen: Tamesis, Tames: multiq̃ue alij loci atq̃ vrbes palàm faciunt, non omnia vt Polydorus censet, huius insulæ loca sua antiqua nomina amisisse. Hæc ille. Sed de Polydoro satis: Nos eò, vndè defluxit oratio reuertamur.

A Norwicensibus non longè distant Cantebrigienfes, quorū ciuitas olim Britānis Caergrant, & ab antiquioribus Anglis Grātecestre (à flumine urbē præterlabēte) dicebatur, nūc verò vulgò (sed corruptè) Cambridge appellatur. Academia omniū celeberrima, eruditissimiq; semper hominibus

minibus atq; liberalissimis bonarum artium studijs florentissima. Cuius & urbis & Academiæ antiquitatem, & cum antiquitate dignitatem, *Ioannes Caius* nuper eleganti volumine cōplexus est. Nec procul indè disitæ sunt hæ gētes, *Catychlauni*, siue *Hertfordienses*, *Buckinghamenses*, *Hūtingtonenses*, *Bedfordienses*, *Oxonien-
ses*, & post hos, *Lincolnienses*, *Leicestrē-
ses*, *Nortauondunenses*, *Staffordienses*, *War-
uicenses*, *Wigornien-
ses*. Hertfordiensium ciuitas fuit *Verolanium*, vrbs perantiqua, & *Saxonum* furore funditus excisa, cuius etiam adhuc vestigia quædam manent, & moeniorum ruinae, cis amnem non longè à fano diui (vt vocant) *Albani*. Nunc inter cæteras eius prouinciæ vrbes, *Hertfordia*, (nationis insignita nomine) principem locū obtinet. Eodem modo *Buckinghamensium*, *Huntingtonensium*, *Bedfordiensium*, *Oxonensium*, *Lincolniensium*, *Leycestren-
sium*, *Nortauondunensium*,
Warui-

Waruicēſium, Staffordienſium, Wigornienſium, primarię vrbes omnes (*Staffordienſium* duntaxat excepta, quę *Lychfeldia* nuncupatur, gētium nominibus inſignuntur, ſiue (nam id quoq; incertum eſt) gentes ſibi vrbium, an vrbes gētium vocabula contraxerunt. Inter has maximi nominis vrbs *Oxonium* eſt (ſecūdum *Cātebrigiā*) nobiliſſima, & antiquiſſima totius pænè terrarum orbis Academia. Sequuntur *Salopienses*, quorum antiquiſſima ciuitas *Vricouium*, Saxonico perculſa bello, funditùs concidit : hodiè *Salopiam* habent vulgò dictā *Schreusbury*, urbem non multò minùs nobilem & illuſtrem. Dein ſunt *Deuani*, ſiue *Ceſtrenſes*, & non procul ab hijs *Doruentani*, qui nunc *Derbienses* dicuntur. *Deuanorum* ciuitas maxima ea eſt, quam in hunc diem Britanni *Caer Lheo Ddourduw* nuncupant, veteres Latini *Deuam*, Angli *Leganceſtre* appellarunt, quam eandem hodiè breuius e-
Ll. quidem

quidem sed multò corruptiùs) *Cheſtre* cognominamus. Derbiēſium vrbi *Dorguent* quondam nomen fuit (ab albis aquis ſic dicta:) quæ vox longo tēporis intervallo, inflexa nonnihil, atq; paululùm immutata, à *Dorguent*, ad *Derby* iam tandem deuenit. Vltimi omnium ſunt *Snottingomenſes*, nunc *Notyngamenſes* dicti, *Eboracenſes*, *Northumbrenſes*, *Westmerlandenſes*, *Cumberlandenſes*, *Lancastrenſes*. *Notyngamenſes* ciuitatem habent ſuo nomine percelebrem atq; inſignem, (*Notyngamia* etenim nuncupatur) poſitaque eſt in ſummo colle, pellucidis vndique amnibus ac riuulis circunflua. Ea autem eſt vicinorum vrbi natura locorum, ſiue amœnitatem agrorum, ſiue vbertatem ſpectes, vt illic potiffimùm conſtituti ciues videantur, quò omnibus tùm vitæ commodis, tùm voluptatibus circumfunderentur.

Eboracenſes olim *Brygantes* dicebātur,
pugna-

pugnacissima gens, & *Romanorum, Pictorum, Scottorum, Saxonū*, atq; *Danorum* aduersa semper, atque inimica tyrannidi, adeò vt perpetuò illorum rapinis obstiterint, neq; vnquam ne assiduus quidem fracti bellis conquieuerint. Horum ciuitates *Ptolomæus* nominat, *Eboracum, Bynionium, Calatum*, vel *Calcaria, Rhygodunum, Olicana*: quæ hodiè à nostris *Yorcke, Bynecestre, Tadcastre, Rippon, & Haligfex* denominantur. Harum omnium maxima, amplissima, atque augustissima ciuitas *Eboracum* est, totius prouinciæ Metropolis, atq; Archiepiscopali nobilitata sede, quæque secundum *Londonum*, summæ est & dignitatis, atq; magnitudinis: multis clara triumphis, atque nobilium regum ducumq; illustrata victorijs. A Britānis olim *Caerfroc*, ab Anglis verò (vt antea dixi) *Euermick*, & nūc (contractiùs aliquantulū, sed corruptiùs) *Yorck* appellatur. *Northambhymbrenses*,
Ll.ij. *Westmer-*

Westmerlandenses, Cumerlandenses, atque Lancastrenses, has habent præ cæteris principes dignitate vrbes, Northumbrēses *Novum castrū*, VVestmerlandij, *Applebeiam*, Cumerlandij *Carliolum*, (ciuitatem nobilem, antiquam, & splēdidam, (olim *Luguballia* nomen fuit) Lancastrenses *Mediolanum*, quæ *Lācastre* dicitur, & *Mancuuium*, cui nunc *Mancheſter* nomen est.

Neq; miretur hic quisquam, quòd vetera vrbium nomina obliuio iam pænè obruerit, præsertim cùm *Saxones*, postquam per vniuersam pænè Angliam, longè lateque victorias diffeminarunt suas, cunctis locis aut noua prorsus nomina indiderint, aut antiquiora ob lingue (vt fit) inscitiam penitus deprauauerint. Patet hoc ex ijs quæ *Henricus Huntingtonius*, (scriptor grauiſſimus) hac de re memorie mādauit: cuius ex verbis liquidò perspicui potest, non solum quemadmodum

Saxones

Saxones antiquissima vrbiũ nomina immutarũnt, verumetiam vtpotè regnum vniuersum in prouincias atque pagos distribuerunt. Hæc igitur ille : Ciuitatum nomina quondã hæc erant, Britannicè Caer Ebranc, Eboracum : Caer Chent, Cantuaria : Caerguragon, Wigornia : Caer Londone, Lundonia : Caerlyrion, Leicester : Caercollon, Colcestre : Caer Glow, Gloucestre : Caercey, Cicestre : Caeroder, Bristow : Caercery, Cirecestria : Caergwent, Wyncestria : Caer Grant, Granteceastria, (quæ modò dicitur Grantebrigia:) Caerlion, quam vocamus Carleuil : Caerdauri, Dorocestria : Caer Dorin, Dormecestria, quæ sita est in Hunthedun prouincia, super flumen quod vocatur Nen, penitus destructa est : Caerlothiot, Lincolne : Caermardin, quæ nunc quoque sic vocatur, Caer segent, Sylcestre. Hæc erant nomina ciuitatum tempore Romanorum & Britãnorum. Prætereà

Ll.iiij.

Caer

Caerguercon, Caer Gucerat, Caer Gortegrin, Caer Vruac, Caer Celemiō, Caer Megniad, Caer Licilid, Caerperis, Portchestre, Caerlegion, *in qua fuit Archiepiscopatus tempore Britonum, nunc autem vix mœnia eius comparent, ubi V sca cadit in Sabrinam.* Caer Draiton, Caer Marcipit. Et alio deinceps in loco: *Britannia etiam ciuitatibus quondam nobilissimis viginti nouem insignita fuit, præter castella innumera, quæ & ipsa muris, turribus, & portis, ac seris erant instructa firmissimis.* Quando autem Saxones hanc terram sibi subiugauerant, reges septem statuerunt, regnisq; nomina pro libitu imposuerunt. Primum regnum vocatum est Kent, secundum Sudseax, in quo sita est Cycestria: tertium Estanglia, in quo sunt prouinciæ quæ vocantur Nordfolc, & Sudfolc. Quartum est VVestseax, cuius caput erat VViltonia, (*quæ nunc data est sanctimonialibus*) in quo sunt vrbes VVinceastria, Sales-

Salesberia, & plures alia. Quintū Nord-
humbriæ, in quo est Eboracum. Sextum
regnum est Eastsex, quod non durauit diu,
sed certis regnis subiugatum est. Septimum
Merce, in quo est Lincolnia, Leicestria,
& alia complures. Postquam autem reges
VVestseax cæteris præualuerunt, & mo-
narchiam obtinuerunt, terras per viginti
quinque prouincias sibi diuiserunt, quarum
situs & nomina scribere nō piguit, quamuis
habitatoribus notissima sint. Deueniet enim
forsitan, ut quemadmodum nomina ciuitatū
prædicta, quæ olim grata & excelsa erant,
modò in barbariem & risum vertuntur, ita
etiam decursu temporum, quæ modò notissi-
ma sunt, incognita & incredibilia fiant: vn-
dè patet quàm miserè & frustrà nominis
nostri famam incolæ prouinciarum appeta-
mus, cū nec ipsarum urbium, vel prouin-
ciarum durare possunt. Atq; hæc de sep-
tem regnis & ciuitatibus, videamus vi-
cissim quid de prouincijs tradiderit.

Prima

Prima prouincia (inquit) Kent, in qua Archiepiscopatus est Cantuariæ, & episcopatus Roueceastræ. Secunda est Sudseax, in qua est episcopatus Ciceastræ: Tertia Sudrie: quarta Hantshyre, in qua est episcopatus VVintceastræ: quinta est Bercshire: sexta VViltshire, in qua est episcopatus Salesbyrię: septima est Dorset, octaua Somerset, in qua est episcopatus Badhe: nona Dauenshyre, in qua est Episcopatus Exceastræ: decima est Cornuallia: vndecima est Essex: duodecima, Middelfex, in qua est episcopatus Lundoniæ: Tertia decima, Sudfolc: quartadecima, Nordfolc, in qua est episcopatus Norwici: quinta decima Cantebrigeshyre, in qua episcopatus Ely: sextadecima Lincoleshyre, cuius caput est Lincolnia, cui subiacēt sex aliæ prouinciæ, scilicet, prouincia Leicestriæ, & Hantonæ, & Huntyndonæ, & Hertford, & Bedford, & Buckyngham, & Oxenford, extenditur enim Episcopatus Lincol-

Lincolnix à magno flumine Humbri, vs-
que ad flumen Tamesis. Vicesima quar-
ta est Gloucestresyre, vicesima quinta
VVyrecestresyre, in qua est episcopatus
VVigornix: vicesima sexta Hereford-
syre, in qua est episcopatus Herefordix:
vicesima septima, Salopsyre: vicesima o-
ctava Ceastrsyre, in qua est episcopatus
Cestrix: vicesima nona, VVarwic: tri-
cesima Stafford. Post trigesimam prima est
Derby, secunda Nottingham, tertia est
Euerwycksyre, in qua est episcopatus E-
boraci: quarta est Nordumberland, cui
præest Episcopus Dunelmix: quinta illa
regio, in qua est nouus episcopatus Carluil.
Sira verò Anglicè, Latinè prouincia dici-
tur, igitur decem & septem episcopatibus
insignita nostro tempore florescit Anglia.
Vrbes verò multò plures sunt quàm episco-
patus, ut Gloucestria, Leicestria, Oxen-
fordia, & aliæ plures Episcopis carentes.
Quamuis nunc vtraque ciuitas & Glou-
Mm. cestria,

cestria, & Oxenfordia suos habēt Episcopos. Ex hijs omnibus liquet, quantum post deuictos *Britannos*, in rebus suis cōstituendis *Saxones* elaborarint : quam curam in propagandis imperij sui finibus adhibuerint : vtpotē nominibus nouis, vrbibus, atq; prouincijs impositis, vetustiora deleuerint: denique quemadmodū regionatim, vicatimque gentem omnem dispertiuerint. Quid quod non minori etiam cura publicæ vtilitati prospectum est, cū vijs quatuor, latis atq; perpetuis, itinera trans *Angliam* pænē omnia distinguerent, eiusq; facinoris perpetuitatem atque memoriam solennibus edictis decretisque deuincirent. Qua de re ad hunc modū libro primo *Henricus Huntington* scribit: *Tantæ autem gratiæ inhabitantibus fuit Britannia, quod quatuor in ea calles, à fine in finem construerent, regia sublimatos autoritate, ne aliquis in eis inimicum suum inuadere auderet. Primus est*
ab

ab Oriente in Occidentem, & vocatur I-
 chenild. Secundus est ab Austro in Aequi-
 lonem, & vocatur Ermingestrate. Tertius
 est ex transuerso à Dorobernia in Cestri-
 am, scilicet, ab Euroaustro in Zephyrum
 Septentrionalem, & vocatur VVatling-
 strete. Quartus maior cæteris, incipit in
 Catnes, & desinit in Totnefs, scilicet à
 principio Cornwalliæ, in finem Scotiæ, &
 hic callis vadit ex transuerso, à Zephyro
 Australi, in Eurum septentrionalem, & vo-
 catur Fossa, tenditq; per Lincolniam. Hij
 sunt quattuor principales calles Angliæ,
 multū quidē spatiosi, sed nec minus speciosi,
 sanciti edictis Regū, scriptisq; verendis legū.
 Hæc ille. Vnde facilè quis animaduerte-
 rit, quibus (veluti) ex fontibus ad laudem
 atq; eternā nominis gloriā, antiqui Reges
 profluxerunt. Etenim si perenni fama
 digni sunt ij qui res in bello maximas, ad-
 mirabili cum virtute atque audacia desi-
 gnauerunt: (sunt autem dubio procul

Mm.ij.

dignis-

dignissimi) quantis honoribus eos cum-
 mulabimus, qui, quæ alij cruento Marte
 pepererunt, dulci pace, atque diuini cu-
 iusdam consilij grauitate, cōseruauerint,
 auxerint, defenderint. Veruntamen hijs
 de rebus non est hic dicendi locus, & cer-
 tē si esset, subtiliūs ista persequi superua-
 caneum foret, præsertim cū *Gulielmus*
Lamberdus (is cuius paulò antē mentio-
 nem feci) multorum nuper antiquorum
 regum priscas leges, è vetustatis tenebris
 in lucem veritatis vindicauerit. Ad alia
 nos maiora rapimur, & sæpenuerò an-
 te oculos *Normici* imago obuersatur
 nostros, quæ nos ad se identidem reuo-
 cans, promissi laboris fidem atque con-
 stātiā efflagitat. Etenim cū illius cau-
 sa suscepta institutaque sunt hæc omnia,
 iamq; tanquam è scrupulosis cotibus e-
 merferit atque enauigarit oratio, cumq;
 vniuersam ferè *Britanniam*, (eam præ-
 sertim quā hodiè *Angliam* nūcupamus)
 breuiter

breuiter enucleateq; descripserim, eiusq;
 nominis rationem, situm, speciem, ma-
 gnitudinem, fertilitatem, rerum gestarū
 famam, finitimas insulas, mira, prouinci-
 as, vrbes primarias, vias denique (pingui
 quamuis vt aiunt *Minerua*) dilucidè ta-
 men satis, (vt mea fert opinio) aperteq;
 depinxerim, cūcta q; (quoad potui) gra-
 uissimorum, atque antiquissimorum au-
 thorum testimonijs cūfirmauerim: quid
 restat, nisi vt quibus astrictus teneor, ijs
 me continuo vinculis exsoluā. Quocirca
 quandoquidem hunc in modum celeri-
 ter per omnem pænè *Britanniam* cucur-
 rimus, maria q; immensa oratione pera-
 grauimus, iamq; propè, atq; in ipso planè
 cōspectu nostra *Norwycus* est, cuius dū-
 taxat causa tam latè euagati sumus, pāsis
 eō velis cursum confestim dirigamus.

i. Tres igitur partes erunt huius histo-
 riolæ: primo loco Urbis vt nunc est, for-
 mam, descriptionemque instituemus,

Mm. iij.

qui-

quibusque initijs creuerit, donec ad hanc tantam peruenit (quâ hodiè visitur) amplitudinem, ostendemus. 2. Tum consequetur Pontifices, qui sacris ac religioni præfuerunt: 3. ac post hos Prætores. Semper autem vt quid memoria dignū inciderit, id ordine, & (vt poterimus) aptè, in illorum vitas ac tempora includemus.

NORWICVS ciuitas *Angliæ*, vna inter multas celeberrima, ad oriētis insulæ latus extremum, propter *Baradenum* fluuiū sita est: qui à mari *Hyermuthico* (in quod profluit) sexaginta millia passuum abest. De nominis ratione, atq; origine, variæ sunt & multiplices diuersorū hominum opiniones. Siquidem qui ea de re scripserunt, (scripserunt autē permulti) in dubias & ancipites sentētiās distrahuntur. Quidam enim à regulo quodam seu duce *Noro*, (nam id imprimis traditur) nomen ciuitati impositum putant. Non-

Nonnulli à *Norico* (antiqui sanè nominis fluuio) cæterùm & fluuius, & fluuij nomen (perindè vt mortalia quæq;) vetustate iam penitùs exaruit. Alij de piscinis quibusdam nescio quid nō minùs fabulosè, quàm ridiculè & perinsulsè comminiscuntur. Sunt qui ex hijs duobus *Saxonicis* vocabulis (*North & Wich*) simul iunctis, ac si dicas *Aquilonarem vicum*, (talis enim Latino si exprimantur sermone, istorum verborum vis est,) (*Norwicum*) nuncupatam, autument. Hos vt sequar potissimùm (quandoquidem de fluuio nihil constat) inclinat animus.

Hęc in leui collis deiectu posita, & magnitudine, & situs opportunitate, cæteris omnibus Angliæ ciuitatibus (paucis dūtaxat exceptis) lōgè antecellit. Latè patet ab ortu in occasum, hoc est, à mōtis radice, quam flumē alluit ad summū verticē passus ferè mille: vndè sensim crescēdo, in
maxi.

maximam amplitudinem diffunditur: in longitudinem verò à meridie in Septentrionem mille quingenta passuū & paulò amplius protenditur.

Forma eâdem quæ arcui vehementiùs intento, cum sagittarius pleno nisu incubit, iam iam sagittam emissurus, cuiusmodi apud Astronomos signi cœlestis, (cui nomē fecēre *Sagittarij*) arcus est: nisi quòd hic figurā habet Scythici, ille Britannici: hoc est, non incuruantis mediū, nec extrema tenosue flectentis in aversum. Ad hanc formam ab angulo incipit, & se paulatim hinc ædificiorum latè efferentium tractu, inde murorum arcuato flexu extendit, dilatatque, ad maximam ipsius amplitudinem. Tum sensim se cogit arctatque, ac tandem lateribus ex diuerso propè cœuntibus, alium facit angulum, sed priori ampliorem. Hanc in formam cum fluminis naturâ, tum manus artificum urbem cogeabant.

Fluui-

Fluuius etenim ab occasu ex duorū fontium, quasi ad *Wymondhamiam* confluxu profluens, (quorum alter suprā *Derhamiam*, a' ter suprā *Attilburgum* æquali ferè semper spatio decurrit,) mediam urbem partim interluit, partim præterfluit, itaque è ciuitate deuolutus, latus vrbis quod ad solem exorientem spectat lambens, præcingit & alluit. Naturam iuuat ars, & ciuiū sollers industria, qui firmissimo muro urbem circumcinxere, cuius ea ratio est, vt nec ad eius defensionem quicquam munitius, nec ad speciem ornatius cogitari potuerit. Nam & lapide quadrato, filiceque elaborato construxerunt, itaq; crebris pinnarum interuallis, fornicibus, speculis, frequentiq; turri distinxerunt, vt & defensionis opportunitati, & intuentium voluptati cū primis prospexisse videātur. Et certè si non ad vsum ciuium, & peregrè aduentantium commoditatem, plurima porta interrū-

Nn.

pere-

retur, nusquam non perpetuus foret. Nā
quā urbem deferit flumini coniungitur,
& paulatim assurgendo per vniuersum
montis cacumen porrigitur, indeq; sen-
sim denuò deueexus, amni (qua ex ciuita-
te ad septentrionem emergit) committi-
tur. Vndè fit, vt quod fluuius propter lo-
ci celsitudinem naturali munimento de-
fendere nequirit, id murus artificum in-
genio tutissimum reddiderit. Occiden-
talem enim & præruptissimā vrbis par-
tem murus, murum fossa præalta, fossam
agger ambit. Latus Orientē versus mu-
rū habet nullū, sed profluentem tantū
qui cum muro sibi (vt antea dixi) qua ex
ciuitate effluit, commisso, ac in septentri-
onem ad portas vsq; *Magdalineas* proie-
cto ita se habet ad reliquam vrbis arcuatę
formam, vt neruus adductus ad arcum.
Ergo quia id latus nullū habet artis be-
ficio, sed naturæ tantū (habet enim
propter se amnem, propter amnem pra-
tulum,

tulum , pro anni tempestate viride semper satis & amœnum : nonnunquã tamẽ fluidum & vndosum : quem mons alius asper, & densissima vestitus sylua, indè se attollens, atque ex aduerso urbem respectans , suo sinu excipit receptatque ,) quã ergo (vt dixi) nullum habet artis præsidium , duo prostant propugnacula, duarum turrium instar erecta, quæ plena foraminibus ad tormenta exercenda affabrè excauatis, & ferreis machinis ad bombardas sustinendas instructa, & vrbi decus, & hosti terrorem inferunt. Horum alterum trans amnem ad vrbis angulum , solido ex lapide in ripa positum : commune & aquæ & terræ patentium , nec debile munimentum est. Et ex hoc transmissas fuisse antiquitùs , in citeriorem ripam (vt nunc in statione publica fit) cathenas, & in opposita muri arce receptas , indicio sunt cathenarum reliquiæ , &

Nn.ij.

turri-

turrium tùm recipientium, tùm emittentium ruinæ. Periculine ad prohibendum cymbarum aditum: an portorij causa (vt nunc fieri cōsueuit) incertū. Alterum ex aduerso vrbis vmbilico, quā amnis è ciuitate præcipitat, cis fluuiū ex cocto latere cōstructū: ea vrbis loca defendit, quę munimentorum (præterquā amnis ea ex parte vadofis, & præcipitiis impeditissimorum) expertia, eorum exposita sunt iniurijs, qui ex Oriente vrbi periculum inferre possent.

Ad hunc modum partim natura loci asperi, montosi, iniqui, & syluestris, partim artis & ingenij machinationibus solerter ad defensionem excitatis, vrbs est vndequāq; munitissima, adeò, vt hostiū quamlibet numerosam multitudinē (si opus fuerit) facilè ac nullo negotio disicerit.

Atq; quemadmodum situs, lociq; natura multum adfert vrbi roboris ac fir-
mamenti,

mamenti, ita ingenium, ars, virtus, & industria ciuium plurimum addidēre & opportunitatis ad vtilitatem, & ad delectationem dignitatis & ornamenti. Etenim quamuis nunc ampla sit, nobilis, florens, celebris, & ciuitatum omnium, secundum *Londinum* (vniuersi regni emporium) multo maxima augustissimaq; tamē initia habuit (quemadmodum omnia) vt non vsque quaq; illustria, ita humiliora fortassis, quā pleriq; homines arbitrantur: omnino tamen obscura nō ausim appellare. Nō enim Romā florētē (vt vulgō loquuntur) vidit vna dies: nihilq; simul inuentum idem, & perfectū: & abundē clara sunt initia quæ commēdarūnt foelicia incrementa: isque semper dicendus est benē coepisse, qui in instituta ratione rectē processerit. Quō magis laudi dabitur ijs, qui ex initijs humilioribus clariora, ex paruis maxima, ex illustribus illustrissima fecēre. Nam cūm

Nr. iij.

insigni

insigni semper apud omnes gloria florerunt ij, qui quæ à maioribus tradita sunt conseruantes, ampliora eadem & ornatiora quàm acceperunt ad posteros trāsmiserint: quos & quantos honores tribuemus ijs, qui magnorum operum veluti fundamenta ponentes, quæ prudenter inchoarunt, prudentiùs multò perfectiusque absoluerint. Hæc enim sua sunt: cætera quæ non fecimus ipsi, *vix ea nostra voco*, vt verissimè cecinit *Ouidius*: nec merentur laudem: cùm talium virorum industria sempiterna seculorum omnium memoria vigeat. Etenim vt pleræq; ciuitates (quarum prima fundamēta posita sunt illustria) socordia, inertia, luxu, & ignominia defluxêre, nec virtute aut relligione (firmisimis ad æternitatem præsidijs) circunseptæ sese extulerunt, sed foedos & perditos exitus habêtes, æterna se sceleris labe & ignominia commacularunt: sic quæ (minimis pri-

mum

mum ac languentibus viribus) ciuium industria tamen, virtute, cōtinentia, modestia, ac frugalitate paulatim auctæ, ad maximas tandem opes, & summum fœlicitatis gradū peruenēre, omnium vocibus & fermone celebrātur. Hinc veteres illi Heroës, *Moses, Cecrops, Cadmus, Romulus*, innumerabilesq; alij (magnarum autores rerū) tantam nominis sui amplitudinem, ad perennem ipsius memoriam, posteritati propagarūnt. Contrā verò *Rehoboam, Sardanapalus, Creon, Sylla, Cinna, Nero, Heliogabalus*, omnesq; qui vel morum immanitate, & importuna tyrannide, vel noxijs & impuris libidinibus patriæ vastitatem & exitium intulerunt suæ, æternam sibiipsis, & nullo interituram æuo turpitudinem inflixerunt. Nec iniuria. Illi namque clades & interitus rerum publicarum fuisse, hij authores: illi longis duratura seculis, exiguo temporis momento pessum dedere,

dedere, hij breui spatio virtute sua multa,
ad innumerabilia secula permanfura pe-
perere. Respublica ab hijs incoepit, at in
illis desijt. Siquidē amplitudini quasi vi-
tā dedisse, multò magnificentius est, & ad
nominis perpetuitatem gloriosius, quàm
acceptam iugulasse. Itaq; si auium in ni-
dis construendis prouidam industriam,
si araneolorum in telis texēdis subtilem
sollertiā, si formicarū perpetuos in victu
parādo labores, si apū admirabilē in Re-
publica suā administranda diligentiam,
(multaq; prætereā, quæ parens natura
paruis animalculis in seuit) tantopere ad-
miramur & suspicimus: quid hīc fieri
conuenit? vbi non malleolis aut farmen-
tis nidi, sed ciuitates: non leuiter suspen-
sa ad muscarum interitum & insidias re-
tia, sed leges ad concordia fiunt: vbi non
naturæ imperio omnia, sed virtutis arbi-
trio geruntur: vbi denique non de fauis,
aut aluearijs, sed de recta ciuium institu-
tione,

tionem, rerum suarum conseruationem, vita
 beata disceptatur, & communi omnium
 salute. Quo quid humano generi vtilius
 excogitari potest? Itaque quemadmodum
 familiam qui benè instituit, qui instru-
 mento domestico, qui supellectile largè
 copioseque instruit, qui omnia in ordi-
 nem cogit digeritque, qui rem deniq; fa-
 miliarem pertenuem, & angustam, am-
 plam facit & magnificam, summo est a-
 pud omnes in honore, prudensq; pater-
 familias & *οἰκονομὸς* perhibetur: sic qui res-
 publicas ad eum modum moderantur atq;
 gubernant, hij non viui solum inter sapi-
 entissimos numerabuntur, sed post mor-
 tem etià admirabili semper laude ac glo-
 ria circumfluent. Ergo ne longum faci-
 am, rem paulò altius repetam. *Norwici*
 primordia hæc erant.

Aeneas Anchisæ Venerisq; filius, Troi-
anorum qui capta Troia profugerunt dux
nobilissimus, cum per Macedoniam atq;

Oo. *Siciliam*

Siciliam sedis quærendæ causa deuectus,
Laurentem agrum (qui locus est *Italiae*,
qua parte olim *Latium*, hodiè *Campania*
est) anno ante Christi aduentum mil-
lesimo centesimo primo occupasset : ex
Launia Latini regis filia , (quam vxor-
em duxerat) *Ascanium* filium suscepit.
Is dein *Sylvium* , *Sylvius Brutum* pro-
creauit. *Brutus* autem vt in insulam
Albion delatus est , (eius ab originibus
fufis , se primùm regem insulæ con-
stituit , anno ante *Christum* natum mil-
lesimo centesimo tricesimo tertio , eamq;
ex suo nomine *Britanniam* (*Albion* vt
dixi prius nomen erat) appellauit : ac
Nouam Troiam (hodiè *Londinum*) ad
Thamesim fluuium anno ante *Christum*
millesimo centesimo condidit. Quid
multis? Res *Brytannorum* iam inde pau-
latim propagari cœperunt , cùm tamen
neque *Norwici* , neque castelli quod in
eo visitur , vllum adhuc nomen (ante
Gurgunti

Gurgunti Bellini filij tempora (qui à *Bruto Britanniam* vigesimus quartus rexit) exstitisset. Is etenim postquam tributum quod *Bellino* patri , vectigales *Dani* pendere consueuerant, occiso *GutLaco Danorum* rege , anno regni sui sexto , illato genti foedifragæ bello recuperasset, rediensque per *Orchades*, *Hyberniam* prius incultam atque inhabitatam, *Parthalao* , *Cantabroque Hispanorum* ducibus, subditorum astrictam iure , stipendio insuper imposito , hospitij incolendi que causa concessisset: in ea *Brytanniæ* parte quæ ortum solis spectat , (quam orientalem vocabant incolæ) loci naturam arci condendæ satis idoneam conspicatus , castelli cuiusdam fundamenta posuit. Quod forma iam quadrata inchoatum, & ex albo lapide in collis excelsi vertice fundatum, (ad flumen olim *Sydumanum* , nunc *Hierum*)

Oo.ij. nuncu-

nuncupatum) Rex sui vt videtur nominis rationem secutus, *Kaier Guntū* (quod Latinè *Gunti castellum* rectè dixeris) appellauit. Sed in rebus humanis vt nihil est perpetuum, ita opere imperfecto auctor fatis concessit.

Veruntamen *Guthelinus* (qui proximus à *Gurguntio* numeratur) rex Græcæ & Latinæ linguæ peritissimus, opus inchoatum perfecit, idque muro, vallo, fossaque duplici circummuniuit. Quarum alteram monti ad eius radices vndique circundedit, alteram ante portam pontemque ita perduxit, vt in semicirculi figuram recuruata, atque ad interioris fossæ diametri ferè fines reducta, vtroque suo cornu cum ea tantum non coiret. Nisi iam vrbs purgamentis (vt aliquot nunc ab annis fieri coëptum est) & fordibus quæ ex ædibus indies exportantur, ciues eam compleuissent. Præterea ad castellū testudines quasdam subterraneas, longo fornice

fornice, cœcoq; itinere duxit. Dein mutato cum suo *Gurgunti* nomine, *Kaier Guthelin* (quasi *Guthelini* castellum) Britannica voce loco nomen fecit.

Atq; ita re nomineq; integra ad multos annos arx permansit, nulla memoria digna (quæ scriptorum monumentis cōprehenla est) accessione facta, nisi quòd *Julius Cæsar* omnium ferè gentiū victor, quadraginta (vt fama est) ante *Christum* natum annos, multa circà castellum ædificia extruxerit.

Veruntamen postea res Norwicensis crescere indies, atq; illustriores fieri cœperūt. Annus is fuit à partu virginis quadringentesimus, quadagesimus nonus, cū *Vortigerus* Gerseorum rex, Brytanniæ quoq; regnum per vim ac nefas occupauisset. Is etenim vt quod immani nequitia, adeptus esset imperium firmiori tueretur præsidio, gentem Saxonum sceleris sibi sociam asciuit, quæ ducibus

Oo.iiij.

Hengisto

Hengisto atq; *Horso* maximis copijs sese in *Brytanniam* infudit. Tenuère tum ad orientem maximam insulæ partem *Picti Scotiq;* (gens aspera & multū in sanguine & cæde versata) post hos *Anglosaxones*, dein *Dani*: tum *Normanni*: ultimò *Belgæ*: sed *Pictis* atq; *Danis* prorsus deletis, ad nostra vsq; tempora habitatum est in *Albania* à *Scotis*, in *Cæbria* à *Brytannis*, in *Saxonia* Orientali, Occidentali, Meridionali, & inter utrāq; media, à *Saxonibus*, à *Belgis* verò per vniuersam insulam cū *Normānis* mistim, tū præcipuè in *Wallia* occidentali. Inito igitur cū *Scotis*, *Pictisq;* contrà *Britannos* foedere, *Horsoq;* in bello quod cōtra *Aureliū Ambrosiū* gessit, interemto, superstes fratri *Hengistus*, homo feritate incredibili præditus, & bonitatis cœli soli; nō ignarus, regionisq; occupandę percupidus, quò facilius omnē *Britanniā* domesticis perculsā dissidijs inuaderet, *Ibittos* (*Iutas* nōnulli: alij *Vitas* appellāt)

pellāt) gētē eius partis *Germaniæ* quæ hodiè *Alemania* dicitur, *Anglosq;* qui *Angliæ* regionem inter *Saxones* & *Ibittos* positā incolebāt, huius fecit sui consilij crudelissimi participes. Quæ barbara lues breui temporis interuallo, ita se per omnes regni partes diffudit, vt cūctis rebus immenſæ rabie deuaſtatis, *Britannorumq;* viribus post longa bellorum incommoda fractis atq; contufis, vniuerſa pænè regio in eorum ditionem conceſſerit.

Ibitti etenim *Cantium* occuparunt: *Saxones* prouincias quas nunc noſtri *Westſexiam*, *Estſexiam*, *Sudſexiam*, & *Middleſexiam* nuncupant: *Angloſaxones* autem *Brytanniam* Orientalem, eam quæ hodiè *Northfolciæ*, *Suthfolciæ*, & *Cantebrigiæ* comitatus continet.

Nec dum nouem expletis annis *Ibitti*, anno Domini. 457. ſuo *Cantio* regē præfecerunt, & post hos (annis videlicet viginti quatuor ab illo tēpore elapſis, *Angli* quoque

quoque, suæ *Britanniæ* orientali suum.

Exin nouus rex *Guthelini* castellum sedem regiae capit, Angliq̃ue circum arcem ædificare, ibiq̃ue deindè habitare, & piscibus capiendis operam nauare cœperunt. Tum ex insigniore duce *Noro*, (cuius auspicijs in *Britanniam* venerāt) natūraq̃ue loci piscatorij qui eorum lingua *Wices* dicebatur) *Norwici* loco nomen dedêre, falsa quidem inueterata tamen opinio) castrumq̃ue *Burcheſtrum* nuncupauêre.

Ex hijs principijs tanta *Norwicus* deindè incrementa cœpit, atque eô magnitudinis longo tandem interuallo deuenit, vt totius *Britanniæ* orientalis vrbs pulcherrima, florentissima, potentissimaq̃ue facilè existeret. Etenim imbecilla primum, & quasi in cunis vagiens, reges habuit illustrissimos, & insigni præditos prudentia pontifices: infantiae (vt ita dicam) alumnos suæ, quorum admirabili bonitate

bonitate alta indies, & educata fuit, donec postmodum corroborata iam ætate, ciuium industria exulta, & ornata, eam adepta est (qua nunc quoq; fruitur) plenam opulētæ dignitatis senectutem. Tales namque habet magistratus annuos, quales hodiè Londinenses habēt, & numero, & dignitate pænè pares, eosdem ritus, eundem in muneribus delegandis ordinem, eandem Prætorij iuris descriptionem, ac viuendi disciplinam. Quamobrem vrbs est tum natura, situ, & ædificiorum pulchritudine apprimè nobilis, tum rebus ijs omnibus, quibus abundare solent benè moratæ ac constitutæ ciuitates, instructissima.

Atque vt opibus creuit, ita relligione claruit, iam indè à *Sigeberto Orientalis Britannia Rege*, sub quo Christi fidem suscepit. Is enim intereà dum in *Gallia* exulabat, (inita cum *Fælice* quodā *Burgundo* amicitia) mortuo iam *Corpus* mallo in
Pp. Angli-

Angliam reuersus, *Angliæ* orientalis (ibi enim habitabat) regno est potitus, *Fælicem*que principatus sui præfulem constituit. Qui dein suos ad *Christi* fidem conuertit, ac *Donuoky*, *Donwycum* nonnulli appellant, (ciuitas propter mare in orientali *Southfolciæ* parte posita, hodie *Fylchestown* dicitur) sedem habuit. Sunt tamen qui putant antè *Fælicem* *Angliæ* orientalis episcopos fuisse, qui *Sohami* iuxta stagnum Eliensis oppidi cōsederint. Ut cunq; fuit (quis enim rem tam veterem pro certo affirmet?) constat certè hunc *Fælicem* postquam prouinciæ Noruicēsi & Southfolcensi, annos decem & septem præfuisset, extremum obiisse diem, atque *Donwyci* sepultum. A cuius morte in episcopatum surrogati sunt *Thomas* quidam *Fælicis* Diaconus, ex *Giruiorum* prouincia oriundus qui quinque annos Ecclesiam rexit: & post hunc *Bonifacius*, qui totidem annos, quot *Felix* vtriusque

usque Ecclesiæ gubernacula tenuit. Post Bonifacium autem Bysus: sed Byso mortuo, duo eidē prouincię præsules præficebantur. Quorum alteri Donwocy, alteri Elmhamiæ sedes erat. Horum omnium nomina prout quisque munus pontificium obierat, ordine subsequuntur.

*Elmhamenses Episcopi.**Donwocenses.*

<i>Beadwynus primus.</i>	<i>Acceius primus.</i>
<i>Northbertus. 2.</i>	<i>Astwolfus. 2.</i>
<i>Headeulacus. 3.</i>	<i>Aerdredus. 3.</i>
<i>Neathilferethus. 4.</i>	<i>Cuthwynus. 4.</i>
<i>Eanferethus. 5.</i>	<i>Aldberthus. 5.</i>
<i>Athelwolfus. 6.</i>	<i>Eglasus. 6.</i>
<i>Alcharus. 7.</i>	<i>Heardredus. 7.</i>
<i>Sybba. 8.</i>	<i>Aelphunus. 8.</i>
<i>Humferthus. 9.</i>	<i>Tydfertus. 9.</i>
<i>Humbyrtus. 10.</i>	<i>Weremundus. 10.</i>
<i>Weremundus. 11.</i>	<i>Wylredus. 11.</i>
<i>Wylredus. 12.</i>	

Pp. ij.

Totidem

Totidem erant à *Biso* vtriusque sedis Episcopi, quorum res gestę vetustate oblitteratę iam penitus euanuerunt. Nec mutata multum harum rerum conditio fuit, donec ad tempora *Humberti Elmhamensis*, & *Wylredi Donwycensis* episcopi peruentum est. Horum enim ætas incidit in perturbationem ecclesiasticę discipline, regnantibus *Ludicano*, & *Egberto Merciorum*, & *Westaxonum* regibus. Ab *Ludicano* enim afflicta Ecclesia, rebusque pontificijs vehementer perculsis, ad vnum denuò pręsulem episcopalis dignitas deuoluta est. Quàm primùm *Atthulfus* suscepit, ac sub *Edwyno* rege *Elhami* consedit. Huic suffecti sunt hi quorum nomina consequuntur.

Alfridus. 2.

Theodredus. 3.

Theodredus. 4.

Atbelstanus. 5.

Algarus. 6.

Alwynus. 7.

Alfricus. 8.

Alyfreicus. 9.

Cui defuncto, *Stigādus* successit, aſcitus

in

in Pontificatum, & statim eiectus. Con-
simili clade de sede pōtifica decidit *Grin-*
chefalus, honore ac fortunis exclusus am-
plissimis. Hunc etenim postquā com-
pertum esset aditū sibi ad eum quem ad-
eptus est honorem mercede ac pretio pa-
tescisse, denuò deturbarūnt, & *Stigandū*
rursus in episcopali cathedra locarūnt.

Stigando Ægelmarus eiusdem *Stigandi*
frater successit: atque hij omnes ad *Guli-*
elmi Normanni tempora *Elmhamy* con-
sedērunt. Huius tempore anno Domi-
ni millesimo tertio, ciuitas *Norwicen-*
sis subitis ignibus deflagrauit: qui casunē
urbem inuaserint, an eos nefarij ciues clā-
destino scelere tectis intulerint, incertū.

Ægelmaro episcopo *Gulielmus* rex facel-
lanum suum *Arfastum* substituit: qui ex
cōsiliij sententia sedem episcopalem *Elm-*
bamo Thetfordiam transtulit. Vbi is so-
lus, ac qui illi surrogatur, *Gulielmus Gal-*
fagus consedēre.

Proximus ab hijs *Gulielmus Herbertus*, pontificiæ dignitatis gradus conscendit, vir sanè illustris, ac (vt illa ferebant tempora) insigni eruditione præditus.

Veruntamen priusquam vltius progredior, hoc in loco, tacitis quorundam hominum reprehensionibus occurrendum mihi existimaui. Neq; enim defuturos quosdam suspicor, qui cùm ea quæ à me optimum in finem describuntur, (vt est talium virorum captus) inuidiosissimè detorserint, iniquum meis scriptis vel inscitiae, vel superstitionis crimen imponent.

Quid tu mihi (inquit aliquis) hos *Beadwynos*, *Northbertos*, *Accios*, *Tydfertbos*, *Astwolfos*, *Weremundos*, & id genus alios, quisquiliis veriùs quàm pontifices commemoras? quos aut nūquā natos sanè oportebat, aut sempiterna obliuione sepultos? Enimuerò horum hominum proteruam insolentiam satis demin-

demirari nequeo, qui ardentibus inanis
gloriæ flammis perusti, vsque adeò se-
metipfos diligunt, ac magnificè circum-
spiciunt, vt ea solùm scribi debere arbi-
trentur, quæ illorum aures nescio qua
inani ac futili delectatione permulce-
ant. Nolumus (inquiunt) talia litera-
rum monumentis prodi: Nolumus *Ro-
manos* sacerdotes, templa, sacra, cære-
monias audire: Nolumus denique ab-
olitam illam iam pænè papisticæ tyran-
nidis memoriam cuiusquā scriptis red-
integrari. Cur quæso? Nimirum quia
tempora illa impietatis, errorum, &
ignorantiæ plenissima, immani vndi-
que superstitione redundarunt. Quasi
verò nos istuc aut ignoremus, aut oc-
cultemus, aut quouis modo oratione
nostra illorum impuritati suffragemur.
At fuerunt plerique omnes illius ætatis
pontifices impij, crudeles, auari, indocti,
& (quod caput est) papiste: Esto, fuerint:
(quamuis

(quamuis hoc quoq; infitiri certè licebit) sed fuerint tamen improbi, fuerint sacrilegi, fuerint spurcissimis superstitionibus polluti, fuerint deniq; flagitiorum omnium vitiorumque antistites. Quid tum? Nōne ideò illorum exemplis alij à consimili scelere & nequitia deterrebuntur? Quid? hac duntaxat vna superstitionis lue, & superioris seculi labe excepta, an non multi exstiterunt præsules eruditionis laude alioquin insignes, virtute præstantes, vitæ disciplina admirabiles, tamen & horum filebitur?

Iam verò illud cuius est, nō dicam stultitiæ sed amētiae? arrogantiae, importunitatiq; tuæ, nescio quod cōscientiæ vulnus, ac superstitionis pestem prætexere, perinde ac si mētis castimoniam talium voluminum lectione coinquines. Itanē verò? *Herodotum, Thucididem, Cæsarem, Titum Livium*, cū legimus, & veterū seu Romanorum, seu Græcorum res gestas
 remi-

reminiscimur, quos ad virtutem stimulo
sentimus? quo inflammamur ardore
quanta denique suauitate perfundimur
& adeò ingrati erimus, nostros vt infr:
Ethnicos amandandos putemus? Quid
Sacra Veneris, Orgia Bacchi, Solēnia ma-
tris Berecynthæ, Iunonis, Dictinnæ, Flo-
ralia, Eleusina, Saturnalia, cū audimu:
quotidiē, legimus, manibus ferē atque o.
culis vsurpamus, nonnē singulari odio
& detestatione sceleris tam horrendi in-
ardescimus? & nostrorum hominum ve-
tusta volumina, ritus, mores, cēremonia
perscrutantes, periculum erit, ne consc:
entiæ nostræ illarum sordium cōtagione
respersæ violentur? Quid? Poetæ? nonnē
in istarum rerum descriptionibus crebri
sunt ac frequentes? quis tamen vnquam
illorū carminibus relligionem suam la-
befactari sensit, aut mentem perfidię ma-
culis contaminari? Tres illi *Marci Tullij*
Ciceronis de natura Deorū libri, omnibus

Qq.

verbo-

verborum ac sententiarum floribus conspersi? ecquos recordari possumus, quorū ex animis aureum illud orationis flumen diuini numinis cognitionem eluerit? *Augustinus* ipse, qui horum omnium sacrilegiorum portenta vno volumine complexus est, ecquem illius oratio, gentium spurcissimis ritibus implicuit? Veteres illi Christianæ Ecclesiæ antesignani, ac martyres gloriosissimi, *Tertullianus*, *Cyprianus*, *Cyrillus*, *Arnobius*, *Lactantius*, innumerabilesque alij, quanta eloquentia, arte, ingenio, copia, horum cultus, sacra, cæremonias, mores, inuenta, institutaque persecuti sunt, cū tamen in omni pænè seculorum memoria ne vnus quidem vnquam inuentus fuerit, cuius animum illorum scripta deprauauerint? Pleni sunt omnium philosophorum libri, talibus ineptijs, annales vetusti, & antiquorum scriptorum monumenta huiuscemodi fabulis

ac monstris referti, qui tamen vbique
absque periculo, incredibili certè cum
legendium voluptate, teruntur, legun-
tur, ediscuntur. Nec tamen adhuc
quisquam exstitit adeò sceleratus & ex-
cors, qui ex horum voluminibus virus
aliquod superstitionis exfuxerit, aut tam
impuræ relligionis guttulam aliquam in
animum suum illabi siuerit, sed eò ma-
gis ab illorum diris sacris, ac nefandis
mysteriorum deliramentis abhorruerit.
Ergo in horum libris euoluendis castiùs
versabimur quàm in nostris? & ab illis
nihil damni metuentes, perniciem, ab
his & conscientiae pestem perhorresci-
mus? Equidem ea semper mente fui, vt
istius sententiae homines, aut bonorũ stu-
dijs apertè inimicos & infensos existima-
rem, aut papistarũ sceleribus occultè &
insidiosè præuaricari. Nam qui ista ferre
nequeunt, nescio ob quam putidã & de-
licatam curiosæ mentis puritatem, quam

Q q.ij. stulti.

ultitiæ suæ prætendunt, superbas melius Fidius aures habent, & morbo quodam mentis ac iudicii quo laborant, popularium scripta fastidientes, ingenij sui vanitatem, & cordis virulentiam deprimunt. Qui autem omninò tanquam in obscuritatis cœno, iacere veterum monumenta volunt, neque ex occultis ea tenebris in lucem vindicari, non tam religionis amore id exoptant quidem, (quàm fortassis funditùs deletam & extinctam cupiunt) quam impuritatum conscientia, quas sempiternis silentij latebris atq; integumentis inuoluere conantur. Vterq; sanè & cœlo solem, & nocti diem invident: & manifesta mentis deprauatæ indicia dantes, insignem sibi vel perfidiæ, vel invidiæ notam inurunt, dū ea obruere & opprimere nituntur, quæ cognita cunctis summam importabunt salutem, Sathanæque atq; Antechristi infidijs atq; sceleribus detectis, gloriam Dei optimi
maximi

maximi mirificè illustrabunt.

Quapropter hoc maneat semper, ac fixum sit: harum rerū lectionem, vt multis iucundam, ita nemini inutilem futuram: solosq; eos pollui ac commaculari, qui picem impietatis tetigerint, id est qui vel praua voluntatis consensione papisticis fecibus sese foedarint, vel maleuolentia & inuidia cæcati, mentis oculos, & ingentij lumen amiserint.

Neq; verò velim quisquā me arbitretur hoc in loco, vel hominibus, vel illorū temporum religioni, seu potius superstitionissimis sacris quicquam honoris imperiri. Nō me latet quā cæca & horribilis nox, illa ætate orbem terrarum opprimeret, quāque crassis obducta & circumfusa tenebris, ipsa veritas, ac religio Christiana iaceret. Verū si in tanta ac tam illustri Euangelij luce qua hodie Dei benignitate circūfundimur, horum hominū sanctimoniam, vel si maioris super-

Q. q. iij.

stitio-

stitutionem intuentes, illorum exemplo ad virtutem inflammemur, ecquis iure reprehenderit?

Sint igitur ista nobis semper ad imitandum proposita, eoque simus animo, ut si quæ temporum illorum antistites pietatis monumenta ad posteros transmiserint, ea nos non hominum voluntate, sed naturæ regula, & rei ipsius magnitudine metiamur. Parum etenim iam nostrâ interest, quo consilia sua direxerint, quemque sibi benè aut secùs agendi finem proposuerint, dummodò illorum pro sua conscelerata relligione suscepti labores, mentes nostras ad virtutem & sanctitatem exacuant. Nihil enim nobis oberit, clarorum hominum exemplis, ad pietatis officia incitari, si in virtutis studio defixi, actiones nostras omnes sensusque, ad fratrum utilitatem, & Christi gloriam conferamus. Proin scelus omne, impietatemque

ac superstitionem ex animo execremur,
talium verò factorum memoriam, sum-
ma semper beneuolentia prosequamur.
Verùm vt eò vnde egressa est, denuò se
referat oratio.

Fuit igitur *Herebertus* iste (de quo
anteà diximus) *Oxonij* natus, & *Ro-*
berti cuiusdam de *Losinga*, *Vintoni-*
ensis Abbatis filius, quem *Fiscani* tum
Normanniae Monasterio præpositum
(Priorem vulgò nuncupant) *Guliel-*
mus Rufus in *Angliam* acciuit. Cui
cùm in aula versaretur assiduus, om-
nibus in rebus ita se probauit, vt & il-
lum Rex non solùm magnoperè dili-
geret, sed & præmijs etiam cumlaret
amplissimis. Vnde factum est, vt infrà
triennium tantos nummorum acervos
construxerit, vt & sibi pontificatum (di-
citur enim sedem suam à *Gulielmo Rufo*
1900. libris obtinuisse) & patri cœno-
bium turpissimo mercatu coëmerit.

Cuius

Cuius execrandæ Symoniæ labem ac maculas multis scriptis suis ambiciosissimo præfuli sempiternas asperferunt, & eius delicti causa, eam quam mox dicam templorum exstruendorum necessitatem ad tanti facinoris poenam à Papa *Paschali* inflictam, monumentis perscriptum veteribus reliquerunt.

Illud certè cōstat, fuisse eum cæteroquī virum (vt temporibus illis) pereruditū, & haud vulgari doctrina excultū. Quò magis miror, quēnam ratio ipsum ad hāc tantam turpitudinem impulerit, vt cū artibus se instruxisset optimis, quæ semper hominibus ad decus & dignitatem præsidio esse cōsueuerūt, nihilominus tamen aditū sibi ad eam quā animo cōplexus est amplitudinē, tam immani flagitio munierit. Enimuerò illius inexplebilē vt ita dicā pecunię fitim, ac insaturabilē ambitionis ingluviē *Gulielmus Malmsheri-* us huiuscemodi verbis perstrinxit.

Tres

Tres sunt in Anglia Episcopatus, qui ex antiquis sedibus in alias transferunt. VVellensis, per Iohannem in Bathoniam, Cestrensis per Robertum in Couentreiam, Thetfordensis per Herbertum in Norwicum. Omnes nummorum maleficio, omnes venalitatis ambitu, ac sacrilegio. Deniq; ut primū de postremo dicam, Herebertus cognomento Lofinga, quod ei ars adulationis impegerat, ex Abbate Ramsey emit Episcopatum Thetfordensem, patre suo Roberto eiusdem cognominis in Abbathiam VVintoniæ intruso. Fuit ergo vir ille magnus symoniæ fomes in Anglia, Abbathiam Episcopatumq; nummis aucupatus, pecunia scilicet regiam sollicitudinem inuiscans, & principum fauori promissiones nō leues assibilans. Vnde quidem egregiè tunc temporis versificans, sic ait:

*Surgit in Ecclesia monstrū, genitore Lofinga,
(Symonidū secta Canonū virtute resecta)
Petre nimis tardas, nā Symon ad ardua tētat.*

Rr.

Si

*Si præsens esses non Symon ad alta volaret.
 (Proh dolor) ecclesiæ nūmis vendūtur & ære:
 Filius est præsul: pater abbas: Symon vterq;
 Quid non speremus si nummos possideamus?
 Omnia nūmus habet: quod vult facit: addit, &
 aufert.*

Res nimis iniusta nummis fit præsul & Abba.

En qualis in iuuentute exstiterit, videamus nunc vicissim quemadmodū seni hęc tam immensæ gloriæ atq; pecuniæ cupiditates deferuerint, atq; id ipsum quoque eiusdē *Gulielmi* testimonio comprobe-
 mus. Eodem igitur in loco institutā narrationem hunc in modum persequitur.

Veruntamen erroneum impetum iuuentutis aboleuit pœnitentia, Romam profectus senioribus annis, vbi loci dalmaticam, & baculum & annulum deponens, indulgētiā clementissimæ sedis iterum recipere meruit. Quod Romani sanctius & ordinatiùs obseruāt, vt Ecclesiarum omnium sumptus suis potius marsupijs inseruiant, quàm quorūlibet

bet regū vsibus militet. Itaq; Herbertus domū reuersus, sedē episcopale quæ quōdā fuit in Helmhā, & tūc erat apud Thetford ad insignem mercimonijs & populorū frequētia vicum transtulit nomine Norwycum. Ibi monachorū congregationem numero, & religionē percelebrē instituit, omnia eis necessaria ex nūmis mercatus domesticis. Prouidens suorū successorū querelæ nullōs de episcopatu terras monachis largitus est, ne illi Domini famulos fraudarent victualibus, si quid donatū offendissent, quod suis cōpeteret rebus. Prætereā apud Thetford monachos Cluniacenses instituit, quod sint illius cœnobij professores ubiq; penē gētium dispersi, locupletes in seculo, & splēdidissimæ religionis in Deo. Ingēti ergo & numerosa virtutū gratia præteritarū offensarū molē obumbravit, disertudinis et litterarū copia, nec minus secularū rerū peritia ratione quoq; celsitudinis suspiciendus. Fuitq; Herbertus mutatus vt Lucanus de Curione dixit momētū &

Rr.ij.

mutatio

mutatio rerum sicut tempore istius regis symoniae caufidicus, ita posterius propulsator inuidus, nec ab alijs fieri voluit, quod à se præsumptum iuuenili feruore indoluit, prae se semper (ut aiunt) ferens Hieronimi dictum, Errauimus iuuenes, emendemus senes. Postremo, quis in illius facti laudem dignè pergat, quod tam nobile monasterium Episcopus multum pecuniosus fecit, in quo nihil frustra, deside, vel in ædificiorum sublimium specie, vel in ornamentorum pulchritudine, vel in Monachorum religione, & sedula ad omnes caritate. Hunc & viuum spe fœlici palpabant, & defunctum (si non vana fides pœnitentiæ) super æthera tulerunt. Hæc ille.

Sedenim ô verè miseram illorum temporum conditionem, cum diuini numinis ignoratio cuncta densissimis erroribus obsepsisset, cum homines non vitæ integritas, sed turpitudine summa & indignità: non pietatis ardor, sed ambitionis flammæ: nō sacrarum rerum scientia, sed sceleratissimæ

lestissimæ libidines, ad ecclesiasticas dignitates eueherent. Quantò nos foelicioni fortuna nati sumus, qui Dei benignitate ex hoc superstitionis veluti orco, ad cœlum & vitam æternam emerimus. Alia siquidem iam nostræ Ecclesiæ species & dignitas, alia Romanæ, alia Christianorū ratio alia Papistarum, non idem religionis splendor, impietatisque tenebræ: lux denique longè alia est Euangelij, & lych-norum, quibus illorum tenebricosissima templa collucent. Iam verò illud cuius tãdem stupiditatis ac dementiæ fuit, quòd cùm iuuenis tam diris se flagitijs dedecorasset, decursa iam propè ætate, non ad Christum (vnicum æternæ salutis fontem) sed *Romam*, ad lutulentas impuri pontificis lacunas cōfugeret. Qua profectio- ne tãtum abest vt illius facinoris dedecus deleuerit, vt ad symoniæ potiùs infamiam (meo iudicio) perfidiæ quoque scelus adiunxerit.

Rr. iij.

Vt.

Vt cunq; se res habet domum reuersus, extremis pænè ætatis temporibus ita vixisse dicitur, vt tum Regi charus, tum iucundus omnibus esset. Etenim postea episcopatus sui munere magna cum laude perfunctus, & sibi metipsi perennem gloriam confluxit, & posteros consimili virtutis ardore flagrantem, exemplo suo non mediocriter ad studia pietatis incendit. Nam cum *Romæ* (vti supràmemorauimus) beneficio Papæ, eam esset, quam opinionis errore sibi cōfinxerat peccatorum impunitatem consecutus, omnesque symoniæ sordes, in cœnossimis Romanæ curiæ puteis abluisset, nihil post reditum in *Angliam* prius, neque antiquius habuit, quàm vt eam pecuniam quam iuuenis rapinis coaceruauerat, fenex, in sacris ædibus construendis collocaret. Ac primùm non ferens vagæ pro hominum arbitrio sedis molestiam, certum aliquem locum, ac
veluti

veluti domicilium episcopali dignitati
cōstituere decreuit. Et quoniam eo tem-
pore *Normycus* ciuitas esset Orientali-
um omnium, & ad aspectum pulcherri-
ma, & ad vitæ necessitatē instructissima,
idcirco vrbs ea maximè præ cæteris op-
portuna visa est, quæ & pontificij splen-
doris amplitudinem, & tantę sedis digni-
tatem sustineret. Quod cum ciues om-
nes libentissimis excepissent animis, Re-
gesq; *Gulielmus*, & *Henricus* primus, Pa-
paq; *Paschalis* (vti temporibus illis fieri
consuevit) diplomatibus suis confirma-
sent: omni cogitatione in curam ecclesia-
stici muneris incumbendū sibi existima-
uit. Itaq; primū ædē Cathedralem suis
impenfis exstruendam locauit, areamq;
pulchrā coēmit (locū quem veteres *Com-
holme* appellarūt) inibiq; tēplū augustis-
simū, & monachorū domus exēdificauit.
Cuius fūdamēti lapidē primū ipse suis ie-
cisse manibus dicitur, paucisq; maiusculis
litteris

litteris lapide incis, eius rei memoriam posteris sempiternam tradidisse. Eæ autē erant huiusmodi. *HVNC PRIMVM HVIVS TEMPLI LAPIDEM DOMINVS HERBERTVS POSVIT: IN NOMINE PATRIS, ET FILII, ET SPIRITVS SANCTI. Amen.* Dein templum Sanctæ Trinitati dedicavit, locupletissimiq; prædijs donavit, adeò vt agrorū fructus quos quotannis perciperent, sexaginta monachis, atque amplius alendis sufficerent. Tum libris, omniq; sacra supellectile instruxit, breuique effecit, vt nihil nec ad Monachorum vsum, nec ad tanti templi splendorem maiestatemq; deesset.

Hanc tantam publicæ utilitatis curam, excepit haud minor domesticę dignitatis cogitatio. Itaq; ex Aquilonari parte Ecclesiæ palatium ipse sibi construxit: quod prudens à monachorum cellulis secre-

uisse

uisse dicitur, ne crebrò hominum huc & illuc discurrentium tumultu, illorum solitariae mentes à coelestibus rebus cōtemplandis abstraherentur.

Quinque insuper fana exstruxit, quorum vnum sancto *Leonardo* consecrauit, idque in summo colle cathedrali ecclesie aduersum; (interiecto flumine) constituit. Alterum *Normyci*, *Elmbami* tertium, quartum *Lhynni*, quintum ad ostium *Gerni* fluminis. Ea fana perpetuò Monachorum potestati subiecit, quosdamque ex eo coetu ac numero semper esse voluit, qui votis concipiendis alternatim vacantes, Romanos ritus ceremoniasque indies obirent.

Fertur etiam *Thetfordiae* Monachos Cluniacenses instituisse, multaq; alia designasse, quibus plebis imperite animi (vt illa fuerunt secula) rudes, superstitionū laqueis implicarentur.

HÆC à me eò referuntur, non quòd

Sf.

illa

illa probem : (Quis enim tantā impietatem nō aspernetur & oderit?) Sed vt nostri homines horum in Romanis sacris ac ritibus asciscendis sollicitam industriam contemplant, illorumq; exemplis excitati, ad Dei optimi maximi amorem, & veræ pietatis cultū flagratiūs exardescāt. Etenim cū homines anili superstitione, & inextinguibili fraude cōstrictos, eo diuini numinis metus impulerit, vt maximas facultates in res peruersas ac impias profundere non dubitarint : quo nos tādē animo esse debemus, qui dispulsa erroris nube, cōlesti disciplinæ solē dispicimus? Quapropter quemadmodum hij in templis construendis, & sacrificulorum cœtibus conflandis, nullo neq; labori, neque sumtui pepercerint : sic nos vicissim miserorū hominum inopiam egestatemq; subleuemus : & nuda Christi membra mœrore ac luctu perculsa, māsuetudine ac misericordia (vt par est) cōplectamur.

Huius

Huius pontificis tempore (anno Domini millesimo centesimo duodecimo) pestis magna omnium ferè ciuiũ domus peruagata, multos mortales absumsit.

Obijt. a. d. XI. Kal. August. .iiii. regnate *Henrico* primo, atq; *Normici* in ecclesia cathedrali ad altare summũ sepultus est.

Defuncto *Hereberto*, successit *Euorardus* Archidiaconus *Sarisbyriæ*, qui cõsecratus fuit à *Rodolpho* Archiepiscopo Cantuariensi, anno Domini millesimo, centesimo, vicesimo primo. Sed iniuria temporis factum est, vt huius pontificis memoria, abolita pænè vetustate, perierit. Nam cùm annos viginti nouem Episcopatu præfuiſſet, perfecit eadem quæ omnia delet vetustas, vt nulla eius ingenij monumenta mandata litteris, nullũ opus otij, nullum dignitatis munus ad pietatis gloriam exsistat.

Hoc tantum in pontificijs cõmentariolis perscriptũ reperitur, quod cùm totidẽ

Sf. ij.

quot

quot antea diximus annos orientalem rexisset ecclesiam, regnante *Stephano*, idibus Octobris vitam cum morte commutauerit.

Hunc consecutus est *Gulielmus* cognomento *Turbus*, genere *Normannus*, & ineunte ætate *Norwicensis* Monachus, post Prior, demum à conuentu (sic enim religiosorum coetum & frequentiam nuncupant) electus Episcopus, atque à *Theobaldo* Archiepiscopo Cantuariensi consecratus. Huius tempore combusta fuit ecclesia *Norwicensis*. Obijt, anno pontificatus sui vicesimo quinto, & a.d. XVI. Calend. Feb.

Huic successit *Iohannes* primus (dictus *Oxonienfis*) anno Domini millesimo, centesimo septuagesimo. Hic inceptam prius, & inchoatam ab *Hereberto* Ecclesiam perpoliuit, & infirmorum hospitia exædificauit. Templum præterea *Trinitatis Gipyrci* extruxit, & ædes quamplurimas

mas incendio consumtas , restaurauit. Mortuus est anno pontificatus sui vice-
simo sexto, quarto nonas Iunij, & sepul-
tus est ante altare summū cum *Hereberto*
& *Gulielmo* , anno Domini millesimo,
ducentesimo : & regis *Iohannis* secundo.
Huius tempore (anno ab humano gene-
re redempto suprā millesimum, centesi-
mū, septuagesimo primo) *Norwic* tem-
plum sanctæ Trinitatis igne fortuito in-
censum, denuò deflagrauit.

Huic suffectus est *Iohannes* de *Grey*, vir
illustris & eximius, Reipublicæ admini-
strandæ, ac Iuri interpretando) Iusticia-
rius vulgò nuncupatur) à rege præfectus.
Hic in omni vita eam adhibuit, sanctita-
tem, religionem, prudentiam, & in legi-
bus æquitate explicandis integritatem, ac
fidem, vt illum Rex ad Archiepiscopatū
Cantuariensem (tanquam ad summum
honoris culmē) euehere decreuerit. Sed
immatura mors desponsam iam, & de-

Ss. iij.

stina-

stinatam præfuli amplissimo dignitatem præripuit. Aulam & omnem illam (quæ hodiè *Gaymodiæ* visitur) molē exstruxit. Obijt anno pontificatus decimo quarto, & a.d. Kal. Nouemb. sepultus *Norwici*. Post hunc autem ab Episcopo per septēnium vacua fuit pontificia sedes.

Quo temporis spatio decurso, *Radulphus* (quem alij quoque *Pandulphum* appellant) episcopi Romani legatus, *Norwicensis* Præsul factus est. Hic à conuentu electus: *Romæ* ab *Honorio* insignia pontificia suscepit: anno Domini millesimo, ducentesimo, vicesimo secundo: & Regis *Henrici* tertij, sexto.

Multa monachis dedisse fertur, ac insigni semper sapientiæ laude floruisse. Verùm nomen eius, nec præstās naturæ bonitas, nec tanta ingenij magnitudo, ab interitu vindicare potuerunt. Namque factorū famam vetustas ita afflixit, vt funditus illorum omnium memoriam peruertere-

uerterit. Obijt anno Episcopatus sui quinto. a. d. XVI. Kal. Septemb. A cuius morte Pontificia sedes, annos tres absque Episcopo permansit.

In qua tandem (vt nonnulli volūt: quidam enim huius nullam omninò mentionem faciunt) *Thomas de Blondevilla* à *Stephano* Archiepiscopo Cātuariensi cōstitutus est: qui quoque cū per decennium eo munere perfunctus esset, ex vita migrasse dicitur, anno Domini millesimo, ducentesimo, tricesimo sexto.

Triennio exacto (totidem enim annos prouincia sine Episcopo fuisse perhibetur) *Gulielmus de Ragble* ecclesię gubernacula suscepit: anno Domini. 1239. In qua cū Regi specimen pietatis ac prudentiæ suæ dedisset, tertio pontificatus anno Rex eum *Wintoniensi* ornauit Episcopatu.

Vnde factū est, vt *Gualtherus de Suthfield* illi (haud dum defūcto) succederet:
vir

vir totius diuini ac humani iuris peritissimus. Hic Hospitale (vt appellant) *Ægidij Norwici* construxit, & possessionibus ditauit amplissimis. Insuper sacellum Beatae virginis in Ecclesia Cathedrali ædificauit: vbi postea sepultus fuit, anno pontificatus sui decimo tertio: a.d. XV. Kalend. Iunij, & anno regis *Henrici* tertij quadragesimo primo.

Nec ita multò post *Symon de Wanton* Regis *Henrici* sacellanus, & iudiciorum ac iuris publici interpres summus (vulgò Iusticiarium appellant) episcopalem dignitatem consecutus est. Sed vt omnia humana fatali quodam temporis impulsu, ruunt & concidunt: sic huius res gestas, ætas labefactauit omnes atque peruertit. Igitur cùm annos octo Ecclesiæ præsedisset, ex hac misera & caduca vita migravit, corpusque *Norwici* in eodem sacello (quod paulò antè *Gualtherus* construxerat) compositum est.

Huic

Huic successit *Rogerus de Skerwyng*, anno Domini millesimo, ducētesimo, sexagesimo quinto, & *Henrici* tertij quadragesimo nono. Huius Pontificis nomen ad sempiternā memoriam temporis calamitas propagavit. Etenim illo Ecclesie præsidente, grauis ac funesta clades urbē *Norwicēsem* afflixit: quæ leuissimis profecta initijs, exitus habuit lugubres & perhorrendos.

Et quoniam aliorū casus ac ruinas contemplantes, sepe numero cohorrescimus, & sceleris odio ac detestatione perfundimur: iccircò visum est rem paulò altius repetere, operæ pretium me facturū sperans, si saltem aliquos, mente & animo minùs benè constitutos, harum calamitatum intuitu, ad pacis studiū & amorem instigem.

Euenit igitur vt cū quodam fortè diē nundinē (pro porta Prioratus) *Norwici* celebrarentur, ac multi illuc iuuenes ex

Tt. circun-

circūvicinis oppidulis villulisq; conflue-
rēt, lis acerrima inter ciues, & religiosorū
famulos exoriretur. Quo in certamine
vtrinq; ita animis exarserant, vt à verbis
ad vim versi, totis inter se viribus tumul-
tuosissimè cōfligerēt. Ibi in turba (vt fit)
multi ciues grauissimis affecti vulneri-
bus, cōplures verò crudelissimè peremti.
Cumq; arbitri, qui quæstioni de nece per
vim, aut casum cuipiā illata præesse con-
sueuerunt (coronatores vulgò appellan-
tur) pronuntiaſſent ciues illos à religio-
forum famulis nefariè per vim ac scelus
trucidatos videri, vicorum submagistris,
ac licitoribus negotium datū est, vti son-
tes (si fortè in urbem venirent) primo
quoque tempore comprehenderentur.
Eius rei veluti indignitate permoti Mo-
nachi, ira vehementer accensi, inuidia &
odio in ciues immani flagrare cœperunt.
Et primū diris execrationum fulmini-
bus in eos tonantes, miseram plebeculam
per-

perterrefaciunt. Dein verò vt concep-
tus animo furor acriùs efferbuerat, sce-
lere & nequitia deflagrantes, vrbi pe-
stem & exitium machinantur. Itaque
cùm se gladijs, fustibus, scutis, ac omni fe-
rè telorum genere instruxissent: clausis
cœnobij valuis, transeuntes crebris bali-
starum ictibus conuulnerare cœperunt.
Die vero Dominica ante festum Diui
Laurentij, effusi omnes è portis infestis
clamoribus, urbem ingenti terrore per-
culerunt. Etenim noctem illam totam
(quæ insecuta est) circa urbem armati
debacchantes, nihil prætermiserunt ne-
fandi sceleris, & nequitiae quod non
conceperint. Nam & mercatores quos-
dam miserè diuexatos, & bonis exu-
tos omnibus, crudelissimè interemerunt,
& ciuium domus perscrutantes, ac quic-
quid vsquam nancisci potuerunt diripi-
entes, tantum pauoris cunctis incusse-
rant, vt (tanquam in capta vrbe) ciues

Tt.ij. hostilia

hostilia omnia metuentes, lamentabili clamore cuncta replerent. Tantaque nefarios homines & humani iuris, & diuini (quo se deuinxerant) coepit obliuio, ut cum onusti præda, & pænè humano respersi sanguine, è ciuiũ tectis recessissent, omnem vndique urbem (quacunque incedebant) impio latrocinio exsultantes, importunis vlulatibus ac insanis permiscerent. Demùm à scelere ad scelus dilapsi, in tabernam cuiusdam *Hugonis de Bramholm* irrumpentes nihil illic vini reliquerunt, quod non aut turpiter exhaurerint, aut dolijs cõfractis & pertusis sceleratiùs effuderint. Hanc tantã ac tam inauditam in omni genere crudelitatis libidinem exosi ciues, cum illos immani rabie præcipites ad vim ac cædem ferri cõspicarentur, cõmuni consilio illorum pestiferis conatibus obsistere decreuerunt. Itaque missis celeriter nuntijs, qui maiestatem regiam de hoc tã nefario tumultu certio-

certiorem facerent, quique de religioso-
rum iniurijs grauiſſimis verbis conque-
rerentur: ipſi conuocatis vndique auxi-
lijs, ſe ad vrbis deſenſionem accinxêre.
Sed vt ſunt hominũ plerunq; mentes ac
naturæ, in inimicitijs perſequendis effræ-
natæ nimium ac præcipites: ſic iſti iracun-
dia & vlciscendi deſiderio intemperan-
tiùs (quàm par fuit) elati, conſimili ſe ſce-
leris atrocitate conſtrinxerunt. Etenim
cùm vndique omnibus ex locis hominũ
concuſus fierent, vrbisq; præfecti pa-
lãm edixiſſent, vti cuncti in foro ad horã
decimam conuenirent, tanta multitudo
armatorũ ciuium confluxit, vt pænè iu-
ſti exercitus ſpeciem præberent. Qui ira
& odio ardêtes, tam violento & horribi-
li impetu de foro ad Prioratũ cõuolaue-
runt, vt vno eodemq; momento diuerſis
locis ignem iniecerint. Vnde factum eſt,
vt campanile, portæ, Monachorũ cellu-
læ, ſtabulum Prioris, piſtrinum, hoſpitia

Tt. iij.

paupe-

pauperum, denique templum ipsum, & propinqua templo loca cuncta, acerbissimo incendio deflagrarint. Vt verò exustis valuis aditum ipsi sibi in cœnobium patefecissent: magna religiosorum strages facta est, multiq̃ue mortales ferro vtrinq̃ue absunti. Quo in certamine superiores ciues, à cædibus ad prædam dilapsi, memores crudelitatis & iniuriarum quibus eos pridie Monachi affecerant, nihil intactum relinquere decreuerunt, adeò vt libris, vasculis argenteis, sacre suppellectili, cunctisq; religiosorum thesauris sacrilegas manus admouerent. Tantisq̃ue stupor seu potiùs furor omnium animos tenuit, vt cū mutuis cædibus urbem hij, Prioratum illi afflixissent: neque hij tatarum calamitatum sensu ac recollectione, neque illi (in grauissimis malis) diuini numinis metu ac reuerentia, à tati sceleris dritate reuocarẽtur. Quinetiam tantum abfuit monachorũ vt annios aut tædium

tædium malorū, aut vrbis, templūe de-
flagrantis commiseratio subiret, vt Prior
ipse (sic religiosorū antistitem appellant)
ex *Geremutha* armatorū subsidia accer-
fierit. Qui infesto agmine vrbē intrantes,
cū omnia tubarū sono, & hostili clamore
cōplessent, cūcta ferro ac flāmis miscētes,
vt religiosorum animos nōnihil ad spem
salutis erexerant, ita ciuium mētes incre-
dibili luctu perculerūt. Nec defuere sanè
horrēda prodigia, præsagaq; iræ coelestis
indicia, quæ fatalem illā vrbī cladem de-
nuntiauerunt. Etenim eodem anno, im-
mò eodem pænè mense, quo hæc patrata
sunt, cū Monachi (vt fieri consuevit)
de re dubia deliberabundi, frequentes
conuenissent, tantæ subitò ortæ tempe-
states sunt, cum magno fragore tonitri-
busq;, vt turrin excelsā & duas colūnas
lapideas deturbarēt. Quo repentino casu
cū ingens cunctis esset terror iniectus,
monachi de templo vniuersi diffugerūt,
(tribus

(tribus duntaxat exceptis) qui præ metu exanimis conciderunt.

Prætereà formidabilis & inaudita aquarū vis regiones vicinas inundauerat, tantumq; vastitatis & agris & vrbibus inuexit, vt domus, & obuia quæque lamentabili ruina peruerterit. Multaque alia euenerunt, quæ maximarum semper solent esse calamitatum præiuntia.

Veruntamen diuina non solum monita ingruente fato spreta sunt, sed humana insuper consilia neglecta. Nam priusquam cædibus, rapinis, ferro, flamma, & mutua internecione ipsi alternatim se funestassent, re adhuc integra multi sancti ac prudentes viri, tam perniciosorum consiliorum exitus, longè antè animis prospicientes, ab vtrifq; vehementer contenderūt, vt sese ad aliquam otij & tranquillitatis conditionem traduci finerent. Excepta res primùm est omnium consensu, arbitrique ex vtraque parte delecti, quibus permis-

permissum vti de re tota statuerent atque deliberarent. Verum enimvero cum horum hominum mentes erectæ in spem pacis, nihil aliud percuperent, votisq; omnibus exoptarent, nisi vti res primo quoquo tempore transigeretur, cumque iam veluti fœderis leges, quibus vtriq; parti caueretur, descriptæ forent, eæq; tabulis comprehensæ palam recitarentur: tatum afuit vt ad pacem & concordiam mutuis sensibus conspirarent, vt ipse Prior (quod antea se facturum sponderat) pacificationem illam sigillo suo confirmare recusaret, vnde omnes illi fluctus postea in rempublicam redundarunt. Et certè nisi rex ipse *Henricus* (eius tum nominis tertius) profligatorum hominum consilia aduentu suo dissipauisset, fieri nō potuit quin vrbs vna, (omnium pænè pulcherrima) tãto labefactata motu funditis cōcidisset. Veruntamen is celeriter nefariorum pestiferos coetus profligauit, &

ruenti ciuitati subuenit, eamque ferè è
flammis eripuit: demùm solutos nimi-
um & fluentes ciuium mores iudiciij se-
ueritate constrinxit. Etenim postquam
ad illius aures istius tanti tumultus fama
peruenit, statuit ipse *Normicum* profi-
cisci, atque in sceleribus vindicandis boni
Regis munere atq; officio defungi. Quo
cùm omnium opinione celerius venisset,
illicque miserabilem vrbis ac templi de-
flagrationem conspexisset, cædem, vasti-
tatem, rapinas, & quicquid prætereà mali
vel prædæ cupiditas, vel odij acerbitas
ciuitati inflixisset, tam incredibilis erat
is, quem & oculis vsurpauerat, & hau-
serat animo dolor, vt vix sibi Rex opti-
mus temperasse dicitur, quin eum lachri-
mis exprimeret. Itaque confestim *Ni-
colaum Triuetum*, litium ac iudiciorum
moderatorem summum, ad causam ad-
hibuit, illique inquirendi munus coràm
delegauit, iussitq; vti pœnam vnicuique
pro

pro criminis atrocitate infligeret. Interea Rex ipse ciuitatem omni iure ac libertate priuauit, veteres immunitates abrogauit, leges dissoluit, magistratus, senatum, publicū ex vrbe confilium sustulit, imaginem nullam Reipublicæ reliquit. Nimirum hoc voluit sapientissimus princeps, vt quæ ciuitas illustrissimorum Regum benignitate ad viin & scelus abusa foret, ea careret ijs rebus omnibus quibus cæteræ florentes ad maximam amplitudinem conscenderunt. Dein Episcopus *Roffensis* (fortè enim hic quoque aderat) omnes qui hanc perniciosorū flagitiorū societate coissent, diris ominibus, & execrationibus publicis deuinxit.

Attamen Monachi è iudiciorū laqueis elapsi, rem integram *Romam* reijciunt. Ea etenim illius temporis calamitas, & Regum miseranda conditio fuit, vt ne Principi quidem ipsi ius suos in ciues foret, nisi accessisset nefanda impu-
Vv.ij. rissimi

rissimi sacerdotis auctoritas. Vnde factū est, vt sæpenuerò perditī homines, ijs soluti legum vinculis, quibus alij astricti tenerentur, (velut ferè è custodia emisſe) omni se nequitia ac foeditate commacularēt. Quemadmodū Monachi, qui cū auctores scelerum, principes tumultuum, euocatores *Yeremuthensium*, & hominum profligatissimorum concitatores exstiterunt: tamen ad *Papam* prouocādo, viri teterrimi, fallacissimi, crudelissimi, ac omnium impuritātū libidinumq; maculis notatissimi, id consecuti sunt, vt ijs se iudiciorum flammis eriperent, quibus miseri ciues conflagrauerūt. Etenim oppidanorum magna multitudo, qui se ijs tumultibus immiscuerant, multiq; mortales qui in patrandis cædibus, templis inflammandis, sacris auferendis, diro se scelere contaminassent, ad equorum caudas deligati, & per plateas ac viarum strata ignominiosissimè tracti sunt: ac

acer-

acerbissima demùm morte mulctati.
Mulier etiam quæ princeps ignem por-
tis subiecisse dicitur, combusta fuit : di-
gnam factis passa poenam, vt quæ ignem
ad sceleratæ mentis libidinem explendam
adhibuisset, eadem ambusta quoque flā-
mis igne interiret.

At Monachi (vt antea dixi) cùm ad
Pontificem Romanum prouocassent, eo
artificio in *Romanorum* mentibus delini-
endis vti sunt, vt nō solùm furorum sup-
plicio sese expedirent, verùm etiā in po-
sterum (vt videbatur) flagitiorū omni-
um impunitam licentiam consecuti sint.
Etenim cùm alij capitali poena plectun-
tur, alij tanquam criminis immunes sup-
plicij terrore liberantur, quis non videt
flagitiosissimo sceleri, infidiosissimā pa-
cem concedi? Monachi igitur cùm duos
ē coetu suo *Romam* misissent, *Geruasium*
Fordhamium, & *Richardum Bramtonum*,
qui procuratorum vice fungerentur, ijsq;
Vv. iij. quatu-

quattuor(vt appellant)suffraganorū ec-
clesiæ *Catuariensis* litteras ad *Papam* de-
dissent, quibus in litteris totius tumultus
historia perscribebatur, tātū opibus &
gratia valuerunt, vt Maximus Pontifex
cognitionem de postulatis Monachorū
contrā ciues *Norwicenses*, ad Antistites
Eliensem & *Londinensem* diplomate suo
reiecerit. Sed *Londinensi* alienissimo
tempore, in ipso ferè huius relligiosissi-
mi certaminis initio extincto, Monachi
re infecta, cum *Eliensis* litteris ad sacro-
sanctum Pontificem denuò *Romam* re-
uertuntur. Verū non ita multò post
contigit, vt(cū *Edouardus*, eius nominis
primus(pater enim recens obierat)è ter-
ra *Sancta* in *Angliam* rediens, in itinere
Romam venisset, ibiq; honorificentissimè
à *Papa* & purpuratis suis exciperetur)
Monachi à *Romano* Præsule facilè im-
petrarunt, vt totius litis æstimandæ po-
testas Maiestati Regiæ permitteretur.

Qui

Quidemùm deprecante, atque adeò instigante *Rogero Norwycensi* Episcopo, secundùm Monachos sic decreuit.

1. Primùm vt utrîque in perpetuum inimicitia ac similitates omnes, omnium ex animis radicitus extirparentur.

2. Tum vt ciues ad reficiendam Ecclesiam, & ea instauranda, quæ vel flammæ vis, vel hominum furor diuastasset, millia mercarum tria infrà sex annos persoluerent: videlicet quotannis quingentas.

3. Deinde vt vas aureum septem pondo confestim fieri curent, quod Christi corpori sustinendo, (sic enim Cererem illam suam Papistæ nuncupant) perpetuò deseruiret.

4. Præterea vt ex quacunque ciuitatis parte collibitū foret, in coenobium vltro, citroq; com-
meandi potestas detur, portasque vbi velint constituent, dummodò detrimento neminem, aut grauiore incōmodo afficiant.

5. Vltimum fuit, vti proprijs sumtibus

sumtibus ciues, homines idoneos *Romā* mitterent, qui summum Pontificem de tota re certiores facerent, ciuibusq; suis deuotis iam, & admissorum conscientia constrictis, pacem ac veniam demissè deprecarentur. Hæc uti ciues præstitissent, Rex eos pristinae dignitati restituit, magistratus reddidit annuos, Senatum, consilium publicum, omniaq; ea quæ Pater dudum ademerat. *Ærarios* tamen esse iussit, utpote qui ab illo tempore in hodiernum usq; diem, ad perpetuam eius rei memoriam, quadraginta solidos quotannis Regi persoluerint.

Atque hunc exitum habuit ciuium temeritas: & Monachorum nefandū scelus: qui etsi in vrbe violanda fraudes in-expiabiles concepissent: auctoresque eius tumultus exsisterēt: tamen operæpretiū erit animaduvertere, quemadmodū præfulum iniquitate supplicio sese subtraxerint, & miseros ciues in flammam illorū
tempo-

temporum coniecerint.

Visum est autem nobis sempiternis literarum notis, testata hæc atque expressa ante omnium oculos ponere, ut mali exemplo admoniti, poenaque deterriti, meliores efficiantur: boni verò in virtutis via quam semel ingressi sunt alacrius insistant. Quæ certè cogitatio longius orationem prouexit, quam aut opinio tulerit, aut voluntas mea, sed dum omnia nō quo decet iudicio, sed legentium cōmodo metimur, factum est, ut verbosiores fortassis hac in parte quàm par est, exstiterimus. Quapropter his omisissis, reliqua eadem qua instituimus breuitate, persequamur.

Restincto igitur (ut paulò antè memorauimus) hoc funesto fatilique incendio, *Rogerus Skeruyngus* (solutis demùm caducæ carnis vinculis) ex hac fragili turbulentaq; vita migravit. Post cuius obitum ad *Galieum Mideltonum* Archidia-

diaconum Cantuariensem, Pontificius honos deuenit.

Hic Ecclesiam *Norwicensem*, crudelibus nuper deformatam flammis, restaurauit, eamq; nunquam antea dedicatam, conceptis sollenniter de more votis, rege *Edwardo* præsente, multisq; regni antistitibus, atq; proceribus consecrauit. Cessit è vita anno Pontificatus sui vndecimo: pridie Kalend. Sept.

Cui Monachi communi consensu *Radulphum de Walpoole* suffecerunt, qui sacris insignibus ab Archiepiscopo *Ioanne Peckamo*, *Cantuariæ* susceptis, *Norwicensis* Præsul factus est, anno à Christo nato millesimo, ducentesimo, octuagesimo octauo: (& Regis *Edwardi* eius tum nominis primi) septimo. Quã cū annos vndecim prudenter fatis, ac piè gubernauisset, à *Norwicensi* ad *Eliensem* Episcopatum à *Bonifacio Romano* Pontifice euectus est. A quo tempore non ita diu
super-

superstes fuit: Etenim secundus à translatione (vt loquuntur) annus nouæ dignitatis, vitæque finem fecit.

Idem *Bonifacius* qui *Radulphum* extulerat, illumque *Eliensi* (vt modò diximus) Ecclesiæ præposuerat, *Ioannem* quendam eiusdem Ecclesiæ præfectum, *Norwicensi* pontificatu insigniuit. Hic diplomata quædam & codicillos de primis fructibus, à *Clemente* Papa impetrauit: *Ædiculam*que quandam ad occidentalem cathedrales Ecclesię partem cõstruxit: quattuorque sacerdotes instituit, qui inibi Romanos ritus, sacraque peragerent. Magnam insuper aulam & sacellum in Palatio Episcopi, impensis proprijs exædificauit. Obijt in cœnobio Monachorum de *Folkstane* iuxta *Doueriam*, anno Domini millesimo, trecentesimo, vicesimo quinto, pridie nonas Iulij.

Inter hunc & *Gulielmum Ayerminum* numerant nonnulli *Robertum Baldockum*,
Xx.ij. Regis

Regis *Edoardi* Cancellariū, primarium
sanè virum & illustrem. Veruntamen
hic Monachorum renuntiatus suffragijs
tantum, cum eam dignitatem intellexis-
set, nemini, præterquam ad Romani pō-
tificis libidinem ac nutum delatam iri,
sponte sua celsit, ne fraudi Monachis fo-
ret, quod eum inscio *Papa* (& fortassis
inuito etiam) delegissent.

Quapropter *Gulielmus* (is de quo paul-
lò antè mentionem fecimus) paucis in-
teriectis diebus, ex Romani Præsulis au-
ctoritate, episcopalem prouinciam obti-
nuit. Fama est hunc plusquam anili su-
perstitione implicitum, ducentas libras
duobus Monachis dedisse, nimirum vt
illi, & qui in posterum eo munere (quod
illi tum fortè habebant) fungerentur (e-
rant autem cœnobio à vinis) perpetuò
defuncti memorię, missis & scelestissimis
ritibus parentarent. O admirandam il-
lorum temporum cœcitatē. Sperabat
videli-

videlicet prudētissimus pontifex his nefandis peractis sacris, diuinū numen placari posse: perindè ac vitiorum omnium labes, mortalium mentibus suffusæ (talibus tanquam piaculis) puriter expiatae, diluerentur. Obijt *Sharingia* iuxta *Londonum*, anno pontificatus vndecimo: & Cal. Apr. sexto.

Huic successit *Anthoni* de *Beck*, sacrae Theologiae professor, qui cum *Romæ* diu in aula summi antistitis, & in illis pontificijs sordibus vixisset, seque ibidem in sacrarum rerum nundinationibus per aliquot annos quæstuosissimè exercuisset: facilè tandem scelestus, à scelestiore præfule, præsul impetrauit, vt eum *Norwicensi* Episcopatu præficiendum curaret. Nunquam effluxerant illi ex animo ea quæ *Romæ* dudum didicerat, itaque importunam tyrannidem & immanem in Ecclesia sua exercuit, itaque se gessit, vt nihil illo insolentiùs vnquam exstiterit.

Xx.ijj.

Om-

Omnem siquidem Monachorū in rebus domesticis administrādis potētiam infregit, & imminuit, eamq; totā ad semetip-sū infidiosissimè transtulit, neq; passus est quenquā munere aliquo defungi, quē nō ad id, ipse prius designauisset. Cūq; *Robertus Winchesleus Cantuariensis* Archiepiscopus, *Norwicensem* diocēsim (de more) peragrarare decreuisset, quo sordes quę huius cōtaminatissimi sacerdotis dominatu in Ecclesiā influxerāt, disciplina ecclesiastica exhaurirētur: apertè restitit, cōfirmans, nullubi se nisi *Romæ*, responsurū, monachosq; alios spe, metu alios ita deuinxit, vt cōiunctis animis ad vim manifestā & apertā consenserint. Sed diuinitūs cōtigit, vt qui flagitiosā vitā vixerat, non nisi flagitiosissimo scelere cōciderit.

Etenim veneno à domesticis de medio sublatus, sempiterno nobis terrori debet esse, & exemplo, vt si quando vitiorū impunita libertate lætemur, irā tamen semper diuinā, maximorū quotidie facinorū
spe-

speculatricē ac vindicē pertimescamus.

Becko à domesticis (ita vt diximus) per-
emto, *Gulielmus Batemannus* iuris ciuilis
doctor, *Norwici* natus, indidēq; Archi-
diaconus, *Romaneq;* curiæ arbiter & in-
terpres, omniū monachorū suffragijs pō-
tifex declaratur. Huius antistitis tēpore,
nimirū anno post natū Christū eternę sa-
lutis authorē. 1348. dira pestis perniciosif-
sima lue urbē quaquauerfus peruasit. E-
tenī turpis morbi cōtagio per vulgus im-
prouidū sensim serpēs, horribilem ubiq;
mortaliū stragē edidit, adeò vt in ciuitate
assiduis exhausta funeribus, nemo peni-
tus exstiterit, ad quem nō ex tāta tabe, aut
mœror, aut morbus, aut mors deniq; per-
uenerit. Fama siquidem est (religiosis &
monachis pauperioribus exceptis) à Ca-
lēdis Ianuarij vsq; ad Calēd. Iulij, 57104.
homines, ea clade concidisse. Enimuerò
ingentem pestem esse oportet, & ad me-
moriā illius tēporis semper insignem,
quæ

quæ tam exiguo spatio, tantam hominum multitudinem tam miserabili interitu deleuerit.

Erat *Batemannus* iste ecclesiæ suæ propugnator acerrimus, adeoque se in eius libertate tuenda inuictum præbuit & magnanimum, vt ne iram quidem Regis, nedum magnatum minas metueret. Etenim tantum afuit vt ecclesiæ suæ concessa iura, & consuetudines, procerum libidine conuelli aut labefactari sineret: vt ipse permultos talia conantes, constanti semper mentis robore compesceret ac coerceret. Veluti cum tempore quodam Dominus *Robertus Morleius*, famulos quosdam illius (fortè vt fit) iniuriosius tractauisset, & in damarum septis feras quoque nonnullas per luxum atque lasciuiam, iuueniliter confixisset: adeo implacabili iracundia mitissimus pontifex exarsit, vt nunquam conquieuerit, donec nobilissimum adolescentem, turpissimam poenam subire coegisset.

Nudo etenim & capite, & pedibus, tum funali cereo, (quem incēsum manu magnum tenebat) per plateas (cūctis inspetantibus) ad templum incedere coactus est, ibique ad altare summum magna corona ciuium circumfusus, conceptis sollemniter votis, pacem diuinam exposcere, & pontificis à se odium ac similitatem deprecari. Quod eò mirabilius videri debet, quandoquidem infenso grauitè Rege, ac planè inuito, neq; id solum: verum literis etiam, ac Regijs interdictis id ne faceret imperante: tum carceris interdum poenam, ac omnium bonorū amissionem denuntiante, in sententiæ suæ proposito nihilominus persisteret. Præterea Episcopalem auctoritatem litibus & controuersijs valdè implicatam, & inuolutam expediuit, & à Clemente Antistite Romano (cuius tum nominis sexto) omnium ecclesiarum *Norwicensium* vacantium (vt vocant) fructus, sibi ac successoribus

Yy.

ribus

ribus suis impetrauit. Quæ contentio inter Præfulem & diœcesim agitata diu, & forensi iactata strepitu, sic demùm à pōtifice Romano repressa, conquieuit. Iurisconsultorum amantissimus fuisse perhibetur, vtpote illorum, quorum è disciplina ipse, totus ad hominum famam, & eam quam consecutus est dignitatē profluxisset. Proprijs itaque sumtibus *Cantebrigiæ* collegium exstruxit (eam quam hodiè Trinitatis aulam nuncupant) prædijsque nonnullis locupletauit. Neque hoc solum, sed illius etiam hortatu, & impulsu, *Gunuylius* quidā sacræ Theologiæ professor, aliam itidem ibidem instituit, & ex suo nomine aulam *Gunuylensem* appellauit: quam nuper *Ioannes Caius* vir omni literarum genere præstans, ac medicinæ scientissimus, suis impensis auctam mirificè, amplificatamq; illustrauit. Incidit interea inter *Angliæ* & *Galliæ* reges, grauis de totius *Franciæ* hereditatis iure

iure contentio, qua de re cum mittendi essent *Romani* homines idonei, qui pontifici Regis nostri causam probarent: hunc potissimum Rex deligendum sibi putauit. Quo in munere obeundo *Auinionem* mortuus est, anno salutis nostre millesimo, trecentesimo, quinquagesimo quarto.

Quo sepulto, *Henricus Lancastriae* dux, qui *Thomam Perceium* comitis *Northumbriae* fratrem magnoperè dilexerat, ab Antistite Romano, absens, per litteras vehementer contendit, ut eum honorem ei deferendum curaret. Quibus importunissimis flagitationibus breuè perfecit, ut Pontifex ipse (quandoquidem Monachi id facere recusauerant) eundem *Thomam Perceium* *Norwicēsis* ecclesiae praesulem constitueret. Hoc pontifice peratrox tempestas & saeuior quàm vnq̃ antea per id anni tēpus homines meminisset, subito coorta est, coelūq;

Y y. ij.

tam

tam horribili fragore & fremitu intremuit, vt toti penè terrarum orbi extrema clades impèdère videretur. Etenim certantium inter se ventorum tanta fuit rabies, vt transuersis flatibus domibus, ac templis incidentes, celsiora quæq; miserabili ruina prosternerent. Qua procella multis ædium tectis impulsis & euersis, cathedralis Ecclesiæ quoque campanile, eodem turbine disiectum concidit, maximamq; templi partem vicinaque templo ædificia deturbauit & afflixit. Quibus detrimentis resarciendis, non solum ipse quadringētas marcas dedit, sed à clero etiam magnam pecuniæ summā impetrauit. Decreuit hic quondam decanatus omnes qui propriè ad Ecclesiam cathedralem pertinebant, sacello sanctæ *Mariæ* (vt Iurisconsultorū verbis vtar) appropriare, sed cū Monachi id neuiquam licere ostendissent, facilè à sententia destitit. Migravit ex hoc seculo anno ponti-

pontificatus sui decimo quarto. A cuius morte, (id enim uti fieret testamento cauerat) ijs quibus ea cura demandata fuit, defuncti Episcopi nomine, domum & terras quasdam in villis de *Kymerle*, *Caerlton*, *Fowrhow*, *Gromthorp*, & *Wikelwood*, Norwicensis Ecclesiæ præcentori (ut loquuntur) in perpetuum dederunt. Ea nimirum lege, ut Antistitis de mortui manes, profanis precibus expiarentur, missæq; funestæ (quo enim alio nomine mortuorum sacra designem nescio) in Cathedrali templo ad illius animæ salutē quotidie conciperentur. Lubet ergo exclamare cum *Lucretio*:

*O miseras hominum mentes, ô pectora cæca,
Qualibus in tenebris vitæ, quâtisq; periclis?
Degebāt veteres, quos somnia dira Paparū
His mersere malis?*

Celerius opinione omnium defuncti Antistitis fama *Alpes* peruolauit, *Romanæ*que ad aures superbissimi Pontificis

Yy.iiij.

perue-

peruenit. Erant tunc, vt & hodiè sunt, semperq; fuerunt, *Romani* Præsules, ambitione, & illius intollerandæ potentiaë cupiditate adeò districti, vt intermissis sacrarum rerum studijs, perpetuis sese bellorum tumultibus implicarent. Itaq; semper maximis militum copijs circumfusi, vim & terrorem vicinis vrbibus inferunt, neque vnquam consistere possunt, quamdiu aut in inimicijs persequendis, naturæ acerbitas stimulos admouet, aut in imperij finibus propagandis nefariæ eos cupiditatis aura prouehit.

Sub hoc igitur *Papa* stipendia tum fortè merebat *Spencer* adolescens sanè nobilissimus, qui cognita morte *Antistitis Norwicensis*, *Papam* adit, rogat vt *Henrico* fratri (fortè & hic quoq; aderat) illius prouinciæ pontificatum deferri sinat. Finis voti compos adolescens, fraterq; confestim ex milite *Antistes* creatur. Itaque proti-

protinùs magnis itineribus in *Angliam* contendit, ibiq; a. d. XVII. Kal. Aprilis, anno Domini. 1370. in Ecclesia sua ab Archidiacono Norwycensi consecratus est.

Fit magna mutatio norwiri, sed vestis: etenim qui ab ineunte ætate sic vitã instituit suã, vt sese perpetuò militiæ assueuerit, (quid mirum si huius mœnti bellandi semper ardor inexplebilis infederit? Itaq; accepta ab *Vrbano* sexto, inaudita potestate contrà schismaticos (sic appellabantur qui à Pontifice Romano iniuriis tractati, illius imperium aspernabantur,) quarto nonas Maij instructa classe, cum ingenti exercitu, inuito tamen Rege in Belgium traiecit, vbi fuis profli-
gatisque triginta hominum millibus, septem autem interfectis atque conuersis, *Dunkirkum*, *Neoportum*, *Burburgum*, *Poringum*, *Gravelingum*, cæterasque maritimas vrbes furestissimis flammis

flammis deleuit. Atque hæ fuerunt illæ pontificiæ cohortes, ex flore scilicet ac robore superstissimorū hominum delectæ, sacratī (si dijs placet) religionē milites, ac croceis crucibus insigniti, quorum dux fuit & antesignanus Episcopus *Normicensis*, vir equidem ferocia insigni, atque inaudita spiritus immanitate præditus. Qui (vt paulò antè memorauimus) ne Regi quidem ipsi reclamanti, atque adeò per litteras sæpenumerò ne in *Belgium* transmitteret denūciantī, obsecūdauerat.

Nec domipacatior quā foris fuit: quippe qui Monachis atrox & inexpiabile bellū indiceret: eosq; omni iure antiquo, ac libertate priuare conatus sit: adeò vt per annos quindecim multis vexatos iniurijs, incredibiliter affligerit. Diū tamen restiterunt Monachi, sed tandem forensi decertatione fracti, ac debilitati, omnis ille repugnandi feruor ac impetus ita refrixit, vt eò demum deuentum fuerit, vt

simulasti

sponte

sponte quadringentas marcas antistiti dare consentirent. Huiusmodi terrenorum tumultuum tempestatibus per omnem ferè vitam, tanquam in medio ambitionis mari iactatus, demùm, cum Ecclesiæ triginta septem annos præfuiſſet, ex huius miseræ vitæ vinculis euolauit. Vir Marti magis quàm Christo consecratus atque deuotus.

Huic successit *Alexander*, ecclesiæ quōdam *Norwicensis* Prior, cunctis monachorum suffragiis pontifex renuntiatus: sed Regi inuisus, qui tantum afuit vt dignitate illa perfrui potuerit, vt per annū ferè integrum *Windesoriæ* Rex carceris eum custodia coereret. Biennio post, deprecante *Thoma Arundelio* Archiepiscopo *Cantuariensi*, & alijs regni proceribus, pristinam dignitatem recuperauit. A quo *Glaucestriæ* consecratus est, anno Domini millesimo, quadringentesimo, octauo. Hoc de Pontifice nihil memo-

ria dignum, in Antistitum annalibus reperitur, præterquam quòd illo Ecclesiæ præfidente maxima pars ciuitatis fortuitis perusta flammis deflagarit.

Obijt sexto pontificatus sui anno, sepultusq; est in ecclesia cathedrali, in sacello beatæ Virginis *Mariæ*, ad pedes *Gualtheri* eiusdē quondā prouinciæ Episcopi.

Illustri familia natus *Courtneius*, vtriusq; iuris peritissimus, ac Oxoniensis Academiæ Cancellarius, rege *Henrico* (eius nominis quinto) vt id fieret magnoperè contendente) *Alexandro* sepulto, cōmuni monachorū cōsensu pōtifex delectus est. Ac nō ita multò post ab Archiepiscopo Cātuariensi, præfente Rege *Henrico Cātuarie*, in maxima nobilissimorū hominū frequētia, pontificijs fuit velatus insignibus. Nobilitatē generis exornauit decorafacies, & erecti corporis celsus honos, quapropter Regi quoad vixit ita charus ac iucūdus exstitit, vt eū semper implicatissimis

tissimis regni negotijs interesse voluerit. Sed vt optima quęq; (flosculorū ritu) celeriter defluunt, sic hūc nobilissimū anti-
stitem tū primū ad gloriam & dignitatē
florescētem, mors immatura (tanq̃ turbi-
ne aliquo, aut subita tēpestate) peruertit.
Etenim in *Normādia* secundo post cō-
secrationē anno acerbissimo fato extin-
ctus est, vndecimo Kal. Septemb. anno
Domini millesimo, quadringentesimo,
decimo quinto. Verū cadauer perho-
rificētissimē in *Angliam* delatū, *Westmo-*
naſterij inter Regum sepulchra, tumulo
magnificē illatum, conquiescit.

Pietate, prudentia, māſuetudine, bene-
ficentia, vitæ integritate, omniq; virtutū
laude redūdauit, *Ioannes Wakeringus*, qui
post *Courtneium* proximus in Norwicēſi
ecclesia pontifex confedit. Hic regij sigilli
custos, à Monachis electus fuit (anno ab
orbē redempto, millesimo, quadringēteſi-
mo, decimo sexto) & ab *Hērico Chichleio*

Zz.ij. Cantua-

Cantuariensi Archiepiscopo sacris (viti tū vulgò videbantur) ornamentis de more circundatus. Horribilis eo tempore tempestas Ecclesiam *Romanam* afflixit: siquidem tres simul Papæ vno atque eodē momento, inter se de dignitate pontificia inimicissimè depugnarunt. Quorum diræ, execrationes, anathemata, pugne, tumultus, bella, omnesq; intolerandi illius dominatus procellæ, tanto impetu (velut sæua diuersorum ventorum rabies) conflixere, vt totum penè terrarū orbem vehementer concusserint. Ideoq; celebratum fuit concilium *Constantiense*, quo *Ioannes* cum multis alijs *Angliæ* antistitibus, à Rege missus fuit.

Qua in legatione ita boni pastoris munere perfunctus est, vt omnes illi pietatis atq; prudentiæ summæ testimoniū perhiberint. Claustrum quod hodie in palatio pontificis visitur, construxit, idque versicoloribus saxis strauit, magnificè
sanè

fanè, & ad oculorum voluptatem eleganter distinctis. Demùm perfunctus omnibus huius ærumnosæ vitæ molestijs, decessit, humatusque est in Ecclesia cathedrali ante altare Diui Georgij.

Gulielmus Alnwyckus legum doctor (& ipse quoq; regij sigilli custos) Episcopalis imperij dignitatem adeptus est, anno salutis humanæ. 1426. *Londoni* in tēplo beati *Pauli* ab Archiepiscopo Cātuariensi consecratus fuit. De hoc nihil memoria dignū litterarum monumentis proditur, præterquā quòd portas occidentē versus, in Ecclesia cathedrali, & fenestrā magnā fieri fecerit, quodq; decimo pontificatus anno, Cātuariensis Præful eū à *Norwicēsi* episcopatu ad *Lincolniensem* transtulerit.

Fuit eo tempore in concilio *Basiliensi* *Thomas Brounus*, antistes *Roffensis*. Huic omnium consensu, absentij tunc, ac nihil tale expectanti, delata est *Norwycēsis* Ecclesiæ dignitas. Quo sacris præsi-

Zz. iij.

dente

dente, contigit ut ciues Norwicensēs cōiunctis sensibus, ad subuertendam ecclesiæ libertatem denuò conspirarent. Multa igitur conati sunt, multa in pestem & exitium Ecclesiæ machinati, sed huius Pontificis animi excelsi atq; inuicti, magnitudo ac robur, omnes illorum impetus retardauit atque repressit. Verū minū uerò cū nouem iam annos in sede pontificia cōsedisset, vita functus est, exulceratis adhuc ciuium animis, & Ecclesiæ infestis. Anno Domini. 1445. & Regis *Henrici* eiusdem nominis sexti, vice-mo septimo.

Quem subsecutus est *Gualtherus Hert*, sacre Theologiæ professor, cuius grauitati ac cōstantiæ ascribunt nonnulli, quòd illius prudētia delinita demū in plebe, exacerbate ciuium mentes conquieuerunt. Cruci sustinendę (taliam enim superstitionem illa tēpora desiderarūnt) templo transuersum pegma fieri fecit: pauimentūq; Eccle-

Ecclesiæ saxo sternendum curauit. Duo-
decim scholasticis *Cantebrigie* in hospitio
quod tum *Fischwyck* dicebatur (quoad
vixit) omnia vitæ necessaria suppedita-
uit. Cessit è vita decimo sexto Maij,
1472. atque sub pegmate, quod vt antè
diximus, cruci sustinendæ construxerat,
tumulo conditus est.

Proximi ab illo numerantur *Jacobus
Goldwellius*, & *Thomas Ian*, de quibus
memoria dignum nihil certè accepimus,
nisi quòd alter cùm viginti quinq; annos:
vnum alter Ecclesiam rexissent, ex hac
luce migrauerint.

Goldwellio tamen pontifice (neq; enim
id silentio prætereundum videtur) a.d.
V. Kalend. Ianuarij. 1480. per vniuer-
sam ferè *Angliam*, terra tremuit motu tã
vehementi, vt celsarum domuum pinnæ,
turresq; templorum, tum innumera fu-
mi receptacula (quę suprà ædium culmi-
na tubo atq; calathò attolluntur) quassu
diuulsa

072

diuulsa in vias, ipsaq; in tecta corruerent. Præterea multarum urbium domus (si quidem longinquus is terræ tremor fuit) pleræq; omnes non sine ingenti incolentium interitu, ruinam traxerunt. Sic vt cunctis pænè in locis prostrata fanorum atque ædium cadauera, miserabilesque villularum strages conspicerentur.

Fano Nixus surrogatur, cuius vitæ nescio quas libidinū labes vulgi sermo impressit. Etenim illius turpitudine ac impuritates spurcissimæ, in hodiernum vsque diem omnium ferè linguis ac vocibus celebratur: adeò vt nemo pænè sit, ad quem cœci Norwycensis Episcopi fama non peruenerit. Tenebricosissima tamen ætatis illius tempora, ortus præstantissimi Præsulis illustravit *MATTHÆI PARKERI* Cantuariensis Archiepiscopi: qui nuper ex hoc impuro lacrymabiliq; hospitio, ad cœlestem & immortalem gloriam auolauit.

1575.
XVI. Kal.
Iunij.

QVO

QVO DE VIRO dicendū mihi
aliquid hoc tēpore existimaui, non quod
illius dignitas egeat oratione mea, aut ego
me eū esse putem, qui tāti viri laudes scri-
ptis meis celebrare queam: sed quoniam
res Norwicensis explicandas suscepi, si
huius nominis memoriam silentio præ-
termissem iure reprehēdendus viderer.
Quid enim vel ad ciuium gloriam mag-
nificentiū? vel ad vrbs splendorem illu-
striū? quā eius viri nutricem ac alum-
nam exstitisse, qui ingenio, doctrina, pru-
dentia, probitate, omnibūq; semper ma-
ximarum virtutū ornamentis abūdauit?
Habuit profectō ciuitas illa multos quō-
dam duces, belli gloria insignes, habuit
viros optimarum artium disciplinis im-
buitos, habuit Præsules religionis inte-
gritate præstantes, sed habuit externos:
habuit alienos: non habuit domesticos,
nec in vrbe natos. Itaque factum est, vt
non tantū vrbs illi, quantū vrbs illos

Aaa.

deco-

decorauerit. Huic verò *Normici* honestissima stirpe orto, vrbs illa contigit veluti altrix dignitatis sedes: cui sicut adolescēs, gloriæ semper fuit & honori, ita quā senex meritis adeptus est dignitatem, ad sempiternum patriæ nomen, & amplitudinem transfudit.

Ac ne illud quidē vereor, ne velle fortē videar cuiusquam in aures verborū blāditij influere: præsertim cū & meæ sēper ab ineunte ætate, vitæ susceptæ rationes, has ineptias respuerint, & omnes, quorū mentes inuidia non sunt & malevolentia suffuse, multo illi maiora, & ampliora ijs, quæ ego dicendo consequi possum, virtutum testimonia tribuerint.

Quanquam certē nō ignoro quā petulanter, ne dicā sceleratē & impiē, in hūc eximiae virtutis virū improbæ plebis rumor acerbitalis & maleuolētiae suæ virus profundat. Sedenim, ecquis viuit mortaliū cuius ad laudes nihil allinierit inuidia?

Num

Nū quos fortes viros? quos claros? quos de republica benè meritos reminisci possumus, popularis quos leuitas, & circumuolitantes fabulæ nec viuos læserint, nec mortuos perstrinxerint? Multæ sunt (vt ait poeta nescio quis) insidiæ bonis: virtutisq; coines (corporis vt vmbra) inuidia: porro principibus viris aduersaria semper fuit & infesta vulgi temeritas: tum optimi cuiusq; vita facinorosorum perpetuò linguis patuit atq; libidini. Cæterum qui cūctis mortalibus in hoc magno malorum mari, ad bonam famam bonorum (quæ sola verè gloria nominari debet) vela dantibus, odij, simultatis, inimicitiarū, & inuidiæ reflantes veluti venti ac turbines cōcitari solēt: ij si huic vni tādīu in his turbulētissimis offensionū fluctibus iactati, ac iam pænè portum ingresso inciderūt, nū cui mirū videri potest? Perinde ac si magno, & deuexa iā etate viro, & terrena oīa infrā se habēti, & contēnenti,

decorauerit. Huic verò *Normici* honestissima stirpe orto; vrbs illa contigit velutiatrix dignitatis sedes: cui sicut adolescēs, gloriæ semper fuit & honori, ita quā senex meritis adeptus est dignitatem, ad sempiternum patriæ nomen, & amplitudinem transfudit.

Ac ne illud quidē vereor, ne velle fortē videar cuiusquam in aures verborū blāditijis influere: præsertim cū & meæ sēper ab ineunte ætate, vitæ susceptæ rationes, has ineptias respuerint, & omnes, quorū mentes inuidia non sunt & malevolentia suffuse, multo illi maiora, & ampliora ijs, quæ ego dicendo consequi possum, virtutum testimonia tribuerint.

Quamquam certē nō ignoro quā petulanter, ne dicā sceleratē & impiē, in hūc eximiae virtutis virū improbæ plebis rumor acerbitalis & maleuolētiae suæ virus profundat. Sedenim, ecquis viuit mortaliū cuius ad laudes nihil allinierit inuidia?

Num

Nū quos fortes viros? quos claros? quos de republica benè meritos reminisci possumus, popularis quos leuitas, & circumuolitantes fabulæ nec viuos læserint, nec mortuos perstrinxerint? Multæ sunt (vt ait poeta nescio quis) insidiæ bonis: virtutisq; comes (corporis vt vmbra) inuidia: porrò principibus viris aduersaria semper fuit & infesta vulgi temeritas: tum optimi cuiusq; vita facinorosorum perpetuò linguis patuit atq; libidini. Cæterum qui cūctis mortalibus in hoc magno malorum mari, ad bonam famam bonorum (quæ sola verè gloria nominari debet) vela dantibus, odij, simultatis, inimicitiarū, & inuidiæ reflantes veluti venti ac turbine cōcitari solēt: ij si huic vni tādīu in his turbulētissimis offensionū fluctibus iactato, ac iam pænè portum ingresso inciderūt, nū cui mirū videri potest? Perinde ac si magno, & de uexa iā etate viro, & terrena oīa infrā se habēti, & contēnenti,

dum nullos pro suis labores & pericula
defugeret, dum curiosorum, atq; omnia
perturbare cupientium leuitatem, graui-
tate sua perfringeret : dum redundantes
nonnullos, & immoderata licētia super-
fluentes, reprimeret: dum quorundā ho-
minum (nouitati atq; ineptijs indulgen-
tium) impetus & conatus nefarios legū
laqueis irretiret: deniq; dum omnes cu-
ras, & vitæ rationes omnes, ad Christi
gloriam, & Ecclesiæ commoda conuer-
teret: illud vitio verti debeat, quod popu-
laris iracundiæ & maleuolentiæ tempe-
statem deuitare nequirit. Quasi verò id
aut optarēt vnquam, aut sperarēt sagacis-
simus senex, & planè veterator in com-
muni vita: aut quas inuidiæ, & offensio-
nū acerbitates in hoc terrestri exilio pro
Christi gloria susceptas, mortalis pōtifex
negligeret, eas nunc demùm vīta lapsus,
immortalis, & inter cœlites æternū a-
scriptus ciuis reformidet.

Quamob-

ib Quamobrem tantum abest, ut assen-
tādi crimen reformidem, quod huic cla-
rissimo viro, & licet suo, nec Reipublicæ
tamē nec nostro tempore extincto seni,
debitū probitati præconium scriptis im-
pertuerim meis, ut certē nisi id fecissem,
sceleris aut inscitiae ignominia mihi sube-
undā existimarem. Nam cum Deus op-
timus maximus, huic præstātissimo præ-
suli hanc mentem dederit, ut in omni sua
vita præter virtutē, ac pietatem nihil ada-
mauerit, sceleratū eum sanē esse oportet
bit, & ab omni prorsus humanitate auer-
sum, qui tam claro & illustri viro virtutū
ornamenta inuiderit. Quis enim illo aut
morum sanctitate illustrior unquam ex-
stitit? aut villo genere laudis præstantior?
Quam laudabiliter se gessit in omni æta-
te? quam constanter? quam piē? quo ma-
ximarum semper artium desiderio fla-
grauit? quo virtutum ardore? quam ad-
mirabili, ac pænē diuinorum morū & ciborū

Cantebrigie diu vixit, liberalibus disciplinis vehementer deditus: & ita vixit vt in illo maximorum ingeniorum celeberrimo theatro, cunctos industriæ ac eruditionis admiratione commoueret. Fuit postea tempore Regis *Henrici* (principis inuictissimi) in aula, & *Annæ* Reginae à sacris, quid illo prudentius? quid sanctius? quid humanius? quid non modò in studijs, in moribus, in conuictu, in sermonibus, sed in ipso planè aspectu iucundius? Quis fuit quem non fama tantarum virtutum incenderit? Quis denique qui non intimis cum sensibus dilexerit?

Delatus est illi *Stokensis* decanatus, ac non ita multò post *Lincolniensis*, quò in munere fungendo, cum incomparabili pietate, singulari humanitate coniunxit. Nam & frequenter concionando multorum mentibus sanctitatis amorem infudit, & rem familiarem benignè largiendo misero-

miserorum inopiam subleuauit. Vnde factum est, vt quam sacrarum literarum studio consecutus est scientiam, eam vita magis ac moribus, quàm oratione, aut verbis expresserit.

MARIANA tēpora cōsecuta sunt (tēpora omniū quę nostra vidit ætas calamitosissima) cū rege *Edouardo* omniū regū optimo, crudeli funestoque fatō extincto, *Maria* peruerficas institutā à patre, & fratre Christianæ religionis disciplinā peruertisset, & Romanorum ritus ac sordes denuò in ecclesiam inuexisset. Enimuerò tū virū optimū omni ecclesiastico munere priuatū, cunctisq; fortunis exclusū, graues cōmuniū temporū casus perculerunt. Quid igitur. nū quis eū fracto vidit animo ac debilitato? nū qua sceleris aut superstitionis labe respersum? Nihil minùs. Itaque in ijs rerū asperitatibus, cū Romanorū scelus, nefas ritibus cūcta coinquinasset, omnesq; boni, eadē, flammam

flammam & horrenda quæque metuerent, ita aduersos temporum fluctus excepit, ut & omnem illam immanem Papistarum rabiem prudenter deuitaret, & se tamen semper ab impietatis lue purum immunemq; conseruaret.

Moritur intereà Regina, cui succedente illustrissima sorore *Elyzabetha*, subuersis omnibus superstitionum portentis, atque sublatis, pristinum Ecclesia decus recuperauit. Tum verò huic amplissimo Præsuli, non defuere diu quæ nunquam sperauerat, multò minùs optauerat tãtis debita virtutibus præmia. Nam cum ita viueret, ut omnes semper spes in vno Deo defigeret, cæteraq; quæ tantoperè suspiciunt homines, & admirantur, perindè ac caduca & inania negligeret: ita manauit fama de admirabili eius prudentia, temperantia, doctrina, cæterisque virtutibus, ut ad aures demùm Regiæ Maiestatis accederet. Noluit illa pati
diuti-

diutiùs iacere, tantam, & tam excellentem, in omni genere virtutem. Itaq; protinùs eum non petētem, non sperantem, propè etiam recusantem, ad Cātuariensem Archiepiscopatum euexit, nimirū vt in amplissimo munere amplissima virtus, campum haberet in quo commodius posset excurrere.

Parem itaque iam propè voluntati facultatem nacta præstans naturæ bonitas, omnem illam protinùs effudit, quæ intimis semper infixis sensibus infedit humani generis iuuandi cupiditatem. Ab hoc studio fluxerunt illa (quæ vtinam tam imitarentur multi, quàm cupiunt, & laudant omnes) in consilijs grauitas, in Ecclesiæ muneribus obeundis sedulitas, in tractandis rebus prudens cōsiliorum integritas, nihil in potestate insolens, nihil sublime, nihil in opum abundantia dissolutum, sed arctissimis cuncta temperantiæ vinculis astricta. Hinc illæ diurnæ,
Bbb. noctur-

nocturnæq; curæ in optimarum rerum cogitatione defixæ : hinc eruditorum hominum quotidiani complexus : hinc rei literariæ amor incredibilis : hinc in claris fouendis ingenijs excellens liberalitas: hinc Antiquitatis tanta notitia: hinc affectæ iam pænè ætatis insignis auctoritas : hinc deniq; omnia illa quæ per sedecim ferè annos luxerunt inauditæ virtutis & ingenij ornamenta.

Iam verò illa quanta sunt? In summa fortuna summam tamen humanitatem exhibere? neminem aditu, neminem congressu, sermone neminem excludere : rebus aduersis ac calamitate pressis opem ferre, Christi profugos misericordia prosequi : Gallos, Hispanos, Belgas, Venetos, tam viros quàm fœminas omnium rerum inopes ac egenos singulari caritate complecti? Neq; hoc solùm sed annuã insuper nõnullis peregrinis stipẽ dilargiri, alios domi suæ liberalissimè sustentare,

stētare, omnes beneficētia, & facultatibus iuuare: adeò vt nullus pænē sit quem vel fortunæ calamitas vehemētiùs affligeret, vel iniqui temporis procella peruerteret, cui non aliquid opis & auxiliij contulerit.

Quid hic commemorem quos quantosq; labores ac sumptus in antiquissimorum scriptorum codicibus conquirendis exhausserit? quot libros vel hominum incuria vel temporū calamitate corruptos, typis quā emendatissimos peruulgari fecerit? quemadmodum Academiam *Catebrigensem* bonarum omnium disciplinarū matrē impensis proprijs ornauerit? quā elegāti muro scholas publicas præcinxerit? quanta sacrorum voluminum multitudine bibliothecam nuper instruxerit? quibus deniq; beneficijs Corporis Christi collegium (cui ipse quondam multis abhinc ānis præfuit) illustrauerit? Sint hæc in illius laudibus minima: non quòd si spectētur singula, maxima videri

non debeant, sed si ad illa quę dudum dixi, mentem conuerteris, multa & maiora & clariora videbis, quorū lumine hę virtutes, sicut luce solis sydera, obscurantur.

Atq; his tantis splendidissimarum virtutum ornamentis, cū omnis anteacta ætas redundaret, tantum abest vt se illarū intuitu, elatius efferret, aut popularem auram, & vulgi rumusculos ardētius cōcupisceret, vt ab aspectu se pænē mundi & mortalium oculis subducens, omnia illa veluti inania seculi deliramenta contemneret.

Siquidem domesticis otij sui finibus cōtensus, terrestrium tumultuum expers vixit, non tam comitatu stipatus famulorum suorum honestissimo (quos habuit sanē quāmplurimos) quā optimarum cogitationum ac virtutum cohorte (quę ei semper comites fuerūt & administræ) circumseptus. Itaque hoc consecutus est, vt cū gloriæ causa nihil fecerit, incredi-
bili

bili tamen apud omnes gloria circūfluat.

Hæc igitur intueantur adolescentes, qui patriæ, qui hominibus iuuandis, qui veræ laudi, qui gloriæ, qui Deo deniq;, vitæq; perenni, non desidię, non somno, nō delitijs, aut vitæ huius breuissimis inanibusq; oblectamentis natos sese arbitrantur. Ad hæc se studia conuertant : talium virorū facta imitanda sibi proponant: horū exemplis atque adeò vestigijs insistant. Hæ sunt veræ laudes, quas nulla delebit obliuio : hic splendor perpetuus, cuius memoriam anni consequentes excipient, & obstupescant : hæc certissima virtutum decora : quæ omnium & litteris & linguis celebrabuntur.

Atq; hunc in finem ista à nobis breuiter decursa sunt, nimirum vt huius illustrissimi Archiepiscopi exemplo, hominum mentibus veluti faces ad virtutem admouentes, quàm plurimi (si fieri posset) ad eius studium incenderētur. Quæ

Bbb.iiij.

quidem

quidem sapientibus haud iniucunda futura scio, ineptis autem & maleuolis, suspecta videbuntur fortassis, & inuisa. Verum quid fieri expediat non vulgi arbitrio nos, sed prudentium semper iudicio, metiri consueuimus: & optimorum autoritate contenti, insipientium vocalas, & maledicta cōtemnimus. Quæ cum ita sint, ad historiam vnde paulisper defleximus denuò reuertamur.

Defuncto ergo *Richardo Nix*, *Gulielmus Ruggus* surrogatur anno salutis humanæ. 1536. De quo viro nihil proditum memoriæ, præterquā quòd extremo sui pontificatus anno Norwycenses (Ketto quodam duce) conspirantes, hostilia cōtra maiestatem regiam arma induerent. Qui quidem maximis perditissimorum hominum gregibus conflatis, tantas tragœdias excitarunt, totam vt pænè *Angliam* eo motu concuterent. Quem tumultū quoniam nos vno volumine cōplexi

plexi sumus (quod cum isto libello coniunximus) eo lectorem harum rerum cupiditate flagrantem remitemus. Quo autem iudicio id fecerimus, huius est neque temporis, neque instituti commemorare: consilium certè fuit eius coniurationis casus omnes atque euenta explicare, plenamque & perfectam Norwycensis tumultus historiolum posteris relinquere: quæ perpetuò cunctis, vitæ dux, & magistra foret, ut quo illi corruerent scelere cernentes perfidiam omnem, & prodicionem (authoribus exitiosam semper & fatalem suis) perhorrescerent. Legant igitur qui volent, & diligenter animadvertant, quæ tandem præmia homines perniciosissimi pro scelere tanto, atque patriæ perturbatione consecuti sunt.

Ruggo proximus fuit Thomas Thurlbeius, legum doctor, à Westmonasteriensi episcopatu, ad Norwicensem (ut loquuntur

quuntur) translatus.

Quem virum si ingenij, prudentie, grauitatis, consilij laudibus priuare conarer, amēs certē videri possem, præsertim cū eas illi naturæ atq; industriæ dotes oratione præriperem mea, quas semper huic (vno propè cōsensu) vniuersi tribuerint. Verū enim uerò istuc in illo si non magnopere admirandum, at certē dolentiū deplorandum fuit, quòd cū vir talis, ac tātus exsisteret, omnes nihilominus mētis atque ingenij neruos ad Romani Pōtificis gloriam illustrandam conuerteret. Cuius tam acerrimū se propugnatorem præbuit, vt *Maria* defuncta, honores potiū omnes, quā errores deponere maluerit. Vno se scelere commaculauit, quod quidem nō patiar silentio præteriri. Etenim cū gloriosissimus Iesu Christi martyr *THOMAS CRANMERVS* (Cantuariensis quondam Archiepiscopus) vir quo nihil sol cōspexit vnquam

quam illustrius) summo illū amore, gratia, beneuolentia complexus, multis ipsum sibi beneficiorum vinculis (quibus eum astringerat arctissimis) deuinxisset, nefariæ questionī quæ vitæ integerrimi pontificis constituebatur, nō interfuit solum, verumetiam quod multò sceleratius est, & ad eius facinoris memoriā diuturnius, cum **B O N E R O** (cruento illo christianorū Busiride) crudelissimè præfuit. Quod facinus siue volens admisit, siue inuitus, necesse est omni se vituperio dignum fateatur, qui præfulem tanto honore, eruditione, prudentia, pietate præstantem, dignitatis etiam suæ authorem, & (quod caput est) innocentem, sententia sua perfidiosissimè opprimeret : illiq; qui eum omnibus in rebus fulsit, ornauit, sustinuit, cuncta (quantum in se fuit) pristini decoris insignia detraheret. Tantū autem abest vt aut temporis, aut necessitatis excusatione istius criminis labem ac

Ccc.

inuidiam

inuidiam à se deprecari potuerit, vt potius meo iudicio nominis fui famam in æternū beatissimi martyris sanguine cruentarēt. Nam quòd foedo illo atque flagitioso die lachrimas profudisse dicitur, utiq; hæ non tam testes doloris quàm cōscientiæ indices exstiterunt. Quanquam quid mirum si vel mentis angor, & cōsciētiae sollicitudo: vel nobilissimi & optimi de se meriti senis misericordia, illi qui vultum illū tum verè diuinum cōspexit, & præsens (quod aiunt) præsensem contemplaretur inuitissimo (& quod credere fas est) magnopere reluctanti, lachrymas expresserit, præsertim cū mihi istec scribenti, atque illius gloriosissimi Antistitis casum longo iam post temporis intervallo recordanti, subito exciderint. Quid enim illo homine vixit vnquam in terris sanctius? quid innocentius? quid humanius? quid omni laude, gloria, honore, immortalitate dignius?

Cæterum

Cæterum hoc nescio quo fato *Thurlbeio* contigit, ut quamvis in optimū Præfulem ingratus nimis atq; beneficiorum omnium immemor exstitisset, *MATTHÆVM* tamen *PARKERVM* Cantuariæ quoq; Archiepiscopum (in signi certè probitate virum) non minùs erga se clementem atque propitium expertus fuerit. Nam cum extincta *Maria* orbis reipublicæ subito conuersus foret, ac *Thurlbeius* dum pertinaciter nimis immanem Papæ tyrannidem tueretur, vnà cum alijs antistitibus omni exclusus honore (erat autem tum temporis Episcopus Eliensis, & defunctæ reginæ à cōsilijs) in Turrim Londinensem conijceretur, facilè à clementissima Regina quidā amici eius impetrarunt ut domi apud Pontificem esset. Vbi cum *Boxallo* (qui *Mariæ* quoq; à secretis fuit) diu certè vixit, cum interim præstantissimus Præsul in maximis occupationibus nūquam

salutis tamen illorum curam intermitteret, verum omnes ingenij māsuetudinis, & industriæ machinas adhiberet, quo animos illorum pessimarum superstitionū spinis ac sentibus expediret. Sed altis defixæ radicibus, adeò funditùs inheſerant, vt nullius certè (quod deflendum fuit) ingenio extirpari potuerint. Lamhithi obiit anno post natum Christum millesimo quingentesimo septuagesimo, in domo Archiepiscopi Cantuar. & in ecclesia Lamhithensi sepultus est.

Thurlbeio (ita vti suprà diximus) ad Eliensem episcopatum euecto, *Iohannes Hoptonus* sacræ Theologiæ professor, successit, anno Domini. 1554. De quo hoc tantum perscriptum inuenio, quòd cum annos quattuor Norwicensem rexisset ecclesiam, eodem quo *Maria* regina huius molestissimis vitæ ærumnis perfuncta obierat anno, ipse quoque repentino (vt nonnulli suspicantur) dolore percul-

perculsus interijt.

Vltimus ordine, sed meritis princeps, fuit reuerendus in Christo pater *D. Jo. Parkhurstius*, clarissimus & spectatissimus vir, qui quotquot ante illū Norwici exstiterunt Pontifices, vnus ferè omnes virtutis laude superauit. Tempore *Mariae* reginae, multa passus est, grauissimisq; iactatus periculis: ex quibus deinceps Dei clemētia, ad eam (qua dudūm fruebatur dignitatem) emerfit. Etenim anno tertio Reginae *ELIZABETHÆ*, præsul Norwicensis factus, ita vixit vt omnes in illius vita ac moribus expressā veri Pontificis imaginem intuerēt. Quanta autem doctrina, iudicio, prudentia, ingenio sit, semperq; fuerit, quā subtili, quā acuto, etsi neminē qui illū nouerit ignorare arbitrer, tamen ex illius scriptis manifestò deprehēdi queat. Obijt Norwici anno salutis humanæ suprā millesimum, quingentesimo septuagesimo quarto.

Ccc. iij.

Hactenū.

Haftenùs Vrbis initia, atq; incremen-
ta, res gestas Norwicensium, & Præsu-
lum vitas, qui Ecclesiæ præfiderunt, bre-
uiter explicauimus. Restat nūc vt (quod
ultimo nos loco facturos spondimus)
Præfectorum vrbis, quos Balliuos nun-
cupant, tum Prætorum, atque Tribuno-
rum plebis, (quos Vicecomites appel-
lant) nomina subiungamus. Quæ vbi
notis atque figuris (pro temporum rati-
one aptè adhibitis) distinxerimus : huic
tandem volumini finem imponemus.

Eodem itaque iure (vti suprà memo-
rauimus) vtuntur Ciues Norwicenses,
ijsdemque ritibus atque institutis in Ci-
uitate gubernanda sua, quibus Londi-
nenses vtuntur : Prætoremq; (Maiorem
ipsi nuncupāt) Regis permissu quotannis
deligunt : cui (quemadmodum Londi-
nensi) more per antiquo atq; solenni gla-
dius præfertur.

Diu tamen, sicuti quōdam Londinum
quoq;

quoque, cæteræq; celebriores huius Insulæ Ciuitates, Præfectos seu Vicomagistros habuere suos (nostra lingua Balliuos appellamus) cæterum anno millesimo, quadringentesimo tertio, is administrandæ ciuitatis ordo primùm immutatus est, isq; quem nunc retinent institutus. At Balliuorū nomina ne fortè delicatioribus fastidiò sint, prætereunda putaui : Prætorum verò & Vicecomitum, quandoquidem legentium plerisque (perindè vt obsoleta nimis atque plebeia) minus præbitura voluptatis existimem, breuiter summatimque, sicuti in fastorum codicillis antiquitus perscripta inueniuntur, demonstrabo.

NOMINA

NOMINA PRÆTORVM (QVOS Maiores vocant) & Vicecomitum Nor- vvicensium ab anno primo Henrici quarti ad decimum sextum Elizabethæ Reginæ.

<i>Anni Do- mini.</i>	<i>Anni Re- gum.</i>	<i>Anni Pō- tificum.</i>	<i>Balliua seu Præfectorum Urbis nomina ad .4. annos.</i>	
1379	<i>Anno pri- mo Hen. 4.</i>	<i>An. 29. H. Spencer Pō.</i>	VValterus Daniel. Rob. Dunstan. Rich. VWhite. G. Eton.	
1400	1	30	Rog. Blickley. Barth. Blackney. Tho. Gerrard. H. Skeyt.	
1401	2	31	Io. Daniel. Edm. VVarner. G. Aplyard. Gul. Euerard.	
1402	3	31	Rob. Hunwoorth. Io. Harlston. Gul. Sedman. Io. Coppin.	
1403	4	32	<i>Guliel. Aplyard.</i>	<i>Rob. Brasier. Iohannes Daniel.</i>
1404	5	33	<i>Guliel. Aplyard. 2.</i>	<i>Sampson Barker. Io. Skie.</i>
1405	6	34	<i>Guliel. Aplyard. 3.</i>	<i>Io. Harleston. Rich. Spurdance.</i>
1406	7	35	<i>Gualter. Daniel.</i>	<i>Edmundus VVarner. Rich. Drue.</i>
1407	8	36	<i>An. primo Alexādrī.</i>	<i>Ioannes Daniel. Thomas Garrard. Io. VVurlyke.</i>
1408	9	1	<i>Edmund. VVarner.</i>	<i>Thomas Partlet. Io. Bixley.</i>
1409	10	2	<i>Gualterus Daniel. 2.</i>	<i>Gualt. Mozley. Io. Manning.</i>
1410	11	3	<i>Robertus Brasier.</i>	<i>Ioannes Scotham. Gaufr. Audley.</i>
1411	12	4	<i>Gul. Aplyard. 4.</i>	<i>Ioannes Leuerech. Io. VWake.</i>
1412	13	5	<i>Gul. Aplyard. 5.</i>	<i>Rich. VWhite. Io. Grunthorpe.</i>
1413	14	6	<i>Anno pri. Henrici. 5.</i>	<i>An. 1. Ric. Courtney.</i>
1414	1	1	<i>Richardus Drue.</i>	<i>Guliel. Sedman. Rob. Luffielde.</i>
1415	2	2	<i>Ioannes Bixley.</i>	<i>Thomas Cock. Henricus Raffman.</i>
1416	3	3	<i>An. 1. Ioā VVakering</i>	<i>Ioan. Manning. Rich. Mozley. Thomas Occle.</i>
1417	4	4	<i>Henricus Raffman.</i>	<i>Ioannes Asgar. Ioan. Michel.</i>
1418	5	5	<i>Ioan. Daniel. 2.</i>	<i>Gul. Roose. Hen. Iacques.</i>
1419	6	6	<i>Gul. Aplyard. 6.</i>	<i>Robertus Baxter. Io. Cambridge.</i>

HOC anno nefandam diri facinoris societatem contra regem incunt, *Ioannes Holandius dux Excetriae*, *Io. Montacut Sarisburiensis*, *Tho. Cantij*, *Hugo Spencerius Glocestria comites*, nimirum ut regem ludorum statuto die, *Oxonij*, de improviso opprimerent, sed detectis insidijs omnes perfidia pœnas luerunt. Nam *Cantianus*, & *Sarisburiensis* ad *Cestriam* quo confugerant, interfecti sunt, Dux vero in *Estsexia* comprehensus securi percutitur.

2 *Hoc* anno atrox pugna *Salopia* fuit, in qua interemptus est *Tho. Perceius comes Vigorniensis*, qui contra regem conspiraverat: *Henricus* autem comitis *Northumbrorum* filius, multiq; alij capti ultimo supplicio afficiuntur.

5 *Hoc* anno navalis pugna fuit inter *Anglos* & *Britones*, sed *Britones* incensis ac depressis navibus panè omnibus fusi, profligatiq; sunt.

6 *Hoc* anno fuit *Monomachia* *Londini* in *Smythfield*, inter *Edmundum Cantij comitem*, & *Marrensem comitem Scotum*, quo in duello *Anglus* *Scotum* magnifice superavit.

8 *Hoc* anno *Richardus Scrup Archiepiscopus Eboracensis* capite ob initâ contra regem coniurationem *Eboraci* plectebatur, ac non ita multo post *Comes Northumbrorum*, & *Dominus de Bardolf*, multiq; alij (qui contra-ctis multis tam *Anglorum* quàm *Scotorum* millibus, regi bellum inferre decreverant) tumultuaria pugna in agro *Eboracensi* devicti, confestim capti sunt, *Eboracumq;* perducti, ibiq; capitibus mulctati.

9 *Hoc* anno tanta erat frigoris vis, ut per quindecim hebdomadas, cuncta continuo astricta gelu obriguerint.

14 *Hoc* anno rex *Hierosolymam* proficisci decreverat, verum repentino morbo implicitus, annu agens quadragesimu sextu, ex hac seculo migravit.

1 *HOC ANNO* *Robertus Stuartus*, unicus *Iacobi Regis Scotia* filius ab *Anglica* classe capitur, quo ex casu tantu pater doloris accepisse fertur, ut infra paucos dies postquam id accidisset, vehemens eum luctus ac mœror exstinxerit. Eodem etiam anno maxima pars civitatis *Norwycensis* repentinis ignibus deflagavit.

2 *Hoc* anno legati ad *Carolum Regem in Galliam* mittuntur, qui regnu *Francia* *Edoardo tertio*, ac posteris *Anglia* Regibus debitum, repeterent: verum *Carolus* adeo regem nostrum contempsit, ut per iocum ac ludibrium doliolum ad ipsum lusorijs pilis repletum per legatos suos transmiserit: cuius tamen petulantiae *Gallum* non ita multo post magnopere pœnituit.

<i>Anni Do- mini.</i>	<i>Anni Re- gum.</i>	<i>Anni Pō- tificum.</i>	<i>Maiores.</i>	<i>Vicecomites.</i>
1419	7	5	Gual. Daniel. 3.	Hen. Pecking. Io. Scotan.
1420	8	6	Rich. Spurdance.	Thom. Ingham. Rob. Asger.
1421	9	7	Gul. Sedman	Gu. Niche. Symon Cooke.
1422	<i>An. primo Henrici. 6.</i>	8	Io. Manning. 2.	Io. Gerard. Tho. Daniel.
1423	2	9	Io. Daniel. 4.	Io. VVrightus. Io. Hodkins.
1424	3	10	Thomas Baxter.	Guliel. Gray. Petrus Brasier.
1425	4	<i>An. 1. Gu. Anwyck.</i>	Tho. Inghaym.	Tho. VVeybie. Rob. Chapleim.
1426	5	2	Io. Asger.	Io. Lopping. Io. Gleder.
1427	6	3	Tho. VVetherby.	Io. VVylby. Rich. Pilbye.
1428	7	4	Rich. MoXley.	Io. Alderford. Gregor. Draper.
1429	8	5	Robertus Baxter. 1.	Gul. Iselham. Io. Sypater.
1430	9	6	Io. Cambridge.	Rob. Toppys. Io. Penningus.
1431	10	7	Tho. Ingham. 2.	Gul. Ashwel. Tho. Grafton.
1432	11	8	Tho. VVetherbey. 2.	Io. Dunning. August. Bang.
1433	12	9	Rich. Spurdance. 2.	Rob. Langley. Gul. Hempsted.
1434	13	10	Io. Garrard.	Rogerus Boten. Tho. Ball.
1435	14		Robertus Toppys.	Edmund. Breton. Petrus Roper.
1436	15		Rober. Chapleyn.	Rich. Brasier. Gualt. Crump.
1437	16	<i>An. primo Th. Brown.</i>	Io. Cambridge. 2.	Symon VValsoker. Clemens Fishma
1438	17	2	Io. VVellys gubernat.	Gualr. Eton. Io. Lingford.
1439	18	3	Io. VVellys. Custos.	Gualt Eton. Io. Lingford.
1440	19	4	Io. Clyfro. mil. custos.	Io. Brosierd. Io. Spicer.
1441	20	5	Io. Clyftron. Custos.	Io. Gosleyn. Hen. Styrmyrn.
1442	21	6	Gul. Hempsted.	Tho. Aleyn. Robertus Seygrym.
1443	22	7	Guliel. Ashwel. 2.	Io. Intwood. Rob. Alleyne.
1444	23	8	Robertus Toppys. 2.	Io. Brosiard. Rob. Spicer.

3 Hoc anno Richardus Canteburgia Comes, Dominus Scruppius, & Thomas Graius, mortem Regi optimo nefarie machinantes ad Southamtonensem portum in conspectu Regis, regni procerum, & totius exercitus, perfidia pœnas dederunt.

4 Hoc anno nobilis ad Dagincurtum pugna commissa fuit, quo in prælio flos panè omnis & robur Gallica nobilitatis interijt.

5 Hoc anno .a. d. V l. Kalendas Augusti, cum ingenti navium classe Rex in Galliam trajcit, qui quaquaversus incedit, capto omnibus urbibus, munimentis, atque castellis, Gallo fuso victoria decus mirifice propagavit.

6 Hoc anno Rotomagus (opulentissima Gallia civitas) obsidebatur, & tandem per deditionem in potestatem Regis nostri pervenit.

7 Hoc anno inter nostrum & Franciæ Regem fœdus initur: quod matrimonio Catherina (Caroli filia) qua Henrico Regi nupsit, firmatum fuit.

8 Hoc anno Catherina ad Wyndesorium castrum filium enixa est, qui patris nomine Henricus sextus appellabatur: ac non ita multo post Rex Angliæ fuit. Etenim eodem anno pater iniquo fato extinctus occidit, tricesimo sexto ætatis anno, vir omni maiestatis regia splendore circumfluens.

1 HOC ANNO Carolus Gallorum rex vita functus est, à cuius morte confestim utriusq; regni proceres Henricum sextum Angliæ regem, communi omnium consensu Regem quoque Gallia renuntiant.

2 Hoc anno Dominus Rogerius Mortimerus læsa maiestatis convictus, proditorum communi supplicio afficiebatur.

3 Hoc anno gravis incidit contentio inter Bedfordia ducem & Wyntoniensem Episcopum.

9 Hoc anno Rex Parisiis coronatur.

14 Hoc anno diem obiit supremum Dux Bedfordia, vir tam pacis laude quam belli gloria insignis, cuius morte res nostra mirifice perculsa atq; afflictæ, tandem funditus conciderunt.

17 Hoc anno ad quadriennium civitas Northwycensis libertate privata, omne magistratuum ius amisit.

21 Hoc anno restituta denuò libertati fuit: Eodemq; anno Londini ictu fulminis Templum Divi Pauli deflagavit: verum civium industria ignis celeriter restinctus fuit.

<i>Anni Domini.</i>	<i>Anni Regum.</i>	<i>Anni Episcoporum.</i>	<i>Maiores.</i>	<i>Vicecomites.</i>
1445	24	9	Io. Clyfton.	Io. Intwood. Robertus Alleyne.
1446	25	an. i. Gual. de Hart.	Guliel. Ashwel. 3.	Io. Intwood. Robertus Alleyne.
1447	26	2	Thomas Catworth.	Io. Intwood. Robertus Alleyne.
1448	27	3	Thom. Catworth. 2.	Robertus Furbusher. Io. VVighton.
1449	28	4	Georgius Draper.	Robertus Brown. Io. Droll.
1450	29	5	Thomas Alleyne.	Io. Chyttock. Robertus Machin.
1451	30	6	Radulphus Seygrym.	Gul. Barley. Io. Gylberd.
1452	31	7	Robertus Toppys. 3.	Thomas Elys. Robertus Lyred.
1453	32	8	Io. Droll.	Edwardus Culter. Io. Clerck.
1454	33	9	Richardus Brown.	Richard. Beer. Galfridus Quinch.
1455	34	10	Georgius Draper. 2.	Gulielmus Norwich. Rich. Alboon.
1456	35	11	Richard. Braſſer.	Thom. Buckingham. Io. Blunt.
1457	36	12	Io. Chyttock.	Galfridus Ioy. Io. Hunsworth.
1458	37	13	Robertus Toppis. 4.	Thomas Owdolf. Gul. Riuer.
1459	38	14	Io. Gilbert.	Gualter Godfrays. Edm. Colman.
1460	39	15	Thomas Ellis.	Rogerus Bestus. Io. Aubery.
1461	An primo Edward. 4.	16	Gulielm. Norwich.	Io. Northal. Io. Cooke.
1462	2	17	Io. Batt.	Io. Burton. Rich. Hoſte.
1463	3	18	Richardus Braſſer. 2.	Henricus Spencer. Gul. VVyllys.
1464	4	19	Io. Gylberd. 2.	Gul. Swayn. Robertus Portland.
1465	5	20	Thomas Ellis. 2.	Gualth. Fornfield. Rich. Aniel.
1466	6	21	Io. Chyttock. 2.	Io. Rooſe. Io. Beckles.
1467	7	21	Rogerus Bestus.	Io. Lawſe. Robertus Hyckling.
1468	8	22	Gualt. Fornfield.	Rich. Farrer. Thom. Veyl.
1469	9	23	Io. Aubery.	Tho. Buckingham. Gul. Peper.
1470	10	24	Edwardus Cuſler.	Io. Haruy. Hen. Owdolf.
1471	11	25	Io. Butt. 2.	Io. VVellys. Rob. Aytmer.

Regnauit Henricus sextus annos.39. Henricus quintus.9.

25 Hoc anno Anglia tota terra motu horribili contremuit.

29 Hoc anno Gulielmus de la Poole dux Suffolcia Doueria subito ab aduersarijs captus interficitur. Eodemq; anno Cantiani Ioannem quendam cognomento Caddum ducem sibi constituunt, infestisq; agminibus Londinum versus contendunt, quò cum venissent, cuncta spoliant, vastant, incendunt, diripiunt, quosdámque de Nobilitate viros (& inter illos Dominum Sayum principem totius Anglia quastorem) securi percutiunt. Nihilominus ad extremum (diuina benignitate) fusi profligatiq; dignas scelcrum pœnas pertulerunt.

31 Hoc anno ad Fanum Albani acerrima fuit pugna inter Regem & ducem Eboracensem, vbi Neuylorum (patris ac filij) Sarisberia, & Varuici Comitum virtute, atq; consilio, regia copia fusa fugataq; sunt, ac Rex ipse comprehensus.

32 Hoc anno Ars Typographica in Germania primum inuenta fuit, ars vna omnium excellentissima, cuius beneficio bonarum literarum disciplina sese per omnem panè terrarum orbem diffuderunt.

37 Hoc anno denuò ducis Eboracensis còpia ad Northamptonum cum regijs cohortibus conflixere: vbi iterum maximo pralio rex vincitur: captiuusq; Londinum ducitur.

38 Hoc anno in agro Eboracensi iuxtà castellum Middleham Regina ducem Eboracensem aggressa maximo pralio deuicit. Qua in pugna dux ipse cum Edmundo filio Rutlandia Comite interfectus fuit. Et Richardus Neuylus (pater) comes Sarisberiensis captus, aliquanto post cum nonnullis alijs capite multatur.

39 Fuestissimus fuit hic annus, & ciuili clade insignis, quaq; mirabilem in modum regni vires imminuit. Etenim duo validissimi exercitus iuxtà Eboracum inter se atrocissime depugnauerunt. Quo in certamine triginta panè millibus ex vtraq; parte interfectis, victoria tandem Edoardo Marchia Comiti cessit: qua potius Henricum dignitate regia priuauit, sibiq; principatum ascinit.

3 Hoc anno Norwyci Cathedrale Templum repentinis ignibus exustum est.

9 Hoc anno Dominus VVellys in comitatu Lincolnia tumultus quosdam concinuit, qui quidem celeriter repressi sunt, atq; is merito affectus supplicio.

10 Hoc anno inter Cantianos noui motus fiunt, qui Londino ac circumuicinis vrbibus multum damni attulerunt.

<i>Anni Do- mini.</i>	<i>Anni Re- gum.</i>	<i>Anni E- piscopo- rum.</i>	<i>Maiores.</i>	<i>Vicecomites.</i>
1472	13	26	Rogerus Bestus. 2.	Edmundus Staty. Tho. Storm.
1473	13	An. 1. Io. Goldwel.	Rich. Farror.	Io. Cooke. Gul. London.
1474	14	2	Thomas Ellys. 3.	Iacobus Goldbeter. Io. Bright.
1475	15	3	Gul. Swayn.	Tho. Cambridge. Rob. Lound.
1476	16	4	Io. VVellys.	Hamo Claxton. Robertus Cooke
1477	17	5	Io. Portland.	Greg. Clerck. Philip. Curson.
1478	18	6	Rich. Farror. 2.	Rob. Osborn. Tho. Beasfield.
1479	19	7	Tho. Buckingham.	Robertus VVellys. Tho. Philips.
1480	20	8	Io. Awbry. 2.	Rich. Gardyner. Tho. VVurth.
1481	21	9	Gul. London.	Rich. Ballys. Radulp. Est.
1482	22	10	Gul. Aylmer.	Rob. Belton. Io. Denton.
1483	An. pri. Rich. 3.	11	Rich. Farror. 3.	Gul. Rosa. Gul. Farror.
1484	3	12	Io. Cooke.	Io. Ebbes. Gul. Curteys.
1485	An. pri. Hen. 7.	13	Hamo Claxton.	Io. Tylles. Io. Swayn.
1486	2	14	Tho. Buckingham. 2.	Io. VViskins. Io. 'owel.
1487	3	15	Io. VVellys. 2.	Io. Pichamor. Io. Castyn.
1488	4	16	Tho. Beasfield.	Io. Reed. Rich. Howard.
1489	5	17	Rich. Ballys.	Tho. Cause. Nich. Dauby.
1490	6	18	Rob. Gardyner.	Nich. Cowlych. Gul. Gogoon.
1491	7	19	Gul. London. 2.	Steph. Brayn. Tho. Cock.
1492	8	20	Rob. Aylmer. 2.	Io. VVarnes. Io. Rightwife.
1493	9	21	Rich. Farror. 4.	Robert. Long. Barth. King.
1494	10	22	Steph. Bryan.	Io. Horsley. Rob. Burrow.
1495	11	23	Io. VVellys 3. } Tho. Cause. }	Rich. Brasier. Robertus Bestus.
1496	12	24	Io. Reed.	Io. Francys. Io. Pethode.
1497	13	25	Nic. Cowlych.	Greg. Clerck. Thomas Aldych.
1498	14	26	Rich. Farror. 5.	Gul. Ramsey. Thomas Hennyng.

Regnavit Edoardus quartus annos.22. Ric.tertius.2. Hen.sept.24.

11 Hoc anno inter Regem & Richardum Neuylum comite m^r Karuicensem ad Barnetum pugnatum fuit, quo in certamine Comes ipse (vir inuisitissimus) ac Ioannes (frater illius) Marchio Montacutensis ceciderunt: & Rex ipse non incruentam victoriam adeptus est. Eodem anno ad Tewksberiam infestis armis denuo concursum fuit, quo in certamine Regina vincitur, suis ferè ad vnum casis, aut captis. Eodem etiam anno Edoardus Princeps filius Henrici sexti, adolescens praestantiss. à Duce Glocestria (vt fama est) crudelissimè confoditur.

12 Hoc anno Rex Henricus in turri Londinensi, ab eodè Richardo Glocestria duce (vt constans fama est) miserrimè trucidatur.

14 Hoc anno Edoardus rex Norwycum venit, paxq; inter Angliam & Galliam paulo post facta est, quæ ad septennium duratura foret.

17 Hoc anno Dux Clarentia (imperio fratris) pessimo in omni memoria hominum exemplo Caletis in dolio (vt aiunt) vini cretici extinctus est. Cuius mortem horribilis pestis insecuta, quæ omnem Angliam quaquauer-
sus peruagata est.

19 Hic annus insignis fuit clade ciuium Norwycensium ex pestilentia lue: quæ inibi increabilem hominum multitudinem absumpsit.

20 Hoc anno mense Iulij, tanti terra motus in agro Norwycensi, totaq; panè Anglia facti sunt, vt multa in diuersis locis adificia eorum vi labefactata corruerint.

22 Hoc anno rex Edoardus cessit è vita, annum agens ætatis circiter. 50.

1 HOC ANNO Edoardus Princeps eiusq; frater (filijs Edoardi regis nuper defuncti) immanissimo scelere Richardi Ducis Glocestrensis in turri Londinensi, contrucidantur: qui eius flagitij, diritate regiam sibi maiestatem acquisiuit.

2 Hoc anno in Tyrannū cōiuratio Nobilium facta est, cuius princeps existit Henricus Buckinghamia Dux, cui ob id postea capto, Sarisberia caput amputabatur. Nobilis hic quoque annus fuit interitus Richardi, (Regis post natos homines scelestissimi) qui apud Pagum Bosworthum paullo ultra Leycestriam, in prælio contra Richmondia comitem, inter confertissimos hostes pugnans confoditur.

1 HOC ANNO nouum, & in omni sanè ætate prorsus inauditum morbi genus, per totam Angliam peruasit, (qui sudoris lues nuncupatur) dira equidem pestis, quæq; innumerabilem mortalium multitudinem exstinxerit.

<i>Anni Do- mini.</i>	<i>Anni Re- gum.</i>	<i>Anni Po- tificum.</i>	<i>Maiores.</i>	<i>Vicecomites.</i>
1499	15	<i>Anno pri. Tho. Ian.</i>	Robertus Gardyner.	Io. Randolph. Robert. Pichamor.
1500	16	<i>An. pri. Rich. Nycx.</i>	Io. VVarnes.	Gulfr. Steward. Io. Crome.
1501	17	2	Io. Rightwyse.	Rich. Sylmer. Gul. Drake.
1502	18	3	Gul. Ramsey.	Simon Reed. Io. Smyth.
1503	19	4	Tho. Cause.	Tho. VVarnes. Thomas Chaunt.
1504	20	5	Robertus Burrow.	Gul. Hart. { Io. Henry. Io. VValters.
1505	21	6	Greg. Clerck.	Tho. Large. Gul. Godfrye.
1506	22	7	Robertus Gardner. 3.	Tho. Clerk. Io. Swayn.
1507	23	8	Tho. Aldrich.	Io. Clerck. Robert. Farror.
1508	24	9	Gul. Ramsey. 2.	Ed. Reed. Robertus Broome.
1509	<i>Anno pri. Henrici. 8.</i>	10	Robertus Long.	Henricus Meir. Rob. Iannys.
1510	2	11	Rich. Brasier.	Io. Marsham. Radul. VVylkins.
1511	3	12	Richardus Sylmer.	Robertus Bell. Steph. Stallon.
1512	4	13	Gul. Hart.	Steph. Stawn. Io. Corpusby.
1513	5	14	Ioannes Rightwyse. 2.	Io. Busting. Tho. Pickerel.
1514	6	15	Greg. Clerck. 2.	Henricus Schoolehowse. Io. Terry.
1515	7	16	Io. Clerck.	Robert. Barker. { Rich. Farrome. Gul. Broome. { Tho. VVilkins.
1516	8	17	Tho. Aldrich.	Tho. Bawber. Greg. Cause.
1517	9	18	Robertus Iannys.	Rob. Green. Tho. Cory.
1518	10	19	Io. Marsham.	Rob. Hemyng. Hamo Lynsted.
1519	11	20	Gul. Hart. 2.	Io. Brown. Barth. Springswel.
1520	12	21	Io. Clerck. 2.	Nic. Syphat. Io. VVestgate.
1521	13	22	Edwardus Reed.	Tho. Moore. Robertus Haul.
1522	14	23	Io. Terrey.	Reginal. Listelpro. Gul. Norfolk.
1523	15	24	Robertus Iannys. 2.	Steph. Raynbow. Hen. Salter.
1524	16	25	Tho. Pickerel.	Rob. Leech. Io. Swayn.

2 Hoc anno Rex Henricus Morwycum venit.

3 Hoc anno ingenti denuò terra motu Anglia conquassata fuit.

7 Hoc anno natus fuit inuictissimus princeps Henricus, rex eius nominis octavus.

16 Hoc anno Arthurus princeps duxerat in uxorem Catherinam Hispania regis filiam.

17 Hoc anno mortuus est Arthurus princeps summa spei adolescens.

19 Hoc anno 10. VVindamius miles securi percutitur. Eodemq; anno ciuitas Londinum incendio panè absumpta fuit. Praterè a sidiui imbres, tonitrua, fulgura, procella ubiq; exstiterunt.

20 Hoc anno sexto Augusti & ipso die transfigurationis domini nostri in parochia sancti seruatoris Norwyci natus est Matthæus Parker in Theologia Doctor, vltimus decanus collegij de Stoke iuxta Clare, postea decanus de Lincolne. Tandem Archiepiscopus Cantuaria sub Elisabetha Regina: qua regnante, fato concessit. 17. May.

23 Hoc anno. 25. Aprilis horribile incendium Norwycensem urbem afflixit, adeò vt continuos quattuor dies funestis ignibus ciuitas conflagrauerit. Eodemq; anno quarto Iunij consimili casu denuò incensa fuit.

24 Hoc anno 10. Colettus Diui Pauli decanus, suis sumtibus magnificam scholam exstruxit in ea parte cæmiterij Paulini, qua ad orientem spectat. Eodem anno mortuus est Henricus eius nominis septimus, cui successit filius eius illustris. Henricus octavus.

1 HOC ANNO Iacobus Scotia Rex hostili exercitu Angliam inuadens, cum magna Scotorum strage profligatur. Eodemq; anno magna pars templi Norwycensis cum libris panè omnibus ac Ecclesie ornamentis combusta fuit.

5 Hoc anno rex in Gallia prosperè bella gessit, Tornacum & Turwynum oppida munitis. Vi cepit: domi verò Regina duce Comite Surrabio Scotos debellauit.

7 Hoc anno Greenwoyci nata est Maria, qua postea Anglia Regina fuit.

8 Hoc anno tanta fuit glacies, tantusq; tamque perpetuus niuium rigor vt omnia ubiq; flumina congelauerint, ac equi carriq; onusti Tamesim transierint. Eodem etiam anno fuit dira illa Dies May Londinensibus lugubris & infelix, quam & hodiè atram & infausam vulgò nuncupant.

10 Hoc anno vniuersa panè Anglia sudoris lue, & fame afflicta fuit.

Anni Do- mini.	Anni Re- gum.	Anni E- piscoporu.	Maiores.	Vicecomites.
1525	17	26	Rob. Farror.	Aug. Steward. Gul. Layer.
1526	18	27	Rob. Burrow.	Gul. Russel. Io. VVats senior.
1527	19	28	Rad. VVylkins.	Tho. Grew. Io. Clerck.
1528	20	29	Gul. Rome.	Tho. Cranck. H. Fuller.
1529	21	30	Tho. Greene.	Io. Curat. Io. Corbet.
1530	22	31	Tho. Bawber.	Tho. Naughton. Nic. Setherson.
1531	23	32	Edoard. Reed. 2.	Rich. Catlyn. Gul. Rogers.
1532	24	33	Reginal. Littleprose.	Io. Groot. Gul. hast.
1533	25	34	Tho. Pickerel. 2.	Adam. Lawe. Rog. Cosper.
1534	26	35	Aug. Steward.	Gulielmus Lyn.
1535	27	36	Nic. Syphat.	Robertus Brown. H. Crook.
1536	28	An. primo Gul. Rug.	Rob. Farror. 2.	Edmun. VVoodd. Tho. Thetfort.
1537	29	2	Gul. Layer.	Rob. Rug. Robertus Palmer.
1538	30	3	Th. Pickerel. 3.	Nic. Osborn. Io. Humberston.
1539	31	4	Nich. Sotherton.	Iacob. Marsham. { Tho. VValters. Io. Tracye.
1540	32	5	Tho. Grew.	Thomas Cod. Io. Spencer.
1541	33	6	Robertus Liech.	Felix Puttock. Io. Quash.
1542	34	7	Gul. Rogers.	Tho. Cock. Rich. Dany.
1543	35	8	Eduardus Reed.	Rich. Atee. { Gul. Morran. Tho. Marsham.
1544	36	9	Henricus Fuller.	Edmund. VVarden. Rob. Marlyn.
1545	37	10	Rob. Rug.	Rich. Suckling. Robertus Lyng.
1546	38	11	Aug. Steward. 2.	Rob. Michles. Bernard. Vdbird.
1547	An. primo Edoardi. 6.	12	Robertus Rich.	Tho. Dowling. Gul. Heed.
1548	2	13	Edmund. VVod. 2. Gulielm. Rogers. 2.	Hen. Facon. Io. Atkins.
1549	3	14	Tho. Cod.	Rich. Fletcher. Gul. Ferron.
1550	4	An. primo T. Thulbey.	Rob. Rug. 2.	Tho. Morley. Io. VValters.

Regnavit Henricus octavus annos. 36. Edvardus sextus. 6.

11 Hoc anno diluvium fuit, ad diem (quem vocant Sancti Leonardi) quod hodierno etiam die Divi Leonardi diluvium appellatur.

12 Hoc anno Duci Buckinghamia ob proditoris scelus, cervices securi incisae sunt.

13 Hoc anno Imperator Carolus quintus in Angliam venit, & à Rege nostro magnificentissime excipitur.

14 Hoc anno in Angliam venit Christernus Dacia rex.

17 Hoc anno ob religionem maximi motus fiunt in Germania.

20 Hoc anno multis in locis mortalium corpora denuò letali illo sudore diffluxere, sed præcipuè Londini.

21 Hoc anno intollerabilis illa Antistitis Romani potestas edicto regio diminuta fuit.

23 Hoc anno omnium ordinum consensu Rex Anglicanae Ecclesiae supremum caput renuntiatur.

24 Nobilis fuit hic annus ortu excellentiss. principis Elisabethae (Reginae nunc nostrae illustriss.) quæ septimo die Septembris Greenvici nata fuit.

25 Hoc anno Romani Pontificis execranda Tyrannis penitus ex Anglia profligata fuit.

Anni Do- mini.	Anni Re- gum.	Anni Po- tificum.	Maiores.	Vicecomites.
1551	5	2	Rich. Dany.	Io. Aldrich. Tho. Gray.
1552	6	3	Thomas Cock.	Rob. Norman. Io. Bungey.
1553	An. pri. Re. Maria	4	Thomas Croock.	Nic. Norgat. Io. Hovse.
1554	2	Anno pri. Io. Hopto.	Thomas Marsham.	Tho. Malbey. Gul. Mingex.
1555	3	2	Fælix Puttock. 2. Tho. Codde. 2.	Tho. Green. Io. Bloome.
1556	4	3	August. Steward. 3.	Thomas Sotherton. Leonardus Sotherton. }
1557	5	4	Henricus Bacon.	Edmund. VVolfsey. } Tho. Lyn. Io. Beniamyn.
1558	An. 1. Re. Elysabeth.	5	Io. Aldrich.	Thomas Parker. And. Quash.
1559	2		Rich. Fletcher.	Tho. Culley. Tho. Tesmond.
1560	3	An. 1. Io. Parchurst.	Robertus Michels.	Tho. VVhall. Rich. Heede.
1561	4	2	Gul. Myngey.	Rob. VVood. Tho. Peck.
1562	5	3	Gul. Ferror.	Tho. Ferror. Tho. Beomond.
1563	6	4	Rich. Dani. 2.	Chrstoph. Some. Elisaw. Bate.
1564	7	5	Nic. Norgate.	Rob. Sucklyng. Io. Gybbe.
1565	8	6	Thomas Sotherton.	Io. Sotherton. Tho. VVynt.
1566	9	7	Henricus Bacon. 2.	Tho. Petts. Io. Suckling.
1567	10	8	Tho. VVhall.	Io. VVorley. Tho. Layer.
1568	11	9	Tho. Parker.	Io. Reed. Symon Bond.
1569	12	10	Rob. VVood.	Christof. Layer. Rich. Baat.
1570	13	11	Io. Aldrich. 2.	Tho. Gleane. Robertus Gostlyn.
1571	14	12	Thomas Green.	Henry Greenwood. Edoardus Pye.
1572	15	13	Robertus Sucklyng.	Nic. Sotherton. Franciscus Rag.
1573	16	14	Tho. Peck.	Georg. Bowgeon. Tho. Stokes.
1574	17	15	Christoph. Some.	Nich. Baker. Tho. Goecke.

